

note to


1. 1/2 1. 1/2 Dec., 216 C. m.

on 1/2 1/2



Die Bild in Schönbuch

D. II. 14.



Conv. Iacobi à Bruck Ordinis
Serr. Angermunt cogn. B. A. V.

EMBLEMATA

Billi. POLITICA. collq.

Quibus ea, quæ ad principatum spectant, breviter demonstrantur, singulorum verò explicatio fusius

Conv. proponitur *Rehio, lensis 1740.*
O PUS NOVUM.

Prostant Argentine apud
Jacobum ab Heyden,
Et Colonia apud Abrahamum
Hogenberg chalcographos.
A. M. DC. XLIII.



MENS
MAGNA
TENSAT



MERITO
NON
FAVORE



IN VICTISSIMO ET
POTENTISSIMO PRINCIPI AC
DOMINO, DN. MATTHIÆ I. D. G. ROM.
IMPERATORI SEMPER AUGUSTO.
Germaniæ, Hungariæ, Bohemiæ, Dalmatiæ,
Croatia, Sclavoniæ, Regi: Archiduci Austriæ;
Duci Burgundiæ, Stiria, Carinthiæ, Carniolæ, Wirtem-
bergæ, Silesiæ; Marchioni Moraviæ & Lusatia, Comiti Habs-
burgi & Tyrolis, &c. Principi ac Domino
meo Clementissimo.

SALUTEM ET FELICITATEM.



Unus Principum quàm latè diffun-
datur; quàm sollicitè administretur; quàm in-
finitis periculis sit expositum; etsi prudentio-
res conjecturâ adsequantur, usuq; docean-
tur: Principes tamen optimè norunt, quo-
rum humeris moles tota Reipub. recumbit.
Universi enim Imperij curam sustinere: populis & regionibus
leges & jussu ponere: Unum omnibus imperitare, ac de sin-
gulorum salute sollicitum esse, nonne arduum? Majus quippe
est quiddam & divinius, ac mens humana cogitationibus adse-
qui, industria efficere potest! Quem tandem Principem cura
publici Boni, & populorum Salus tangit: tùm, ut Deo, cujus
in terrâ vice fungitur, officij sui exactam reddere possit ratio-
nem; hujusque partes omnes ritè expleat; quanta sollicitudo
mentem ejus exagitet necesse est? Jam quæ illum pericula in

P R A E F A T I O .

adminiſtratione ipſâ excipiunt? quæ discrimina non ſubit? in-
 tra palatia inſidiæ, foris aperta fraudes: non illi præſidium tu-
 tum: quippe; quos fideliffimos credit, ab iis frequentiffima Nex.
 Olim pleroſque Cæſares cruentâ morte periſſe legimus: &
 noſtra ætas (proh dolor!) ſimilia optimorum Principum exem-
 pla numerare poteſt. Romanus olim Conſul & Orator vidit &
 expertus, vitam imperantium mille obnoxiam periculis, dum
 ait: *ò conditiones miſeras adminiſtrandarum Civitatum & provin-*
ciarum! in quibus diligentia plena ſimultatum eſt, negligentia vitu-
perationum: ubi ſervitus periculosa eſt, libertas ingrata, ſermo inſi-
dioſus, aſſentatio pernicioſa: frons omnium familiaris, multorum
animus iratus, iracundia occulta, blanditiæ aperta, &c. Iſta ut
 Princeps declinet; regnumque & ſe muniat ac firmet; Pruden-
 tiâ maximè opus eſt. Hæc verò, cùm in Principes, (ut L I-
 P S I U S verè & verecundè ait,) vix cadat: Indè plurimi docti vi-
 ri priſcis & hiſ temporibus, libros ad Principatum adminiſtran-
 dum ſpectantes, conſcripſerunt: ut hiſ eos juvarent, qui ad po-
 pulos moderandos à D E O ſunt conſtituti; cùm Uſu omnia ad-
 ſequi, & experienciâ (prudentiæ fonte) addiſcere difficile, imò
 negatum ſit. Alij quidem fuſiùs; alij preſſiùs præcepta Civilis
 doctri-næ conſignârunt; quiſque tamen ad eundem finem di-
 rexit. Ægyptij Sacra & Publica notis Hieroglyphicis involve-
 runt. In Numiſmatibus veterum Impp. notas quoque varias
 videmus, quibus peculiaris eſt ſignificatio. Et hodiè Principes
 Emblematis delectari, quibus abſtruſa animi ſenſa exprimunt,
 novimus. Habet enim neſcio quam jucunditatem, cùm co-
 gitationes noſtras notis & ſignis ita effingimus vel exprimimus;
 ut tamen aliis incognitæ ſint. Utilitatem & jucunditatem, quæ
 ex Emblematis redundat; cùm pridem perſpicerem; animum
 quoque ad hæc effingenda, tùm quæ jam æri inciſa prodierunt,
 adieci. Inprimis verò anſam mihi præbuit; Publicus tot popu-
 lorum Adplauſus, cùm V^a C^{ea} M^{tas} ſuperioribus annis, Regni
 Ungariæ

Ungariæ, pòst Bohemiæ Ordinum unanimi consensu, in REGEM inuncta; tandem ad summum S. R. IMPERII fastigium, Illorum Principum Electorum concordibus suffragiis evecta fuit: ut cum Proceres & Summates Regnorum & Provinciarum, publicè sibi de V^a C^æ M^{te}, utpote Principe clemente, benigno, iusto, gloriosissimo sint gratulati, vota; pro ejusdem Salute DEO nuncuparint: privatorum verò quisque eidem Felicitatem longævam sit precatus: Ego quoque horum numero me adjungere: & notis hisce paucis, animum erga V^{am} C^æam M^{tem} humillimè devotum demonstrare volui. Cumque alij lætitiæ & congratulationis signa, donis tantâ Majestate dignis testati essent: mihi aliud non fuit, quàm exiguum hocce, quo votivam meam adclamationem, tum cultum demonstrarem. Defuit hætenus occasio eundem promendi: nec non artifex, qui notas animi exsculperet. Nunc utrumque nactus, tantò lætior ad V^æ C^ææ M^{ti}s pedes munusculum hocce depono; quantò certior sim, Reges olim vilissimas res, à vilibus sibi oblatas, non sprevisse: & quantò magis confidam, V^{am} C^æam M^{tem} pro ingentâ Serenissimæ domus Austriacæ Principum Benignitate & Humanitate, humillimum ac debitum cultum meum clementissimè suscepturam. Eccui enim major debetur, atq; V^æ C^ææ M^{ti}? quæ DEI, superni illius Regis, imago animata est; quã ipse, archetypo ex sese sumto, effinxit? Cui potissimum opellâ hanc meâ dicare & consecrare debui, quàm V^æ C^ææ M^{ti}? quæ tot Regna, tot provincias & populos moderatur? Remque publicam, tanquam Objectum amplissimum, in quo cogitationes & actiones suas ex justitiæ normâ & lege exercet? Alia quidem aliis conveniunt; Principum verò est, imperio populos regere, Benignitatem, Clementiam, Liberalitatem exercere, Justitiam administrare. His enim virtutibus DEUM, ejusque actiones imirantur & exprimunt. Atque principalem hunc finem officij regalis, hîc ex parte signare volui, si non pro-

P R A E F A T I O.

dignitate, at certè ex voluntate. Offero itaque V^a C^{ez} M^{ti} munusculum levidense; non tàm tali Majestate dignum: quàm argumento cultus, & votorum pondere grave: ut quæ V^a C^{ez} M^{tas} illud clementissimè suscipere dignetur, quâ par est submissione rogo. DEUM OPT. MAX. cujus in manu Cor Regis, porrò precor; ut Vam Ceam Mtem S. Imp. Romano, aliisque Regnis, rùm populis subjectis, Bono & Saluti, diutissimè incolumem & florentem servare, longævam felicitatem largiri, & suâ gratiâ benignè fovere velit. Argentorati Kal. Martij
ANNO M. DC. XLIX.

V^a C^{ez} M^{tis}.

Subjectissimus

JACOB à BRÜCK Angermundt
cognom.

AD

AD NOBILEM ET CLARISS.
VIRUM. DN. JACOBUM à BRUCK ANGER-
MUNDT cognom. amicum meum.
singularem.

Magnus honor, veteri deducere sanguine gentem,
Et serie longâ dinumerare patres.
Major at ingenij constipare artibus arcem,
Imbuere & variâ cognitione animum.

Maximus aeterna virtutis luce coruscum
Atq; hîc atq; alibi spargere posse jubar.
Hac tria BRUCKIADE, cûm sint tibi propria, qualino?
Te quondam dicet publica Fama virum?
Crede mihi haud vanè: Princeps mirabitur olim
Consilium, Lumen Gens tua, SLESIA Fidem.

Adamus Godfredus Bercka, Baro de Duba & Lipa &c.
F. Argentinx.

Cuncta hominum pereunt: est nec durabile quidquam.
Nil nisi Fama manet post mortem sola superstes.
Hanc quicunq; studet factis acquirere & arte;
Is verè ac merito dicetur jure beatus.
Hanc quia servasti, hanc auges, scriptisque coronas:
Inde tuum nomen, Laus, summa sub astra feretur.

Jân-Bernhard. Maltzan L. Baro à VVartenberg & Pencelin, in Alti-
litisch & Freyhan, Praefecto suo amando l.m.q. sbbt. Argenterati.

ERigitur magno Pyramis velut alta labore:
Erecta ut stabilis plurima secla manet.
Sic sudore gravi Virtutis fama paratur:
Parta semel lecti tristia fata fugit.
Non te poeniteat BRUCKI duri ergò laboris,
Quem vigil in studiis, non sine laude, locas.

Phæbus cum Musis tibi præmia grata rependet:

Et Virtus nomen celsa sub astra feret.

Te quoq; Magnates digno amplectentur amore;

NIL ULTRA, optavi, ut dicere jure queas.

Amoris & Benevolentiz ergò L. M. Q. Ephoro suo colendo. apponēbat,
Andreas Kochtitzky lun. L. B. à Kochtitz. & Lubliniecz,

Non est cujusvis Emblemata fingere docta,
Et quibus haud aliquis sensus ineptus inest.

Qualia sunt tua BRUCK, MORALIA, BELLICA dicta,

Ingenij summi pignora certa tui.

Et tamen his fingis majora, POLITICA nempè,

Egregium studij dexterioris opus.

Nec tua Nobilitas solum, nec nomen avorum

Te juvat; ast proprio Marte brabêja cupis.

Macte tuis Emblematis satis eruditus!

Sic fugies nigri lurida busta rogi.

Carolus Heinricus Czigan Baro de Slupska, &c.

eg&iacr; in Illustri Collegio Tubingæ.

AD FAMAE fanum pontem fabricare perennem,

Qui de ponte satis nobile nomen habes.

Nam Genus & Proavos, & quæ non feceris Ipse,

(Dignum ô laude virum!) propria nulla putas.

PLU SNE ULTRA venies cum perpetis ad sacra Fama?

NIL ULTRA: tibi si contigit ista, sat est.

Wenceslaus Fridericus Czigan L. B. de
Slupska. sbbt Tubingæ.

Quidquid habebat Amor cognatioque omnis Amorum,
Dulce, come, delicatum, florem.

Quidquid habebat Atlantiades & Pallas Athena,

Entheum, sublime, acutum, lucidum, reconditum:

Profus id insumptum est lepidis, BRVCKI, omne libellis,

Ferre nomina quis dedisti non iners Emblematum.

Iis centè apparent noctuque diuque Voluptas

Cumque Honore Suada, cumque. Gratiis Lubentiz:

Inque caput flores illorum Chloris abundè

Spargit, & nectar Lyæus, pomaque Autumnus patet.

Plaudit Mnemosinum populus; iuratque perennem

Gloriam his famamque Brucki musteis Emblematis.

I A N Y S G R V T E R V S.

EMBLE.


EMBLEMATA POLITICA.
AD
INVICTISSIMUM ET POTEN-
TISSIMUM ROM. IMP. AUG.

DN. MATTHIAM I.

Regem Germaniz, Bohemiz, Dalmatiz, Croatiz, Sclavoniz, &c.
Archiducem Austriaz, &c. Principem Opt. Max.

EMBLEMA I.

HOC SUSTINET ORBEM.



Ordine disposuit iusto res JOVA creatas:
Hocq³ vicem in certam convenienter eunt.
Imperij voluit populos moderamine flecti:
Huic sum obsequiis utq³ vigeret Honor.
Rite tuis Orbem CÆSAR subjecit habenis:
Ipsam justitiâ, quò moderêre sacrâ.
Ergò vive diu felix Orbisq³ DEOq³!
Protege Consiliis publica jura piis.



In ordine certo rerum naturam constare non posse, nedum Imperia, nemo, nisi amens negaverit. Ubi enim ordo non est, nec servatur: ibi Confusionem, Chaos malorum existere necesse est. Si verò oculos ad superiora attollere: si ad inferiora demittere velimus: Omnia ex **D I O P T. M A X.** sapientiâ & Consilio, suo ordine ferr & sustentari animadvertemus. *Machina perpetuo celestis ab ordine pendet.* Elementa ordine suo disposita sentimus, & videmus. Ignis superiorem locum tenet: aëriaqua, huic terra subjacet. Nox ordine diem sequitur. Veri æstas: huic Autumnus succedit: Hyems hunc mox excipit. Corpus humanum justo ordine, aptè partium inter se cohærentium constat. Qui quidem nec esse, nec conservari potest: nisi à superiore quodam instituatur, & sustentetur. In rebus naturalibus **D E U M**, Mundi & rerum in eo contentarū Creatorem, & Ordinis autorem veneramur: Sicut & in Regnis & Regibus constituendis, gubernandis & disponendis, primum motorem eundem agnoscimus. In humanis rebus, quæ vel nostrâ industriâ parantur: vel naturali necessitate cogente suscipiuntur ac instituuntur; Hominem non immeritò Ordinis auctorem asserimus: in ijs maximè, quæ ad communem Reipub: utilitatem; vel privatorum commoda spectant. Utq; hæc justè parentur, ac ordine digerantur: hic verò ut rectè procedat, eius Principem aliquem esse, necessitas requirit. Per se enim Ordo nil est, nisi ab alio juvetur. Providentiæ nihilominus divinæ suum ubiq; locum non immeritò relinquimus & tribuimus. Si regnorum conditionem penitiùs intueri velimus, ea, vi Naturæ constare, fateamur oportet. Rerum autem Natura **U N I** paret, **D E O** scilicet omnipotenti, omniscio; ac Sapientissimo, superioris & inferioris orbis Rectori. Sic partes Naturæ alias alijs præstantiores videmus. Cælum elementis imperat: hæc rebus ex ijs concretis: inter has nobiliores ignobilioribus. Si animalia spectemus, naturaliter ea ad societate ferri animadvertemus; quæ conjuncta suū Ducem & unū habent, ut Grues, Apes, & alia. **M E N S** supremum omnium virium gradum tenet. Animus est Dux & Princeps corporis, imperium habens in subjectas partes. Sic brachia manibus, crura pedibus præfunt: aliæ partes alijs; quæ ordine certo inter se connexæ, pulcherrimam harmoniam in exequendis officiis, efficiunt. Quid

Syrac. I. Unus est Deus altissimus, creator omnium, omnipotens, rex magnus, dominator Deus,

multis?

*Ordo vigor rerum, rerum pulcherrimus ordo
Conferuat, mundi machina quicquid habet.*

Ordo rerum
habet se ad
modum lu-
cis.

Proinde; DEUS OPT. MAX. ut Hominem rebus à se creatis, ut eis dominaretur, præfecit: ita sibi in eum liberum & absolutissimum reservavit Imperium: ut eius, tanquam Creatoris, & primi Motoris divinâ Majestatem suspiceremus & laudaremus: sapientiam illius adoraremus: Providentiam in gubernando hoc Universo admiraremur. Atq; ut initio autor fuit hominis: sic quoq; Ipse inter primos parentes, primam societatem instituit: quæ crescente hominum multitudine, domos, & familias plures complexa fuit. Hinc Vici, hinc Pagi, hinc Opida, hinc Urbes, Respublicæ, deniq; & Regna constituta. * Primaq; Monarchia † post diluvium apud Assyrios Nimbrodo autore, ambitioso & crudeli homine extitisse videtur. Cumq; genus humanum subinde augetur: atq; ipsa multitudo propter malitiam cordis sui in rixas, lites, cædes, adulteria, & alia vicia prolaberetur; DEUS iudices & Reges instituit, qui secundum leges à se latas, populo jus dicerent: eisq; ex præscripto divinæ justitiæ imperarent. Cæterum, ne infirmiores à potentioribus: inferiores à superioribus vi opprimerentur: successu temporis, gentes & nationes quæquæ, communi suffragio Unum sibi legerunt, virum Æquitatis & Justitiæ laude excellentem, quem Principem & Caput Reipub: certis legibus & conditionibus constituerunt. Boni cum fuere, eandem potestatem ad hæredes eorum devolverunt: hinc hæreditaria regna & successio legitima. Ac sanè, cum nulla Societas sine Præfecto; nulla domus sine patrefamiliâs, nullus populus sine Magistratu, nulla Respublica, nullum deniq; regnum sine Principe vel Rege esse, aut diù consistere possit; neq; hic benè & feliciter populum regere queat: nisi ex justitiâ & jure lites diremerit; subjectosque suæ potestati, amore paterno & benevolentia amplectatur: neq; Respublicæ tutæ, salvæque diù esse possint; si æquè Imperata, & Mandata promptè & sincerè subditi executi non fuerint: spontaneoq; Obsequio Amorem Principis sibi non promeruerint. Ideò IMPERIUM & OBSEQUIUM, tanquam summè Necessaria duo in Republicâ fundamenta totius hujus operis, sub Diadematis regij, & Apiculæ involucro præmissi: ut de reliquis facilius esset, judicium. Diadema enim Imperij symbolum est; ut & Apis Obedientiæ seu

* Justin. lib. 1.
Ioan. Thom.
Freigius in Syn-
opsis hist.
† anno mun-
di 131. Gen. 10.
vers. 8. 9.
Facit huc
Deut. 38,
Dan. 4.

Polyb. 6. Eorū
qui ex strenuis
& beneficiis
regibus natī
sunt, beneficia
continuata,
effecerunt re-
gna in cā fa-
miliā heredi-
taria.
Iosuz. 2.
1. Sam. 11.
2. Sam. 11.
1. Reg. 2.
1. Reg. 15.
2. Reg. 10.
Vide Bodin.
lib. 4. n. 461.

Ioh. Pierius
lib. 26. Hiero-
glyph.

* Dan. 4. v. 14.

Iob. 12. v. 18.

41. v. 25. Psal. 8.

* Tacit. lib. 3.
hist.

* Plin. in Pa-
nag. c. 2.

* Id cod.

* Ep. 90.

* Id. 1. de cle-
ment. 1.

Obsequij: sive populi Regi suo obsequentissimi nota est. quòd sola ex animalibus Regem habeat, quem universum apum con-
fectatur agmen, æquè atq; homines Regi obtemperantes. Cumq;
* *Deus cui vult, regna dei, atq; etiam auferat; solusq; Reges insti-
tuit, gloriâ & honore coronet.* Vult Obedientiam & Honorem eis.
à subditis præstari. Rom. 13. 1. Pet. 2. 1. Tim. 2. Tit. 3. Tacit. * lib. 3. hist.
*Obsequium in Principem, & emulandi amor validior, quàm pœna ex
legibus & metu. quoniam fidelitate & favore suorum fortius aut tu-
tius nihil habet.* * *Neg, diligi Princeps, nisi ipse diligat, potest.*
Cumq; Amor & Obsequium privatos quosvis jungat: quis hæc
duo tam Principi, quàm Populo admodum necessaria, ad felicem
utriusque statum formandum negaverit? * *Bonus Princeps* (ut
eum populus revereatur) *omnes muneris sui partes armet, & dili-
genter obeat: nullas verò aspernetur.* Nam qui suum munus dedi-
gnatur, contemptibilem se præstat: & idolum, non Princeps cense-
tur. Huc pertinet illud Senecæ: * *Natura est, potioribus
deteriora submittere.* Mutis quidem gregibus, aut maxi-
ma corpora præsent, aut vehementissima. Non præcedit armenta
degener taurus; sed qui magnitudine ac toris cæteros mares vincit.
Elephantorum gregem excelsissimus ducit. Inter homines pro summo
est optimus. Animo itaq; rector elegebatur. Ideoq; summa felicitas
erat gentium, in quibus non poterat potentior esse, nisi melior. Et
post. Officium erat imperare, non regnum. Nemo, quantum posset,
adversus eos experiebatur, per quos cœperat posse. * *Idem.* Unum
est inexpugnabile munimentum, amor civium. Cic. 2. Philip. Cari-
tate & benevolentia civium septum esse oportet, non armis. Inscri-
pti oportet statum & felicitatem Reipub: demonstrat. quoniam.

Obsequio populi; & Regum Respublica jussis,

Ritè ac prudenter cum sit utrumq; viget.

Jul. Cæsar apud Dion. lib. 41. *Natura duas necessarias res, easdemq;
salutares humano generi comparavit: ut alij cum Imperio essent: alij
ei subicerentur: nihilq; esse dixit, quod citra hæc, ne minimo quidem
queat spatium perdurare.* * *Plutarchus.* Theopompus Lacedæmonio-
rum Rex, affirmanti cuidam, propterea Spartam salvam & incolu-
mem esse, quòd Regibus uteretur imperandi gnaris: Immo inquit,
& civibus, & populo Regibus obsequente. Quamquam revera ex alte-
ro alterum fit, atq; utrumq; immutatim se continet.

* In Politicis.

POLITICA.
A D
EANDEM Sam. Cam. M^{tem}.

EMBLEMA. II.

FATUM VOTA BEET.



EN Regni summo circumdata Laurus honore,
Surrigit excelsas fronde virente comas!
Huic decus Impery, sacrata Corona recumbit;
Legibus & dextrâ hanc contribuentem DEI.
Rex radios nuper duplici diadema cinctus;
Ungara quod tellus, quodq; Bohema dedit.
Si quid vota valent, & habet sua pondera Fatum;
Debetur meritis, Impetiale, tuis.

Num. 17. v. 16.
 Provideat
 Dominus Deus
 spiritum, homi-
 nem, qui sit
 super multi-
 tudinem hanc.
 Osee. 8. Ipsi
 constituunt
 reges absque
 me, & Prin-
 ces assumunt,
 & cognovi.
 Vide Syr. c. 17.
 & Apost.
 Rom. 13.

S Acris literis & profanis docemur, DEUM OPT. MAX. signis quibusdam certis, voluntatem suam in Regibus & Ducibus populo suo eligendis, & constituendis declarasse; quemadmodum in Mose, Josuâ, Davide, Samuele, Salomone, alijsq; pijs & probis Regibus apparet: ut certò constaret, Imperia à solo DEO constitui: Regesq; bonos ac Sapientes; sæpè etiam ob peccata populi, malos regnis præfici atq; dari: quò gentes ac populi eum solū Regem regum, & supremum Dominum agnoscant; qui regna, cui vult, tribuat: & cū vult eisdem eadem auferat: cordaq; eorum, quò vult, impellat. Tūm, ut suam immensam Sapientiam veneremur, & Providentiam celebremus; qui non tantū Regna & Imperia, (quæ propter Ecclesiæ suæ pacem colendam: & humanæ societatis, legibus honestis, justitiâ & disciplinâ morum, conservationem instituuntur) solus firmet: pro suâ liberrimâ voluntate firmata frangat, fracta solidè erigat, erecta deiiciat, dejecta suâ potente manu elevet, sustentet, defendat, & contrâ vim quamcunq; fortiter tueatur: Sed & Principes & Magistratus prudentes excitet, summâ sapientiâ ornet; motusq; peculiares, & supra aliorum hominum conditionem singularia dona tribuat: ut Populos & Republicam piè, justè, prudenter, fortiter gubernent: DE I gloriam promtè promoveant, ac constanter; utilitatem & commodam Reipublicæ citra sua, quærant & augeant: nihil deniq; cogitent, agant, faciant & moliantur, quod ad publicam felicitatem spectare non videatur. Cujus certè Providentiæ divinæ exemplum manifestissimum Respublica Christiana agnoscit; dum ex Augustissimâ & florentissimâ domo Austriacâ Imperatores Romanos XI suscitavit. Hispania Regem nunc potentissimum IIII. Bohemia VII. Ungaria VI. ex eadem stirpe colit. Quæ stirps, inquam, sæcundæ arboris instar, nunc in tantum excrevit: ramosq; & ex his fuculos latè se diffundentes tantos produxit; ut totius Europæ regna & Principatus inumbrent. Ac vix Imperatorum, Regum & Principum Christianorum ullam recenseas familiam, quæ domui Austriacæ vel consanguinitate: vel affinitate, aliâque cognationis & agnationis necessitudine & vinculo non sit juncta! Quid de Potentiâ ejusdem; de Amplitudine regnorum, alijsq; externis Majestatis adjunctis dicam? quid de fœderatis populis eum illâ? quid de insignibus

insignibus ex variorum bellorum conflictu victorijs, quas Austriaci reportarunt? quid de antiquitate stirpiseorum commemorem? PHARAMUNDUM certè (ut scriptores notarunt) Anno Christi 420. Regem Gallix creatum scimus, unde illis origo: à quo tempore annus præsens 1617. nunc currit 1197. & ut alij calculo probant, Domum Austriacam jam ultra an. 1300. durasse. quod singularis divinæ benignitatis maximum argumentum apparet: cum plurimæ familiæ, non secus ac fructus maturi de arbore in terram spontè cadentes, in ipso flore conciderint; quarum vestigia, vix etiam nomina nunc supersint, aut audiantur. Sic vir quidam doctus notavit, intra 130. annos, Principum & Nobilium familias 57. absq; prole & hærede interiisse. Et meâ, licet juvenili ætate memini, aliquot celebres familias viam lethi iniisse. Nec est, quod miremur ita fieri! Tùm, quòd ** earebus humanis est indita facies: ut in omnibus sit continuatùm generatio, tùm corruptio.* Ita ** Respublica & Familia, quarum ut initium, ita finis est, crescunt, augentur, mutantur, decrescunt, intereunt: sive id fato; sive naturæ quadam institutione fiat, quæ omnia à se producta, invertit, & certis temporum intervallis disperdit.* Et ut Seneca ait: *Indicium est imminētis exitij maturitas, & appetit finis, ubi incrementa consumpta sunt.* Ordo sanè in Imperijs, ut & in rerum naturâ, sine dubio est opus DEI. Et à DEO sunt, tùm boni ac præstantes, humanoq; generi utiles Principes: tum felix ac salutaris gubernatio. Hinc Reges Jove editi, & Jovis alumni à Poëtâ nuncupantur: quod ab eo (sed DEO vero) Imperium habeant. Imò eos instar DEI esse Tacit. ** ait: & quicquid dominatur vim habere DEI:* qui eos Palmæ vel Lauri instar florere: ac justo tempore surculos ac fructus producere facit: ut eorum commodis, ac suavi dulcique sapore Justitiæ, Clementiæ aliarumq; virtutum, Respublicæ & populi juventur. Quarum ex rerum consideratione Emblemata præsens, cum V. Cæs. M^{tas} in Regem ** Ungariæ, & paulò post * consentientibus Ordinibus regni, in Bohemiæ Regem Pragæ inuncta fuit, effinxi:* Coronas sc: duas, arborem cingentes. Tertiã verò manus protensa de cælo, arbori imponere videtur. Arbor autem (domum Austriacam intelligo) Laurus est; signum sive Triumphi & Victoriæ; sive Vaticinij, ex quadrato lapide vel cubo exurgens: qui

Vide Emblemata 37.

* Aristot. lib. 12. de Generatione & corruptione. c. 10.

* Ioh. à Chok. thesaur. poet. aphor. lib. 6. c. 12.

* 3. Anna.

* Ann. 1608. Pofonii 19. Novem: * Anno 1612. 23. Maii.

qui stabilitatem & firmitatem notat: ut scilicet solidis Virtutibus, quibus V.^a Cæſa M^{tas}, & tota domus Austriaca, celebris est, (nempe in DEUM Pietate, Sapientiâ, Prudentiâ, Fortitudine, Iustitiâ, Clementiâ maximè, Mansuetudine, Benignitate, Libertate & Humanitate) talis Honor & Imperatoria Majestas meritò debeatur: ut certè deberi ac conferri Respub: Christiana pijs votis exoptavit. Quæ cum jam Fatum, id est, Providentia divina fausto & læto eventu beaverit: est sanè de quo gratias agamus, illumque celebremus; qui talem arborem nobis suffecerit languidis; cujus sub Umbrâ divinus cultus exerceri, virtutes propagari, publica & privata bona augeri, Pax sancta coli, Charitas & Amor populorum conservari tutò possit! DEUM porrò rogamus, (quo volente, jubente, conferente, Imperium V.^a Cæſæ M^{ti} unanimi S. R. I. Electorum consensu collatum est,) ut eandem suo scuto salutis & præsidio, adversus hostes quosvis juvet, tegat, defendat. Nam

• Psal. 91.
Paraphr. Ioh.
Mai.

* *Quis sub presidio latet altæ regis Olympi,
Seq, sub inductâ tenet umbra, & tegmine fido
Numinis, invictâ quod sustinet omnia dextrâ:
Ille animum haud ullis dejectus casibus, insit
Ante DEUM: Mea spes, mea propugnacula, & unum
Numen: in hoc firmo, mea spes se firma tenebit. Sc.*



POLITICA.


9

A D

EANDEM Sam. Cam. Mtem.

EMBLEMA III.

CONSILIO SORS TUTA DEL.



Hoc erat in fatis CÆSAR nunc MAXIME, tandem
Imperij caperes munera summa sacri!

MATTHIA DONATE DEO, feliciter Orbem

Pace regas; Urbem mitis amore fove!

Ut vireat, vigeat tutò, Te Vindice, pura

Religio, Pietas, Pax, Amor, alma Fides.

Et Patri, Fratri, Patruis, Proavis, Atavisq;

Par sis: AUGUSTIS adnumerare PIIS.

C

Post

Anno 1173.
12. Octob.

Vide Vehicu-
lum humanæ
vitæ Pythago-
ricum, Henri-
ci Cnaustini
I, V, D.

Post diuturnum illud, & grave, totiq; Imperio Romano exi-
tiale Interregnum, quod annos XVII duravit: Imperij
Rom. potestas & Gubernatio, ad RUDOLPHUM COMI-
TEM HABSPURGENSEM, quando ingenti cum exercitu in ca-
stris ad Basileam esset, non sine singulari Providentiâ & Consilio
DEI, nec non omnium Electorum concordii suffragio devoluta
fuit. Idque ob singularem ejus animi magnitudinem & præstan-
tiam, bellicamq; Fortitudinem, quam toties in Syriâ, alijsq; bel-
lis summâ cum laude & honore confectis, probavit, adeo; ut ex
hostibus suis XIV victorias reportarit: atq; inde Victoriosus
appellatus fuerit. Id quoq; fato cuidam adsignandum non imme-
ritò quis dixerit; quòd idem XIV liberos procreavit, ex ijsque
VII masculos, & VII fœmellas; qui numerus septenarius aliâs
sacer & mysticus vocatur, propter multiplicem potentiam, quam
in rebus tùm sacris, tùm profanis & naturalibus habet. Appel-
latur enim Septenarius iste numerus, ut obiter hîc dicam, Vehi-
culum vitæ humanæ: à Pythagoricis, Virginitatis numerus dici-
tur. In sacris vocatur numerus juramenti. Item beatitudinis &
requiei. Item, Pœnitentiæ ac remissionis: dicitur & Libertatis
numerus. Nuncupatur insuper ultionis numerus: ut planè affir-
mârim, peculiari divinâ voluntate, S. Rom. Imperij Majestatem,
ad Domum Austriacam pertinere oportuisse: ex quâ tot Insignes
Bellatores, ac magnanimi Heroës Reipub: Christianæ bono pro-
dire debuerant. Ut Majores V^a Cæs^a M^{tas} hîc non commemo-
rem, quorum laudibus impar tenuis stylus meus est. CAROLUM
V. Imp. Rômanum tantùm adducam, in cujus nativitate & fe-
licitatem Cœlestia numina & sidera conjurasse & conspirasse cer-
tum est: ut eodem tenore, ad extremum ferè vitæ exitum Divinæ
gratiæ & benignitatis argumenta & documenta; nec non fortu-
næ secundæ blandimenta sit satis expertus: à quo hoc novo seculo
V^a Cæs^a M^{tas}, quintum in Imperatoriæ Majestatis folio locum,
continuâ electionis successione tenet. Natus is est Anno 1500.
& quidem Jubilæo, die 24. Februarij, Gandavi Flandriæ Metro-
poli, anno post CAROLUM MAGNUM (qui religionem Chri-
stianam in Germaniæ oras primus invexit) Imperatorem renun-
ciatum, Septingentesimo; quod & singulare noto, propter nume-
rum

rum Septenarium. Eodem anno & Solymannus Turcarum Imperator, ut quidam notârunt, est natus. Quemadmodum autem utriq; idem annus Nativitatis: ita idem mensis September occassus fuit. Uterq; etiam à magnis Victorijs Imperium suum auspiciatus. Solymannus enim Taurino primùm, mox & Rhodo expugnatis: demum LUDOVICO HUNGARIÆ REGE ad Mohaczum interfecto, Imperium Mahumetanum auxit. CAROLUS V. Francisco rege Galliarum, die suâ natali victo* & capto, insignem laudem reportavit. Quid dicam? quòd alijs victorijs insignibus, de hostibus obtentis; * Pontifex MAX. & Gallus, & Bohoniæ postea Franciscus Sfortia, & Veneti pacem ab eo supplices petierunt? Compositis Italix rebus, in Germaniâ motus compevit. Hinc Viennam, ut Turcas ingentibus copijs in Germaniam irruentes arceret, rectâ descendit: cuius adventu *Solymannus* territus, *Virtuti & felicitati ejus cedere, ac in Thraciam regredi maluit, quàm spe dubiâ victoriam tentare*, quod ipse dixit. Hinc in Africam profectus, ad Tunetum acerrimo prælio Turcis profligatis, multa millia Christianorum liberavit. Tanta rerum benè gestatum felicitas, omen illud dubio procul, secuta est; quod I. SABELLA, Ferdinandi Regis Hispaniarum conjunx, ejus Avia, conceperat; cùm ipsi nunciatum esset, eum die S. MATTHIÆ sacro natum; Sortē super Matthiam cecidisse, statim protulit, nec eam fefellit. Diem enim istum ipsi per omnē vitam faustū & felicem fuisse observatum est. Nam & hoc die Aquisgrani Imperiale Diadema accepit: & de Francisco I. Rege Galliarum, ut dixi, victoriam obtinuit. Si porrò ea tempora consideraverimus, quæ eum exceperunt: quàm turbulenta, & bellicis tumultibus plena fuerint: quæ porrò temporum felicitas secuta sit; mirari satis non poterimus, quæ, & quanta sit divina Clementia ac Providentia: nec non in rebus humanis; atq; adeò Imperijs firmandis, mutandis, convertendis & evertendis ac erigendis liberrima voluntas: sed omnia singillatim recensere, ac demonstrare prolixum foret. Qui mentem & oculos ad omnia tempora direxerit, facile animadvertet; *Seculum quodlibet novi quicquam in Imperiis & rebus producere, Sive; Centenarios annos, aut eis proximos, tàm præcedentes, quàm subsequentes mutationibus maximè obnoxios esse.*

* Anno 1559.
Kal. Feb.

* Clem. VII.

Notavit in
hâc rem quæ-
dam Ioh. à
Cholcjer thes.
polit. aphor.
lib. 6. c. 1. quæ
vide.

Anno 1593.

Anno 1606.
 Pacificatio
 Pannonica
 cum Turca
 facta.

Sub finem fermè præteriti Centenarij, Bellum Ungaricum satis acre & diuturnum inter Rom. Imperatorem RUDOLPHUM II. fratrem & antecessorem V^{re} Cæs^{re} M^{ajestatis}, a. m. & Turcam inchoatum fuit; duravitque ad annum usque hujus novi seculi sextum. Motus sanè magni & terribiles in Imperio Romano gliscientes, in flammam & ruinam Germaniæ, & vicinorum quorundam regnorum damnum evasuri nuper credebantur: sed DEI Providentiâ, ac Procerum vigilantia, Prudentiâ, sedulitate & Fidelitate adeò remoti videntur; ut sub Imperio V^{re} Cæs^{re} M^{ajestatis} Pax diuturna, & omnia tuta ac salva ceitò sperentur. Maximæ præterea divinæ benignitatis argumentum est erga Rom. Imperium, quòd in turbis & intestinis Procerum quibusdam dissensionibus, Respublica Christiana, non secus atq; in mari agitata navis, V^{re} Cæs^{re} M^{ajestatis} tanquam Anchorâ firmâ, salva mansit: navisq; ad portum aureæ & desideratissimæ pacis sit deducta: tempestatesq; omnes tranquillitatem publicam turbantes sint sopitæ. Quam sanè Anchoram nisi DEUS ipse jecisset, suâq; omnipotenti dextrâ & sapientiâ sustinisset: dubio procul Navis, hoc est, Respub: Christiana naufragium aut damnum insigne passâ fuisset. Verumenimverò, cùm IMPERIA sint DEI OPERA: divinitusq;, sapientes, magnanimi, concordēs, & felices Principes excitentur; Consilio & auxilio divino instruantur & adjuventur: Nemo est eorum, quos mediocris cura rerum publicarum & commodorum tangit, ut certè omnestangeere debet: qui V^{ram} Cæs^{arem} M^{ajestatem} Reip: Christianæ Caput summum, Anchoram in tempestatibus sacram, Præsidium Bonorum gratus non agnoscat. Divinâq; providentiâ & Sorte, Universo Orbi Christiano esse datam, meritò fateatur: utque porro ille, cujus nutu Respublicæ Reges & Imperia, & tota rerum Universitas gubernatur, V^{ram} Cæs^{arem} M^{ajestatem} suâ gratiâ regat, defendat, sustentet, Consilia Reip: salutaria suggerat; & eandem felicitatem, quam ex omine Nominis ac diei concipio, divinitus largiatur, eâ, quâ debeo animi erga DEUM, & V^{ram} Cæs^{arem} M^{ajestatem} devotione precor.

TYPUS SERENISSIMÆ ET
AUGUST. DOMUS AUSTRIACÆ
EMBLEMA IIII.

ULTERIUS NE QUÆRE VIAS.



Flxa velut rupes mediis in fluctibus, alto
Culmine longinquum conspicienda venit.
Sic domus Austriadum PHARAMUNDI stirpe resecta,
Romulidum superat laude & honore genus.
India & Europa, Afer, Sardus & Insaber, Hunnus,
Est quod in Eois Occiduisq; plagis.
Illius Imperio jam pridem paruit, ultra
En vix quò factis progrediatur, habes!
Salve Augustorum genitrix, qua vertice Olympum
Tangis, & Imperij luce coruscanites!
Salve perpetuum, tua luxq; decusq; micabit,
Rupes donec eris: Sol quoq; donec eris.

QUod Vaticinium olim de Româ totius mundi Dominâ, ipso eventu verum & felix tale fuisse legitur:

ROMA TUUM NOMEN TERRIS FATALE REGENDIS:
Idè & de domo Augustissimâ Austriacâ affirmari potest. Romanæ enim Reipublicæ, ejusq; Majestatis augmentû & fastigium quale esse debebat, Anchisen filio suo Æneæ prædixisse Virg: scribit.

Virgil. lib. 6.
Æneid.

*En hujus (Romuli) nate auspiciis, illa inclita Roma
Imperium terris, animos æquabit Olympo:
Septemq; una sibi muro circumdabit arces,
Felix prole virum. & paulò post:
Excudent alij spirantia mollis era &c:
" Tu regere Imperio populos Romane memento,
Hæ tibi erunt artes, paciq; imponere morem,
Parcere subjectis, & debellare superbos.*

Autor in de-
scriptione Ge-
neal, Austr.

Quod si & omnibus aliqua fides tribuenda est, ut tamen tribuendam, (dummodò superstitione abfuerit,) dixerim: jam pridem certè eventus omen & votum illud comprobavit, quod FRIDERICUS II. AUSTRIACUS (quem insignem Mathematicum fuisse scriptores tradunt) fecit: illudq; Viennæ, cùm ad mensam sederet, in pariete manu propriâ, in hæc verba consignavit. AUSTRIA ERIT COR ET CLYPEUS IMPERII. quo innuere voluit: ex stirpe Austriacâ tales Principes nascituros, qui Prudentiâ suâ & Consilio; (quod ego per Cor interpretor, cùm inde proficiscatur,) nec non Fortitudine, Imperium Romanum tutarentur, juvarent & augerent: ut non minùs verè, de hac florentissimâ & celeberrimâ domo, canam, quàm Anchises olim de Româ.

Rudolph.
Comes de
Habsburg.

*Auspiciis RUDOLPHE tuis, stirps inclita gentis
Austriacæ, Imperium vastum diffundet in orbem.
Excedet terras factis, æquabit Olympum
Perpes honore suo condens sub nubila nomen.
Una sibi sedem medio telluris in orbe
Augustam diâ cum Majestate locabit,
Caesaribus multis felix, invictaq; bello
Hoste triumphato, sacra ad delubra Deorum,
Victrix insignis, spoliisq; superba feretur;*

Ultra

*Ula DEI nomen temeratum à gente profanâ.
 Hac est ipsa, dari sibi quam summo athere gaudet
 Gens pia Christiadûm; PHARAMUNDI è stirpe profectam!
 Aurea quæ pacis, quæ Libertatis avita
 Romano Imperio, & Germanis secula condet!
 Quæ Mauros ultrâ, super & Garamantas & Indos,
 Pannonas & Siculos: & quâ Tagus, aurifer amnis,
 Divesq; exonerat rutilas Pactolus arenas,
 Proferet Imperium: legemq; imponere sacram
 Gentibus ac populo crudâ feritate rigenti
 Debebit: mitemq; piis moderetur habenis!
 Induperatores, Reges, clarosq; Heroas
 Quæ longâ serie, generoso è sanguine cretos,
 Et belli & pacis numerabit honore celebres:
 Quorum sub pedibus, quâ Lux Phœbea recurrens
 Aspicit Oceanum magnum, vertiq; regiâ
 Effusi populi longè latèq; videbunt. &c:*

Americani

Si itaque incrementa, quibus ad tantum fastigium & culmen Honoris domus Austriaca evecta fuit, recensere: si merita ejusdem in Rempub: Christianam commemorare: si denique singulorum Principum, Regum, & Imperatorum, qui ex stirpe hac Austriacâ prodierunt, egregiè facta & Virtutes Heroicas enumerare deberem: Vaticiniumque illud, per partes suas, ad hoc usque tempus impletum esse, ostenderem, citiùs me sanè dies, quàm res deficeret. Extra omnem autem controversiam statuendum; nullam Principum familiam, (quod pace ipsorum dictum velim,) umquam tot Regibus, tot Imperatoribus celebrem fuisse, ac Austriacorum. FRIDERICUS III. Symboli loco has quinque literas quoq; usurpasse scribitur: A. E. I. O. U. quas alij sic explicarunt. AUSTRIA EXTENDITUR IN ORBEM UNIVERSUM. Alij verò sic: AQUILA ELECTA JUSTE OMNIA VINCIT: Quocunq; sensu quis intellexit: eventum tamen felices est comprobata. Sic & Elector Archiepiscopus Moguntinus in Electione ALBERTI II. votum simile ac Vaticinium super jam electo Imperatore pronunciaffe scribitur: DEUS domum Austriacam propagatione & gratiâ suâ conservabit,

Reusner. in
 Symbolo Fri-
 derici III.
 Austriaci.

conservabit, usque ad finem mundi, ut Palmam, quæ nunquam
 arefcit, quò sub ejus umbrâ Orbis Christianus pacatus esse possit:
 postea id quasi confirmans Archiepiscopus Trevirensis Elector,
 votum quoque suum adjecit in hæc verba: Domus Austriaca
 in universum Orbem extendetur. Cujus rei conditione
 Emblema hoc effinxi: Typumque Augustissimæ Domus Au-
 striacæ esse volui: ac universis & singulis ex florentissimâ hac
 stirpe natis Ducibus, Archiducibus, Regibus & Imperatori hu-
 millimè dicatum & consecratum ac gratum cupio. Rupis enim
 solidæ instar est in vasto hoc mundi Oceano, caput inter nubila
 condens: quæ tam famâ rerum præclarè gestarum, quàm Virtu-
 tibus Heroicis Solis instar universum orbem illustrat: cujus quo-
 que radij undequaque sparsi, singulos ex hac domo genitos Prin-
 cipes, clariores reddunt. Utque porro D E U S O P T. M A X.

ad finem usque mundi propagatione & consecra-
 tione eos augeat, seridò voveo!



AD ILLUSTRISSIMUM ET

POTENTISS. PRINCIPEM ET DOMINUM,


DN. FRIDERICUM V. Comitem Palatinum ad

Rhenum, S.R. Imp. Archidapiferum, &

Electorem, Ducem Bavariæ, &c.

EMBLEMA V.

NON CEDAM GRAVIBUS.



U*T magis imposito firmatur pondere, quando
Erigitur latâ Celsa Columna basi.*

Sic altas mentes generoso in corpore fixas,

Non oneri Imperij cedere velle decet:

Quin magis obniti summo conamine, ne fers

Hac nutante, simul machinata tota ruat.

Te incolumem Imperij columen PRINCEPS Jova servet;

Stes longum ut populis firma COLUMNA tuis.

D

Grave

GRave onus humeris suis impositum sustinet Princeps, cui à DEO OPT. MAX. populorum salus commissa, & in eos Imperium divinitus est collatum: sive id successionem hereditariâ, sive Electionem ad eum devolvatur. Nam, præter quod DEI vice in terris fungitur, qui justissimus est bonorum retributor: malorum autem vindex severus: Quanta ei opus est prudentiâ, ut Bonis præmia, malis autem pœnas, pro facti crimine imponat? Cùm * *vita necisque gentium arbiter sit*: quo iudicio necesse est valeat? ne in condonandis peccatis largior; in servando integritatis vitæ bono remissior censeatur. Cùm, *qualem quisque sortem statumque habeat, in manu suâ positum sit*; quæ solertia requiritur? ut felicem civibus suis conservet: aut pro personæ dignitate, factive ratione eundem mutet; vel in melius provehat. Cùm res regni, & privatorum bona suæ potestati sint subiecta, eaque Imperio possideat, quæ diligentia & fortitudo desideratur? ut salva cuique præstet ac conservet: ne vel avaritiæ in extorquendis ijs, vel socordiæ in defendendis arguatur. Cùm *ex suo responso latitiæ*, addo & doloris causas, *populi, urbesque concipiant*: quâ eum curâ affici oportet: ne, omnes unius voce turbati, animum abjiciant? utque abjectum læti & alacres recolligant? Cùm *nulla pars usquam nisi volente propitiorque ipso floreat*: quam industriam ille non ponat in felici populi statu conservando? ne os for publici boni & commodorum, aut vastator felicitatis publicæ accusetur. Cùm tandem ejus sit Jurisdictionis, *quæ urbes oriri, quæ rueri debeant? Ex cuiusque nutu tot millia gladio-rum stringantur, urbes & pagi diripiantur, homines occidantur*; quâ Mansuetudine & Clementiâ eum præditum esse oportet? ne ostentandæ per terrores potentiae causâ Crudelis, aut Tyrannus perhibeatur. Ac, ut brevius dicam: Cùm Princeps sit quasi Deus terrestris, ad quem omnium oculi & vota diriguntur, à quo salus universorum dependet: qui (ut * l. Lips. ait) *unus pluribus præest, qui leges & iussa ponit, maria, terras, pacem, bella moderatur*: quanta moles, plus quàm Ætnæa, negotiorum, humeris ejus recumbat, quis non videt? quæ Integritas præstanda? quæ

* Sen. 1. de
Clem. 4.

* In Prolog.
ad Politicâ.

quæ diligens cautio adhibenda? ut apud DEUM exacti & præstiti officij, rationem deponere: ac se in conscientia sua tutum & securum reddere queat? Atque ut in administrandâ Rei summâ difficile est omnibus placere; Ita divini muneris & benignitatis certissimum argumentum, difficultates sufferre æquo animo posse. Princepsque ille jure laudandus est; qui curam Imperij propter onus, non abiciens, constanter officij sui partes exequitur: qui quoque in tanto rerum fastigio, & vitæ licentiâ collocatus, infinitæ suæ potentia & cupiditati fines præscribit: duasque has res (cum * Lipsio loquar) diversissimas, Potentiam & Modestiam miscet: ut hac ratione si non omnibus placere; saltem optimis non displicere videatur. Tot autem ac tantis in Repub: rebus, causis & negotijs ritè exequendis, disponendis, finiendis quis sufficiat? nisi divino auxilio adjutus, Animum Virtute illâ in perferendis laboribus non succumbente, instructum habeat, CONSTANTIA scilicet. quoniam

* Vide quæ scribit, lib. 2. Polit. c. 15, & in notis.

Nulla deest Virtus ubi tu CONSTANTIA præsens.

Hæc ubi domicilium suum in mente Principum ac Heroum fixum habuerit; gravissimi quique labores, curarum onus, & molestia, levissima reputabuntur. Ac quemadmodum maximis ædificijs Columnas & fulcra adhiberi, & substrui videmus: ne propter molis magnitudinem, & onera quæ sustinent, gravitate & pondere corruant. Et veluti * *Columna, quæ recta stat, pondere imposito magis firmatur*: Sic à Principibus Consiliarij fideles, & periti viri adhibentur, in Imperij negotijs gravissimis & difficillimis, qui partem aliquam curarum, & tantæ molis in se recipiant: vastumque hoc atque amplum ædificium, (ut Imperium * Carol. I V in aureâ bullâ, Electores verò Principes, ipsius Imperij Columnas & latera vocat,) consilio suo sustentare juvent, fulciant, atque à ruinâ conservent: Sic altas quoque illas mentes Principum, & ad sublimia erectas, oneri Imperij, suis quasi humeris recumbenti non cedere, sed obniti: non succumbere, sed fortiter & constanter in Reipub: perferendis molestijs, sese erigere decet. Nam, ut non sine certâ causâ columnæ & pedamenta ædi-

* Lipsius præfat. in lib. de Cruce.

* c. ult.

* Aurea bulla.
ibid.

ficijs vel rebus alijs adstruuntur: ita in Imperij negotijs molestissimis & gravissimis, Consiliariorum fide opus est ac labore. Sic enim comparatum videmus, ut iterum verbis *Karoli IV loquar. *Ubi majus incumbit periculum, majus debet remedium adhiberi. Neve columnis ruentibus, basis totius edificij collidatur.* Quapropter Emblemate hoc C O N S T A N T I A M exprimere volui, cum inscriptione, N O N C E D A M G R A V I B U S. Congruit *Senecæ. *Valentior omni fortuna animus est.*

* Epist. 99.

* Id, Epist. 75.

Et *alibi. *Quod rectum est, nec magnitudine aestimatur, nec numero, nec tempore. &c.*




AD

AD ILLUSTRISSIMUM ET POTENTISS. PRINCIPEM AC DOMINUM,

DN. JOAN. SIGISMUNDUM, Marchionem
Brandenburgensem; S. Rom. Imp. Archi-
camerarium & Electorem, &c.

EMBLEMA VI.

SUO ÆRE CENSETUR.



PAnnus quo vestitur Honos & Gloria Regum;
Metiri Ratio, non brevis ulna potest.
Splendidus est gemmis; precioso fulgidus auro:
Ast intexta gravi Cura labore scatet.
Antigonus docuit, quibus esset nempe periculis
Plenus: tollere vix quem quog₃ vellet humo.
ÆRE SUO Imperiale decus CENSETUR, & illud
Dignis jure poli venditur, ac emitur.

Romani olim ut in suâ Republ: distinctos ordines populi instituerunt; sic & dignitatis cuiusq; maximam rationem habuerunt: præsertim verò Magistratus: aut qui aliquo publico officio fungerentur: aded, ut & peculiarivestitu juvenes à senioribus, patricios à plebeijs, Magistratum à subditis discernerent. Quod quidem institutum multæ adhuc urbes Germaniæ observare solent, ne promiscuè honor eorum, qui ordinibus & dignatione antistant, cum inferioribus participet. Utq; Nobiles à plebeijs, vulgus à Principe externâ aliquâ notâ vel signo dignoscatur. Sic olim apud Romanos, milites sago & chlamyde vestiebantur: tempore pacis togâ. Sic apud Persas tiarâ reges pro Diademate utebantur. * Imperatores Romani Paragaudâ & Palmatâ, quæ toga erat purpurea, auro & margaritis intertexta. Omnibus, & quidem viris prohibitas has fuisse (nisi quibus propter Imperiale ministerium concessæ fuerunt) & soli Principi, ejusq; domui dedicatas, colligitur ex l. 1. 2. & 4. C. *de vestib. holo.* Palmata dicebatur, quòd palmam habebat intextam, eratque Triumphantium. Purpurata vestis ornamentum fuit Regium, & Majestatis insigne: hoc rubicundo colore insinuans sanguinis Imperium, & necis inferendæ potestatem. Sic purpurâ indutum fuisse Salvatorem nostrum per ludibrium, Evangelista scribit. * Diadema erat pileolus, instar dimidiatæ pilæ lusoriæ grandioris: qui capiti impositus candidâ ligabatur fasciâ, (hodiè visuntur in insignibus quibusdam antiquioribus nostratium, ut & pilei, signum libertatis,) eo utebantur Reges & Imperatores ornatûs gratiâ. Cui non absimiles sunt nostrates Coronæ, quas intoretummatibus & numis expressas videmus. Coronæ variæ olim dabantur ex Laurus Imp: triumphantibus, cui successit aurea, quæ nunc Insigne Regum & Imperatorum est. Sic fasces ex Betullâ arbore: & secures Hetruscorum Regum Insignia fuerunt: in quorum locum Sceptrum successit, quo Reges Majestatis causâ utebantur & utuntur. Talia vulgi oculos perstringunt, ut quasi extra sensum positum, Regum & Principum statum. felicissimum censeat: idedque omnes cupiditate quadam imperandi naturâ agimur:

*Pancirol. rer. memorabil. lib. 1. de habitu Imp: & Henr. Sal-muth in expl. h. loci.

*Pancirol. de Diademate.

agimur:

agimur: ut quisque Rex, nemo subditus esse velit: illamque felicitatem ex purpurâ, auro, sceptro & diademate metiamur, ijsque scēpē invidemus: cū tamen non aurum, non purpura, non sceptrum, non diadema, & quod vulgus admiratur & externē suspicit, Regnum aut Principem ipsum constituat! aliud quidpiam his præstantius, Regnum desiderat. Id quod Rex ille annuere videbatur, qui nudum hominem, puta Prudentiâ & Fortitudine præditum, regno sufficere affirmavit. Illa quidem Insignia Regum propria sunt: per se autem nihil valent, nisi eas Princeps virtutibus dictis, conservet atque exornet. Rectè * Seneca. *Nemo ex istis, quos purpuratos vides, felix est, non magis, quàm ex illis, quibus sceptrum & chlamydem in scenâ fabule assignant. Paulò post. Nemo istorum, quos divitiæ honoresq; in altiore fastigio ponunt, magnus est. quare ergò magnus videtur? Cū basilium suū metiris: parvus pumilio, etiamsi in monte constiterit. Colossus magnitudinem suam servabit, etiamsi steterit in puteo &c:* intelligit autem animum ellerem maximam, præsertim in regno administrando. Externa ista, levia sunt & mutabilia, & ut ejusdem verbis loquar: *etiamsi favente fortunâ in unum congesta sunt: dominis suis incumbunt gravia, & illos semper premunt, aliquando & elidunt.* Felicitas sanè, quam vulgus talem esse putat, plus laboris & periculi, quàm quietis & securitatis habet: quod olim Antigonus demonstravit, qui antequam ei Diadema ex more imponeretur; retentum diù considerasse ac dixisse scribitur: *Onobilem pannum magis, quàm felicem! quem si quis penitus cognoscat, quantis ex laboribus, periculis & curis sis contextus, ac refertus, ne humi quidem jacentem tolleret.* Dionysius quoque Damocli adulatori ostendit, quàm sit semper periculis obnoxia Principum & Magistratus vita, qui, Regiam potentiam, divitias, Majestatem & magnificentiam domus Regiæ laudanti, earum omnium rerum copiam fecit; illeque se beatissimum æstimavit: sed postquam ipsi gladius supra caput filo tenuissimo appensus, ostensus fuisset: totus exhorrescens, Dionysij statum, miserrimum ac infelicissimum pronuntiavit. Unde Persius Sat. 3.

*Et magis auratis pendens laquearibus ensis
Purpureas subter cervicem terruit.*

Regna statim
non ponderantur.

* Epist. 76.

Non


Non igitur externis insignibus & opulentiâ æstimandi Reges. Dignitas illorum Suo **ÆRE CENSETUR**: quod nemo, præter quæ animum habet Magnum, agnoscit. Emblemata igitur hoc, panni preciosi auro intexto specie, Imperialem purpuram seu vestem, imò ipsum regnum designat: qui pannus solâ mente, & divinitus concessâ benignitate, ac verâ felicitate metiendus, quod non cuivis, nisi quem **DEUS** ipse, suum Vicarium constituit, contingit. Igitur

*Non Diadema ipsum, gemma, non purpura & aurum
Constituunt summos in Regione Duce.
Sed Majestatem Regum Prudentia firma;
Virtus præstandi fortia facta, para.*

Neque ipsi Principes in externis istis fortunæ donis beatitudinem summam ponant: fluxa hæc sunt, & ut ille scribit.

* Chr. Eg.

** Sis licet augusto Regum de sanguine natum,
Hæc tibi mortali quæ loquor, accipito.
Larga tibi humenti fluitat de fauce saliva?
Pituita est nimium nempe molesta tibi.
Vestemne indueris pulchram? hanc ovis exuit olim.
Aurone excellis? Sors tibi id alma dedit.
Dives es? hoc fortuna tibi dedit improba, fastu
Turges? Stultitia est ille tuæ fremitus.
Munus id est Divum, si sit tibi vita modesta,
Hæc est, si propria, pede mensus eris.*



AD ILLUSTRISSIMUM PRIN-
CIPEM AC DOMINUM, DN. JOAN-

GEORGIUM MARCH. BRANDEE:

Carnovix Ducem &c.

EMBLEMA VII.

HOC SPLENDEnte.



Quod Sol in Cælo; quod Cor in corpore: Princeps
Hoc & in Imperio Maximus esse solet.
Fœcundo illius terrena calore fovetur:
Corporis hoc rectè membra vigente valent.
Et Princeps Orbis mediâ regione locatus,
Majestate suâ publica quæq; juvat.
Vive Rei populi, SOL, COR, DUX JANE-GEORGI:
Commoda Te vireant publica stante diu!

E

Tanta

Tanta est corporum cœlestium cum corpore humano Harmonia & consensio, sive convenientia; ut in inferioribus suprema: & in supremis inferiora inveniamus. Cœlestia tamen suo modo; terrestria item ex suâ qualitate intelligenda sunt. Unde & Homo idè *μικρόκοσμος*, parvus mundus appellatur. Quam quidem Architecti optimi & supremi Sapientiam in constituendo hoc opere, & providentiam in conservando, meritò admirari, & grato animo celebrare debemus. Atque, ut brevem hujus Emblematis explicationem; nec non Solis cum corde humano collationem instituam: dico. Solem inter cœlestia corpora præcipuum esse. Idem & **COR** inter partes humani corporis: hinc & primum vivens, & ultimum moriens perhibetur. Ac veluti **SO L** motu suo, & vitali spiraculo inferiora & superiora: quæque temperat, fovet, & perfundit: Ita quoque **COR** fundamentum primum & maximum, pulsante motu, tam subjectas ei, quàm superpositas corporis partes omnes reficit, & arteriarum adminiculo vegetat. Ut motu Solis, qui radijs suis inferiora illustrat, mundus carere non potest; quòd spiritu vitali omnia animalia, plantas & herbas vivificet; Utque præsentis Solis lumine, & radiorum ejus distributione, terræ partes omnes suis muneribus funguntur: Ita **COR** vitalis calor est quoddam promtuarium, rebus corporis temperandis, fovendis ac alendis. Qui ubi defecerit, omnia languida & imbecilliora fieri necesse est. Ut **SO L** in Cœlo, mediam & justam sedem inter reliquos Planetas habet: qui si supra reliquos, aut infra Lunam esset positus; inferiora omnia arderent: aut nulla pars terræ vitalis & habitabilis esset, propter frigoris vim & vehementiam. Ita **COR**, si ad partes inferiores, puta Crura, positum esset; inferiora ob vicinitatem calerent. Si in capite; nulla pars inferior caloris vitalis particeps fieri posset, propter distantiam, aut penuriam, (hinc etiam extremæ partes digitorum & pedum plerumque frigidæ.) Atque ita mediam ferè corporis partem **COR** sibi vendicavit. Ut **SO L** à reliquis Planetis, qui illum stipant, non secus, ac Regem satellites, cottidiè certa ministeria, ad statum & modificationem mundi re-

¶ Vide Anton. Mizaldi Harmoniam cœlest. corp. & humanorum.

rum recipit: Ita **COR** à præcordijs & visceribus, certa officia in temperandâ rerum corporis universitate. Ut **SOLIS** labores & defectus, rebus in mundo plurimum obsunt; imò futuras mutationes, & calamitates publicas portendunt: Ita si **COR** laboraverit, reliquas partes propter Sympathiam condolore, trepidare; imò illi tandem commori necesse est. Ad summam. **SOLIS** calor omnia fovet: quo cessante, inferiora si non interire, saltem langvere oportet: Ita **CORDIS** calore in corpore humano omnia vivunt, moventur, vegetantur. Non aliâ quoque ratione affirmo, **PRINCIPEM** bonum in **Repub:** tanquam Corpore, **CORDIS** nomen mereri. Hunc enim **DEUS** præcipuum in illa membrum, à quo cætera vitam, & salutem civilem trahant, esse voluit. Hic Prudentiâ suâ, tanquam calore & Spiritu, subditorum actiones dirigit ac gubernat. Ab eo, cum pius, justus, fortis, prudens est, populus exemplum vivendi, moresque suos laudabiliter instituendi mutuatur. Hic præsentîâ suâ, & verendâ ac sublimi claritate, illustribus viris; & benè de **Repub:** merentibus, vitam, honores, opes, dignitates magis illustrat, auget, & conservat. Hic liberalitate & munificentîâ suâ, fideles ministros ac subditos, ad spontè & fideliter obeunda munia, excitat & reficit. Ille in medio omnium populorum positus, remotis ac longè diffitis, prudenti suo Consilio adest: propioribus clementiâ & gratiâ suâ fiduciam de se benè promerendi addit. Hic (ut **SOL** Planetis, & **COR** visceribus,) bonorum Consiliariorum agmine stipatus, res Regni moderatur. Si aliquando contingat, ut vel fortunæ adversæ succumbat: vel regni cladem accipiat; **Repub:** & subditos ejusdem discriminis participes fieri videmus. Nec immeritò. Principali enim parte, à quâ reliquæ dependent, patiente: cæteras ei condolere necessum est. Eo autem salvo existente, tota **Repub:** incolumis, & in omnibus partibus sana censetur. Tandem Principe occumbente; mutationem quandam in Imperio, ut plurimum metuendam. Quæ cum diligentius perpendere, ac singula catenatim coherere animadverterem, Incriptione hac, **HOC SPLENDEnte**, omnia complexus sum.

Quanta enim felicitas Reipub: & subjectis populis, sub Regibus pijs, ac pacificis redundet, docent Psal. 72. 84. 144. usque aded, ut splendente Sole, Corde vivente, Principe in Repub: virtutibus prædito: mundo, corpori, & populo optima & salutaria quæque, non secus, atque Cornu copiae fertilissimum, accedant & redundant. Cum quo Senecæ* convenit: *Olim ita se induit Reipub: Caesar, ut diduci alterum non posset, sine utriusque pernicie. Nam ut illi viribus opus est: ita & huic capite. & post. Animus Reipub: tu es, illa corpus tuum. Idem. Ille est vinculum, per quod*

Respub: cohaeret: ille Spiritus vitalis, quem hec tot millia trahunt: nihil ipsa per se futura, nisi onus & prada, si mens illa imperij subtrahatur.




AD ILLUSTRISSIMUM PRIN-
CIPEM ET DOMINUM, DN. MAURITIUM,

Landgraviū Hassiæ, Comitem in Catzenelenbogen,

Dietz, Zigenhain & Nidda &c.

EMBLÈMA VIII.

UTRUMQUE TUETUR.



Cuspide cur gladij Liber hæret fixus acut^{us}
Cur calamum & laurum comprimit, (arma) manus.
Vera stilo & pilo Ducibus quòd gloria constet.
Alterum & alterius quòd benè vincat ope.
Laus est magna Ducis, qui gnāvus utrumq^{ue} tuetur,
His quoniam victor certa tropæa locat.
Præ reliquis Rhetor, Prætor, Consulq^{ue} cluebat,
Dux tandem CÆSAR, Martis & Artis ope.

Goslie. de
Opt. Senat.
lib. 1,

Qui prudentes sunt, præsertim in Repub: rectè administrandâ, absq; adjumento literarum; ij id duplici viâ consequi solent: aut enim naturâ divinâ præditi sunt, cujus munere omnia ipsi per se comprehendunt, provident, intelligunt; quales olim Theseus & Cecrops apud Græcos: apud Romanos Romulus & Numa fuerunt, qui ad Rempub: gubernandam accesserunt, non Philosophorum præceptis edocti: sed ingenio à Musis cœlestibus instructi: Aut experientiâ civili, varijsq; casibus, & rerum mutationibus cautiores facti; quid Reipub: ex usu & commo-
modo sit, cognoscunt. Qui quidem, si viri boni sunt, legibusq; in Repub: constitutis, omnia moderantur, meritò laudandi; quamquam imperfectam hanc Prudentiam dixerim: Sin mali; tantò magis vituperandi, quòd modum & rationem gubernandæ Reipub: nescientes, cunctaq; ex suo ingenio & commo-
modo metientes, eandem tumultibus, seditionibus, sæpè cœdibus implent. Cùm autem duplex sit Reipub: status; Tranquillus ac pacatus: & turbidus ac irrequietus: Aliaq; sit ratio pacis colendæ; alia item Bel-
ligerandi. Principem profectò Prudentiâ tali præditum esse neces-
se est, ut utriusq; commoda & damna ob oculos sibi ponens, non solum, quid quo quo tempore agendum, antevideat: sed ex administratione ita clarescat; ut apud suos subditos Amorem & authoritatem promovereatur: ab exteris verò timeatur. Hanc Prudentiam qui usu & experientiâ sibi acquisiverit: sive ex libris hauserit, meritò magni æstimandus. Ac sanè, quoniam nulla Respub: sine legibus, (*que instar animæ in humano corpore sunt, & certa ac firma vincula, quibus potentiorum intemperies stringitur,*) consistere potest. Principis autem sit eas ferre, latas interpretari: secundum eas, lites & controversias forenses decernere: unicuiq; suum, ex justitiæ præscripto tribuere: eum profectò, (qui aliàs lex viva est & appellatur,) si non scientiâ literarum, at tamen quæ ad Rempub: moderandam duntaxat spectant, instructum; Jurisq; quod dicere & administrare debet, peritum esse oportebit: utque arma bellicis in tumultibus, legibus certis, à vi, rapinâ, alijsque criminibus & flagitijs, quæ Martem spontè sequuntur, coercere: atq; disciplinæ militaris auxilio, (*quæ sine legibus non est*)

est) milites in officio retinere sciat. Id facile adsequetur: si libros doctorum virorum, qui varios casus, pacis & belli tempore consignarunt, evolverit: animumque literis optimis excoluerit: aut literatos, varijsque casibus & fortunæ telis exercitos, in Consilium adhibuerit, qui ei semper adsint, & quid facto tam pacis, quam belli tempore in Repub: prudenter gubernandâ, opus sit, fideliter admoneant. Cumque ad defendendam suorum salutem, & Rempub: ab hostium injuriâ, & vi externâ, armis opus sit, ac Fortitudine: idque potissima pars officij Principis non negetur: Quotidiè quoque videamus & experiamur, generosis & heroicis naturis proprium esse, statim in pueritiâ equitatu, luctâ, cursu, & agonisticis certaminibus delectari: armisque assidue gestandis tractandisque, animos ac manus exercere solere: quasi vox ea naturæ sit & testatio: Officium Principis in fortitudine potissimum militari, & bellicis experimentis situm esse: quis unquam prudentiorum negare audebit: Armorumque usum & belli gerendi scientiâ, cum literis conjungi oportere? quandoquidem Imperia & Principatus, continuo ac solo armorum usu, stare non possint, hæcque illas, contra verò illæ hæc defendant; sintque adeò arcto vinculo necessitatis colligata; ut alterum absque alterius ope consistere neutiquam, & citra ignominiam à bono principe separari non possit. Princeps enim leges, Religionem, libertatem ac disciplinam non rectè tuebitur armis; qui vim earum rerum, & necessitatem ignorat: quæ omnia ex fontibus hauriuntur literarum. Necessitatem hanc optimi Principes omnibus temporibus agnoverunt; literasque cum armis conjunxerunt, ac conjungendas censuerunt, ut pote; quod illæ animos mansuetiores reddere; & ne arma temerè sumerentur, justæve ex causâ sumpta, cum ignominiâ ne deponerentur, temperatâ quadam ratione eisdem instruere soleant. Ideò tot laudatissimi, & pacis ac belli artibus celeberrimi Imperatores, Reges, Principes, ac Duces olim extiterunt: & hæc nostra ætas, si ulla unquam magis, De i gratiâ, Principum literatorum fertilis est: quorum ingenij & studiorum monumentaliteris consignata, summâ cum admiratione legimus, & ad usus nostros convertimus. Teque Princeps Illustrissime in literis & armis magnificimus, ad-

miramur.


* In Proem.
Instit. Iur.

miramur & suspicimus. Eandem Necessitatem Sacratissimus
 * Imp. Justinianus agnovit, cum ait: *Imperatoriam Majestatem,*
non solum armis decoratam: sed etiam legibus oportet esse armatam,
ut utrumq; tempus, & bellorum & pacis rectè possit gubernari, &c. Et
ut quidam rectè sensit. Principes nullâ literarum scientiâ excu-
tos, iustar mancipiorum, imò fere brutis deteriores esse, eò, quòd pecu-
des naturæ duntaxat affectibus obsequantur: homo verò, in primis po-
tentiâ armatus, nisi omni liberali doctrinâ imbuatur, ac formetur, in
affectibus, plusquàm ferinos cæco impetu præceps rapiatur: & libidines
refranare: cupiditates domare: cæteras animi perturbationes ac la-
bes repellere prorsus nequeat. Hinc Emblemata nostrum: Cuspidi
 nimirum gladij liber affixus; ut scilicet, ratio recta & Consilium
 arma regat. *Parva enim sunt arma foris, nisi sit Consilium domi.*
 quòd verò armata manus calamum scriptorium & ramum lauri
 simulteneat, innuo; veram victoriam principem ex suis tùm ho-
 stibus, tùm inimicis referre; qui non temerè ad arma prosiat: sed
 consilio priùs habito, & deliberato animo, negocia perficiat:
 hinc vera gloria nascitur; quam non tantùm in animis hominum
 impressam relinquet: sed scriptis etiam ad posteritatem transmi-
 tet. Verum enim verò quoniam de præstantiâ, necessitate, & uti-
 litate Literarum ac Armorum plura scripsi in discursu meo politi-
 co, de Literis & Armis: idèd hîc multis supersedeo. Plato Epist. 6.
Literis & armis constat Respublica. Id. Epist. 7. Altera alterius
semper eget auxilio: tam militaris res legibus in tuto
est collocata, quàm ipsa leges armorum sunt
servatæ præsidio.

AD ILLUSTRISSIMUM PRIN-
CIPEM AC DOMINUM, DN. HEINRICUM
WENCESLAUM, Ducem Monſterbergenſem & Olsnen-
ſem, Comitem Glacenſem, Dominum in
Sternbergk & Jaiſchwitz &c.

EMBLEMA IX.

ERIGITUR VIRTUS TACTA.



Quos DEUS ad regni ſummos evexit honores,
Non unquam curis Invidiâq; carent.
Sive vacant ſomno; vigilesve negotia tractant;
Illorum eſt varus vita ſubacta malis.
Securi Cuſtode DEO tamen aſpera vitant:
Hos quoniam JOVÆ provida cura regit.
Tacta etiam erigitur Virtus discrimine. victrix
Et tandem celſum tollit ad aſtra caput.

SI quis Principum vitam, & statum eorum, paulò accuratiùs consideraverit; eum quidem felicem, illosque beatos (si tamen felix & beatus appellandus, qui vitæ discriminibus & periculis varijs est expositus,) dixerit: quòd supra aliorum conditionem & communem hominum sortem eVecti, omnia ad nutum & arbitrium sibi affluere videant: votorumque suorum compotes fiant. Verumenimverò, si quis exactiùs rem pensitaverit, quibus periculis, & fortunæ iniquæ telis eorum sit vita obnoxia: non modò non beatos & felices: sed statum eorum, ne quidem cum privati hominis mediocri fortunâ utentis ac viventis, commutandum esse, haud negaverit. *Usq; adèò magna fortuna, Comes est Invidia, aut ruina.* Et quemadmodum Navi in altum eduçtæ, maximum periculum imminet, ubi mare profundissimum. Utq; altas turres & ædificia, ventis & fulminibus maximè obnoxia videmus: Sic Principum vitam, varijs periculis, quæ partim ab ipsorum vitijs; partim ab aliorum malitiâ procedunt. Imò & ab ijs scøpissimè, quos fidos & assiduos Comites habent, vitæ discrimina subeunt. Unde Trajanum legimus, Imperium tanquam intolerabile onus, molestijs periculisque plenum sprevisse, nec nisi necessariò suscepisse. Huc respexit* Chrysost: ubi dicit. *Non ad diadema Regum respiciendum: sed curarum tempestatem, per quam ipsis Corona paritur.* Jul. Cæsar prælia multa commisit, atque inter gravissima vitæ pericula versatus, Victor evasit: à conjuratis tamen in Curiâ, quæ securitatem ei præstare debebat, miserè confossus est. Alexander Romanus à suis militibus interfectus. Sic Probus, Dux clarissimus; Sic Gratianus & Valentinianus Junior, optimi fratres; ille à suis legionibus; hic à suo Comite occisus est. Placet hic adscribere verba Sætürnini ex Vopisco. Cùm ipsi invito à militibus purpura Imperatoria indueretur: flendo ita eos compellavit: *Nescitis amici, quid mali sit Imperare. Gladij & tela nostris cervicibus impendent, imminent haste undiq; undiq; spicula: ipsi custodes timentur, ipsi comites formidantur &c.* Paulò post. *Adde, quòd omnis atas in Imperio reprehenditur. Senex est quispiam, inhabilis videtur; sin minus, inest furor. Nam quod imperatorem*

* Hom 66.
Camer. in
oper. succ.
Cent. 1. c. 45.

peratorem me cupitis, in necessitatem mortis me trahitis. Diocletianus Cæsar post gloriam togâ sagoque partam, privatam vitam egit postquam Imperium laboribus, curis, & periculis plenum expertus esset. Divum CAROL. V. Imp. laudatissimum, solitum fuisse dicere, legimus; se resignato Imperio, plûs voluptatis in suâ monasticâ solitudine, uno die percepisse, quàm ex omnibus suis victorijs & triumphis, quibus præ cæteris FELIX habitus fuit. Quanquam autem pij & boni Principes, medijs in periculis versentur, omniumque odijs & invidiâ petantur: DEUS tamen OPT. MAX. illorum vitæ & salutis curam, & custodiam agit; ne de vitâ periclitentur: ut videre est in Josepho Gen. 50. Davide, 1. Sam. 26. De Tito Vespasiano * Joseph. tradit in obsidione Hierosolymitanâ, eum incolumem, ex medio Judæorum agmine, plurimis trucidatis, evasisse. * JOHANNES CORVINUS Matthiæ Pater, post cladem Varnensem, & mortem Vladislai Regis Ungariæ, cùm bellum instaurasset, ac à Turcis victus, fugâ sibi consulisset; atque à duobus latronibus in sylvâ propter vestes aureas, & crucem auream, quam de collo suspensam habuit, infestatus esset, dumque hi de cruce inter se contendunt, ille arrepto gladio alteri horum, unum occidit: alter aufugit, sic salvus vitæ periculum evasit. JACOBUS VI Rex Scotiæ, miraculosam sanè, ac divinam protectionem expertus est: qui inermis ac solus, insidias conjuratorum, in quos inciderat, incolumis declinavit. Quamobrem, cùm sciamus Reges, vices DEI in terris obire, eique maximæ curæ esse salutem eorum; quosque ipse præsentissimis periculis sæpenumerò eripiat, * non modò eis manus violentas inferre summum nefas: sed malas de ijs cogitationes concipere, scelus esse credamus. * Qui enim omnium saluti advigilant, ac propterea multorum odium, invidiam incurrunt, vitæ discrimen extremum subeunt, fas est tutos, securosque præstare. Nam ut idem * Bodin. inquit. *Principum securitas nulla major esse potest, quàm, ut subditi persuasum habeant, sanctos & inviolabiles esse oportere. Idem. Tamen si cogitationes hominum flagitiosorum nulla pœnall. persequatur, sed ea tantùm de dicto factove foras in scelus erumpunt:*

* De bello lud.
lib. 6. c. 2.

* Bonfin. dec.
3. lib. 7.

Perthi. Anno
1600. 5. Aug.

* Vide Alb.
Gentil. de vi
Civium in Re-
gem semper
iniustâ.

* Bodin. de
Repub:
* lib. 2 de
Repub. c. 5.

*si quem tamen violandi principis prava cogitatio ceperit, etiamsi nihil tentaverit: hanc tamen cogitationem capitali poenâ plecti oportere judicârunt. Dd. in l. si quis non dicam rapere. C. de Sacrosanct. Eccl. Hoc igitur Emblemate Principum statum exprimere volui. Sentens enim & vepres atque ejusmodi aculeati ramusculi quid aliud sunt, nisi Odium, Invidia & Malignitas hominum? Per sagittas, bella aperta & insidias, aliaque fortunæ adversæ tela intelligo, quibus vita Principum petitur. Symbolum ex * Senecâ sumsi. *Erigitur virtus, cum tacta est, & impulsâ.**

* Epist. 95.

Principes enim pij, adversis agitati, ardentius vota sua
Deo nuncupant: eique pro liberatione gratias
agunt: seque divino auxilio in ipsis
periculis erigunt.



AD ILLUSTRISSIMUM PRIN-
CIPEM ET DOMINUM, DN. CAROLFRIDERICUM, Ducem Monsterbergensem &
Olsnensem, Comitem Glacensem &c.

EMBLEMA X.

IGNOSCERE PULCHRUM.



Si quoties peccant populi, ira fulmina Princeps
Torqueat, ac pœnas ingeminare velit:

Ipse diu terris poterit vix esse superstes.

Gignere namq; necem nex iterata solet.

Adde metus Regum, populi quod sæpe timorem

Suscitat, & semper quos vereantur, habent.

At molli hic thalamo ut fulmen crudele quiescit!

Sic Princeps parcat, perdere quando potest.

P Rincipem quidem Virtutibus omnibus conspicuum esse Reipublicæ utilitas requirit: ad cujus vitam & mores, suos quoque subditi forment: Justitiam tamen & Clementiam, ei summâ diligentiam colendam & exequendam, Necessitas ipsa postulat. Illam, l. Lipsius * describit, *Virtutem, Ius & æquum in se, inq; aliis firmiter servandam.* Hanc, *Virtutem animi à pœnâ aut vindictâ ad lenitatem cum iudicio inclinantis.* & rectè. Sine justitiâ enim nulla Respub.; nulla civitas, nulla societas, nulla denique domus consistere diù potest: cujus tanta vis est, Cic. * teste, *ut nec ij quidem, qui scelere ac maleficio pascuntur, possint sine ullâ particulâ eius vivere:* cujus quoque tanta est necessitas, ut, quemadmodum corpus sine animâ vivere non potest: sic Rempub: collabi sine justitiâ oportet. Clementiâ autem, si erga fontes Princeps non utatur cum iudicio; odium in se multorum, imò vitæ periculum proritabit. Justitiam cum appello, rigorem Juris excludo. Nam qui omnia ad summum Jus revocat: injuriam sæpè facit: certumq; est, quòd * *Severitas amittat assiduitate auctoritatem.* Neq; hic Justum intelligo, qui sit obligatus ad interficiendos homicidas, latrones: quod minimè tantæ sublimitati convenit: Sed qui sit legum tam divinarum, quàm humanarum observantissimus, sibiq; ipse leges ponat, ac secundum eas vivat: sic alijs justè imperare, eisq; rectè Jus & Justitiam administrare poterit. Bene ille monuit:

Justa agito Princeps, hæc quoq; vulgus aget.

Detestetur vocem illam, *Licet si l.ber:* nec non illud: * *In summâ fortunâ id æquum, quod valdum.* Nimia enim licentia cum vi conjuncta, cum tristem semper pariat exitum; tùm Principi maximè nocet: quòd & negligentiores in officio subditos; & in vitâ ac moribus dissolutiores habebit cives, qui exempla Principis sui tacitâ quasi necessitatis lege imitantur: quin potiùs illud in mentē sibi revocet. *Qui peccare potest, peccat minus: ipsa potestas Semina nequitie & languidiora facit.*

Proinde, cùm Princeps idē institutus sit in Repub: ut præsidium sit bonorum, eos contra sceleratos defendens; utq; sit *vindex injuriarum, custos libertatis, ac judex cujusq; virtutis & vitiorum,*

line

* Polit lib. 2.
cap. 10.

* 2. Off.

* Sen. 1. de
Clement.

* Tacit. 15.
Annal.

Goslicius de
Opt Senatore
lib. 2.

sine iustitiâ id exequi nullo modo poterit. Atq; cùm bonus Princeps PATER PATRIÆ appelletur: paternum in subditos amorem induat oportet. Ut enim parentes nonnunquam objurgare suos liberos, aliquando ijs blandiri, monere, quandoq; corrigere & verberibus excipere solent: Sic Regem erga subditos se exhibere decet: ut tam Reipub:, quàm populi conservandi causâ, aliquando severum, nonnunquam mitem placabilemque se præstet, communemq; omnium utilitatem, tanquam pater filiorum tueatur & amplifcet, atq; hæc est inter Regem & Tyrannum differentia, quòd ille publicæ communisq; hic privatæ utilitatis curam habet. Clemens si audiri cupit, ** Severitatem peccatis magnis commodet: parvis autem veniam: nec pœnâ semper, sed sæpius pœnitentiâ sit contentus.* Ut enim hac ratione Amorem apud subditos sibi conciliabit: sic severitate intempestivâ & rigore, Odium ac metum: *qui malus diuturnitatis custos:* E contra, Benevolentia fidelis ad perpetuitatem. ** Severitas enim: sine clementiâ verè est,* secundû Augustinum, *seva veritas, & nisi ea intra congruentes nocent: numpœnas se comineat, sit seva crudelitas.* Dissimulet sæpè, ac interdum tempori serviat: non ut malorum improbitati consentire videatur: sed ut aptum correctionis tempus expectet, eosque cum ratione velemendet, vel puniat. Eleganter Poëta, quamquam de Politico. ** Dissimula, simula quoties occasio poscit,*

* Tacit in Agric.

* Resn. in Symbol. Imperator:

* Ioan. Ovver.

Moribus ut morem temporibusq; geras.

Temporibus qui ritè sapis, servire memento

Omnibus, ut tempus serviat omne tibi.

Rectè itaq; FRIDERICUS PRIMUS CÆSAR dixit: *Qui nescit dissimulare, nescit imperare.* quod tamen non ita intelligendum est, ut Princeps candorem tueri non debeat, quod decet: sed, ne si multa sibi quandoq; advei sati intelligat in Imperio, per vim multa moliatur, aut faciat, quorum ipsum fortassis postea vel pigeat, vel pudeat, vel pœniteat. Errant igitur Principes illi, qui Iusti ac severi in suâ Reipub: videri cupientes, minima quæq; peccata ad legum rigorem appendunt: qui, tantum abest, ut iustitiæ serviant, ut omnium in se odium concitent: quin satius

** Quò quis plura possit, plura patienter ferat.* Nam

* Seneca.

** Plebem timeto, qui solio insidens*

* Muren.

Plebi timeris, fons odij timer.

Audere

Audere jussit multa multos.

Sæpè gelu calor excitatur.

* Lipf. lib. 2.
c. 13. Polit. ex
Elin lib. 8.
Epist.

* Hippol. à
Collib. in
Principe c. 4.

* *Malè sanè terrore veneratio acquiritur, longèq; valentior amor ad
obtinendum quod velis.* Si igitur Princeps hanc rationem, in conci-
liando sibi Amore subditorum inierit, ex quo FIDES & SECURITAS: dubio procul sibi, Reipublicæq; optimè consulat. * *Nihil
enim est,* inquitbat Antonius Pius, *quod Romanū Imperatorem ma-
gis commendet gentibus, quàm Clementia, hac Cæsarem Deum fecit:
hac Augustum consecravit.* &c: Caroli V. Principis & Imperatoris,
æternâ laude & memoriâ dignissimi vox verè Heroica: quâ Cle-
mentix studiū & generosam suâ indolem ac virtutem, (quæ omni-
bus Principibus Austriacis communis, ac hæreditario jure tradi
solet,) demonstravit, memoratur; qui Principi cuidâ familiari suo

* Reusn. in
Symb. Catoli
V.

* *Querenti, hostilem cur nollet perdere terram*

Retulit; ut victis parcere sæpè queam. D. Maximilia-

ni I. Cæsaris, similis Heroica virtus legitur celebrata; qui cuidam
percunctanti, cur Morinos malè de se meritos non ocys malè de-
perderet, respondisse fertur: *Quoniam,* inquit, *parcendum his est.*

Nihil est tam
peculiare Im-
perialis Maie-
statis, quâ hu-
manitas, per
quam solam
Dei servatur
imitatio. I.
ult. C. de do-
nat. inter vir.
& uxor.

ut rursus victus sæpius queam ignoscere: verè Regiè! Victoria enim
nulla illustrior esse potest quâ cum victor vincitur, victusq; vin-
cit. Inde & Emblemata hoc sumsi. Fulmine enim quid violentius?
quid horribilius? quid celerius? (unde & alæ ei adpingi solent,) quod
supremi Jovis gestamen est, eiq; à Poëtis non sine certâ ra-
tione attribuitur: ac fulmen violentiam ac crudelitatem ego inter-
pretor, propter eius magnâ & penetrabilè ubiq; vim. Quod verò
in toro seu pulvinario recumbat: Clementiâ, animumq; Principis
in vindicando remissum intelligo. Hinc & * Joan. Pierius arguit,
*offendendi potestatem peres ipsum Imperatorem esse: verum ob eius
Clementiam quiescere.* Cum quo & * Seneca facit. *Occidere contra
legem nemo potest, servare nemo præter principem.* & * alter.

* Hierol.
lib. 43.

* I de Clem 5.
* Sen. in Ota.

Pulcrum eminere est inter illustres viros;

Consulere patriæ; parcere afflictis; ferâ

Cæde abstinere; tempus atq; iræ dare;

Orbi quietem; seculo pacem suo:

Hæc Summa virtus, petitur hæc cælum viâ. Symbolum

autem ex Claudiano sumpsi, qui ait: -- *ignoscere pulchrum*

jam misero, poenæq; genus, vidisse precantem.

AD ILLUSTREM, GENERO-
SUM ET MAGNIFICUM DOMINUM,

DN. CAROLUM, L. Bar. de Zerotin, Drewohostici
Rossitz I & Præ Dominum, quondam Pro-
marchionem Moraviae. &c:

EMBLEMA XI.

CONSILIUM VIRES SUPERAT.



Viribus hanc molem unius quis credat in altum
Surgere? at hanc unus Vir levat, ecce, manu.
CONSILIUM VIRES SUPERAT. *Vi quodq; negatur:*
Ars id, Consilium, perficit & Ratio.
Lite procul, vulnus cepisset publica nuper
Rex Moravum; gladius jam quia strictus erat.
Consilio astictus poterat avertere prudens:
Et salvâ tutos reddere pace Statum.

Qui Rempubicam Navi similem esse dixit; non ineptè dixisse mihi videtur. Quemadmodum enim in Navi varia distribuuntur officia: quæ ad eundem & unum finem spectant; sunt enim alij maliscanduli, prorætæ, helciarij, plumbarij, portitores, limenarchæ, urinatores, velifices, exantlatores, qui aquam è sentinâ hauriunt: alij alia munia obeunt. Unustamen est, cujus curæ tota Navis committitur: quiq; ad clavum sedens, navim gubernat, tempestates prævidet, illis ingruentibus, ex arte sic eam moderari novit; ut nō modò ipsa, sed qui in eâ sunt, ac omnia quæ continet, salva esse possint: Sic in Republicâ, varia multis demandantur officia. . . Unî tamen totius summa & curâ committitur, qui prudenti suo Consilio pericula imminencia avertere, commoda publica augere, privatorum bona, atq; adeò omniû salutem, suæ quoq; vitæ jacturâ, tueri ac defendere possit ac velit. Majus enim ac gratius officium; pietasq; debita promptior præstari non potest quàm, cùm quis patriam Consilio, fide, & ubi opus est, vitæ profusione juvare non detractat: ut unius morte, omnium salus & vita servetur. Quandoquidem, ut Val. Max. ait: *Eversâ domo, intentatus Reipub: status manere potest: urbis ruina, penates omnium trahat secum necesse est.* At quantò majus periculum Navi impendet, cùm is, qui ad gubernacula sedet, artem gubernandi nescit: tantò è contra certius emolumentum Reipub: sperandum est: cùm talem habuerit Moderatorem, qui consilia, & vires omnes ad salutem patriæ tutandam conferre, actiones suas ad communem utilitatem dirigere, easque tempore & prudentiâ moderari sciverit. Cumq; magnæ res, magnis semper adiutoribus egeant: quis non videt, tales ad Rempub: gubernandam assumendos ac adhibendos; qui rerum longo usu edocti, prudentiâque politicâ instructi, in illâ juvandâ, augendâ & conservandâ, nullis labori, nullis sumptibus, ne suæ quidem vitæ parcunt? Exempla plurima tam antiqua, quàm recentia in medium proferre possem eorum, qui se pro patriâ servandâ fortes præstiterunt; pietatemque suam erga Rempub: opum & propriæ salutis impendio testati sunt: sed tu **ILLUSTRIS & MAGNANI-**

lib. 5. cap. 6.

ME CAROLUS, BARO de ZEROTIN&C: Unus instar omnium
 mihi es, (quod tuâ bonâ pace, absque adulatione dixerim:) qui
 Brutos illos, Curtios, Decios, Camillos Scipiones atque alios in-
 numeros, PIETATE erga patriam vicisti; FORTITUDINE verâ,
 & constanti MAGNITUDINE animi superâsti; atque omnibus
 exemplo tuo prævivisti: quâ pietate & officio, Cives boni erga pa-
 triam: quâ Magistratus erga subditos fidelitate & animo, præditi
 esse debeant! Prudentiâ enim tuâ imminentes casus patriæ, tan-
 quam è speculâ longè ante prævidisti; Consilio avertisti; Fortitu-
 dine gladios cervicibus impendentes repressisti; generoso pectore
 & animo tuo, ruinam legum & Reipub: declinâsti; Constantiâ
 libertatem à servitute vindicasti. Cumque omnia nutare, &
 quasi jam ad casum vergere viderentur, maturo judicio tuo erexi-
 sti. Jura non tantum ad pristinum statum & vigorem, consensu
 & auxilio Ordinum revocasti; sed & novo quodam præsidio, &
 perpetuum duraturo robore, tanquam mœnibus ac vallo muni-
 visti, cinxisti, obfirmasti. Ea denique Reipub: præstuvisti, quæ Ci-
 vem bonum & patriæ amantem decent; ut non tantum Civis
 optimi, fidelis Magistratus; sed PATRIS PATRIÆ nomen non
 injustè merearis. Pericula enim & casum Reipub: longè ante-
 videre; consilio eum antevertere, decus patriæ in libertatem suam
 asserere, Jura ejusdem conservare, omnium vitam gladijs strictis
 eripere; qui hæc faciat, non ego eum Patrem patriæ dico: sed
 Sospitorem communis salutis, sapiens quisque pronunciat.
 Cumque alij patriam & Rempubl: vitâ tantum pro eâ profusâ ju-
 verint. Tu vivus eam sustentas: fructumque laborum tuorum
 vivus percipis: ac quod alijs post mortem defertur; Tu vivus
 præclare, & benè à te gestorum laudem & honorem consequeris;
 & quæ de te tuisque factis, hominum futura sit post mortem
 existimatio, jam percipis. Cumq; nunc in ore viventium tua facta
 versentur: sunt & erunt, qui nominis tui famam posteritati tradent
 scriptis exornandam, extollendam, & ab interitu vindicandam.
 Sed ut vitium assentationis, à quo semper naturâ abhorruï, effu-
 giam; alijs majora & plura, de hac re scripturis, relinquo. Id

unicum precor, ut te Reipub: & Patriæ Bono, Deus diù incolumem servare velit. Emblemata autem hoc ILLUSTRIS & GENEROSÆ Dominationi tuæ inscribere ac dicare placuit: tum, quodd, (meo judicio) prudentis Magistratus adjuncta exprimere videatur: tum, quodd heroicis tuis factis tropæum à me volui positum: Columnam enim grandem Rempub: intelligo; cui onera magna incumbunt sustinenda: quæ ob molis magnitudinem sæpè à multis erigi non potest, unius ingenio, parvisque interdum machinis elevatur. Frustra enim quis vires suas intendant, quantumvis maximas; qui consilio, res & actiones tam publicas; quàm privatas, priùs mensus non fuerit. Nam ut Horat: ait.

lib. 3. Ode. 4.

Vis consilij expers mole ruit suâ.

Vim temperatam Di quoq, provehunt

In majus: ijdem odere vires

Omne nefas animo moventes..



AD

AD ILLUSTREM GENEROSUM, ET MAGNIFICUM DOMINUM, DN.

JOACHIMUM MALTZAN. L. Bar. à Wartenberg
& Pentzelin, Militſch I & Freiha Dynaſtam, S. C.
Mtis Conſiliarium. Fautorem meum colendum.

EMBLEMA XII.

IDEM SEMPER UBIQUE.



Fallitur, obscurum inter nubila densa nitorens
 Quisquis Phœbea lampadis esse putat!
 Tectus nube licet radium exornasse micantem
 Non queat: illius lux tamen usq; nitet.
 Pressa gravi Mens sorte Ducum generosa, subinde
 Indolis excelsæ splendida signa refert.
 Marte furente, minis, ferro, precio, precibus, vi:
 Acta, sumum nescit deseruisse genus.

Molles sunt plerumq; animi hominum in calamitatibus rectè ait Tacitus: quodd, cum amicissimus sibi quisque sit, ea non tantum sponte, sed naturâ sic distantē sequatur, quæ jucunda, quæ dulcia sunt: illa verò summo studio aversetur, quæ dura & aspera, animumque turbare soleant. Hinc fit, ut tantò impatientiores malorum homines in calamitatibus, & quæ eos premunt, in reb⁹ adversis existant; quantò plus voluptatis, in rebus ad nutū sibi assidentibus antè perceperunt. Et ut Horat.

* Epist. 10.

* inquit. *Quem res plus nimio delectavere secunde, Mutatae quatiūt.* Verumenimverò, qui pectus suum Vallo Constantiæ cinxerit, ac animum clypeo Fortitudinis adversus omnes fortunæ impetus muniverit: is non solum quævis tela fortiter excipere: sed tandem ex Fortunâ ipsâ triumphum agere, summâ cum laude poterit. quanquam multi sub ipsâ luctâ succumbant: pauci, fortes in certamine perseverantes, victores evadant! Habent tamen, nescio quid Genij singularis ac magni præter cæteros, Heroës & Illustres viri; ut neque irascentis fortunæ ictibus: neque arridentis successibus agitentur aut moveantur; quin sui semper sint similes: fortè! quia ut eos Deus supra aliorum infimæ conditionis hominum sortem collocavit: ita illis quoque robur animi, & constantem voluntatem perseverandi addere soleat! ut fortunam potius arbitrio suo gubernent, quàm hæcillos! horum enim, ut Val. Max. ait: *Virtus capi nescit, dedecus ignorat, fortuna succumbere tristius ducit omni fato.* Et si rem declarare exemplis velim, infinita occurrunt tam antiqua, quàm recentia. Agésilas, hortante quodam, ac dicente, ut sibi propter fortunam incertam parceret: At ego, inquit, *meipsum assuefacio, ut in nullâ mutatione, queram mutationem.* Sulpitius Asper Centurio, percunctanti Neroni, cur in cædem suam conspirasset? breviter respondit: *Non aliter tot flagitiis tuis subvenire potuissem.* Scylla, cum post occupatam Rempub: Senatum coëgisset, sententiasque rogaret; ut Marius hostis Reipubl: judicaretur: nullis audentibus obviam ire, solus Scævola sententiam dicere noluit. Quin etiam truculentiùs minitanti Syllæ: *Licet, inquit, mihi agmina militum*

*militum, quibus Curiam circumfediſti, oſtentes: nunquam efficies, ut propter exiguum, ſenilemq; ſanguinem meum, Marium, à quo Urbs, & Italia conſervata eſt, hoſtem judicem. Catonem, toties mutatâ Republicâ, nemo mutatum vidit; quin eundem ſe in omni ſtatu præſtiterit. M. Antoninus Imp: ſimilis ſibi-ipli ſemper fuit, nec mutatus eſt ullâ in re unquam; erat enim bonus, & nihil habebat ſimulatum. Caroli V. animi excelſi atque invicti Magnitudo et firmitas laudatur: qui eandem, in rebus ſecundis & adverſis Conſtantiam & tranquillitatem retinuit, ut in cubiculo eodem, cum ipſo verſantes, nunquam læta vel triſtia ad eundem allata, ex ejus vultu depræhendere potuerint. Nunquam enim Regius ipſius animus, nutante, vel etiam acriter urgente fortunâ abjectè ſe demisit: vel proſpero & ſecundo ſtatu aſpirante, inſolentiùs ſe efferre, aut jaſtare ſolitus eſt. * Id quod demonſtravit in oppugnatione Ducatus Mediolanenſis, qui licet ab omnibus ſocijs deſertus, & ab omnibus oppugnatus eſſet: nunquam tamen ullis conditionibus adduci potuit; ut, (quanquam dubia ſpes eſſet victoriæ) ditione illâ, ſe Franciſco Sfortiæ ceſſurum polliceretur: ne quid animi ſui magnitudine & majeſtate indignum, metu, aut neceſſitate impuſus feciſſe videretur. * Et quanquam faciliùs ſit, gentes barbaras, impatientesq; alieni arbitrij regere, quàm animum ſuum continere, & tradere ſibi: attamen periculando, & ſæpè cum fortunâ colluctando, ſuum fieri poſſe videmus. Nihil enim eſt, ut * idem ait, quod non expugnet pertinax, & intenta, ac diligens cura. Emblema autem hoc, Animum ſemper eundem designat: qui nec proſperæ fortunæ ſtatu inſoleſcit: nec adverſæ telis ſuccumbit. SOL enim claritatis hieroglyphicum eſt, ut notat * Pier: quâ homines conſpicui ſunt. Atque ut SOL ſemper eundem nitorem & claritatem retinet, nec unquam mutatur. Sic & Generoſum animum nullo fortunæ ſtatu mutari de- cet. Et veluti SOL nobis gratior redit, cùm aliquandiù nubibus atris tectus, radijs ſuis inferiora illuſtrare & calfacere non potuit, qui propterea inſitam lucem non perdidit: Sic quoque animus conſtans, major & gratior longè exiſtit; cùm fortunæ adverſis caſibus*

* Dav. Chytr.
in Orat. de
Carol. V.

* Sen. 5. de
benef. 7.

* Epist. 32.

* lib. 44.

* lib. 11.
epist. 79.

* Epist. 60.

casibus pressus non succumbit: quin constantiâ suâ illustrior apparet. Huc pertinet illud Senecæ: *Nemo est fortis, cui non crescit animus in ipsâ rerum difficultate.* Et * alibi: *Hoc tene, hoc morde, adversis non succumbere, latis non credere, omnem fortune licentiam in oculis habere, tanquam quicquid potest facere, factura sit.* Eandem in sententiam * idem. *Talis est sapientis animus, qualis mundi status supralunam, SEMPER IBI SERENUM.* Ex quo Symbolum sumpsi. Et veluti, *Grata solet pulsus nubibus ire dies:* Ita dum quosdam fortuna vexat, illustrat simul: eorumque animus difficultatibus pressus, sese ad summa erigit. Tandem quisque cogita, *Te malorum immunem vivere non posse. quin*

ANTOR.

*Quo te cunq, loco Fatum Virtusq, reponet:
Spontè sequax fuerit Sors malefida Comes.
Non celsæ turre, non arx, non murus ab illâ
Defendet, telis adstat ubiq, suis.
Quò fugias igitur? tibi sis benè conscius; ipsum
Præbebit pectus forte, salutis opem.
Ipsa tibi fuerit Mens murus aheneus: inde
Sortem despiciens undiq, tutus eris.*



AD

AD ILLUSTREM ET GENEROSUM DOMINUM, DN. PAULUM
 à DIETRICHSTAIN, L. Bar. ab Hohenburg, Thal-
 bergk & Finckenstein, Archipincernam Carin-
 rinthiæ &c: Dominum in Kuia & Tilowicz.

EMBLEMA XIII.
 MENS OMNIBUS UNA.



Desine mirari, dum cernis millia centum,
 Ut formicarum parva caverna foveat?
 Omnes unanimi ut curâ, unanimiq; labore
 Horrea sub terra, grana reperta vehunt!
 Efficit hoc felix CONCORDIA. vivere discas
 Concors, qui populi publica frena Regis.
 Communiq; bono gratis prodesse labora:
 Ut prosit vite postuma Fama tua.

*Lib. 6.

D *Uosunt, inquit, * Polybius, quibus quævis Respublica ser-
uatur: FORTITUDO videlicet in hostes, & domi CONCOR-
DIA. Alterum, quamvis tempore belli ad eò necessarium;*
ut nisi Princeps ea subsidia habuerit, quæ ad conatus hostiles in-
fringendos requiruntur: facile se, & Rempubl: extremis discrimi-
nibus exponet: Alterum tamen, tam in bello, quam pace ma-
gis necessarium videtur. Nam licet Imperator aut Dux belli po-
testatem rerum gerendarum penes se habeat, quas reliquos admini-
istros exequi omnino oportet: nisi tamen horum consilia ex-
quirat, & si ex usu fuerint, ijs acquiescat: ipsiq; concordeseandem
sententiam inter se comprobaverint, casus aliquis superveniens,
(qui etiam optimè consulta & cogitata subvertere solet,) imperij
vim franget. Frequens enim admodum in bello, ut cum hostis
virtute, vel aperto Marte, vincere non possit: arte, id est, fraude
fortunam experiatur, administros belli pecuniâ, donis, & largis
promissionibus corrumpendo; & ut ille ait; *Ubi Leonina pellis non
pertingit, ut vulpinam assuat.* Imò vix aliud utilius hosti, quam,
inter administros & exercitus hostis sui, discordiarum semina spar-
gere: inde enim occasiones sibi accommodæ nascuntur. Discor-
dia enim, cum aliàs venenum sit Rerum publ. quòd menteseorum,
quia gubernacula rerum sedent, eo infectæ, sanari nullo modo
possint, tandem in totum corpus, id est, Rempubl: infusum, eam
consuminecesse sit: tum in bello vires suas maximè exerit. Histo-
riarum longâ serie facile possit demonstrari, si hujus loci esset atq;
institut; quæ incommoda ex discordiâ Principum & Magistratuû
orta sint. Sed odiosa sunt. Illud saltim adstruo. Principum Europæ
discordias, superioribus temporibus præbuisse potestati Turcarû:
*Iustin. lib. 3. satis magnû incrementû. *Græcos quoq; intueamur, inter quos
lites atq; dissensiones seminarunt, Artaxerxes, Philippus & Ro-
mani, ut tandem potirentur. *Jul. Cæsar inter Arvernos & Æduos
tamdiu lites atq; dissensiones aluit, donec utrosq; sibi subijceret.
Jam ad pacis tempus si respexerimus, reperiemus sanè CONCOR-
DIA Magistratuum ad conservandam Rempubl. nihil utilius; ad
promovenda & augenda commoda ejusdem nihil magis necessa-
rium: ad reprimendas seditiones nihil facilius. Nam si illud verif-
sum, quod veritas ipsa, *Salvator noster protulit: quòd *Omne*

*Matth. 12,
vers. 25.

regnum

*regnum inter se divisum desoletur: & ex * Philosophi mente, Luc. II. vers. 17.*
*quod inter se dissidet, infirmum sit: à sensu igitur contrario, ve- * Arist. lib. 3.*
rum quoque erit, quod Concorset, id firmum esse. Jam si Res- polit. c. 6.
 pub: felici in statu incolumis conservari debet: Magistratus verò,
 quibus à Deo populi regendi juxta justitiam divinam potestas, &
 salus commissa est: odijs inter se mutuis flagrent, aut certent, quo-
 rum tamen una mens, & idem animus, una eademq; voluntas &
 facultas, bona publica augendi & conservandi esse debet; quâ ra-
 tione officij sui partes ritè expleant, non video. Ubi enim diversi
 affectus, diversæ mentes, & diversæ voluntates, ibi certi nihil
 concludi, nihil eximij provenire potest: quisq; enim suis nitens
 rationibus, id solum optimum ducit, quod sibi tale videtur, alio-
 rum judicia & consilia spernit: atque hujusmodi dissensionibus
 Bonum illud, quod servari debebat, impeditur, negligitur, imò
 perit. Videmus mundi machinam, quomodo è principijs contra-
 rijs, concordia inter se harmoniâ constet! quæ nisi à supremo mo-
 tore constituta fuisset, eum dissolvi & interire necessum foret:
 Hinc ille. *Non staret cœlum scirent si jurgia divi.* Animadverti-
 mus in corporibus humanis, humidum, frigidum, calidum, siccum;
 inter se temperatum, optimam reddere eorum constitutionem.
 Cernimus item Civitates ex gentibus contrarijs compositas, ege-
 nis, inquam, & divitibus, juvenibus & senio confectis, infirmis &
 valentibus, probis & nocentibus: quos Concordia adedò ligat, ut
 diversi licet sint, eundem tamen affectum habere censeantur. In-
 primis verò utilitatis maxima momenta Reipub. adfert CONCOR-
 DIA, dum seditionis occasiones omnes præcidit; cùm cives Magi-
 stratum animis & sententijs concordem, & ad Bonum publicum
 augendum & servandum, attentum animadvertunt: hac enim ra-
 tione ipsi mutuam inter se alunt amicitiam, exemplo sibi Magi-
 stratus ob oculos posito. Laudanda meritò vox Nestoris & Ulyssis
 apud * Homerum, qui unanimes semper fuerunt.

* Odiss. 7.

Haud unquam neq, concio nos, neq, Curia d. Etis

Audivit pugnare, animo sed semper eodem,

Et sentire eadem, atq, eadem decernere vidit.

Ubi verò cives animadvertunt, Magistratum in diversas & con-
 trarias, de Bono publico abire partes, faciliè uni parti adhærentes,

seditiones & factiones concitant. Præclara igitur illa Philosophi sententia: *Reipub. rectores, si concordēs sint, faciliè Rempub. moderaturos, discordibus verò plebem ipsam dominari.* Statuendū ergò: Concordiā Magistratus, in Repub. conservandā nihil utilius, nihil magis necessarium, nihil ad hostes reprimendos, nihil ad seditiones sedandas fortius: quod præsentē Emblemate demonstrare volui. Videmus enim sæpè, formicarum aliquot millia unā cavernā concludi; quæ assiduè hinc inde cursitantes, & grana in specum comportantes, invicem se non impediunt: sed quasi communi bono collaborantes, unanimi conatu & concordī voluntate, futuræ necessitati prospiciunt. Formica autem inter cætera, Providentiæ hieroglyphicum est & laboris: ego ad Concordiam refero: Unde non immeritò quidam, cū in horto multas formicas unam cavernam intrantes, & inde exeuntes videret, dixit: aliquot millia formicarum, vivunt in pace & Concordiā in unā cavernā: & duo viri in unā Republicā non possunt tranquillè vivere. Non solūm igitur iustum: sed summè necessarium est, ut ij, qui Magistratus officio funguntur, Concordiam inter se alant, quæ est aureum & adamantinum vitæ vinculum: maximum ad conservanda imperia, atq; principatus stabiliendos adminiculum. Cui olim Romani Templum, nullam ob aliam causam extruxerant, quā, ut hominum dissidia, quibus interdum Respublicā agitari solet, factis in eo sacrificijs deponerentur. Quippe, quòd

— *scissura domestica turbat*

Rempopuli, titubataq; foris, quod dissidet intus.

Et periniquum est, propter privatas simultates Rempub. in discrimen adducere. Prudenter itaq; existimârunt Romani: * *Non oportere eos privatis odiis dissidere, qui publicè summæ essent juncti potestate.* Hinc & salubriter cavetur augustissimo * *Spirensi Senatu, ex lege, quā Magnus Cæsar, atq; aded Adfessores ipsi sibi dixerunt: A dissidiis utrinq; contumeliisq; abstinento: paci & concordie mutue studento.* Seponat itaq; simultates, seponat æmulationem, dissidia & odia, qui Magistratum gerit; qui in Consilio Principis sedet. Huc facit.

* Val. Max.
lib. 4. c. 2.

* Ord. Imp.
l. I. tit. 3. § 2.

* Silius.

* *Velle ac nolle ambobus idem, sociataq; lato*

Mens aro, ac parvis dives CONCORDIA rebus.

AD ILLUSTREM ET GENE-
 ROSUM DOMINUM, DN. ANDREAM
 KOCHTICZKY, L. Bar. à Kochticz & Lubliniecz,
 Dominum in Kossentin &c: Fautorem colendum.

EMBLEMA XIV.

METU PROCUL.



ET Pax, & Bellum certâ ratione geruntur;
 Est usu solo discere utramq, grave.
 Principibus libros igitur pervolvere utroq,
 De Imperio; semper non sine fruge fuit.
 Nam quæ illis monitor non audeat ferre fidelis;
 Ipsi eadem ex libris edidisse queunt.
 Virtutem & Vitium, PROCUL omni fraude METUQUE,
 Ut monstrant: Reges sic quoq, Vera docent.

lib. 1. de Clement. Si cetera animalia domari sine tractatione quadã & arte non possunt, multo minus homo: quia nullũ animal morosius est, maioremque artem requirit, quàm homo. Hipp. à Col. lib. in Principe.

Nullum esse Imperium gravius ac difficilius, quàm hominis in hominem, rectè ait *Seneca. Nam cum reliqua animalia vinculis coerceri, aut aliã ratione domari, atque cicuta reddi possint: homines idè inobedientes experimur; quòd Ratione utentes, supra res omnes creatas, & humanã industriã inventas sese attollant: & idè in leges delinquentes, pœnæ severitatem sufferre nolint: sic consequenter contra iustitiæ normam, & publicam tranquillitatem peccantes, Infantes haberi, jugumque Obedientiæ excutere volunt. Iustitiæ idcirco satisfacere propter malorũ transgressiones & delicta: & populo placere propter indulgentiam & conniventiam difficilè sanè est. Cumque in vitâ communi: tum in Republ: res accidant infinitæ, eæque partim malæ, partim bonæ, atque inter se varijs modis sint commixtæ: ac in singulis majus bonum, minusve malum eligendum sit: necesse est eas diligenter inter se conferre; ut quid singulæ vel solæ, vel cum alijs cunctæ ponderis habeant, cognoscamus. Quàm verò difficile sit, Uni mentis acie id perspicere, ac iudicij lance pensare, nemo sapientum inficias ibit. Opus igitur adjumentis. Hæc, vel homines docti & prudentes: vel Libri erunt. Cum autem Prudentia longo tantum usu & tempore acquiratur: Nobis verò Natura breve spacium vivendi largita sit: ut tantam varietatem, & quas ipsa singulis momentis formas rerum producit, animo compræhendere non valeamus, nec possimus. Finitum enim quod est, infinitum compræhendere non potest. Quapropter Princeps Viros sibi adjunget, ætate graves; usu & rerum experientiã; civili & militari prudentiã insignes: quibuscum cottidiè de rebus ad utramque Prudentiam necessarijs, conferat, eosque libenter audiat & magnificiat. Sed quoniam unus omnia scire: nec multi omnia, quanquam multa, præsertim ex factis emergentibus, similes antea exitus meminisse queant: Tempora sic distribuat: ut lectioni historiarum & librorum, qui de Regimine Reipub: tractant ac docent, certas horas adsignet. Ex ijs enim virtutes & vitia aliorum Principum cognoscere: quæ bella, ex quibus causis mota & suscepta, quâ ratione gesta, qui eorum exitus: quæ


tus: quæ forma Rerumpub: quæ initia, quæ incrementa, progressus, & mutationes fuerint, percipere poterit. Ea denique Ipsemet discet, de quibus alios ipsum monere nec tutum; nec ea ignorare honestum esset. Optimi igitur Consiliarij LIBRI: qui sine metu, Principum vitia propalant, & quæ eos deceant, tutò detegunt ac admonent. Hæc libertas, (quam suis carceribus & limitibus conclusam volo,) nisi jure suo uteretur in præceptis honestis: atq; ex voto probi Principis, docti sua quoque vota fingerent: quid tandem post secula aliquot expectandū esset, non conijcio; præter barbariem: quæ quidem hoc ævo Principum Prudentiæ luce, ejusq; radijs discussa & in exilium est acta: hanc igitur revocate, & in integrum restituere quis prudentum optet? Demetrius Phalereus Ptol. Philadelphum hortari solebat: ut libros plures de regno conscriptos, perlegeret; quòd in ipsis plura reperturus esset, quàm ipsi amici indicare auderent. Augustus ea excerpere ex libris tantum solebat, quæ ad Rempub: gubernandam facerent. Alex. Mag. Homeri scripta in bellico strepitu & legit, & sub pluviniari, in quo caput reclinare solebat, servavit De Scipione * Paterc. * Vol. B scribit: eum studiorum liberalium tantum fuisse fautorem & admiratorem; ut Polybium, Panætiumque domi militiaeque secum habuerit. Semper inter arma & studia versatus, aut corpus periculis, aut animum disciplinis exercuit. Longum esset per exempla, quorum infinitus est numerus, percurrere: qui Imperatores & Principes literas amârunt: doctosq; viros foverunt: & liberalitate suâ ipsorum diligentiam excitârunt & conservârunt: sed alibi * fusiùs de his dixi. Testimonium unum, literas Principum liberis summè colendas esse adducam Caroli I V. qui in aureâ Bullâ * Electorum filios literis & lingvis instructos esse vult; ubi ait post alia: *Quapropter statuimus, ut illustrium principum Electorum filij, vel heredes & successores, cum verisimiliter Theutonicum idioma sibi naturaliter inditum scire præsumantur, & ab infantiâ didicisse, incipiendo à septimo ætatis sue anno in Grammatica, Italica & Sclavonica lingvis instruantur &c. cum illud non solum utile, imò ex causis præmissis, summè necessarium habeatur.* Ad sum-

* In discursu Politico de literis & Armis. * c. ult. mihî fol. 41.

mam. Ex libris non solum Princeps tranquillum Reipub: statum prudenter administrandum discere: sed arma quoque tractare, & armorum jura discere optimè & tutò potest. Sic olim Alfonso Rex cuidam sapienter respondit. Emblemata explicatione fusiore non indiget: per se enim est intellectui obvium. Huc pertinet

* Aphoris. 17. Agapeti* illud: *Tum demum Princeps ex commodo Reipub: regnabit, si lueratæ sapientiæ operam navaverit. & Platonis. Beatam Rempub: in quâ sapientes regerent: aut ij, qui regere incæpissent: omne studium in sapientiâ collocarent. huic planè convenit cujusdam.*

*O fortunatos populos, ô regna beata,
 Que tangant summos vertice regna polos:
 In queis sceptrata tenent docti, Reges ve periti,
 Artibus ingenuis exornare caput!
 Ille autem egregias doctus censebitur artes,
 Quem cura & Sophia tangit honestus amor.
 Quas ut confectis opes, & nobile lucrum,
 Submissâ Dominum mente verè Deum.
 , Principium Sophia, timor & reverentia JOVÆ est,
 , Stultitia prima est, temnere causa, Deos.*



AD ILLUSTREM ET GENEROSUM DOMINUM, DN. NICOLAUM

KOCHTICZKY, L. Bar. à Kochtitz & Lubliniecz, in

Vgeſd, Simnovvodka & Blumenthal &c: Rev. & Sereniſs. Archie-

ducis Aſtrici Caroli, Epiſ. Brixinens. & Vratiſl. Conſilia-

rium intumum, ſupremum Camer. & Epiſcopatus

Vratiſl. Capitaneum.

EMBLEMA XV.

RECTO NIL TUTIUS.



Norma, Cubus, Liber & Pileus, diſverſa videntur:
 Uno in ſubjecto ſed benè conveniunt.

Liberius, verè, rectè, conſtanter, aperitè,

Vox in Conſiliis præſtet amica fidem.

Fraus quoniam poterit vix ulla nocentior eſſe,

Quàm, quæ Conſilij ſubdola vertit opus.

Res Regni momenta habeant cùm magna, ſalubri

Conſilio, & fidâ Vi Rationis egent.

1

Ut

UT Corpus humanum sine animâ & ratione consistere non potest; Sic sine Consilio Princeps. hoc enim est Anima, cujus facultate Respub: vivit, movetur, & in statu felici, quodâd illud sanum, verum, fidum, sincerum, constans, rectumq; fuerit, permanet. Quemadmodum autem Corpori multa accidunt, quæ animæ facultates impediunt: ita & Respubl. sæpè propter Consiliariorū non idoneorum, vel idoneorum quidem, sed privati boni & commodi potius, quàm Principis & Reipub: utilitatis studiosorum malitiam, mutationibus multis, & casibus est obnoxia. Principis igitur prudentis erit, tales sibi adsciscere Consiliarios, quorum virtutibus & auctoritate, suam quoq; ritè tueri; Rei autem publicæ, & quæ ex usu ejus consulenda venerint, utilitatem & commoda in melius promovere possit. Hic enim finis omnium consultationum publicarum esse debet. Huc Princeps præcipuè, cum suo Concilio, omnes cogitationes, rationes, omnem deniq; curam dirigere debet, quod Claud. monet.

* Claudian.

** Tu civem patremq; geras, tu consule cunctis*

Nec tibi, nec tuate moveant, sed publica vota.

Atq; ut gubernatori Navis, is præcipuè Scopus & finis est propositus, ut Navim salvam, quæ multorum merces & bona continet, ad portum deducat: ac tempestate ingravescente suorum bonorum malit jacturam facere, dum modò cum Nave salvus ex eâ evadat: Pari ratione mihi videtur, publicum commodum Principi bono esse propositum, qui privatam utilitatem, si cum publicâ pugnet, postponit; aut certè debet: dummodò illa salva maneat. Huic rei disquirendæ, ac diligentius perspiciendæ, Consiliariorum operâ sæpè indiget: quandoquidem ut. * Tacitus ait, *Princeps suâ scientiâ non possit omnia complecti. nec unius mentē esse tantæ molis capacem.* Quapropter Consiliarius ad Principis Consiliū admissus, in omni consultatione id spectare debet, quod cum honestate & Principis Reiq; publicæ commodo, & utilitate sit conjunctū. Quibus verò adjumentis Consiliari⁹ instruct⁹ esse debeat, ad Consilium Principis accedens, multi quidè perscribere multis: Duplicia tamen adjumenta habeat necesse est: Animi & Corporis.

Animi

* Tac 3.
Annal.

Id, 1. Annal.

Animi hæc subsequētia XV, quæ breviter * complector, adferat. 1. *Rarus & excellentis sit ingenij.* Etenim rarum ingenium, principium, medium, & finis magnarum, & plus, quàm humanarum est actionum. 2. *Sit Eloquens.* Nam cum multa Principi semper expedienda etiam in exteris regionibus, ut suadere & dissuadere, accusare aut defendere, boni aut mali aliquid exaggerare verbis rectè sciat. Domi verò in responsionibus dandis sit promptus. 3. *Ut linguarum cognitionem habeat,* præcipuè illarum gentium, quibus Princeps imperat, quò earum sermonem intelligere, & ab ipsis intelligi possit. 4. *Historiarum lectio in eo requiritur:* præsertim, quæ ad sui Principis spectant majores. Nam qui Consiliarius, eximius fuerit historicus, ac eas cum fructu legerit, is perfectissimus potest æstimari. 5. *Virtutū finem, & quomodo, quando, quatenusq; se extendunt, sciat.* Caput enim consilij est, ea, quæ in Consultationem veniunt, dispicere, si sint honesta vel turpia, circumstantijs omnibus consideratis. Sit in primis juris peritus. 6. *Sit Politicus,* id est, ut sciat, tam belli, quàm pacis tempore res, quæ eò spectant, tractare. 7. *Multas peregrinationes suscipiat.* hæ enim eum prudentiorem & cautiorem reddent. 8. *Exactè vires, & potentiam sui Principis sciat,* & tam hostium, quàm sociorum illius, aut etiam vicinorum. 9. *Non solùm amet, sed etiam procuret publica commoda:* ut ubicunq; juvare possit Rempublicam; animi vires, operam & industriam ponat. 10. *Totum & integrum corpus curet Principatus:* ne curandâ parte unâ, relinquat alteram. 11. *Bonus & justus sit.* 12. *Sit largus & liberalis.* 13. *Sit beneficus in adjuvandâ Repub: & utilitate communi.* 14. *Sit mansuetus, & affabilis:* omnes lætâ fronte excipiat; audiat postulata attentè, respondeat benevolè. 15. *Sit fortis, constans, verus, liberè absq; metu, quæ recta sentit, edisserat.* Corporis adjuncta lubens omitto: cum de animi qualitatibus præcipuè hic ago. Atq; ego verbo dico: sit Vir Bonus, Ethicè & Politicè: quod Emblemate hoc notare volui. * *Vir enim Bonus quadratus dicitur;* quòd nullâ vi everti possit; sed sibi ipsi semper constet, secum præclarè consentiat, & quamcunq; in partem volutatus, id est, ut res cadent, habeat firmam basin,

* Ex Frid Furia
Cetiolani Hispanico in lat.
verso à Christ.
V Variscio.

Vide Ideam
Consiliarii
interpretante
Sim. Schardio
l. V. D.
* Gocklen in
quæst thic.

(hoc est Constantiam in rectè factis, dictis, & consilijs dandis) instar Cubi, qui non facilè movetur, sed stat firmus, quocunq̃ue modo jaciatur. Non flectatur muneribus, gratiâ, aut potentiâ: sed rectam habeat rationem, quæ à Centro, vel diametro, vel in hanc, vel illam partem non deflectat, quod perpendiculo designo, in triangulari formâ. *Mutare tamen interdum Consilium sapientis est.* Liberam habeat vocem in communicando consilio, non mercede alienâ, non muneribus revinctam, quod pileolo monstro, libertatis enim nota est. Liber jacet in Cubo, ut quæ in judicando ambigua viderentur, ad Jura & scriptas leges recurrat. Addidi Symbolum RECTO NIL TUTIUS, sc: CONSILIO, ut sincerè & absque dolo consilium suggerat. *Gravius enim crimen non est, quàm dolorem peragere, de quorum fide præsumebamus.* Et ut in Principe nil adeò elucere potest, quàm recta fides dictorum & factorum. l. inter claras. C. de Sum. Trinit. Ita Consiliarium nihil præter cœtera magis commendat, quàm FIDES vel FIDELITAS in dandis Consilijs, & retinendis; hac enim virtute, si munus suum obsignaverit, tutam ex parte suâ, semper Principis Majestatem & auctoritatem, suamque existimationem reddet.

Sirac. cap. 2. *Vir sapiens, qui operam suam denegat Reipubl: & thesaurus absconditus, cui hæc duo profunt?*



Scal.

Actionis bonitas non est ex intentione finis, sed etiâ ab interno habitu.

AD ILLUSTRUM ET GENEROSUM DOMINUM, DN. ADAMUM

GODFREDUM BERCKA, L. B. de Duba & Lippha;

Dynastam in Lautschin, Teschen, Hauska, Neo-

Berckstein, Wiediemb & Beezdietz &c:

EMBLEMA XVI.

VINDICE VIRTUTE.



Crimina foeda movent animos persaepe potentum;
 Ad poenam ut fontes non sine bile trahant.
 Debeat offensas quod miti ast pectore Princeps
 Ferre, in magnanimo signa Leone vides.
 Unguibus haut furit, hoste sibi jam supplice facto.
 Hoc vicisse sibi comprobat esse satis.
 Nobile vindictae genus est; Ignoscere victis.
 Vixq; Ducis Virtus alius ire potest.

Macrobi. Sat.
urnal, lib. 3.

Templum Misericordiæ Athenis fuisse extractum scribitur, in quo plurimorum Principum benignorum statuæ erant repositæ: neq; ulli illud intrare orandi causâ licitum erat, sine Senatus consensu singulari & licentiâ: solis verò misericordibus & clementibus aditus patuit. Athenienses enim, eam in curam incumbabant maximè, ne hostes, aut inimici, vel etiam crudeles appellarentur: quin potius Clementiæ laude apud omnes celebrarentur. Quod institutum eorum non possum non vehementer laudare. Nam, cùm in Republ: propter hominum multitudinem vitiorû & culpas, quæ singulis momentis inter eos affatim augentur, pœnarum quoq; multitudo crescat; quas quidem exequi, ex Justitiæ præscripto Magistratus debet. (*Reipubl: enim interest, ne delicta maneant impunita t. t. C. de pœnis. ut pœnâ unius, cæteri & malefictis deterreantur. l. i. C. ad l. Jul. repet. & l. capitaliû. §. famulos. ff. de pœnis.*) Cùm tamen * omnes nati simus peccare & labi, quâ privatim, quâ publicè: *sanctiûs q. sit nocentem dimittere, quàm innocentē condemnare l. absentem. ff. de pœnis. meliûs q. sit, propter misericordiâ reddere rationem. quàm propter crudelitatem c. alligat. 26. q. ult. nec nō justius peccetur in absolvendo, quàm condemnando.* Principis probi erit, non tam templū Misericordiæ & Clementiæ ingredi, in eoq; vota sua facere; quàm in penitralib⁹ cordis sui, & sacello pectoris simulachra earundem colere ac vènerari. quandoquidem vix ulla virtus, post pietatem & Justitiam, Principes & Magistratus summos magis commendet, atq; CLEMENTIA: secundum * Lipsium, VIRTUS ANIMIA POENA AUT VINDICTA AD LENITATEM CUM JUDICIO INCLINANS. Hæc homini omnium virtutum convenientissima, quia humanissima. Nam cæteræ virtutes, etsi à Principe exerceantur laudabiliter; ad alios tamen fructus principaliter redundant: cùm Princeps non tam sui; quàm Populi, Reivepublicæ causâ sit à Deo constitutus, vel à populo electus. Alit hæc Principi amorem populi, Securitatem, Firmitatem imperij conciliat, auget, conservat. Quotus quisq; enim est, qui, cùm se in leges vel principem peccasse, ac pœnas promeruisse agnoscat: easdemq; sibi remissas videat, eum, qui potestatem adimendi bona, & vitam habuit, sed condonavit, non amet? quem verò amamus, eidem & benevolu-

* I. Lipf. 2.
Polit. c. 13.
ex Thuc,

* lib. 2. Polit.
c. 13.

mus: cū contrā, quem odimus, omninō perditum cupimus. Hæc quoq; Principes & Magistratus (his enim solis Clementia competit) paret DEO facit. Nam cū sit Clemens & Misericors pater, nec * peccata nostra pœnis statim rependit: nos quoq; tales esse * Psal. 104 vult & mandat. Quid? quod Imp. ait l. *ultima C. de donat. inter vir. & uxor.* Nihil tam peculiare esse Imperialis Mæstatis, quā humanitas, per quam solam DEI servatur imitatio. Sola enim hac virtute, ut idem ait: Princeps DEI benevolentiam, & circa genus humanum nimiam Clementiam (quantum naturæ humanæ possibile est) imitatur, qui cottidianis hominum peccatis semper ignoscere dignatur, & pœnitentiam nostram suscipere, & ad meliorem statum eam deducere. Quo fit, ut si Princeps circa subiectos imperio facere hoc nolit, nullā veniā dignus esse videatur. l. *imperialis 23. C. de Nupt. 5.* Cūq; Imperiū nihil sit aliud, quā cura salutis alienæ: Boni profectō Principis erit, suam potestatem restringere, cupiditati, atq; iræ suæ, quantā maximā vi resistere; neq; omnia ad vivū refecare: ne, dum salutem Reipubl: per crebras pœnarū irrogationes quærat: nimiam severitate, multorum in se derivet odia, imō mortem sibi accersat ultrō. Sed si quædam levia fuerint, aut quæ sanari poterint, relinquenda & curanda Clementiā & lenitate. Rarō enim succedit feliciter victoria, quæ Crudelitatem habet Ducem. & ut Cæsarille Dictator aiebat: *Miserum instrumentū senectuti esse recordationem Crudelitatis.* Crudelitas enim non tam auctoritatem, (quod quidā tamen existimant) quā odium, & inimicorum numerum auget. Nam, ut * Seneca inquit: *Ut arbores quadam recise pullulant; ita regia Crudelitas, auget inimicorum numerum tollendo.* Terror autem & metus, infirma vincula sunt charitatis: quæ ubi removeris, qui timere desierint, odisse incipiunt. Maximè autem ijs Clementia est exercenda, qui nova regna sibi subjecerunt: ne Imperia à Severitate & Crudelitate auspiciuntur. *Pœnæ enim timor desperationem, desperatio omne impium suadet & sceleratum.* Sic Galba, etsi Tiberio probior fuit; sed quia statim Imperium sanguine facinosum hominum incœpit veladij, mediā luce manifestis armis, à suis militibus interfectus est. Si * Demetrius Moschovitarum Dux, leniùs cum suā gente barbarā, inaditu Imperij egisset; dubio procul superstes adhuc esset. Diocletianus Imp: Clementiam dotem potissimam Principis cum Libertate agnovit, Hanc Seneca, *Magnus*

* Psal. 104

* 1. de Clem.
l. Lips. 2. polit.
c. 13. c. Tacit.

Scip. Amira.
dissert. polit.
lib. 1. discurs.
8.

* Occisus in
suis nuptiis
Anno 1606.
in Metropoli
Moschovis
Moskva

timoris remediū esse dixit. Impp. Reges & Principes plurimi magnā cū laude suā exercuere. Ludovici XII Gallix Regis Clementia insignis fuit, qui injurias privato sibi allatas, regnū adept^o, ulciscinoluit, dictitans, parū decorū esse Regi Gallix, injurias illatas Aureliorū Duci ulcisci. Idem Lugduni depræhensus ab aulicis duobus vivo CAROLO, & antequā nosceretur, vexat^o multis verborū contumelijs, cū illi conturbati, CAROLO mortuo, abijissent, absentes suā sponte revocavit, pristinaeq; dignitati restituit. exuisse se personam Aureliorum ducis ajens: proinde Regi nihil hæc esse curæ. Quod autē homines Clementiā & humanitatem erga se invicem exerce-re debeant, cū rationibus multis probari potest, tū exemplo animalium brutorum docentur. Leonis, *Plin. scribit, tantū ex feris Clementia in supplices prostratis parcat. de quo *Ovid.

Quo quisq; est major, magis est placabilis ira,

Et faciles motus mens generosa capit.

Corpora magnanimo satis est prostrasse Leoni,

Pugna suum finem, cum jacet hostis, habet.

At lupus, & turpes instant morientibus ursi,

Et quæcung; minor Nobilitate fera est.

Emblemate igitur hoc per Leonē, pede canē supplicē leviter prementē, Principū Clementiā intelligi volo. Leo enim magnanimi-tatis & Principis nota est, de quo plura in Hieroglyphicis Iohan. Pierij lib. 1. Hierogl. ut & Canis amicitix signū est; quod sic inter-pretor: nō solū hostibus & inimicis victis ignoscendū esse: sed etiā amicis, qui ex fidei, quæ in amicitia requiritur, libertate interdum peccare solent. Symbolū verò additū, VINDICE VIRTUTE, satis ostendit, quomodo, & quatenus vindicta exercenda. Virtus enim ubi prævia fuerit in injurijs vindicandis, mens generosa extra suū genus non faciet quicquā. *Illud, enim, est demū magni animi, par-vis nō commoveri: & cū nocere possis, ignoscere.* Huc pertinet illud: * *Misericordia & Veritas custodiunt Regem & roboratur Clementiā thronus ejus.* Claud. — *ignoscere pulchrum*

Jam misero, pœnaq; genus vidisse precantem. *Africanus.

Sive viribus quis polleat, sive genere & maiorum claritudine omnes homines at-teeniat, sive deniq; fortunā ipsum Alexandrum M. exuperet, atq; Asia Imperio Africam, & his Europam coniungat: felicem tamen hunc nego. bo esse, nisi egregia animi moderatione in rebus omnibus utatur. Dio lib 55. Plus Clementia, quā sævitia proficit: nec tantum charos habent magistratus, ac gratiam student referre, quibus delicti sacra gratia est; sed reliqui etiam omnes reverentur & colunt.

* lib. 8. c. 16.
nat. hist.
* 4. trist.
eleg. 5.

* Prov. 20.

* Casman. in
Systemate vi-
tæ Politicæ.

AD ILLUSTRUM ET GENEROSUM DOMINUM, DN. JAN-BERNHARDUM MALTZAN. L. B. à Wartembergk & Penczelin, in Militſch & Freyhan, &c.

EMBLEMA XVII.

NON SIC OLIM.



UT facile est eatulum compescere fune Leonis,
 Impatiens cujus post tamen ungue furit.
 Sic quoque Principibus teneris præcepta sub annis
 Suggerere, ut vita frena tenere sciant:
 Non opus est magnum, at matura ubi venerit ætas,
 Illos de vitiis si monuisse velis:
 Res, crede est semper magnis objecta periclis.
 Hic labor, ut prudens aggrediaris opus.

K

Qui

Qui Principum liberos in doctrinis & moribus instituunt, tantò plus Reipubl. conferunt commodi: quantò magis eadem illos probè educatos desiderat. Nam qui privatorum liberos erudiunt, uni tantùm familiæ, vix Civitati profunt: qui Principum; universæ Reipublicæ. Quemadmodum autem in extruendis mœnibus, vallis, muris, arcibus civitatum plus artis, operæ & laboris impendere necesse est: ut civium domus, facultates, atq; adeò totius Universitatis & populi bona, salva ab incursu hostium, & vi qualibet tuta esse, ac defendi possint: Non secus Reipub: interest, Principem benè moratum; pietate & literis eruditum; sic tamen doctum esse: ut animum à curâ publicâ, ad inutilem contemplationem, (quod privati hominis est) non avocet: quin potius, ut eruditione suâ Reipub: consulat; eiq; studia ornamento ac jucunditati, Reipubl: verò usui esse possint. Cumq; in bono Principe salus subditorum consistat; quis eum talem necessariò fieri debere negaverit, qualem communis omnium necessitas & vota requirunt? id est pium, prudentem, temperantem, fortem, & iustum: quem si Natura & Institutio hisce præditum virtutibus effinxerit; quid quæso Reipublicæ accidere majus? quid votis exoptari felicius poterit? Nam cum ita in vitâ communi fieri videmus, ut privatis in ædibus, uxor ad mariti voluntatem & mores; liberi ad parentum nutum; servi ad dominorum arbitriū, vitam & actiones suas instituere soleant: Principi autē mores Populus imitetur: qui exemplo longè efficacius urgent, quàm legum aut pœnarum metu: quotusquisq; est, qui non videat, summam necessitatem in Principibus rectè educandis, & prudenter instituendis? Institutio pendet vel à parentibus: vel ab ijs, quos parentes dignos, liberis suis præficiendos censent & eligunt. Illi, cum propter molem negotiorum, & insitum erga liberos amorem institutioni vacare non possunt: dignos huic officio substituere debent: quorum virtutes liberi generosi, tanquam in speculo assiduè intuentes, actionibus effingere discant. Fixum enim id hæret in animis tenellis, imò per omnem vitam tenacius memoriâ servatur, quæ quis in ætate primâ, vidit, audivit, legit, didicit, observavit; si ve ea honesta, si ve turpia fuerint. Cum autem

autem ipsi Principes vitia concipiunt: solent ea quoq; in Civita-
 tem infundere: & non tantum ipsi corrumpuntur: sed etiam cor-
 rumpunt & inquinant subditos. Contrà verò Principes boni vitâ
 suâ inculpatâ, & exemplo laudabili, mores subditorum prave
 emendant. Naturâ enim sic inter homines comparatum est; ut
 superiores non solum vereamur: sed quod arctior necessitudo; tan-
 tùm major metus, reverentia & honor existat, & inde oriatur. Quo-
 circa parentes generoseam in curam incumbere maximè decet;
 ut liberis suis tales eligant Præceptores, morumq; magistros; qui
 minimis vitijs, pluribus sint præditi virtutibus: præcipuè autem
 qui sint pii, honesti tam quò ad vitam, quàm quò ad Conscientiam:
 graves ætate, & aspectu: veraces & candidi in verbis & actioni-
 bus: generoso animo præditi: liberales, sed juxta modum: mode-
 sti in sermonibus: ut de rebus quibuscvis liberè differant: pruden-
 tes, cauti, mansueti, docti & eruditi non tantum in profanis, sed
 etiam in sacris literis: casti, benigni, & quos utraq; fortuna in
 suis castris exercuit; ut eis res lætas & adversas ob oculos ponere;
 & varios humanæ vitæ & miseriæ casus ac eventus demonstrare
 sciant: utque ab his virtutes istas, liberi generosi statim imbibant,
 quas olim vitâ, & reipsâ sint expressuri & exercitaturi. Fit tamen
 sæpius, ut Principum liberi in primâ ætate optimè à suis ma-
 gistris & doctoribus ad Rempublicam gubernandam instruantur:
 sintq; ad omne virtutum genus capeffendum tractabiles, & quasi
 cerei: sui verò postea juris facti, rigidescant: ijsq; pessimam mer-
 cedem pro fideli institutione reponant: exemplo est Nero & alij; Junge Herren/
Junge Bären
 nec facillè, adultiores facti, patiuntur se corripì vel moneri. Verum-
 enī verò & Prudentia monitoribus uti hac in re, & tempore ac
 occasione maximè opus est: utq; modus servetur. Id quod Em-
 blemate hoc demonstrare volui. Nec enim eâ ratione Leonem
 adultum compescas fure vel bacillo, cum facillè in iram exardescat;
 quàm cum esset catulus: Ita neq; Principem jam sui juris factum,
 & ætate graviorem tutò de vitijs moneas, eumq; corripas. Pre-
 zaspes filium perdidit propter monitionem, & veritatem. Perijt
 Apollodorus architectus celeberrimus, Adriani Imperatoris jussu:
Gamer. opus
succis. c. 90.

Vide Conrad.
Heresbach.
Lecti de edu-
candis erudi-
endisq; Ep.
liberis.

* Tilius lib. 2.
de reb. Gallia
& Gam. ut §.

perierunt alij. Quisquis igitur tam generosam indolem Principum, futuræ messi optatam, in Republicâ colere debet: caveat ne privatorum more, instrumenta culturæ adhibeat: semperque rore prudentiæ herbam istam generosam aspergat: ut fructus dulcissimi maturescant, & lætâ carpantur manu. Cogitet autem sedulò, non si nunc tutò corripere licet, & olim idem licere! quam laudabilis monitio fuit Ludovici sancti Regis Gallia, qui filium successorem his admonuit verbis: * *Ita te gerito, ut Confessarij, necessarij, & familiares tui possint te liberè admonere mali, quod feceris, & docere facta tua*: metuo tamen, ut omnes admonere sciant, ut placidis auribus admonitiones recipiantur: talesque videant, quod Seneca * ait,

* Epist. 106.


ne pluris remedium, quàm periculum constet.



AD ILLUSTREM ET GENE-
 ROSUM DOMINUM, DN. JAN-GEOR-
 GIUM CZIGAN, L.B. à Slupska, in Freistadt,
 Sawada, & Dobroslawicz, &c.

EMBLEMA XVIII.

INTEGRITATE.



Monte super celfo positorum Insignium, utrinq̃
 Clara representant effigiem specula.
 Supra hominum sortem Princeps evecte, latere
 Non potes, observet quin tua facta DEUS.
 Quin subjecta notet Plebs. prudens ergò cavebis,
 Vitam ne maculent turpia facta tuam,
 Integritas, vita, & recti mens Conscia; cœlo
 Pondus habet, terris premia certa capit.

Integritate vitæ, & bonâ Conscientiâ, homini nullum firmitus præsidium, & majus bonum accidere potest. Nam cum homo naturâ ad vitia magis sit proclivis, quàm ad Virtutes, & ex consuetudine malorû tantus ei cumulus vitiorû ad crescat, ut ijs expurgandis, aut expugnandis, ipsum vitæ tempus nõ sufficiat, nisi maturè virtutû præceptis imbuatur, ijsq; sese exercendo paulatim pravitati se subtrahat, sit, ut, qui minimis vitijs animû & corpus contaminavit, securior sit, & honestarum actionum fiducia nitens, ac sese erigens, lætior semper tam internè quòd ad animum, quàm externè, appareat. Hinc, ut quisque vitam agit vel bonam, vel malam; ita Conscientiæ quoque sentit stimulos: qui ex pravis actionibus orti, Carnificis instar, & eo pejores existunt: qui noctes diesque hominem pungunt acriter. Sed quis adeò felix unquam fuit & beatus, in hac perversâ colluvie hominum, qui cum eis conversando, nihil vitiorum attraxerit? atq; ut flumina sordes & alia excrementa semper secum vehunt: ita vita communis vitia.

Difficile est igitur cuivis vitam absque culpâ transigere, ut non offendas, aut labaris. Difficilius verò ijs, qui in fastigio rerum positi, omnia non ad voluntatem & voluptatem: sed & lasciviam metiuntur: quibus cuncta ex voto, & ad nutum confluunt: qui neminem agnoscunt aut habent, qui dicat, Cur sic facis? Verum enim vero, quantò difficilius est, animum à cupiditatibus vacuum gerere; corpusque & mentem à criminibus non temeratam habere; tantò laudabilior est eorum vita, qui populo expositi, tanquam speculum purissimum & nitidissimum, in quo sua vitia cernere, agnoscere & corrigere possint, suis cupiditatibus, potentiz, & licentiæ terminos, ac certos fines ponere sciunt: eosq; transgredi summum nefas & dedecus ducunt: puramque vitam agentes, in omnibus actionibus sinceritatem, & conscientiæ tranquillitatem sectantur. Cumq; omnes ad legem hanc observandam vocentur: tùm maximè ij, quos Deus populi Magistros & Custodes instituit, eadem obstringuntur. Primus autem gradus est Integritatis, ut se quisque noscat. vel Oraculi testimonio, non dico Corpus suum, sed animum. Deinde, si quas maculas, aut nevos in eo animadvertit, ut eos vitæ actionibus honestis eluere conetur:

zonetur: sic speculum purum ad videndum DEUM intra se habebit, quod est *animus seipsum cernens*. Ac veluti specula, quæ vel pulveribus obsita, vel propter materiæ impuræ densitatem, minùs pellucida sunt, hominis effigiem, vel rei cuiuspiam speciem non benè repræsentant: contrà verò in purissimis, minimas quasque in facie maculas, vel res apparere videmus: Non secus & Principum vita, (cùm sit censura populi) si virtutibus, quæ maximè regias personas decent, exornata & conspicua fuerit: Populus quod in eâ repræhendat, non modò non habebit; sed suam quisque ad Principis, studiosè componere ac conformare adnitetur. Atque Princeps sic se cottidiè intra se contemplando, memor & dignitatis suæ, & fragilitatis humanæ, nec non Reipub.; ac subditorum status & conditionis, præsertim eius, cujus vicem sustinet; nil suâ sublimi Majestate, nihil authoritate indignum patrabit. Titus Vespasiani vox Integritatem sapit. Is enim, cùm aliquando audiret, sibi quempiam maledixisse; æquo animo hoc ferens & contemnens: *Ego, inquit, cùm nihil faciam dignum maledicto, sanè maledictum hoc, tanquam maledictum parvifacio*. Augustini sententia elegans huc quadrat. *Neq; sanctior es, si laudaris; neq; deterior si vituperaris. Id ipsum es, quodes, neq; major dici potes, quàm, quantus DEI iudicio es. Si attendes quid intus in animo sis, non curabis, quid de te foris loquantur homines. Bonorum gloria in ipsorum conscientia, non in hominum ore sita est*. Et Seneca: *Si crederem DEOS ignoscituros, & homines ignoraturos, adhuc peccare dedignerer*. Et* alibi. *Quid est beata vita? Securitas, & perpetua tranquillitas, hanc dabit animi magnitudo, dabit constantia, benè judicati tenax*. Et* alibi: *Conscientiam suam Deus homo aperire debet, semperq; tanquam in publico vivere, se magis veritatis, quàm*

* Epist. lib.
14. ep. 93.

* Id. 7. de
benef. 1.

alios. Claud: ad Honor. Imp.

Hic te præterea crebro sermone monebo,

Ut te totius medio telluris in orbe

Vere cognoscas: cunctis tua gentibus esse

Facta palam, nec posse dari regalibus unquam

Secretum vitiis.

Emblemati

Emblematis autem ratio hæc est, quod quemadmodum ea, quæ in montibus, aut editiore loco existunt, longè sunt conspectiora; utq; specula eum in finem sunt inventa & usurpentur, ut faciei maculas in ijs cernere queamus: Ita sceptrum coronâ cinctum Principem intelligo, in monte positum, id est, quòd eum DEUS OPT. MAX. eminentiore & supra hominum sortem altiore honorum in fastigio collocavit, ut omnibus in conspectu esset: qui certè minùs facta sua, licet interdum homines ea non cognoscant, coram DEO abscondere potest, ac mons vel turris, aliæ res quæpiam sublimis occultari. *Aspiciunt (enim) oculis superi mortalia iustis.* Et ut * Sirac. ait: *Omnia opera hominum, sunt tanquam sol eorum illo, & oculi illius assiduè intuentur vias ipsorum. Non fuerunt occulta ab eo iniusta ipsorum facta, sed omnia peccata ipsorum exposita fuerunt domino.* Nulla igitur via compendiosior ad vitam integre peragendam, quàm vitij non fœdari, ex quibus conscientiaë morsus. Tuta autem ibi Conscientia, ubi pura vita: ac licet hæc lex sit omnibus posita, Benè vivere! Principem tamen maxime obligat: ut pote, quod subditi in ejus vitâ, tanquam speculo suam videant Eleganter * Seneca: *Sic vivendum est, tanquam in conspectu vivamus: sic cogitandum, tanquam aliquis in pectus intimum inspicere possit, & potest.* Et * alibi: *Aliter Deorum numini subiecta uniuscujusq; conscientia, aliter nostræ estimationi. Nos tantùm, quæ fecisti, palam vidimus, illi etiam quæ secreta sunt.* Apost. ad Tit. 2. *Per omnia te præbe exemplar bonorum operum.* Ad summam: Princeps

* 17. ver. 16, 17.

* ep. 84.

* Id. 1. COR-
INTH. 2.


* Edo Neu-
in scheda
Agapet,

* Si sapiis ô veritos cave delabaris in aclus,
Perfrictâq; palam fronte litare malis.
Corrumpant vulgus pejora exempla regentum,
Persuadent mores, non fera jussa, ducum.
Namq; sumus dociles imitandis turpibus omnes,
Grege Regis sequitur prævia facta sui.
Innumeris etiam tibi sis pro testibus ipse:
Utq; foris probus es, sic probus esto domi
Ecce Deus celsâ arce sedens, vigili omnia visu,
Et quæ tu tenebris rere sepulta, legit.

AD ILLUSTREM ET GENE-
 ROSUM JUVENEM, DN. ANDREAM
 KOCHTICZKY JUNIOREM. L. B. à Kochtitz
 & Lubliniecz, in Kossentin &c.

EMBLEMA. XIX.

ALIUD ARTIS.



L Anguida Virtutum sunt semina: quæ nisi docta
 Ars juvet, in vitium degenerare solent.
 Arbor nî mollis primis flectatur ab annis,
 Curva fit, & fructus fert malè culta malos.
 Cautè atas Regum ducatur prima per artes;
 Discere quas regni pro Utilitate decet:
 Semina Naturæ capiant ut robur ab arte:
 Et fructus dignos Mens generosa ferat.

L

Quamquam

Quanquam Naturæ magnam vim esse in animantibus, plantis, herbis, & rebus alijs nemo unquam sapientum negaverit: Artem tamen naturam ipsam sæpenumerò, si non omninò immutare: saltem corrigere, exemplis & rationibus evidentissimis demonstrari potest. Videmus ferocissimos Leones, Pantheras, Ursos, equos, apros, & id genus animalia, arte quadam & consuetudine mansvescieri, feritatemque innatam quodammodo exuere. Videmus arbores silvestres, si telluri frugiferæ inserantur, fructus dulciores ferre. Videmus frumenta quædam, genus suum; (quod soli ratione, & qualitate, cui mandantur, fit,) quasi deferere, atque in aliud mutari. Quòd si id in talibus rebus; saltem naturæ beneficio accadat; quis ex hominibus agrestibus, civiles: quis ex immanibus, mansvetos; ex bonis meliores, ex his optimos fieri non posse dubitabit? si maturè præceptis virtutum imbuantur; si bonorum familiaritate & consuetudine utantur: si tandem præclaris virtutum actionibus crebrò exerceantur? Verissimum enim est, quod Ovid. canit.

— didicisse fideliter artes

Emollit mores, nec finit esse feros!

* Plin. in Pa-
neg.

* Id ibidi

* *Cumq;* in Principe bono, genus omne hominum latetur: (quem cum bonum appello, virtutibus, quæ Principem decent, imbutum, & ornatum intelligo:)* *Reique publica Felicitas esse non possit, absq;* boni Principis felicitate, *neq;* hujus beatitudo, *absq;* Reipublicæ commodo & beatitudine stabilis unquam erit: hæcque mutuo nexu inter se colligentur: quotusquisque est, qui Principem à primis statim annis, Pietati, Prudentiæ, Fortitudini, Temperantiæ, &c: alijsque virtutibus, nec non artibus, verè Principe dignis assuefaciendum ac imbuendum non censeat? quarum scilicet adminiculo Beatitudinem & Felicitatem illam consequi possit! Quòd autem plùs momenti in ejus officio & salutari gubernatione positum est; cum in eo Reipublicæ summa salus sit constituta: cumque eadem debeat ipse tueri virtutis officia, quæ alij: ut cum privatim bonus esse didicerit, publicè possit esse commodior: eò majori curâ & diligentia ætas ejus puerilis (à cujus rectâ formatione

eductione & institutione, totius vitæ ratio pendet) instituenda & regenda: ut, cum ad justam gubernandi ætatem pervenerit: ipse per se vitæ suæ cursum, & Majestatem regiam moderari, Reipublicæque salutaris Princeps existere queat. Quantos verò fructus recta educatio, & morum disciplina ferat; quamque sit Principibus necessaria; Philipus Rex Macedonum docuit: qui non tanto perè de filio Alexandro nato lætatus fuit: quàm, quòd Aristotelem, idoneum filio suo Informatorem nactus esset. Docuit idem Mamaea, illa prudentissima Aurelij Alexandri Severi Rom. Imp. mater; quæ eum adè liberaliter, regiè, & prudenter institui curavit; ut, cum puer in Imperatorem esset electus; ad gubernandam verò Rempub: per ætatem inhabilis: nullum improbum, ad ejus colloquium admittere voluit; ne conversatione malorum, mores ejus probi inquinarentur. Judicavit nempè fœmina prudens, Vitia Regum longè periculosiora esse regni inimicis: quoniam hi bello profligari aut occidi, ne noceant, possunt: Vitia verò, per omnem vitam in hominem dominari: cumque hostes regiones & urbes tantùm depopulentur: Principem vitij imbutum, bonos mores Reipubl: imò ipsū regnū pessundare quis nō videat? Nec satis est, ut in Heroicis & generosis naturis acres ad Virtutem sint impetus: nisi quoque doctrinā regantur; ac virtutum exercitijs firmentur & augeantur. Prima igitur sit cura Principū, ut suos generosos liberos, Reipubl: olim gubernandæ futuros successores, non in delicijs, non in ocio, non lasciviā educandos curent: delicata enim vita molles; ocium lascivos, lascivia turpes alumnos habet. * *Removeantur à servulorum, clientum leviumq; mulierum consortio, colloquiis pravis, & turpibus spectaculis, aut inhonestis picturis, à mendacio & simulatione, à petulantia demum: propterea, quòd his de causis, vitiorum semina quedam eorum animis inseruntur, quæ adulta, postea in gravissima scelera, & insanabiles animi morbos abeunt.* &c. Laude æternā digna mihi videtur vox SÆPTIMI MUNDI I. REGIS POLON. qui quoties de suā & fratrum educatione loquebatur, omnes qui sermoni ejus intererant, in admirationem rapiebat. * *Fuimus, inquit, aliquot simul fratres,*

Huc facit
Quintil. lib.
12. c. 12.
Plutarch. de
lib. educ.

* Autor de
Regni Regisq;
institutione,
discursibus
Scip. Amirati
additus lib. 12

* Christoph.
Varsevicus de

optimo statu
libertatis lib.
1. mhi fol. 65.

*vivente adhuc patre, Longini traditi institutioni, agnitis hyberno tempore quotidie, non nisi autem diebus festis vulpinis induēbamur pellibus; cibis continuē vescēbamur hant ita delicatioribus; vini nullus nobis concedebatur usus; lectus non mollis, nec nisi cum optimis consuetudo nostra erat perennis: in sole & pulvere licebat nobis luctari, & ad labores subeundos, oportebat nos assuescere pedetentim, sic quales simus aut fuerimus, posteri rectius judicabunt. Hæc ille. Quis hodiē vel mediocriter opulentorum civium talem disciplinam sufferat? Hoc itaque Emblemate demonstrare volui: Naturæ quidem vim in rebus omnibus potentem esse: præsertim in homine, tam quod ad Virtutem, quam vitium: eam tamen plurimum juvari; si in tenerâ ætate homines, atque adeo Principes (sic enim secundum subjectam materiam hominem intelligo) virtutum præceptis imbuantur, eaq; in actiones deducant. Per equum autem hieroglyphicè Generositatem animi, & Imperium denotari scribit *Joan. Pierius. in quo licet sit, ut Horat. loquitur, patrum virtus, id est, semina & fomites virtutum: nisi tamen, qualitas illa naturæ generosa, quam Poëta virtutem appellat, arte juvetur; atque ille maturè ad flexus variandos in præliis utiles, ad sistendum cursum, eumque continuandum, assuefactus fuerit; facilè vis illa generosa naturæ in illo languescet: ut non immeritò dixerim: aliud esse naturæ: aliud artis opus. cui Horat. astipulatur.*

*Doctrina - vim promovet insitam,
Rectiq; cultus pectora roborant.*



AD NOBILEM ET STRENUUM
VIRUM, DN. HARTWIG. à STITTEN,
in Pomerſwitz &c. Conſiliarium Brandenburg. &
Ducatus Carnoviensis Capitaneum.

EMBLEMA. XX.

SERÒ NON FRUSTRÀ.



A Ffundunt oleum, quæis luce est lampadis usus.
Extingui noctu nec patiuntur eam.
Nemo adeò felix, quem non sors dura fatiget:
Nemo adeò prudens, quem haut malus errore agat.
Ergò maturè fidos conquirat amicos,
Quorum in re dubiâ Dux jûvetur ope.
Sed ne deficiant, re, & blandâ mente fovendi.
SERÒ, NON FRUSTRÀ, qui sapit, ille sapit.

Nemo sibi satis est, eget omnis amicus, amico. Id quod in vitâ communi satis superq; experientia testatur: maximè verò in Repub: id videre est, quæ tot Argos, & Geryones Centimanos, propter diffusam molem, & negotiorum expediendorum varietatem & multitudinem, requirere videtur. Quî enim Princeps, omnia perspicere, audire, quæq; ex re tot populorum esse possint, perficere solus potest? cui Natura non plus, ac cœteris hominibus largita est, videlicet Rationem & Orationem, sensus, & reliqua. Quippe, quod habeat hoc commune cum alijs hominibus, ut possit errare & decipi. Ideò sapientum in commercio esse, & in partem curarum prudentes adsumere debet: tales quæ sibi parare amicos, quorum perspectæ fidei, se, sui que regni administrationem ex parte tutò concredere possit: qui scilicet & pericula prævidere, eaq; avertere prudenter: & si erraverit, benignè ad viam rectam se reducere sciant. Nam, ut magnum quiddam est, Principibus placuisse viris ob merita & virtutes, perspectamq; in rebus agendis fidem: Ita non minùs laudabile in Principe bono censetur esse: cùm in rebus agendis, & negotijs Reipub: tractandis amicorum operâ, & consilio utatur, eosq; sui Honoris, & quasi Corporis partem esse permittat. *Non exercitus, ait Salustius, neq; thesauri, præsidia regni sunt, sed amici.* Alexander interrogatus, ubi thesauros asservaret; apud amicos, respondit; Benevolentiam enim & sui æris, & alieni Dominam esse putavit. Cyrus moriturus ad filium Cambysem, inquit: *Sit hoc jam tibi Cambyse, à principio persuasum: regni præsidium firmissimum esse, non aureum sceptrum: sed amicos quos neq; armis cogere, neq; auro parare queas: Sed fide & beneficio parantur. Neq; enim amici suâ sponte nascuntur, ut stirpes è terrâ; sed suavitatem humanitatis conciliandi, atq; in officio retinendi sunt. Ac si voles tibi custodes regni adungere, quorum fides perspecta sit: non ab alienis hominibus, sed à cognatis initium sumito.* &c. Quemadmodum autem temeritas quædam est, quosvis in amicitiam assumere: ita è contrario summæ prudentiæ est Principis, tales eligere, qui digni sint amicitia: quos non facile reſciat, aut contemnat: quin potius eorum spectatâ fide,

fide, suâ benivolentiâ sibi conservet integros. Atque hîc operæ precium duxi monitiones paucas ex F. Furij Cerialæ * libro adscribere, ex quibus Princeps videre poterit, quàm cautus esse debeat, in eligendis amicis, quos Consiliarios appello. *Certum enim est, primum & præcipuum judicium de Principibus, eorumq; virtutibus ab amicis proficisci*: qui si idonei & sapientes fuerint, procul dubio & Princeps ipse, habebitur sapiens. I. Prima itaque sit, ut sibi fideles & sinceros reddat. Rivulis enim infectis, tota aqua corrumpitur. II. Cogitet se maximè egere tali consiliario, vel amico, ut audire possit, & admittere apud se veritatem. *Veritas enim adulatorum mendaciis pressa, rarò ad Principum aures pervenit*. III. Eligat ex sibi subjectis ditionibus, ne infectos sibi populos reddat, cùm neminem ex suâ gente Consiliarios apud Principem habuerint, aut viderint. Non externos, quia ab his turbæ: non sunt periti status Reipubl: regionum, hominum, morum. Adde, quòd rara fides exterorum, quisque in suos pronus, eorumq; amans. Judicium tamen sit penes Principem, qui ex usu & commodo suo etiam externos admittere potest. IV. Nobiles plebeijs præferat: *quò enim quisq; genere clarior: ita animum ad res præclare agendas ad Remp: adferre solet*. reliquis tamen viam ad Virtutem exerendam; & propter hanc, emergendi facultatem non præcludat. V. Non sit præceps, aut celer in assumendis. VI. Et assumtis, non facilè de omnibus relatis credat. *Fallere enim & falli possumus*. VII. Examen instituat, si dignus, vel secus. VIII. Facto examine, cum publicè propter virtutem & merita electum pronunciet. IX. Tandem ab eo juramentum exigat, in quo, se bonum & fidelem Consiliarium futurum, promittat. &c. Sed quoniam, *qui Consilium dat, præstare fidem, non eventum debet*. quandoquidem hoc casus aliquis facillimè subvertere possit: Non inconveniens hujus loci quæstio est: An & quatenus quis ex suo consilio obligetur? *Non fraudulentum quidem consilium, nulla est obligatio*. l. consilij 48. ff. de R. J. l. 2. §. fin. ff. mandati. c. nullus ex consilio. de R. J. in Sexto. Nam cùm eventus dati consilij non respondet propter varias circumstantias, quæ tùm accidunt:

dantem

* de quo in
super. Embl.
expl. de Con-
silio & Con-
siliario ex Hi-
span. versione

Hippol. à Cor-
lib. in R. L. &
Hierem. Set-
ser. in disp.
instit. lxx

dantem propterea non obligat, præsertim si bonâ fide dedit: cùm contingere possit, ut benè consulta, casus aliquis superveniens immutet, aut culpa consilium accipientis pervertat. l. *si quis affirmaverit* §. i. ff. de dolo. Is quoque, qui accipit explorare debet, an ipsi expediat. Sed si super tali actu consilium fuerit datum, accepto munere, qui à jure est prohibitus, aut in perniciam Rei: ubi manifestè tendat, illud obligat: ut probat *Menoch. 2. de arbitr. jud. 99. cent. 4. cas. 351.* Quare & Princeps ipse expendat consilia data necesse est: aut certè tales conquirat amicos, qui eventus consiliorum & rerum, ex collatione similium, quæ acciderunt, sagaciter perquirere possint. Talium quoque Fidem suâ benevolentîâ conservet, eosque magnificiat. * Fecit id Alexander, qui Hephæstionem omnium amicorum charissimum, imò fratris loco habitum, secretorum suorum arbitrum, suo nomine à Syngambe appellari passus est. hic quoque libertatem in Rege adinodendo, non aliud Jus habebat. Inde ex præcedentibus, Emblematis hujus demonstratio facilis. per Columnam enim cui lampas extincta adhæret, Rempubl: intelligi volo, quæ amicis caret fidelibus. Lampas enim noctu saltem, aut obscuris in locis usurpatur. Idem usus consilij in gravibus & perplexis rebus. Vir autem eam accendens, Principem signat, qui necessitate quadam impulsus, oleum, ut luceat, infundit. Id ego benevolentiam & munificentiam Principis interpretor, quâ tales amici maximè, eorumque fides aliquâ ex parte fovenda. Inscriptio verò serò non frustra, docet: Amicos maturè conquirendos, quos licet serò pares, non tamen frustra: cùm omnibus temporibus iisdem
egeamus.

AD NOB. ET EXCELLENTISS.


VIRUM DN. LAURENTIUM FREITAG

in Michelwicz & Saprashin, J. U. D. & Illust.

Ducum Monſterberg. Conſiliarium.

EMBLEMA. XXI.

SECURA PERICLI.



Noscere magnatum si quando arcana voceris:

Fac teneas lingua lubrica frena tua.

Non ea divulges & vino tortus, & ira:

Ne subeas poenam lubricitate gravem.

Vulganda evulga, sed cum ratione: tegasq,

Que tempus, ratio & causa, tegenda jubet.

Res quævis benè clausa, manet SECURA PERICLI.

Lingua tacens, meriti premia tuta capit.

M

Quantum

QUantum bonum, LINGUA, homini à DEO sit concessum, nemo est mortalium, qui non agnoscat. Hac solâ quoniam mentis & rationis nostræ sensa intima, alijs explicamus; hac quicquid opus est, impetramus; hac nobis animos hominum benevolos conciliamus; hac solâ mille homines, non secus, ac catenâ quadam, in nostram sententiam pertrahimus, & quasi captivos ducimus: hactandem DEI gloria propagatur: & quicquid in universum commodis nostris accedere cupimus, solius linguæ beneficio consequimur. Quâ si tempore opportuno ac prudenter uti sciamus, nihil est ad laudem & gloriam consequendam illâ ipsâ efficacius. Sed quantò majora nobis ex ejus recto usu accedunt commoda: tantò graviora quoque ejus petulantiam comitantur dispendia; si eâ ad contumeliam aliorum utamur, qui morbus turpissimus est: Neque ea solùm hominem in calamitatem & miserias præcipitat: sed publicam quoque turbat tranquillitatem, Urbem & Orbem dissidijs, seditionibus & bellis complet: omniaque sursum atque deorsum volvit. Unde illud Græcum natum est proverbium: γλῶσσα τοῖ περὶ νῆς? πόλιν καὶ ἀστέφουσα, καὶ πόλιν ἀνορθώσουσα. *Lingua quo vadis? Urbem everfura, & urbem servatura.* Hanc itaque frenis cohibere, tam est honestum & decorum, quàm utile. Libertate enim suâ tunc maximè utitur, cùm homo aut iratus, aut ebrius, alijsque affectibus vehementioribus laborat. * Unde Romanorum hunc fuisse morem didicimus, ut silentij notam, S, usurparent: quam Triclinijs, abacis & foribus diætarum superponerent, eò, quòd inter bibendum multa dici soleant, majore libertate ac licentiâ, quàm locis alijs: quæ tamen ita licenter exprompta, nefas est eliminare. Quòd si tantam prudentiam veteres in conviviorum celebratione adhibuerunt, in quibustantum jucunda, rarè aut nunquam seria tractabant; ne, quod ex libertate, ore excidisset verbum, alij foràs divulgarent: quantò id magis in Consilijs, & Principum Curijs observandum est: ubi de rebus serijs, de totius Reipub: commodo: de privatorum bonis, de Principis salute, de patriâ conservandâ, alijsque gravissimis rebus deliberationes instituuntur, quæ

Obfigna sermones silentio, silentium verò occasio.

* Cl. Minos. in prælect. Morat.

quæ antequam ad effectum perveniant, necesse est ea vim omnem amittere, si vel ante tempus, vel inconsultò divulgentur. Unde & Consilium à silendo derivatur, quòd, quæ in consultationem veniunt, silentio obduci, ac tegi debeant. Magistratum Romanum olim tantâ charitate patriæ flagrasse * Val. Max. scribit: ut ** lib. 2. c. 5.*
arcana consilia P. C. multis seculis nemo Senator enunciaverit. & paulò post ait: *Fidum erat & altum Reipub: pectus Curia, silentijq; salubritate munitum, & vallatum undiq;: cujus limen intrantes, abjectâ privatâ charitate, publicam induebant.* Itaq; non dicam *mentem*, sed neminem audisse crederes, quod tam multorum auribus fuerat commissum. Hoc itaque unum præ cæteris Consiliario incumbit observandum: ut secreta Principis apud se fideliter retineat: ne gratiâ aut muneribus aliorum corruptus, quod perfidi: nec irâ aut odio, vel sponte adductus, quod incontinentis esset, ea prodat, aut evulget. Quantò rectius ille, qui oris graveolentiam sibi exprobranti respondit: *Multa secreta (inquit) in ore meo computruerunt.* Et Romæ, Tacitæ silentij Deæ simulachrum, obligato atque obsignato ore, religiosè olim cultum fuit. Sic Alexander Magnus, cùm arcanas quasdam literas Hephæstioni legisset, detractum anulum ori ejus admovit: innuens, cuique in consilium lecto, os à principe clausum signatumque videri. arduum enim est, meruisse Principis secretum! ubi si quid cognoscitur prodi, vel ab alio formidatur. Siracides. *Spinis aures tuas circumsepito, & linguam malam audire noli: & ori tuo fores, & auribus seras facito: argentum, aurumque tuum conflato, unde verbis tuis trutinam stateramque facias, & ori tuo portam atq; claustrum.* Taciturnitatem igitur, etsi aliter alij notârint; Ego tamen serâ clausâ designo. Ut enim thesaurum nostrum, & quæ oculis aliorum exposita nolumus, imò benè servata cupimus, seris occludere & communire solemus, ut secura, per has sciamus. Utque clavis ea suspecta est semper, quæ multas seras aperit: Sic arcana consilia Principum, in quibus scèpe totius Reipub: salus abscondita latet, silentio perpetuo salva esse oportet: ne linguæ

petulantia & lubricitas, quam adulterinæ clavi similem esse intelligo, eadem aperiat, & in publicum divulget.

Muretus in effigiem Tantali:

Si quando admittant suate ad secreta Potentes,

*lib. 2. cap. 2.

*Quisquis es exemplo, disce tacere, meo: * Val. Max.*

Taciturnitas optimum atque tutissimum est rerum omnium administrandarum vinculum. Plaut.

Benè consultum surripitur sæpissimè.

Quippe si rescivere inimici consilium tuum, tibi

Tuopte consilio occludunt linguam, & constringunt manus,

Atq; eadem qua voluisti illis facere, faciunt tibi.

Ovid.

Eximia est virtus prestare silentia rebus:

Et contra gravis est culpa, tacenda loqui.



EMBLE

EMBLEMA. XXII.

TUTISSIMA MERCES.



EN reliquos secum trahit anulus ordine tractus
 Longo, principium & finis, habetur idem.
 Cum Princeps pius est, illum agmina longa sequuntur.
 Virtutum, nexu consociata pari.
 Moribus inde ejus se prius quilibet aptat:
 Exemplumq; sui Principis esse studet.
 Adde quod hic Ducibus Pistas TUTISSIMA MERCES;
 Quam tandem caelis posthuma vita manet.

M 3

Indomitum

Don. Alet.
Mar. in In-
stru&. Prin-
cipum lib. I.
G. 2.

Indomitum mortalium genus est, ex quo divine legis jugum excussit. Fit autem natura hominis efferatior, dum assuescit imperio. A quo enim coercēbitur? Quapropter saluberrimum consilium sit Principibus, quibus terra paret, caput in cælum tollant, & castum divine majestatis timorem ediscant, &c. Mandatum enim & Vox DEI jubet: salus animæ propria flagitat: gratitudo postulat. Nam, cum ipsum benignitas divina, hominem rationalem, non animal aliud esse voluerit: Dominum non servum, multarumque gentium Regem, ac suum Vicarium constituerit: supraque conditionem humanam ad tantum honoris fastigium evexerit: merito illum solum, ut Creatorem adorare: ut Dominum superiorem pio cultu venerari: ut Protectorem, urgente necessitate, colere: ad eum verâ animi fiduciâ, tanquam unicum & tutissimum præsidium confugere debet. Videmus ipsos Principes, si quem honoribus aut opibus cumulaverunt; cum aut negligentiorum animadvertunt, iniquo id ferre animo: videmus privatum quemque vilissimum, si accepti beneficii immemorem quempiam agnoscat, ægerrimè id ferre: Quid de DEO cogitandum est, qui ab omnibus hominibus gratitudinem piam, sui que cultum efflagitat? maximè à Principibus, cujus illi vicem in terris agunt! Quamobrem Princeps bonus Pietatem ante omnia colet, à quâ ipsius, & Reipubl: felicitas dependet. Hanc enim si consilij & actionibus suis, tanquam fundamentum immobile substruxerit, felici semper latabitur eventu. quoniam ex pietate, & invocatione divini numinis bonum initium, melius medium, & optimus finis sequi solet. gloss. ad Proem. Inst. & ut Imp. Justin. * ait: Benè universa geruntur & competenter, si rei principium fiat decens & amabile DEO &c. amabile autem id est, quicquid ex pio corde profiscitur, & in nomine DEI incipitur. c. non observetis. 26. quest. 7. Quippe, quod * Pietas neglecta, aut prolapsa, traxit semper secum

Rempublicam. rectè Horat.

Di multa neglecti dederunt

*Hesperia mala luctuosa. & * Laetant. Ideò mala omnia*

rebus humanis cottidie ingravescent; quia Deus mundi huius effe-

* Auth. maxi-
ma. C. quo-
modo oportet
Episco-
pos.

* Lips in not.
polit. lib. I. c. 3.

* lib. 5. Iustit.
G. 2.

Etor & gubernator derelictus est. Solent Reges & Principes, Coronas suas regias, gemmis & lapidibus preciosis exornare, easque insigni præ cæteris condecorare lapillo; magnique ejus precium facere. Solent aureas catenas, monilia, & id genus ornamentorum de collo, pectore, fronte; auribus & manibus suspendere: quæ tantum corporis sunt ornamenta externa: vulgique oculos talia, ut plurimum, perstringunt, ut non raro propterea apud homines magnificent: Quando magis animum pietate excolere; mentemq; pijs ac sinceris erga DEUM affectibus exornare decet: ut non tantum internè, quod maximum est, ac esse debet, DEO placeant; sed externè quoque coram hominibus, verà pietate ornati eluceant. Quandoquidem *Pietas* preciosissima illa est gemma, quæ coram DEI conspectu, si pura est, fulget: * *habetq; promissionem hujus & futurae vite*: quæ homines, gratos DEO amicos; subditis acceptos & venerandos; vicinis populis amabiles reddit. Cumq; ita in Repub: fieri videamus; ut,

* L. Tim. 4. 8.

Mobile mutetur semper cum Principe vulgus.

non tantum in moribus: sed etiam in Religione: & quodd subditi omni tempore imitentur opiniones & facta Dominorum, siue bona, siue mala: in id potissimum Princeps incumbat, huc omnes suas cogitationes inprimis dirigat, ut pietate animum exornet, cultuque tam interno, quàm externo DEUM veneretur: illam, quantum fieri potest solam colat, foveat, conservet: sic faciliè subditos quoq; suos ad pietatem, & optimos mores in suo Principatu reducet: sibiq; obsequentiores reddet. Habet enim magnam vim vera Pietas, ad refranandos animi & corporis pravos affectus, animosq; hominum inter se vinculo sacro conjugandos. Ut taceam hîc * Numam Pompilius, qui Roman. pop. sacris obligaverat: * Val. Max. lib. 1. c. 2. sibi verò venerationem apud eundem acquisiverat, ex ficto deæ Ageriæ nocturno congressu. Ut præteream Scipionem Africanum, qui non antè ad negocia publica, vel privata ibat; quàm in cellâ Jovis Capitolini moratus esset: ut Minoem Crentium regem, ut Lycurgum: aliosq; gentiles. ut * Theodosium Imp. non commemorem, quem aulam suam, veluti Scholam, in quâ ad pietatem

* Hippol. 2
Collib. in
principe lib.
1. c. 6. ex M.
cephi lib. 14.
63

tatem, se, suosque; exercuit, instituisse, temporaque distribuisse lectionum, psalmorum, jejuniorum, imò & vigiliarum. Carolus IV, qua pietate erga DEUM fuerit, tot templa ab eo erecta satis testantur: Ut de alijs Christianissimis Imperatoribus & Principibus non dicam; ex tuâ saltem unum, CÆSAR invictissime, augustissimâ familiâ, præter reliquos, qui omnes omnium virtutum laudibus insignes fuerunt & sunt: CAROLUM V commemora-
bo; qui cum in puerili ætate pietatis & aliarum virtutum præcepta imbibisset; ac eandem per omne vitæ suæ tempus diligenter coluisset: rerum tandem humanarum & fluxarum satur, fratri suo Ferdinando, divæ memoriæ, Imperij prius tradito onere & honore: monasterium Iusti ingressus, reliquum vitæ tempus assiduis precibus, & pietatis operibus contrivit. qui (quod maximum in tanto Monarchâ, cum summæ opes, & summa religio rarò sociantur) Cæsarium omnium primus, ob religiosæ vitæ institutum, ultrò ipsum se Imperio abdicavit. Emblematis autem sensus per se facilis. Nam veluti catena ex auro, vel alio quopiam metallo conflata, ita circulis inter se cohæret, ut finis & principium ubique sit; utque ex anulo uno tota dependet: sic ex Pietate Virtutes omnes proficiuntur. cum quo facit * Lætant. *Tolle hoc vinculum religionis, & vita hominum stultitiâ, scelere, immanitate complebitur.*
* Et Augustin. *Paxillus, nisi bene fixus firmiter alicui fortiori adhareat, omne quod in eo pendet, citò dilabitur, & ipse solutus à rigore suæ firmitatis, cum oneribus ad terram dilabitur. Sic & Princeps, nisi suo conditori pertinaciter adhaerit, & ipse, & omnis, qui ei consentit, citò deperit.* 1. Tim. 6. 6. *Quæstus est magnus Pietas, cum animo suâ sorte contento.* * Agapet. *Ut ad illustrem hominum memoriam inclarescat, Pietatis in regni administratione, curam in primis habeat.* * Lipsius. *Nulla res magis animos ac mores componit, quàm Religio: & illa, ubi in pectus demissa, Virtutum agmen sequitur.* Plutarch. in Nicia. *Subditi vehementer ad Religionem excitantur, cum Magistratum suorum pietatem vident: quia magis exemplis, quàm legibus reguntur, & vita principis, ipsis censura est.*
Seneca * ait: *Pietate acquiri veram felicitatem, & successum rerum prosperum.*

E M B L E M A

¶ Varsev. Tur-
cica 3.

* De ira Dei
c. 8. t. 8.

* De abusio-
num gradib⁹.


* Aphorif. 15.

* In monitis
ad politica
c. 1.

* Ep. 74.

EMBLEMA XXIII.

DURANT ÆQUA.



Quicquid Justitiæ cultor vult æquus haberi:
 Neve aliquâ Legis parte vacillet opus.
 Sontibus imponat condignas crimine pœnas:
 Et factis tribuat præmia jûsta bonis.
 Non honor aut præcium, non vis, non ulla potestas,
 Justitiæ infringat jura severa sacra.
 Æquali penduntur ubi sic omnia lance;
 Justitiæ & Legi tunc suus adstat honos.

N

Justitiam

Iustitiam & Judicium exercere, est proprium Regum munus: quod ut faciant, sunt à DEO instituti, tùm à populo electi. Hoc cùm sincerè exequuntur, à DEO benedictione cumulantur, & à suis subditis amantur: si secus, odium subditorum in se, Deiq; iram derivant. Nam cùm vita nostra sine rebus, res autem sine personis esse non possint: de utroq; sæpè lites oriuntur, unde ad Judicem provocatio. Cùm autem nemo in propriâ causâ Judex esse debet, l. unica C. ne quis in suâ causâ judic. nec est singulis concedendum, quod per magistratum publicè possit fieri. l. non est. ff. de R. J. Judice igitur opus est, qui justè ex ll. præscripto, non ex propriâ conscientia, favore, irâ, aut odio sententiam dicat: qui neq; connivendo sceleribus amicos: neq; severiùs puniendo, inimicos sibi paret. Quæ quidem res judicium, & juris ac legum peritiam, maximè requirit. Ideò DEUS ipse monet omnes Judices: *Judicate rectè filij hominum. & * Josaphat inquit ad Judices. Videte quid faciatis, non enim hominis exercetis judicium, sed Domini: & quodcunq; judicaveritis, in vos redundabit. Sit timor domini vobiscum, & cum diligentia cuncta facite. Non est enim apud Dominum Deum nostrum iniquitatis, nec personarum acceptio, nec cupido munerum.*

Hæcq; unâ reges olim sunt sine creati,

Dicere jus populis, injustaq; tollere facta.

Princeps igitur sit Justitiæ amantissimus, quâ solâ proximè ad DEUM accedit; eamque rectè ubiq; & semper exerceat, si verus DEI vicarius in terris, ac justus Princeps audire, populiq; amorem promereri cupit. *Justitia enim & Beneficentia Principis, fides atq; benevolentiam parit multitudinis: benevolentia fidesq; charitatem, Charitas securitatem, Securitas diuturnitatem Imperij, quarum rerum omnium Comes, Immortalis gloria. Contra verò, Injustitia & sevitia gignit metum; Metus Odium; Odium insidias, insidie interitum, quas res perpetua comitatur Infamia.* Cumq; Justitiam administrare, sit pars potissima principalis officij: Ipse judicij adsit; Jus dicat ipse, partes benignè & patienter audiat, sententias ferat: vel si propter molem Negociorum, juridicundo

ipse

ipse non sufficiat: deligat Judices, & constituat viros pios, & inculpatae vitae. Inprimis verò, * *Juridicundo sunt præficiendi, qui callidi sunt, ac solertes ingenio, ad hominum technas deprehendendas: Maximè, qui sunt consulti Juris.* * *Li verò plebem optimè regunt, qui pollent eloquentiâ prudentiâq.* Cùm autem in quavis Repub. benè moratâ, sunt illa duo judicia forensia, Civilia scilicet, & Criminalia constituenda; in quibus ex Aequo & Bono, secundum ill. tamen, observato legitimo cognitionis ordine, eoq; præscripto, de privator. controversijs judicetur: tales constituat Judices Princeps, qui memores sui officij & fidei, quâ Principi suo, sive Magistratui jurant: Deoq; supremo Judici possint conscientiae morsus evitare: iudiciorû rationē reddere. Nam, quemadmodû justos Judices DEUS adjuvat & defendit: ita injustos severè punit. Karolus Magnus semel in hebdomadâ ad causas audiendas sedit, ut ejus Constitutio testatur: fecerunt id omni ævo Imperatores & Reges. * *Draculam Transalpinæ Valachiae Ducem, tantæ severitatis & justitiæ fuisse scribitur: ut Turcarû legatis in præveneratione, pilea Phrygea ex patriæ instituto deponere recusantib⁹, confirmâdi moris gratiâ, tres capiti clavos affixisset, ne ampliùs moveri possent: innumeros Turcas palis præfixisse, & inter eos lautè cum amicis discubuisse: Turcis sæpè captivis cute pedes exuisse, contusoque sale perfricuisse: mox falsis plantis capras lingentes adhibuisse, quæ linguæ asperitatē cruciatum augerent. In Barbarâ tamen regione tantam justitiam exercuisse: ut in mediâ quisque silvâ tutissimus esse posset.* * *Trajanus meritò laudatur, qui præfecto prætorio mandavit, porrecto nudo gladio, Justitiæ signo, Accipe (inquit) gladium; què pro me, si rectè imperavero: sin minùs, contra me distringe.* Sic optimus & laudatissimus Cæsar FERDINANDUS, a. m. nihil in ore sæpiùs habuisse fertur; quàm Justitiam: unde Symboli locusus est hoc dicto: FIAT JUSTITIA, AUT PEREAT MUNDUS. Sentiens nimirum, Justitiâ solâ vitam humanam conservari, quæ gloriæ & famæ omnium Regum ac Principum, quibus Respublica commissa, fundamentum est firmissimum; cujus tanta vis, ut sine eâ, nec hominum univer-

* Danz in
Aphor. Polit.

* Liv. lib. 10.
Dec. 1.

* Bonfin.

* Plin. in Pa-
negy. Traian.

Reusn. in
Symb. Imp.
Ferdinandi.


sum genus stare, nec rerum natura, nec ipse mundus potest. Hac consideratione Emblemata quidem usitatum, huic operi inserere volui. Libra enim æquitatem, Liber leges, gladius verò executionem ll. denotat. Ita olim divinarum ll. volumen cum gladio, regi designato, apud Ebræos tradi solitum, legitur: ut meminerit; verum DEI cultum & Justitiæ, ad suam curam & propugnationem imprimis pertinere. Huc pertinet Salom. in proverb: *Abominabilis regi est impietas; nam Justitia stabilitur thronus.* Et ibid. *Justitia exaltat gentem, at populum perdit injustitia.* * Seneca. *Æquum jus est, non quo omnes uti sunt, sed quod omnibus latum est.* Idem. *Justum esse gratis oportet, & se in hanc pulcherrimam virtutem ultrà impendere: nullum justa rei premium majus est, quàm justum esse.*



EMBLEMA

EMBLEMA XXIV.

CAVET FUTURIS.



Qualis Rex, talis Grex fertur. Lex sed utrumq;
 Si male convenient, sub sua jura vocat.
 Rex equidem Leges sancit: non est tamen exlex.
 Spontè probus Rex, quod Lex jubet, omne facit.
 Lex ipsa est Princeps: est Princeps legis & instar.
 Sunt ambo juris Regula juxta boni.
 Rex sed ubi leges propriâ ratione refigit:
Publicares certum tendit ad interitum.

* 15. lib. Anal.

IN omni Republicâ laudabili, Legum maxima debet esse observatio: quodd hæ sint Anima & vinculum Reipub.; quo membra ejusdem, & status optimus ac felicissimus constringitur, coheret & conservatur. Hæ sunt medicina quædam, hæ pharmacum præsentissimum contra malos mores, ex quibus etiam enatæ sunt. Nam, ut pessimi morbi optimis remedijs inveniendis causa fuere: Ita & Leges latæ, necessitate sic exigente, ex malorum morum exundantiâ sunt exortæ. * Tacitus inquit. *Usu probatum est, leges egregias & exempla honesta apud bonos, ex delictis aliorum gigni.* Hinc CAROL. CALVUS, Symboli loco usurpavit: **IUSTITIAM INIUSTITIA PARIT.** Legum verò necessitatē in Rebuspub. vel hæc ratio monstrat: quodd improborum audacia longe latetq; fines suos dilataret & extenderet, ac quidem in infinitum: nisi freno legum inhiberetur. Melius enim semper legum pondere pressa curatur audacia: & dum metus talibus imponitur, peccandi licentia non præbetur. *Sunt itaq; leges custos justitiæ, virtutum altrices, disciplina conservatrices, vitæ præsidium, infirmorum auxilia, potentiorum frena, quibus eorum audacia & libidines, ad gyrum recte rationis flectuntur.* Princeps igitur Bonus, leges Reipub. suæ feret salutare: easque semel latas non facillè immutabit, aut abrogabit, aut quoq; abrogatas in usum revocabit; nisi aut summâ urgente necessitate: aut Reipub. utilitate aliquâ sic exigente: neq; multas constituet. Illud enim iudicij non recti, imò inconstantis: hoc Tyranni esset; populum ill. pondere, & jugo servili opprimere volentis. Leges enim, cum sint fundamenta Reipub.; si quis ex ijs fundamentis mutare quidpiam volet, verendū, ne ei idem contingat, quod substructiones & fundamenta altissimarum ædium, mutanti; si nisi cautissimè agat, certa totius ædificij ruina subsequetur. Et quanquam à multis hinc seculis virorum doctorum, DE ABSOLUTA PRINCIPUM POTESTATE, variæ fuerint sententiæ, tam in Scholis, quàm foro agitatæ: neque inscius sim, de summi Principis iudicio disputare, *sacrilegij instar esse, l. 3. C. de crim. sacrileg. cum ex plenitudine potestatis suæ, tum consuetudinem, tum legem abrogare, Heigius part. 1. quest.*

1. quæst. jur. n. 95. Et leges condere possit, l. ult. in fin. C. de ll. & quicquid ei placeat, legis vigorem habere l. 1. ff. de const. princ. Salvo tamen judicio, & communi Dd. opinione dixerim, eum ll. non esse solutum, etiam quas ipse Reipub: utilitatis causâ ferat vel tulit. De ll. divinis, Naturæ, & Gentium non dico, cum extra controversiam, saniorum l. Ctor. calculo approbetur: eum iisdem teneri. Non dico de Justitiæ & Honestatis ll. quibus & ille solutus non est; cum ratio ipsa dictet, eum, qui justè imperare, & justitiam administrare debeat & teneatur, injustè omninò agere non debere. Qui honesta præcipit & præscribit, ei inhonesta facere non convenire: *Vana enim & elusoria essent leges, nisi, quæ eas tulit, hæc exemplo & vitâ suâ firmaret & defenderet.* Sed quoniâ Princeps ipse sit animata lex. Leges autè indifferenter aut ad pœnâ, ut ad Obedientiâ obligent l. divus 7. D. de jur. patr. sequetur eum quoque iisdem subijci, quas alijs tulit. *Eum enim qui leges condit, pari majestate legibus obtemperare convenit.* l. Papinianus 8. §. si Imperator 2. de inoff. testam. Absoluta enim eorum potestas, non est est numeris omnibus absoluta: Cum illa tantum in DEUM, qui Rex ipse est summus & primus ordine, nec superiorem recognoscit; cadat: terrestres verò Reges Institutione, & sic posteriores. Cæterum, cum ll. sint quædam sponsio inter Principem & subditos: Sponsiones autem & conventiones vanæ sunt, quæ in voluntatem committuntur alterius partis, cum sit natura obligationum, ut invitos adstringant. Sequetur igitur, eum quoque legibus teneri, quas populo tulit. Quod si non cogatur vi: cogetur tamen à pudore: cum justitia sola non sit, sed & pudor, qui homines regit, & in officio continet. Unde Salyc: ait. Quod honor non est, sed pudor, legibus alligari. Et revera, majus Imperio est, submittere ll. principatum l. digna vox. C. de ll. Item. decet tantam Majestatem eas servare leges, quibus ipse solutus esse videtur, l. ex imperfecto 23. D. de legat. 3. Et Imp. Severus & Antoninus: Licet, inquit, legibus soluti simus: attamen ll. vivimus. §. fin. Instit. quib. mod. testam. infirmant. Claudianus eleganter.

An communi jubes si quid, cense sue tenendum.

Primus

Alc. & Duar.
de V.O. Alber.
Gentil. de Vi
Civ. in regem
semper inius-
titiâ.

*Primus iussa sibi: tunc observatio æqui
Fit populus, nec ferre vetat, cùm viderit ipsum
Auctorem parere sibi &c.*

Non nego tamen

Vide Corras:
Miscell. lib. 2.

c. 25. Pruck-
man de regal.

Speckhan

quæst. Iur.

Cent. 1. quæst.

27. Bron-

chorst. *evanl.*

cent. 1. assert.

I. Alber Gent.

de potest Re-

gia absoluta,

& alios.

* 4. de benef.

12.

Principem Il. quibusdam solutum esse: ne tantæ Majestatis splen-
dor, qui in ipso refulget, Vulgi juri communis, promiscuusq; sit.

Ad summam. *In quâ Repub: ex Platonis sententiâ, non lex Prin-*
cipi & Magistratui, sed legi Princeps ac Magistratus præest: ei in-
teritus est paratus. Salus vetò illi, ubi lex servientibus Magistra-
tibus dominatur. Emblemata autem nostrum leviori explicatione

indiget, quandoquidè fasces Imperium, & qui huic præest, ex supe-
rioris emblematis explicatione denotent. eadem ratio & de libro.

cum quo & * Seneca facit. *Legem scimus justî in justiq; regulam*
esse. Idem. Rectum est sui & obliqui index. Lex autem recta quæ-

dam linea est, curvum ipsum discernens. Leo Imp: in procem.
Novell. *Lex est quasi murus magistratibus, adversus vulgi impor-*
tunitatem, vitæ nostræ custos & medicus: dum mala ne oriantur,
impedit: corrigit & evellit, quæ irrepsérunt. Idem constit. 19. *Est*

oculus Reipub: Ideoq; ut res maximè necessaria animali oculus
non titubans: Ita & Reip. legum æquus & rectus status:

alibi Lex, Regina omnium divinarum & hu-
manarum rerum, regula justorum

& injustorum appellatur.



EMBLEMA XXV.

USUS BEAT.



CEn malè Campana sonus exauditur, ubi ipsa
 Fissuram medio corpore rupta gerit.
 Sic proprium amittit Lex sacrosancta vigorem,
 Ejus cùm justum *V*is labefaciat opus.
 Nec juvat innumeras subiectis condere leges,
 Si nemo qui illas sponte sequatur, erit.
 Non vox, sed Ratio: non legis jussa, sed *U*sus,
 Justitiæ populos cultus in orbe *BEAT*.

O

Leges

LEges inventum ac munus esse DEI, decretum prudentum hominum; patet ex l. 2. ff. de LL. quæ meritò autoritate muniti, & ab hominibus sanctè coli & observari, imò terrori esse debent, propter authorem, & quam humano generi conferunt utilitatem. Olim, ut humanis mentibus leges firmiùs infingerentur; & plùs dignitatis ac venerationis haberent, Reges & Legum latores eas à Dijs sibi traditas finxerunt: * Sic Numa Ægeriam Deam autorem religionis & ll. finxit. Sic *Minos Cretenſium Rex, nono quoq; anno in quoddam præaltum & vetustâ Religione consecratum specus, secedere solebat: & in eo moratus, tanquam à Jove, quo se ortum ferebat, traditas sibi leges prærogabat.* Sic Lycurgus legum à se Lacædemoniorum Civitati latarum, Apollinem autorem esse, ijs persuasit. Atque ut à profanis ad sacras leges veniam. * Moses duas tabulas legis divinæ, in monte Sinai à DEO OPT. MAX. sibi traditas, populo Israëlítico testatur. Utque populo terrorem, ac sui venerationem adderet, inque eorum animis excitaret; visus est Cornua duo in facie habere; quæ tamen non cornua, sed potiùs radios lucentes fuisse, cum doctioribus crediderim: quanquam & Cornu, excellentiæ & authoritatis signum esse, ex sacris apparet 2. Reg. 22. Psal. 112. Imò pro rege ipso in sacris literis id inveniri tradit, * Henr. Salmuth, ex Pierio lib. 41. Hieroglyph. Cumque ex his constet, legibus mentes humanas constringi, & à maleficijs ad honestatis & obedientiæ officia revocari; Principi bono, cui ll. & disciplinæ Politicæ, à DEO & populo, demandata est cura, maximè incumbit; ut possibilitatis, facilitatis, ac æquitatis rationem habeat in ijs ferendis. Ea enim, *quæ impossibilia sunt, lege præcipi nec possunt, nec debent. adeaq; nemo obligatur* l. impossibilium ff. de R. I. Proinde * Plutarch. inquit. *Ea quæ jubentur, oportet fieri posse faciliè.* Æquitatem voluit Paul. l. in omnibus 90. ff. de R. I. Et quia parum est leges ferre; nisi ipse, qui eas tulit, easdem defendat, & observet, atque, ut executioni mandentur, seriam curam habeat: Principis quoque

* Val. Max.
lib. 1, c. 3.

* Exod. 31.
vers. 18. Deut.
5. vers. 22.

* In not. ad
Panciroi. de
Fibulâ.

* In vitâ So-
lonis,

quoque boni erit, ut non tantum subditos in officio, secundum leges à se latas contineat; sed sibi, eas non violandi, legem ponat. Fieri enim vix potest, ut alios ad ea exequenda aut observanda cogamus, quæ sancimus; quæ nos ipsimet servare nolumus, aut sancita infringimus. Neque Reipub: felicitas consistit in eo, ut habeat multas & bonas leges: sed ut habeat Principem bonum. quorsum enim lex justa, si Princeps executor ejusdem sit injustus? August. Cæsar legem de adulterijs tulerat, quomodo criminis rei accusari ac puniri debebant: cumque Juvenis quidam, qui cum filia ejus Juliæ commercium habuisset, ad pœnam ab eo raperetur, atque hic exclamaret: Cæsar legem tulisti, eam servare te oportet, cum postea facti ad eam pœnituisse, ut eâ die cœnam sumere recusaret! Et quanquam dolore & delicti gravitate commoveretur ad legem infringendam, ac stupratorem puniendum; maluit tamen abstinere, quàm il. violator audire. Simile de Zaleuco Locrensi legumlatore legitur. Emblema autem hoc ad il. maximè pertinet: quas sub Campanæ specie intelligo, cujus usus in primis publicus est. Nam, ut * Pancirollus ait, *actiones publicas* * lib. rer re-
intimat. Ac quemadmodum homines in urbibus & pagis ad pert. tit. 9.
Campanæ sonitum convenire solent: & quid impulsa notet, sciunt. Quæ si rumpatur, ejus usus parvus aut nullus omnino erit. Sic etiam il. nisi integrè & sanctè observentur, nullius momenti erunt. hinc eâ mente Imp. Maximilianum dixisse scribunt: *Ut Campana sine pistillo; sic lex sine executione nihil valet.* Utque sibi Campanæ surdæ sunt & stupidæ, nisi ad sonitum edendum moveantur: Ita & il. nihil valent, nisi executione condecorentur. Eundem in sensum ferè elegans Epigramma extat.


Æra gravi cunctos veluti Campana sonore,

Ipsa licet penitus sint sibi surda, crient:

Sic et recta docens alios perversa sequente,

Quid, alijs sapiens, non sapit ipse tibi.

Et quemadmodum res quævis in usu maximè consistit: Sic & ll. authoritatem tùm demum acquirunt, cùm ad usum rectum revocantur. Arist. pol. 3. cap. 3. *Legum usus non in eo consistit, ut benè illæ in Codice Reipub. scriptæ asserventur muribus et teneis; sed ut his positis, homines pareant: & melius est, non esse prorsus leges, quam ll. non obtemperare.*



EMBLEMA

EMBLEMA XXVI.

SECLA REPENDENT.



Urbis victura Princeps exordia prima
 Hec sibi precipuè constituenda putet.
 Querat certa hominum qua commoda postulet usus:
 Quisq; diu prorsus vita carere nequit.
 Hinc ea procuret, qua talia jure sequentur.
 Et quæ commodius vivere quisq; potest.
 Deniq; firmatam certis ut legibus armet,
 Sic structa perpes mole vigeat Opus.

O 3

Inrerum.

IN rerum Naturâ, siue Universitate hac, nihil est, quod principi-
 pium non habuerit, habeatve, incrementa, & finem: quodq;
 perfectum esset qualitate suâ, aut perpetuum. Utq; omnia à
 primâ illâ causâ & supremâ, primoq; motore D E O O P T. M A X.
 dependent: ita ejus voluntate, & absoluto arbitrio reguntur, di-
 riguntur, stantq; caduntq;. Sunt tamen quædam, quæ humanâ
 industriâ effinguntur, diligentîâ conservantur, & prudentiâ gu-
 bernantur: quæ tantum abest, ut stabiliantur solidè, aut durabi-
 lia reddantur, ut etiam D E O sic disponente corruant, aut immu-
 tentur. Id quod in Imperijs, & Rebus publicis luce meridianâ cla-
 riùs apparet. Primam Monarchiam Nimrodus constituit (ab
 eoq; reliquarum initia facta) videtur Chaldeorum & Assyriorum
 Tyrannide, quæ postea ad Persas, à Persis ad Macedones fuit
 translata. Usq; adeò verum esse ex historijs apparet. Fatales esse
 Periodos Imperiorum, quæ quidè, etsi certo quodam temporis
 spacio includantur, ut ex multis Rebus pub: mutatis, everfis, con-
 versis facilè colligitur: periodos tamen istas non per æquè ubique
 durare certum est. Licet autem humanâ industriâ, & Prudentiâ,
 optimisque Consilijs stabilianrur Respublicæ & conserventur:
 attamen, quin eas D E U S propter peccata imperantium, aut sub-
 ditorum, pro suâ liberrimâ voluntate destruat, & uti ei placet, cum
 ijs disponat: nemo negaverit. Et veluti quis ædificium egregium
 exstructurus, tantò majorem diligentiam & Prudentiam adhibet,
 ut omnia ex arte disponat, disposita firmet: & servatâ proportio-
 ne totius ædificij, res quoque in eo minores, non tantum ad usum,
 sed & splendorem collocet; quantò ædificium ipsum splendidius,
 laudabilius & durabilius existere cupit: Ita quoque, meo judicio,
 Principi, qui novam Urbem & Rempub: constituere, statumque
 ejus tum florentem, tum diuturnum conservare satagit, in id in-
 cumbendum est maximè; ut ea primùm parentur, sine quibus
 nullo modo vivi possit. Deinde quærantur ea, quibus commodius
 vivitur. Tandem ea constituantur, quibus tranquillè & pacatè
 quisque vivat. Illa sunt obiter ut recenseam. Victus, Habita-
 tio, Arma

tio, Arma & Judicia: hæc sunt nascentis Reipub: summè necessaria primordia. Sunt alia, quæ concausæ appellari possunt Rerumpub: constituendarum. Plato quidem in universum Novem genera ponit rerum, primigeniæ illi civili hominum societati subservientia, videlicet *Instrumenta, vasa, vehicula, munimenta, oblectamenta, nutrimenta, Artem monetariam, servitia publica, & sacerdotes*. Hæ partim Necessitati, partim Civitatis ornameto serviunt. * Aristoteles verò ad sex genera rerum Reipub: necessariarum totum restringit. videlicet ad *Victum*, qui sufficiat civitati: *Artificia*, quæ vestimenta civibus & peregrinis parent: *Instrumenta*, quibus Respub: utatur domi. *Arma*, quibus se contra hostium vim foris defendere, domi verò seditiosos coercere possit. *Cura divini numinis*, ut Cives in pietate exerceantur. *Judicia publica*; ut lites civium componantur. Quæ verò sint ornameto Reipub: plurima alibi recensentur, nec hoc loco omnia perscribere placet. Id tantum addo. Rempublicam florentem conservat generaliter, * Verus DEI cultus. Concordia privata, sive pax domestica. Pax publica, & quam cum exteris colit Princeps. Principis Prudentia & Clementiâ. Eius boni Consiliarij. Fides publica servata. Vestigalia. Fœdera & pacta conventa cum vicinis & extraneis populis, Gens genti opposita, &c: Sunt & specialia, quæ Rempub: conservant, de quibus scriptores politici consulantur. Ac quoniam Respublica Principum sit Objectum, in quo actiones suas & Prudentiam exercent: tantò populo acceptiores erunt, & à posteritate laude dignâ celebrabuntur, quantò in constituendâ Republ: majorem curam; in constitutâ, diligentiam; in gubernandâ, & pacis ac belli tempore conservandâ Prudentiam adhibuerunt. Cumque Principi, (ut & omnibus hominibus) diù vivere denegetur: relinquat post se Rempub: benè constitutam, quæ eum posteritati Vixisse testetur. Emblematis vero hujus sensus obvius est. Igne enim & aquâ, æquè ægrè carere possumus, ut aëre quem trahimus: ut & tecto, quo nos, nostraque, adversus cœli injuriam defendimus. Hinc olim novæ nuptæ in domum mariti ignem inferre solebant,

lib. 7, Polit.
6. 2.

* Danæ in
aphor. Polit:

,tanquam

* Fran. Barba-
rum de re
uxoriâ lib. 1.
c. 8. Ioan.
Rosinum &
Thom. Deimp-
sterum à Mu-
resk antiqui-
tatum Roma-
nar. lib. 5.

* lib. 3. de
Regis institutis,

tanquam summè necessariam rem ad usus humanos, de quibus vide * alios. Et nostrâ hac ætate videmus aliquot in Imperio Rom. recens extructas urbes, & adhuc extrui; quæ non minùs splendidæ, quàm legibus optimis instructæ florent, & quod Deus faxit, diù florent: neque obscurum est aut ignotum, quomodo creverint, & ad amplitudinem suam pervenerint, ac incolæ à parvis initijs, ad majora & laudabilia incrementa rerum ac opum consurrexerint. Huc quadrat Cic. lib. 2. Off. *Omnes qui Rempub: gubernant, consulere debent, ut earum rerum copia sit, quæ sunt necessaria.* * Olor. *Officium regis in eo positum est, ut Rempub: opibus locupletet, præidiis firmet, moribus ornet, dignitate illustret; atq; ut uno verbo dicam, beatam efficiat.*



E M B L E M A

EMBLEMA XXVII.

NON SIBI.



Non minor est virtus, alios audire monentes
Optima; iudicio quàm benè stare suo.

In regno occurrant dubij cum sæpius actus;
Rex horum eventum cernere vix poterit.

Consulat ergò alios decernens: eligat ipse
Sed fugienda sibi: quæq; sequenda sibi.

In gravibus causis proprio ius dicere sensu;
Erroris semper proxima causa fuit.

,,

,,

P

Sapientis

* Cic. pro
Cluente.

* **S**apientissimū esse eum dixit Romanus ille Orator, cui quod opus sit, ipsi veniat in mentem: proximè accedere illum qui alterius benè inventis obtemperet. Sed qui neq; ipsi consulere, neq; alteri rectè monenti parere scit, eum pessimi esse ingenij. Prius illud, quanquā cuivis honestū: Principi tamen summe Necessarium videtur, ut Reip: benè præesse, ac quoties opus (opus autem semper,) Consilio & auxilio suo ipse succurrere & opitulari queat: attamen raro ea ingenij felicitas, & exquisita prudentia in Principes (quod bonâ pace ipso, & verecundè dixerim) cadit, ut soli tantæ molis Onus, & gravissima, sæpè periculosissima negotia Imperij sustinere; aut quæ nocerent, prævidere, consilioq; proprio avertere possent; tū, quod Prudentia usu, eoq; ex varijs rebus vario, civilium & militarium rerum tractatione, ac variæ fortunæ casibus acquiratur: tū, quod unus non omnia videat, multa autem multi: Illam verò, vel per ætatem juvenilem acquirere non possunt; vel, quod *Institutione aut Naturâ* (ut * Lipsius ait) *eis hæc fors est negata*. Et licet illud verum sit: *Odi sapientem qui sibi non sapit*: privatisq; potiùs, quàm publicis personis serviat: aliam tamen rationem domus, quàm Civitatis; aliam Civitatis, quàm totius Imperij: aliam patrisfamilias statum; alium quoq; Patris patriæ; aliam Consulis; aliam item Regis conditionem esse affirmarim: cū tamen paterfamilias, aut alius quispiam, si ei alicujus momenti negotia tractanda, suo tantū non stet iudicio: sed aliorum Consilium & opem sæpè requirat. Atq; idè quoq; in judicijs & tribunalibus, Judici assessores & collegas adjungi videmus: ne, si graviora negotia, vel lites de magnis & arduis rebus sint decernendæ; ex suâ sententiâ id tantū faciat; quod parti alterutri in juris, aut honoris præjudicium judicatum esse censeatur. Quod si verò id in privatis rebus, ut plurimū fiat; quarum ex imprudentiâ, error & jactura, parvo sæpè commodo corrigi, aut redimi potest: quid sibi Princeps Bonus & prudens, in tractandis Reipub: negotijs difficillimis, faciundū putabit? cui nimirum multi populi, eorumq; tot tantæq; curæ, regniq; negotia commissa sunt? cujus talis conditio est, ut quæcūque benè aut

secus

* Polit. lib. 3:
c. 2.

secus facta sint, aut fuerint; ad Rempub; pertineant: & cujus error ipsum, regnumque totum pessundat, & ingenti damno involvit! Quemadmodum igitur, in extruendo ædificio, sola Architecti scientia non sufficit; sed aliorum operariorum quoque adjumento opus est, ut melius & citius perfici possit: Sic & in Repub; non satis est, ut Princeps ipse rebus agendis, & negotijs par sit: sed sibi Amicos adjungat oportet; id est, Viros prudentes, vitâ & moribus probatos: & famâ celebres: quorum consilij & operâ, pace & bello feliciter uti possit. Nam si administrationem rerum suarum & publicarum, solis administris commiserit: verendum est, ne omnia regni præsidia dilabantur: Si verò ipsemet omnia absq; aliorum adminiculo peragere velit: laborem immensum sine fructu subibit: nullumq; tempus molestijs, curis, adde & periculis vacuum habebit. Neq; laudandi sunt, qui omnia ex suo judicio tantum metiuntur. Nihil autè rectè vel benè factū putant, nisi quod ipsi fecerint. Neq; ij probandi sunt, qui licet benè consulentium sententias patienter audiverunt; id tamen solum justum & bonum censent, quod Affectus potius, quàm ratio recta, & prudentium suffragia concludunt. Quanquam non negem Prudentis & Sapientis esse, aliorum sententias & voces audire, atq; inde, quod optimū, utile & honestū, necnō factu facile, exequi. Et, si præterita tempora, cum præsentibus conferamus; Principumq; statum, qui eâ tempestate vixerunt, consideremus; rarò ex unius voto res in Repub; feliciter; semper autem communicatis consilij optimè cessisse animadvertemus. Ea propter Augustus Mæcenatem & Agrippam. M. Antonius, Scævola, Mutianum & Volusianum. Severus Papinianum semper apud se habuisse legitur. Alij alios in consilium adhibuerunt. *Sapientia argumentum*, inquit Tacitus, *in Principe nullum majus est, quàm sapientum virorum consilio uti.* Emblemate igitur hoc docere volui, Principum libertatem, (quam pileo designo,) in rebus præsertim maximi momenti, & quæ totius Reipubl; summam concernunt, non ad affectum, & privatam cupiditatem esse laxandam: & quid sibi bonum esse tantum videatur, statuendum: multò minùs libertatem eandem in rebus ad commune bonum pertinentibus,

tibus, vi esse debere armatam: Turpe enim Principi bono & Reipub: salutari, si dicat:

Si volo, sic jubeo, sit pro ratione voluntas.

Quin potius, sic Libertate, rectè cum ratione congruente, uti debet; ut interea fidorum & prudentum Consiliatorum suffragia non excludat. Nam

* Reus.

* *Consilio quicunque suo sapit, hanc sapit ille:*

Consilio alterius qui sapit, ille sapit.

Hinc &

M. Aurelius Antoninus Philosophus Symboli loco usurpavit.

* lib. 44,

CONSULENDUM ET PARENDUM CONSILIO. Et in hanc sententiam rectè * Livius. *Si quis de sua unius sententiâ omnia geret, superbum hunc judicabo magis, quàm sapientem.* Sirac. *Pro viribus tuis conjecturam fac de altero, & cum sapientibus ini consilia, cum intelligentibus esto confabulatio tua, & tota narratio de lege Altissimi.* * Tacitus. *Nem vim principatus resolves, cuncta ad senatum revocando. Sit solus arbiter rerum jure ac nomine regio: Consilia tamen spernere non debet: licet alioquin, teste eodem Tacito, ea sit imperandi ratio, ut non aliter constet, quàm si uni reddatur.* Et ut idem ait: *periculosum sit privati hominis nomen, supra Principis attolli.* * Casman. *Miser est Magistratus, qui non Judicij proprij lance librat consilia data, & dictas sententias, Videt oculis, ad non suis: audit auribus, at alienis: utitur quidem judicio.*

* Casman. vitæ Politicæ c. 17.

* Vitæ Politicæ c. 23.

& ratione, at aliorum: servum pecus potius, quàm gubernatorem dixeris.



E M B L E M A

EMBLEMA XXVIII.

SINE HOC FRUSTRUM.



Ardua Consilij si quis momenta requirat,
 In Duce sint fortium potiora manu?
 Si conjuncta adsunt meritis laudantur; & illud
 Principis eximij: militis hoc opus est.
 Cui non est robur, vel firma in corpore vires:
 Consilio victor saepius esse solet.
 HOC SINE Dux belli FRUSTRUM tentare quid ausit:
 Vis vana est, quam non Mens Ratioq; regit.

P 3

Rempublican

REmpublicam Romanorum **CONSILIO & ARMIS** cre-
 visse, nemo est adeò peregrinus in lectione historiarum,
 qui nesciat. Consilio tamen & Prudentiâ semper potio-
 rem extitisse: bella & actiones suas feliciter perfecisse, extra con-
 troversiam quoque est. Quam quidem Prudentiam, non solum
 factis: sed varijs etiam tabulis & picturis, ut perpetua & firma po-
 steritati ejus extaret certitudo, exprimere conati sunt. Inde Mer-
 curij & Martis in unum corpus conflatum simulachrum; Duæ aræ
 conjunctæ; Duo conjuncta delubra; nihil aliud significarunt,
 quàm Mercurium, id est **CONSILIVM** ac **INGENIVM**, ita Mar-
 ti ac bellico studio necessarium esse: ut unum ab altero citra di-
 spendium alterius avelli non possit. Sic Poëtæ Palladem ex Jovis
 cerebro natam, hastâ, clypeo, gladio cinctam finxerunt, quo tem-
 pore pluit auro in Rhodiorum insulâ: quâ fabulâ id docere volu-
 erunt, omnium bellorum, armorumq; felicitatem, ac prosperum
 successum à Consilio atq; Prudentiâ proficisci & manare: atque
 idèd Consilium antè res Bello & Pace suscipiendas imbibendum
 & perpendendum, ut inde nascatur Sapiencia, quam sequitur **FELI-**
CITAS, & defensio tutissima rerum singularum, tùm **TRAN-**
QUILLITAS, quam Sapiencia tuetur in rebus humanis: quando-
 quidem Sapientem nemo fallere, aut imparatum unquam inve-
 nire possit: nec eidem quicquam accidere queat, quod non acci-
 disse, aut accidere potuisse vel posse putet. Quàm verò necessa-
 rium sit Consilium, in rebus tam privatim, quàm publicè institu-
 endis & exequendis, ipsâ experienciâ, rerum & vitæ magistrâ cot-
 tidie docemur. An non earum rerum omnium, quæ domi, quæ
 foris, quæ in Curiâ, in judicijs, in contractibus, ac vitæ civilis
 societate & commercio versantur & agitantur; omne robur &
 nervus, omnis ratio & salus, **INPRUDENTE CONSILIO**, tanquam
 in firmissimo præsidio consistit? Videmus sanè, quæ temerario
 ausu & celeritate, non deliberato priùs animo, aut rerum momen-
 tis ponderatis suscipiuntur, quanta damna, turbas & exitiâ parere
 soleant. Sed tantò felicior Respublica illa, tantòq; beatior æsti-
 manda, quantò Prudentiorem, Ingenio ac Consilio præstantio-

rem

rem habuerit Principem. Id vel in eo, qui in Navi clavum tenet videre est: qui, quantumvis loco non moveatur, nec remiget, nec vela seu rudentes curet, nec alia quævis nautica officia obeat: plùs tamen ad navis conservationem in tempestate confert, quàm cœteri: Ita in Republ: Princeps, qui ex Consilio & Prudentiâ omnia facit, multò plura & feliciora, etiam sedendo & quasi quiescendo efficit, in conservandâ & defendendâ Republ:; quàm foris militum turmæ, & cohortes armatæ. Exemplo esse potest (pace aliarum Rerumpub: magnarum dixerim) Respublica VENETORUM florentissima, quæ prudenti suo consilio bella avertere novit: Aut, si suscipienda aliquando fuerunt, habitâ priùs consiliorum ratione, non infeliciter pugnavit. Pacis verò tempore omnia Consilio maturo sic moderatur; ut Respubl: aliæ meritò exempla felicitis gubernationis inde petere possint. Cumq; in militaribus negotijs ita sit comparatum: ut bis peccare non liceat, quoniam regressus ad corrigendum vel emendandum, sine insigni damno non datur: semperq; periculum & strages, Errori in bello advigilet: quis non videt, plùs in Consilijs, quæ rectâ ratione, non celeritate nec temeritate suscipiuntur; quàm in armis momenti & potentia esse? Illa enim, quomodo Bella, & quibus ex causis suscipienda, gerenda & finienda sint, ostendunt: Hæc verò, quæ illa jubent, tantùm exequuntur. Atque ut animæ actiones, corporis nobiliores ac præstantiores sunt & habentur: Ita Consilia, quæ animi recti sunt, & inde proficiuntur, armis potiora censentur. Si Minutius ille Romani exercitus ductor, Fabij Maximi consilium sequutus fuisset, nunquam tantam cladem Respub: Rom: accepisset. Cùm Livius. contrà Quirites; Sabinos, Fidenatos, Veientes, Albanos, Volscos, Clusinos, & alios, consilio magis, quàm armis mœnibus suis pepulerint. Jul. Cæsar fatetur Barbaros armis fuisse plurimos: consilio Romanos vicisse. Carthaginenses Duces suos, etiam si fortunæ benignitate res suas administrassent, cruci affigi solebant, nisi præmissâ diligenti consultatione, negocia sua perfecissent: adeò *Nihil sine Consilio in bellis geri oportere* censebant. Huc pertinet Sap. 6. *Si delectamini sedibus & sceptris, ô Reges populi, diligite Sapientiam.*

Sapientiam, ut in perpetuum regnetis. LUDOVICUS III Imp.
Symboliloco usurpavit. MULTORUM MANUS, PAUCORUM
CONSILIUM. Nam ut ille ait

— *non solis viribus equum*

Credere, sæpè acri potior Prudentia dextrâ.

Hæc duo tamen conjungi oportet, (quoniam Consilio solo ab in-
ermibus bellum non conficitur. & Armis, sine consilio malè pu-
gnatur,) ne aut virtus desit Militi; aut Consilio Prudentia. Hinc
Emblematis ratio patet. Serpens enim gladio & sceptro circum-
volutus, Prudentiam & Consilium in rebus quibusvis agendis no-
tat. SINE HOC enim FRUSTRA, quicquid suscipias perficien-
dum, aggredieris: Prudentia quoniam præsentia ordinat, futura
providet, præterita recordatur. Consilium, circumstantijs rerum
consideratis, quod è re sit faciundum monstrat. Rectè * Cic. *Non*
viribus, aut velocitatibus, aut celeritate corporum, res magnæ ge-
runtur: sed consilio & auctoritate. Et * Salustius. *Atq; ego multa*
legendo, atq; audiendo ita comperi: Omnia regna, civitates, rationes,
cuiusq; prosperum Imperium habuisse, dum apud eos vera Cõn-
silia valuerunt: ubi gratia timor, voluptas ea cõrumpit
père, statim imminuta opes, deinde ademptum
Imperium; postremo servibus imposita est.

* in Cat. ma-
iore.
* in Orat. ad
Cat.



EMBLEMA. XXIX.

TRAHORVOLENSQUE SEQUOR.



Subposito tereti ligno vestigiatur truncus
 Ducentis, sequitur sponte q₃ vig₃ viri.
 Consilio prudens solet haut obnitier a quo.
 Quin magis illius pondera recta sequi.
 Principibus semper nec commendabile cense,
 Arbitrio alterius fingere cuncta velint.
 Solis summa rei sic decernatur agenda;
 Svadeat alter: at hi quæ facienda, sciant.

Q

Pyrrhus,

PYRRHUS, magnus ille Epirotarum Rex, Cyneam Philosophū & excellentem Oratorem, non solum magni fecit propter eruditionem, & alias virtutes: sed eum quoq; sibi familiaritate adē divinxerat propter Eloquentiam, ut aliquando diceret: Se Dijs immortalibus gratias agere, Primò; quod se Regem, non subditum creavissent: quod munus à Deo homini majus vix dari, aut concedi possit: quòd; libertatem haberet multis populis imperandi; se autem nulli ad obediendum obligatum esse. Secundò: quod sibi Cor & Pectus generosum indidissent, quod neq; fortunæ adversæ casibus; neq; ullis molestiis ad ægritudinem animi moveretur. Nam hominem, qui qualibet etiam minimâ molestiâ offenditur, aut turbatur, (quandoquidem ad mala potius in hoc mundo perferenda est natus) præstare ait, statim mori; quàm adversus torqueri. Deniq; quod sibi Cyneam in Republicâ gubernandâ: & in bello negotijs gravissimis expediendis, socium & Collegam concessissent: Quandoquidem lingua ejus suaviss, & Eloquentia disertâ, urbes multas expugnasset, quas Armis sibi subjugare non potuisset. **TRAIANUS** Imp: Philosophos, qui tùm temporis Romam confluebant, maximo in precio habuit, ac honoribus affecit; imò è longinquis regionibus magno stipendio conductos evocavit: tantiq; fecit, ut **DIONEM** in curru triumphali secum veheret. Nec immeritò id fecit. Cùm enim duplex ratio temporis sit consideranda: alia Pacis; alia Belli. Principi quoq; aliâ Prudentiâ in bello gerendo; aliâ in tranquillo Reipubl: statu opus est. In hoste vincendo, & bello feliciter ac laudabiliter conficiendo, Imperatore & Ducibus strenuis ac fortibus, nec non peritis utendum. In pacatâ verò Reipubl: doctis & prudentibus viris, negocia utiliter expediunda, rectè committuntur. Hoc duplici hominum genere, nullus Princeps, nulla Respublica carere potest. Cumq; duo in Principe considerantur: **DIGNITAS** & **AUTHORITAS OFFICII**; & **NATURA IPSIUS**; Fieri potest, ut sit bonus per se; & malus respectu Imperij, & contrâ. Quod si privatus quispiam sit malus, sibi tantum nocet: At Princeps malus, & sibi & alijs nocet. * Atque ut homo, cùm venenum ejus totum.

totum corpus occupavit, vitæ periculum vix effugit: Adeundem modum, cum Princeps in Republ: ex plenitudine suæ potestatis sibi omnia licere putat: non solum sibi ipsi nocet: sed vitæ suâ perversâ, Reipubl: idem malum infundit, eamq; pessundat. Quod si verò medicos excellentes & peritos, ad depellendos morbos summâ diligentia conquirimus: cur & Principes, viros prudentes sibi non adjungant, qui morbos Reipubl: curare & sanare possent?

Atq; ut olim * leges medicis illis pœnam statuebant, qui ex imperitiâ ægrotos internecioni darent, vel saltem ex negligentia desererent. Sic & Principes olim Infamia, quæ satis pœnarum loco est, manebat, quod malè rem administraissent. Quamquam autem hodiè Principes bonos, Reiq; publicæ commodorum amantes ac studiosos, DE I gratiâ videamus, qui in aulis suis, in Curijs, in Judicijs, ac officijs Viros & genere & virtutibus præstantes, literarum & Armorum scientiâ celebres, magnâ cum suâ laude, Reipubl: bono & utilitate alant, & sustentent: atq; nihil sine Consilio eorum suscipiant tractandum, aut definiendum: (quod maximum bonæ mentis in Principe censetur argumentum:) attamen nec ij omninò has partes supplent; qui vel negotiorum pondere fracti: vel aliâ quapiam vitæ quietioris ex causâ, Uni tantum Reipubl: summam, & negocia expediunda, pro arbitratu ejus, committunt: ab ejusq; voluntate & consilio toti dependent, quasi ipsi ex sese nihil promovere possint, quod ex usu & commodo sit Reipublicæ, quod sanè cum faciant. ut non est semper tutum: ita Principe prudente indignum! * *Tanta enim est insolentia animi*

* Vide Speck-
kan. quæst.
Iur. cent. I.
quæst. 24.

hominis, ut si quid ex suâ sententiâ & voto sibi succedere sentiat: spiritus mox altos concipiat; plusq; sibi licere interdum autumat, quam fas est. Adde, quod alijs hac ratione Spes emergendi præcidatur; & studium, animum ad egregia facta excitandi, infringatur. Metuendum tandem, ne talis insolens, Principem despiciat, eumq; periculis intricet ac involvat: cum scit eum à suâ voluntate pendere. Id sanè utile & laudabile: ut Princeps in Consilijs, postquam aliorum sententias & suffragia cognovit, si ipse statim sua promovere non possit: ad tempus aliud vel breve differat ac rejiciat: suamq;

* Dion.

sententiam intimo suo Consiliario, quid tandem faciundum existimet, aperiat: ne unius voto adhærens, reliquorumq; voces contemnens, & sibi odium, & Reip: detrimentum accersat. Olim Galbæ objectum fuit, quòd ab unius voluntate penderet. * Sveton. *Regebatur (Galba) trium arbitrio, quos unâ & intra Palatium habitantes, nec unquam non adhærentes, Pedagogos vulgò vocabant: cum quo congruit illud.*

Haut commendabile, si Princeps ab uno

Ducitur, ut nervis alienis mobile lignum.

Emblema autem hoc, Principem bonum & prudentem denotat, qui Rempub: suo consilio, sanisq; rationibus, nolentem trahit, ejusq; partes rectis consilij momentis, quæ per subjecta trunco ligna intelligo, quòd vult ducit. Fit enim, ut mens nostra primâ fronte bonis sæpè consilij non acquiescat: sed tandem rationibus edocta, ultrò eadem amplectatur. Per truncum autem Rempubl: innuo: quæ sanè immobilis censetur; nisi' prudenti consilio Principis ac Procerum regatur. Huc facit, quod Onofander scribit in suo Stra-

tegico c. 3. circa finem: *Necessarium est aut eum, qui ceterorum omnium consiliis fidem semper habet, suis nunquam, multa sæpè inutiliter peragere: aut neminem unum, præter se, audit; sæpenumero multa quoq; peccare.*



EMBLEMA. XXX.

JURE LÆDITUR.



Nec Solis lumen visu est penetrabile: regnū
 Nec secreta, Ducum cuilibet acta patent.
 Jacturam veluti merito fert luminis; orbem
 In Phœbeum oculos figere qui satagit.
 Sic abstrusa volens scrutari consilia, ipsa
 Quæ tractant populi ex utilitate Duces:
 Jure subit vitæ discrimina. Res sacra namq;
 Consilium. nemo hoc quare, sciensq; tege.

Q 3.

Apud:

A Pud Locrenses legem latam fuisse scribitur: ut Civis pœnam subiret, qui interrogasset in foro, Quid novi? Hujus quidem legis ratio non injusta conijci potest: scilicet, quodd Curiosorum ea sit natura & consuetudo, ut proprias res dominegligentes, aliena curent: ac de aliorum negocijs magis solliciti, quàm suis, majora sæpè moveant & inutilia, quàm opus est. Qui enim curiosus, idem & injustus est: Ut igitur quisq; rei tantum suæ, domi intentus esset; animumq; ab alienis ad propria revocaret, hac lege Locrenses cives suos in officio retinere voluerunt. Videmus autem plurimos ingenij esse inquieti aded, ut quamvis possent; ab alienis tamen factis inquirendis, & quid quisq; vel domi, vel foris agat, aut moliatur, abstinere nolint: & sic metas officij ac vocationis suo maximo cum periculo, imò vitæ discrimine, sæpè egrediuntur. Quod cum per se turpe, & civem bonum non deceat, nec non tristes pariat eventus: tum viro in Republ: versante, aut versaturo omninò indignum. De Phaëthonte * Ovid. fabulatur: cum ardore juvenili, & curiosâ cupiditate currus paterni gubernationem appetivisse: qui paterni moniti immemor, cum ultra metas longiùs esset progressus, magnis excidit ausis, & totam rerum naturam flammis involvit. Quid aliud Poëta significare voluit, quàm πολυπερυσσών, & arrogantiz pœnas eos plerumq; dare solere, qui extra & ultra vocationem suam, & officij limites, majora viribus suis aggredi tentant. Quodd si verò privatis aliorum rebus & negotijs nos non ingerere, sed in proprijs assidui ac industrij esse debeamus: Multò minùs Consilia & arcana Principum, quæ ipsi suo in sinu tecta, & quasi sepulta occultant ac foveant, indagare debemus: quæ neq; sine summo nostræ existimationis dispendio inquire: neq; sine maximo periculo evulgari possunt. Suo fato * vir quidam doctus docuit, πολυπερυσσών esse fugiendam, hoc disticho, ante supplicium prolato.

Disce meo exemplo mandato munere fungi:

Et fuge ceu pestem τὴν πολυπερυσσών.

Animi hominum ignei sunt, inquit Seneca; idèò sursum tendunt, nec unquam quiescere possunt. Hinc fit, ut multi naturâ suâ ambitiosi,

* lib. 2. Metamorph. & Lucian. in dialog. Deorum,

* Ioh. Funcius Regio monti a. 1566. aspice plexus.

tiosi, regnandi cupidi, & ardua semper appetentes. Cavendum autem est talibus: ne, dum fiduciâ vel Sapientiâ, vel potentia, magna tentare conantur, in ipso exordio & limine impingant, ac magnitudine ejusdem rei opprimantur. Neq; enim Solis medium orbem intueri, citra oculorum læsionem; neq; ignem nudis manibus attrectare sine dolore licet. Et * quemadmodum ij, qui aconiti Naturam gustando scrutari volunt, prius mortem appetunt, quàm sentiant saporem: Ita qui Principum arcana curiosè indagant, aut rimantur, sæpè prius vitæ jacturam faciunt, quàm id, quod quærebant, scrutando adsequi, aut cognoscere possint. Hæc enim est Principum natura, ut quæ ad splendorem sui, aut Imperij instituant, omnibus patere patiantur: quæ verò soli secum circumferunt occlusum; id nulli cognitum esse velint. Atq; ut præsentem domino & invito, nemo thesaurum absconditum impune eruerit: Ita secretum Principis nemo unquam sine periculo suo, & gravi Principis offensione scrutatus fuerit: quæ antequam ad effectum perducantur, evulgata nolunt. Cæcilij Metelli vox celebris, juxta æ laudabilis, qui dixit: *Si scirem hanc vestem consilij mei consciam esse, protinus eam exuere, & in ignem conjicere vellem.* Rectè * ille: *Consilia Principum, dum occulta sunt, cuniculorum more, maximos producant effectus, quæ detecta, vim omnem amittunt.* Et * Tacitus. *Abditos Principum sensus, & si quid occultius parant, exquirere illicitum, anceps, nec ideo adsequare.* Nemo igitur, præsertim ij, qui gratiâ Principum gloriantur, ne dum ab hoc bono remoti, Sacellum Consilij arcani accedat, nisi vocetur. vocatus si fuerit, frena linguæ ponere meminerit: illudq; cogitet apud se sedulò, quod * Horat. canit.

Arcanum neq; tu scrutaberis ullius unquam:

Commissumq; teges, & vino tortus & irâ.

Perfæ laudem merentur, apud quos olim nemo consiliorum participes erat, præter Optimates, taciturnos & fidos, apud quos etiam *Silentij Numen* colebatur. Imò veteri eorum disciplina, arcana Regum vitæ periculo custodiri sanxerunt. Apud Romanos consiliorum renunciatores, aut vivi exurebantur, aut furcâ suspendebantur.

* Lencæus in obs. polia. obs. 156. ex Plutarch. de Cærio sit.

* Zecchius de Principc.

* lib. 6.

* 1. Epist. 18.

debantur. l. si quis, ff. de pænis. Emblematis autem sensus is est. Ut vir audacter potius, quàm tutò solem intuens, radijs ejus oculorum dolorem, & visus privationem sibi accersit: non solum enim radij pupillam lædunt: sed si intentius, quod naturâ non datur, eosdem sustinere quis vellet: penitus acie oculorum privaretur: Ad eundem quoque modum, in indagandis scrupulosius Principum arcanis ijs accidere solet, qui antequam ea penitus cognoscant, prius bonorum jacturam, imò vitæ subeat. atque ut ille JURE LÆDITUR, quòd quæ ei natura perferre negavit, tentare ausit: sic & hi pœnas sæpè incurrunt meritis, qui abscondita Principum sensa expiscari, aut eorum consilia perscrutari satagunt.



POLITICA.
EMBLEMA. XXXI.
TALIBUS AUSPICIIS.

121



Dux prudens, Miles, numata potentia, fortis
Evertunt arces, moenia celsa, viros.
Praesertim plenis ubi fraude pecunia saccis
Attentat vires exernisse suas.
Ipse sequax hostis manibus post terga revinctis,
Subjicit insueto colla superba iugo.
Quae nequit ferro Mavors superare cruento:
Cuncta sub Imperium hac absq; cruore rapit.

R

In Cor-

IN Consilijs, quæ de rebus gravissimis instituuntur, præsertim, in quibus Reipub: commodum vel periculum versatur, duo considerata sunt. Executio Consilij, & modus ejusdem exequendi. Parum enim est, ut Princeps bona Consilia percipiat: nisi quoq; instruméta habeat idonea, & ad exequendū sufficientia: nec sufficit instrumenta comparasse, nisi ijs rectè, & ex utilitate opportunè uti sciat. Quod cum in rebus omnibus pacis tempore observandum; tum in Bello apprimè. Nam cum bella sive ea justa, sive injusta fuerint, multa requirant & desiderent: quandoquidem non solum prudenter suscipi; sed etiam continuari feliciter, ac finiri fortiter debeant: tum Principi in eam curam incumbendum est maximè, ut maturo consilio, de Bello gerendo, suscepto: tum sine, propter quem illud suscipiat, benè considerato, Instrumenta & adjumenta sibi maturè comparet: ne, cum maximè ijs opus habeat, in ipso limine victoriæ speratæ, & gloriæ ex eâ acquirendæ, summo cum dedecore & periculo destituatur. Sunt autem illa præcipua, **PECUNIA & VIRE**: Illa ad eò necessaria est, ut quemadmodum corpus sine nervis coherere, & Homo, sine anima & sanguine, in quo, attestante scripturâ, anima est, vivere non potest: Sic sine illâ, vita hominum, societates, & commercia ægrè consistunt. Pecuniam omnes facimus Dominam, quæ, secundum Horat. & genus & formam donare potest: huic servimus omnes: huic palmam tribuimus omnes: quicquid eximium, quicquid splendidum; quicquid venustum; quicquid gloriosum hominibus contingit, id à solius pecuniæ beneficio proficiscitur: huic Imperatores, Duces, victas manus porrigunt, huic arces munitissimas resignant: castella tradunt: urbium portas aperiunt: huic venienti muri sponte cedunt, turres se inclinant: nec est quicquam vel naturâ, vel arte ad eò munitum; quod eâ ipsâ expugnari non possit. huic tot millia hominum sua vota nuncupant: hæc ex amicis inimicos; ex inimicis amicos facit. Ad summam: Res humanas pro lubitu fingit atq; refingit: & ut Plin. ait: *Aquæ quoq; separantur: & ipsa natura Elementa pecuniæ vi discreta sunt.*

Numus

Opus sunt o-
pes, & sine iis
nihil fiet,
quod opus...

Numus honoratur, sine numis nullus amatur;

Numus ubi loquitur, Tullius ipse tacet. Persius.

Quisquis habet numos, securâ naviget aurâ,

Fortunamq; suo temperet arbitrio.

* Facetè Menand. Epichar. DE OS, ajunt, esse ignem, Solem, Ter- * Canon he-
ram, aquas, ventos, stellas: Ego verò utiles DE OS sum arbitratus rius in Corn.
argentum & aurum nostrum; Ubi enim ea in adibus collocaveris, Tac. dissert.
precare quodvis, omnia dabuntur tibi: ager, domus, famuli, argen- Polit. lib. 1.
tea vasa, amici, Judices, testes, duntaxat largire: nam ipsos DE OS fol. mihi 197.
etiam habebis obsequentes. Philippus Macedo dicentibus explora-
toribus, castellum, quod expugnare nitebatur, esse naturâ muni-
tissimū, neq; adiri posse. Anita difficile accessu esset; interrogavit,
ut ne asinus quidem auro onustus adire posset? * T. Quintius Philo- * Brufon.
pomeni Achæorum Duci multos equites & armatos habenti, pe- lib. 5. c. 10.
cunijs tamen indigenti, jocabundus dixit. Philopomenem & ma-
nus & crura habere, sed ventrem non habere; alludit ad pecuniam,
quæ bellorum nervus est. Suadentibus Demadi Atheniensibus,
ac jubentibus, ut deducta striremes, nautis militibusq; compleret,
cū pecunias nullas haberent; Omnino, inquit Demades, primū
pecuniis opus est. rectè hic sensit. Ex historijs enim compertum Scipiū penu-
est, atq; ita experiētiā docemur: Magnum exercitum sæpè ali- ria, quā pu-
quid egregiū præstare potuisse, quem pecuniæ penuria distraxit, atq; gna consumit
ad partes hostis pepulit. Eò enim milites animum & voluntates, exercitum.
armaq; sua inclinant, ubi non solum opima præda exspectatur; sed
ubi spes affulget certa stipendiorum solvendorum. Ac veluti Nau-
clerus, Navim non prius mari & ventis committit; quā omnia in-
strumenta nautica ad navim necessaria sibi comparaverit: tū de
victu, & quæ ad sustentationem vitæ pertinent; sibi providerit:
Sic quoque Prudens Princeps primū de pecuniā sufficiente sibi
colligendā, sit sollicitus: tū de Imperatore seu Duce exercitus
perito; nec non validis & in bello expertis militibus. Sæpè enim
sub Duce imperito, exercitus, & tota summa belli, magnā cum
infamiā & dispendio hominum ac Reipub: perijt. De modo exe-
quendi Consilij plura essent scribenda: in alium locum rejicio.

Quoniam verò Pecunia cum Viribus conjuncta, Vim omnem superet: hisq; duobus, etiam ipsa Natura rerum cedit oportet. Ideò Emblemate hoc docere volui, ut in Consilijs, non tantum id spectetur, quod honestum: sed quod facile, & quibus adjumentis res perfici possit. Non est sanè, ut quis auspicia alia, (divinam hinc gratiam, quàm omnia consilia nostra, atq; auxilia stant, excipio,) certiora & firmiora præsidia, quàm duo hæc exquirat. **TALIBUS AUSPICIIIS** dico, quicquid tentaveris, absq; dubio, felicem votui finem adsequere. in hanc sententiam olim lusi.

Et format mores aurum, & connubia jungit,

Aurum jus, leges, Curia & aula colunt.

Aurum cuncta timent; quisq; auri numen adorat.

Auro venalis styx mare, terra, polus.

Et miramur adhuc se auro submittere cunctos?

Cum regat Imperio, cuncta sub orbe, suo.

Huc facit Tacit. Non ignaviâ magna imperia continentur, sed virorum armorumq; faciendum certamen. Liv. Agendo audendog, res Romana crevit. Thucid. Plereq; belli res conficiuntur pecuniâ & consilio. Item: Bellum est non in armis maxime, sed in expensis & sumptibus, per quos efficacia arma & utilia evadunt. Xenophon.

Brevi ejus ducis imperium peribit, cujus culpâ exercitus caret rebus necessariis & commeatu. Procop. de bello Goth.

lib. 3. Pecunias qui non ad necessitatem sit consecutus, bellum (ut reor) gerere nunquam satis commode poterit.



EMBLEMA. XXXII.

NUNQUAM SAT CAUTE.



Vix rerum eventus Prudens bene praevidet omnes,
 Et sua Consilio dirigit acta bono.
 Subdolus interdum quin haec perverterit Error:
 Ac fors praevisas fregerit arte operas.
 NUNQUAM SAT CAUTE facienda peregeris: ipse
 Cautio sit major quin adhibenda rei.
 Fraus quoniam factis Comes adstat, Corpori ut umbra.
 Consilij autorem fraus premit ipsa mali.

R. 3.

Eventus

EVentus, cùm non sint in nostrâ potestate, non est, quòd Consilia bonâ fide data, si voto nostro non respondeant, culpæ adnumeremus. Nam quòd alij Fortunæ, aut Casui, si quid præter spem & expectationem accidit, attribuere non dubitant: id neq; viro Sapienti, neq; Christiano convenire affirmo: cùm illa in rerum naturâ non sit, & ided nec potentiam suam, atq; Imperium in humanas actiones exercere potest. Quin potiùs hoc statuendum censeo cum * Camerario: à se & alijs magnopere decipi illos, qui tantùm intueantur & spectent exitum quarumcunque rerum, ac non potiùs elaborent, ut & Consilia ineantur recta, vera, honesta, laudabilia: & his consentaneæ sint actiones, justæ, strenuæ, fortes, constantes, præclaræ; & ita eventus permittatur. De o, penes quem omnis potestas est, & conciliandi bona, & avertendi mala. Adde, quòd sæpè in consultando. Justum & rectum, nec non honestum prætermittatur; solius utilitatis habetur ratio, quæ sæpè cum turpi est conjuncta: non igitur mirum videri alicui debet, quòd eventum felicem Consilia non assequantur, vel quod expectationi non respondeant; cùm finem sibi alium proposuerint, quàm par est. Quòd si verò felix eventus malè consultatus sequatur, non tamen ided laudari: nec si optima consilia malus comitetur, ided vituperari debet. Fit enim sæpè, ut homines, qui alijs consilia dant, ad rerum præsentium statum, & fortunæ flatum, rationum suarum vela dirigant, & obvertant, qui maximè ab eâ falluntur. * Siramnes Persa, cùm admirans amicorum unus ex eo quæreret, quid fieret, ut consilia rationesq; ipsius præclaræ, non procederent feliciter, neq; prosperos haberent exitus: respondens, quia *Consiliorum*, inquit, *meorum, ego sum Dominus, sed eventum domina est Fortuna*. Nihil autem justius esse potest, quàm, ut mala consilia, mali eventus sequantur; inq; autoris recidant caput, qui perversè & fraudulenter, vel lucri causâ dedit. Probat experientia cottidiana id ita fieri; & exempla à mundi exordio demonstrant, nulli unquam feliciter cessisse, quæ malo & perverso animo aggressus est. Adde, quòd * audacia, temeraria, callida, præcocia, & ambitiosa consilia, primâ specie lata, tractatu dura,

* In Coment.
Non esse ex
eventis de
consiliis &c:
pronuncian-
dum.

* Cam. ibid.

* Greg. Rich.
in axiom. Po-
lit. ax. 88,

dura, eventum tristitia esse consueverunt! Consilium, quod * Jona-
 dab Ammoni filio Davidis dabat, de vi comprimendâ sorore Tha-
 mar, etsi primâ specie blandicatur stultis affectibus: tamen exitu
 fuit tristissimum. Ludovicus II. Hungariæ Bohemiæq; Rex, cum
 imprudentiore nescio, an inauspiciore, vel temerario consilio,
 cum exiguâ militum tumultuatorum manu; contra Solymanni
 copias stare non dubitaret, propè Mohacium in rivulo miserè pe-
 rijt, Anno ætat. 21.} * Sic Haman patefacto consilio suo de totâ Ju-
 dæorum gente extirpandâ, poenas meritas luit: de furcâ enim,
 quam Mardochæo erexerat, ipse suspensus est. Sic Perillus

* *Ille opifex tauri, tormentorumq; repertor,
 Qui funesta novo fabricaverat æra dolori,
 Primus inexpertum, Siculo cogente Tyranno,
 Sensit opus: docuitq; suum mugire juvencum.*

* Claud:

De quo * alius hoc sensu.

*Ille opifex Taurum desculpserat ære Perillus,
 Auctori nocuit sed tamen illud opus.
 Hunc etenim Siculo fertur donasse Tyranno,
 Ingenio cupiens premia digna suo.
 Aspice dixit opus, latus est adapertile tauri,
 Quo reus in flammis præcipitandus erit.
 Non hominis poterit jactare ad sidera voces,
 Si gemat aut clamet; vox erit illa bovis.
 Tum Phalaris: melius quo munere munera penset?
 Ipse tuum præfens imbue, dixit, opus.
 Protinus inventor Tauri carbonibus ustus,
 Mugitus gemino reddidit ore bovis.*

* Autor libelli
ΜΙΧΡΟΚΟΡΥΣ.

* Eodem modo contigit cuidam Arnutio Paterculo; qui æneum
 equuleum ad excruciosos homines excogitârat: Multa præterea
 exempla Consiliorum malorum; quæ in caput auctoris reciderunt,
 adduci possent; sed cum sint obvia, lubens prætereo. adeò.

* Camer. in
oper. subcis.
p. 1. c. 9.

— *benè dispositum terris: ut dignus iniqui.*

* Claud:

Fructus Consilij primis auctoribus instet.

Emblématique igitur hoc notare volui, Consilia prava, ipsos autho-
 res,

res, iustitiâ vindice, ita innectere solere; ut cùm alijs nocere non possint, in se eventum seu exitum tristem experiantur. Ita * Ant. Mizald, refert: quòd Serpentes, inclusæ circulo herbæ Betonicæ, nequeant exire: quin se flagellando potiùs interimant. Serpentes verò prudentiæ (cujus pars est Consilium) Symbolum esse constat, ex illo * Salvatoris. *Estote prudenter sicut Serpentes.* Versutia autem prudentiæ nomen sæpè induit, quâ mali sua consilia prava contegere consueverunt. Verumenimverò, justo sic DE Iudicio fit, ut qui de aliorum salute intervertenda consilia init; de suâ sæpè periclitetur. Unde illud: Salomi: *Conatus meditantium perniciem, erunt irriti: qui verò bona consilia agitant, experientur beneficentiam & fidelitatem.* Item: * Fodiens foveam, incidet in eam; & volvens saxum, in ipsum impinget. Seneca, autorem scelus repetit, suoq; premitur exemplo nocens. Lucret: lib. 5.

Circumretit enim vis atq; injuria quemq;:

Atq; unde exorta est, ad eum plerumq; revertit.

* Plaut: *Qui cavet, ne decipiatur, vix cavet, quum etiam cavet, etiam quum cavisse ratus, sæpè is captus est.*



EMBLEMA XXXIII.

SALUTE FIDES POTIOR.



Judex Imperij quicumq; capeſſit honores;
 Officij debet ſic meminiffe ſui.
 Rumpat amicitia; quæ privus vincla gerebat,
 Publica ne violet munera privus amor.
 Eſſe etenim multis qui gaudet amicus amicis:
 Sæpius à Recti tramite ſeclit iter.
 Publica nempe fides potior propriâ eſſe ſalute
 Debet: & hanc ſummum ſit violare nefus.

Qui ad Rempublicam accedunt, non ambitione, largitionibus, aut gratiâ populari: sed propter virtutem propriam, & prudentiam electi; considerare ante omnia debent, cujus personam sustinent, & vicem gerunt; quibus in rebus eorum versetur officium; & quo fine ad gubernacula sint vocati. Hæc qui nō benè apud se perpenderit; privatumq; bonum publico antetulerint, eos non modò summè injustos, ac tali regimine indignos esse; sed ipsam Rempub: per tales labefactari necesse est. Quoniam verò summi & justissimi Regis vices obeāt, apud quem nulla personarum acceptio est; se quoq; justè judicatu-ros meminerint: ut neq; favore, gratiâ, lucro, sanguinis vinculo, vel aliâ quapiam necessitudine motis, iniquum judicium ferant: maximè, cum judicis sit officij pars potissima: secundū leges, non conscientiam, lites & controversias dirimere. Novell. 8. jusjur. quod præstat ab his, qui admin. accip. (Nam & Deus qui licet motuum cordis, & cogitationum cognitor sit, & *καρδιογράφος*, Psal. 7. Jerem. 11. Matth. 6. text. in c. erubescant. 32. distinc. c. consuluisti. 2. q. 4. & quem nullum secretum latet gl. in authent. De Monachis. verb. testes. coll. 1. tamen ex suâ scienciâ neq; judicare, neq; condemnare voluit adulteram. Ioh. 8.) ut Respublica in tranquillo statu conservari; omniumq; in eâ salus, bona & commoda facta tecta;q; manere possint. *Judex enim, ut* * I Cti verbis cujusdam loquar, *cum sit persona publica, tenetur sequi publicam conscientiam, fundatam super eo, quod sibi constat ut judici, scilicet juxta ea, que probata sunt, non privatam sequi conscientiam in eo, quod scit ut privatu-* c. si sacerdos, de offic. ordin. Rectè * Plato. *Reipub: salus suprema Lex esto, & præcipuus scopus, quem sibi quilibet Magistratus proponat.* Cumq; Magistratus sit Custos legum; turpe sanè erit, eum in leges peccare, qui disciplinæ vindex severus est constitutus. Cum Magistratus Pastores appellentur: iniquum erit, ut, qui à rabie luporum, id est hostium & inimicorum, commissum gregem defendere debent: ipsi eos devorent: & modis quibusvis, eorum bona ad se rapiant. Cum deniq; communem Reipub: & subditorum salutem spectare debeant: quì fieri poterit, ut eorum consilia eundem scopum assequi possint; qui privatis affectibus inter se dissentientes,

f barbarus ff. de offic. Prætor. c. 1. de re iud. not. in clem. 1. de lèse-questre possessor. & fructu.

* Vide elegantem expl. nob. problematis. Virum iudex iudicare debeat secundū conscientiā, an secundum allegata & probata Arnold. de Rayger. * Plat. 1. de Reipub: & Cic lib 3 dell.

ad Scip. Amirat. Instit. re. gia, lib. 2.

diffidentibus, scēpē illa ex suo usu metientes, in diversas partes distrahuntur? unde quærelæ, odia, simultates, & ruina Reipubl. Laude digna vox illa * Plat. *Qui præsumunt Reipub: utilitatem civium sic intueantur, ut quicquid agunt, ad eam referant, obli- commodorum suorum. Ut enim tutela; sic procuratio Reipublicæ, ad utilitatem eorum, qui commissi sunt, gerenda est.* Si verò utilitas communis spectanda est, non modò privata postponi: sed etiam affectus privatos, qui eam impedire viderentur, deponi oportet. Hinc P. Scipio Nafica, Patriam cognationi præferens, quicquid publicè salutare non esset, privatim alienum existimavit: ob quam virtutem, primus omnium absens, Pontifex Maximus creatus est.

* Plat. de
Repub:

* Plaut. *Ne Magistratus pauciorum gratiam faciat pluris, quàm id, quod profit pluribus.* Huc quoq; respexit Cæsar in suâ Oratio-

* Plaut. in
Trimuno.

ne, ad suos legatos & Centuriones. * *Privatim, inquit, nemo omnium ita potest latis rebus uti, ut non idem cum Reipub: corrumpente pereat: At Reipub: si prospero successu utatur, etiam privatorum omnes potest calamitates sublevare, quòd si nosmet ipsos unâ cum Reipub: incolumes esse velimus: in eâ conservandâ, augendâ, & ornandâ, (cum pars quoq; harum ad nos redundet,) non privatis affectibus abripi aut duci: quin potiùs fide bonâ & pietate in eam instructi, pro virili quisq; eam juvare debemus.* In Ratisbonensi Curia hæc inscriptio legitur. Quisquis Senator Curiam officij causâ ingrederis, ante hoc ostium privatos affectus omnes abijcito: Iram, vim, odium, Amicitiam, Adulationem, Reipubl: personam & curam subijcito. Nam, ut alijs æquus, aut iniquus fueris, ita quoq; Dei

* Cam. in op.
subces. ex
Dion. hist.
Rom. lib. 38.

judicium expectabis & sustinebis. * Laudabile hoc institutum quoq; habuit Rex prudentissimus Alfonsus. Dicere enim solitus fuit: si sibi contigisset nasci temporibus, quibus Romana Respublica florebat, se constructurum fuisse contra Curiam templum, JOVI REPOSITORYO, in quo, priusquàm venirent in Senatum Patres conscripti; Odium, Amorem, ac privatos affectus omnes deponerent. Ob id * Romani laudantur: qui Curiam intrantes, abjectâ privatâ charitate, publicam inducebant. Sed hoc

* Guicciard.
in libello
l'hore di ri-
creatione.

* Val Max.
lib. 2. c. 2.

diè illud nimis vulgare: Proximus egomet mihi. *Nec quisquam est, tam ingenio duro, nec tam firmo pectore, quin ubi quicquam occasionis sit, sibi faciat benè.* Formulam Sacramenti Consiliariorum seu Senatorum, quod olim præstare tenebantur, cum dignum sit lectu & cognitu, vide apud Camer. oper. subc. cent. 1. c. 33. Cumq; plurimum inter sit Reipub.; ut fidos habeat Magistratus, quinon privatorum bonorum causâ, sed publicæ utilitatis gratiâ ad partes ejus gubernandas assumuntur: illis mei itò commendata adminitio hæc esse debet.

* Cam; op.
subc. cent. 2.
c. 47,

* *O consultores, rectos assumite mores,*

Publica privatis præponite commoda gratis:

Nedamnet vestras animas divina potestas.

Hoc igitur Emblemate, officium pij & fidelis Judicis vel etiam Magistratus, notare volui: cathenâ videlicet ruptâ: amicitiam quoque, quæ meritò hoc nomine appellari potest, quod duorum pluriumve voluntates consensu eodem ligentur, non secus; ac vinculo quodam, rumpi in publicis consultationibus & judicijs debere: cum his nihil magis adversetur, quàm privata charitas & utilitas. Bono autem Judici FIDES SALUTE propriâ POTIONE esse debet: tum, quod conscientiam eâdem DEO obligavit, & juramento, cujus testem habet DEUM: tum quod viro bono juris & Sacramenti religionem sequi, conveniat, etiâ cum salutis dispendio. Ambrosius. *Bonus judex nihil ex arbitrio suo facit, & domesticæ proposito voluntatis: sed juxta leges & jura pronunciat, statutis juris obtemperat, non indulget propriæ voluntati, nihil paratum, aut meditaturn domo defert.* &c. & paulò post: *In judicando magis cordi sit veritatis custodia, quàm obedientia voluntatis.* Qui igitur privatorum habet rationem commodorum, publica negligat oportet: qui verò publicorum curam agit, memoretq; officij ac juramenti sui, ille nihil privatis affectibus indulget, quin ea faciat,

quæ Fides ejus requirit, Res publica poscit, salus

communis desiderat. Liv: *Privatæ res*

semper offecere, officientq; publicis consiliis.

c. iudicet. 3.
quæst 7.

EMBLEMA XXXIV.

VIRTUS VANA DOMAT.



Vix fumus prodir, subito si se exerat ignis:
 Flammaq; splendendi syderaluce petat.
 VIRTUS VANA DOMAT. rebusq; insigniter actis,
 Invidia meritò, Gloria nata, caret.
 Optat in Imperio cum Princeps magnus haberi:
 Sit citò, sed rectà cum ratione, potens.
 Hostibus existet sic formidabilis. ipsa
 Vt invidia subito spicula dira premet.

Nulla est felicitas Principum, populi vel Reipublicæ, imò ne privati hominis; quam Invidia non comitetur. Sic enim in vitâ communi comparatum videmus, ut qui propter virtutes, & res præclare gestas, vel ad honores & potentiam pervenerunt: vel alijs fortunæ bonis conspicui extiterunt: semper malevolorum Invidiæ exponantur. Nam cùm Naturâ sint rerum ac honorum cupidi, neque id, quod cupiunt, se assecuturos sperant; alios autem Virtutis auxilio & honoribus & opibus emergentes vident, stimulis invidiæ intra se agitantur: talibusque semper aliquid de existimatione detrahare satagunt: occultisque machinationibus ac insidijs felicitatem hanc subvertere conantur: quòd, cùm propter Virtutis præsidium, ad effectum producere non possunt, sese torquent, & non secus atque blattæ, quæ primùm materiam, ex quâ generantur corrumpunt, tandem hac deficiente, ipsæ intereunt: Sic & *Invidus alterius rebus macrescit opimis*, quæ ei causa perturbationis hujus fuere. Quo vitio etsi quidem omnibus temporibus nihil frequentius, nec magis usitatum inter homines fuit: ita his maximè, propter nimium, res acquirendi & habendi studium, nihil communius. Verum enim verò, ut *Sapientis est, omnes casus a quo animo ferre*; utque *prudentis est, malis & invidis cedere, non obniti*: ita eorum quoque erit, quos vel virtus, vel fortuna supra communem aliorum fortem evexit paulò altius, malevolorum stimulis non commoveri: quorum vistandem per se habescet. Nam *frustrà iis invidetur, quos Deus & fortuna tegit*. Atque hîc duplex via & Ratio Invidiam evitandi notari potest. Nam Odium, propter Virtutem alterius natum, diù non durat: sed aut præsentî splendore atque potentiâ, & amplitudine rei patrata supprimitur; aut sobrio moderatoque usu fortunæ lenitur. Res enim propter quas invidetur alicui; sive ex quibus Invidia oritur: plerumque sunt bona externa, quæ externè homini accidunt, eumque circumstant: ut Opes, Honores, amici, propinqui, Patroni, fama ex rebus præclare gestis;

règestis: & propter hæc & similia invidi cruciantur, quòd sibi talia desint; neque ea se indipisci posse sperant. Et non tam personæ, cui res hæc adhærent, quàm rebus ipsis invidetur. Sed qui moderatè hanc bonorum felicitatem & copiam ferre nesciunt: ijsque inflati, insolentiùs sese erga alios gerunt, vel bonis his abutuntur, eos non immeritò Invidia premit, suisque spiculis torquet: quandoquidem sibi met ipsis hoc modo eandem conslent. Atque ut plerumque fieri videmus, quos externorum bonorum copia non tutatur, eos contemptui, atque alijs sexcentis incommodis exponi: Sic è contrario, omnia ijs ex voto fluere animadvertimus, qui Opibus, Potentiâ, Amicis, stipati incedunt, Invidiam & Contemptum, & quæcunq; his similia sunt, eludere posse. Exre igitur Principum duco, si Invidiam effugere velint, ut subitò Potentiam exerant in omnes partes: sed tamen cum ratione, ne ad Crudelitatem aut Tyrannidem vergat: hac enim ratione æmulatorum invidiam compriment, & contemptus securi, tutiùs Imperium suum ab eo vindicabunt. * Alij inferioris conditionis in Republ: & hoc observent: *Si ad honores aspirare, vel ad capeffendas dignitates contendere velint, ut ab insigni & splendido aliquo facinore incipiant: eoq; Principi, vel Reipub: sese commendent. Sic enim ordientem, pleriq; tædio ac facietate consuetorum, promptè excipiant: & celer splendidusq; impetus facilè Invidiam, quæ tardis illis remoram inijcit, absterret.* Ac veluti ignis fumum non prodit; ita neque Invidiam Gloria, si subitò, ac celeriter effulgeat: utque ignis naturâ semper sursum tendit, adjacentemque materiam adurit, & consumit: ita quoque Virtute partus honos, splendore suo Invidiam obfuscat; ut minimè fumus ejus malevolentiaque vapor sese exonerare possit: semperque ad ardua tendit. Ex quo Emblematis hujus sensus facilis apparet. Addidi Symbolum VIRTUS VANA DOMAT. Tantum enim

* Id. in obs.
Polit,

enim


enim *adversus Virtutem potest Invidia; atque adversus Solem nebula.* Ille enim radijs suis facile hanc dissolvere, dissipare, ac propellere potest: non secus & Virtus Invidiam, Contemptum aliaque facile domat. quæ profectò Fumus sunt, & vapor, si cum Virtute, ejusque actionibus, & qui ex his gignitur Honore, conferantur.



E M B L E M A

EMBLEMA. XXXV.

CENSENDQ RECENSE.



Turpis adulator, duplici & qui mente Vir audit,
 Regibus & Regnis certa ruina cluit.
 Laudat enim vitium; at quæ sunt confinia recti,
 Insimulat vitij: crimine vera premit.
 Interea regni, velutimus, commoda rodit.
 Ac instar tinea regia dona vorat.
 Hunc Princeps vitet: non illi commodet aurem:
 Si vitare malum, commoda ferre cupit.

T

Adultionem

Adulationem blandam esse veneni cuiusdam speciem, non immeritò quis dixerit. Ut enim venena, melle, aut aliâ quapiam re dulci oblita, ac nobis data, sine sensu nostro corpus occupant: tandemq; hominem interimunt: Ita quoque adulatio mentibus Principum blandis & suavis verbis infusa: non solum ipsos perdit: sed totam sæpè Rempublicam pessundat & evertit. Atque utinam eodem modo Adulationem Principes, atq; venena averfarentur; ab eaq; sibi caverent; omni procul dubio, Aulæ eorum saniores, & veritati magis faventes invenirentur. Sed nescio, quomodo in hominum animos adulatio sensim illabitur, propter ingenitum unicuiq; naturâ sui amorem: ut nullus tam constans, cautusq; sit, quin laudari velit, suosq; laudatores & amet, & amplectatur. Quæ res cum prudenti & Viro bono fugienda; tùm Princeps ab ea sibi maximo opere cavere debet; cujus in cubiculo Adulatio pro Veritate excubare frequenter solet. Nam, cum in Principis judicio, voluntas multorum recumbat necesse est, ex quo & Amor & Odium derivatur: quâ ratione rectè de alijs judicare possit, non video! cum assentatorû & adulatorum falsis persuasionibus sit corruptus: eaque solum vera esse credat ac pronunciet, quæ illi suggerunt, & ingerunt: quod sanè genus hominum non modò pœnarum metu coercendum est, exemplo Vespasianiani & Titi, qui adulatores & Calumniatores publicè in Theatris cedere jusserunt: sed omninò ex aulis eliminandum: quod Domitianus fecit, qui ex Româ omnes assentatores & delatores ejecit: hæcq; verba, sæpè usurpavit: *Delatores qui non castigat, irritat.* Invenias enim hodiè plurimos in aulis, qui, dum gratiam Principum aut magnatum venari, suumq; commodum quærere cupiunt: primùm animos eorum blandis verbis occupant & antevertunt. Deinde, alios, qui propter virtutem & merita digniores essent, quibus honores & opes, atq; alia, Principes largirentur, arte quadam veteratoriâ sic laudare sciunt; ut interea eos indignostali honore innuere videantur: atq; sub officio amicitiae hostilem præbent operam. Hinc fit; ut, dum ad Principum limina veritas non admittatur: nec ipsi dignos provehant:

nec

Autor de Regis Instit: addit: ad Scip. Amirat. differtat: polit. in Tacit,

Ad Scip. Amirat. idem autor, lib. 2.

Sveton in Domitiano.

nec quid in propriâ aulâ agatur, scire possint. Quare non immeritò M. Anton. Gordianus Imp: Symboli loco usurpavit: **PRINCEPS MISER, QUEM LATET VERITAS:** qui, cum ipse omnibus in locis publicè esse non possit, nec eum deceat, necesse est; ut aliorum verba audiat, iisque fidem adhibeat & confirmet, siue verè ea referantur, siue falsò. Et

Infiniti sunt errores, quos Pp. committunt propter adulationem.

Cum rerum nequeat fortasse inspector haberi,

E' delatorum iudicet ore bonos,

C. Erasmus.
Lietj.

Quæq; expensa putat, non nunquam falsa sequatur.

Et minùs æquatâ cuncta bilance probet.

Hinc de Ludovico VI Francorum Rege legitur, eum dissimulato habitu frequenter turbæ se immiscuisse, ut audiret, quæ de se dicerentur liberius: quò faciliùs & meliùs suis & Reipub: mederetur incommodis. * Ludovicum item XI Regem Galliarum aliquando dixisse fertur: Se in regno suo, & potissimùm in aulâ propriâ, abundare omnibus rebus, unâ exceptâ. Quam verò innueret rem, dum quæteret unus ex suis familiaribus aulicis, **VERITATE** esse, respondit. Ac, ut ex re Principum est; ut habeant suos exploratores & Relatores certos, sed veros, cum ipsimet ubique locorum esse non possint: Sic delatoribus aures accommodare inconueniens & turpe. Insignem Virtutem, ac regium iudicium quis non cernat, in Iohan. Alberto Rege Polon: Is enim in more habuisse scribitur; cum Adulator traducere aliquem apud eum volebat, statim ei respondisse: Vis necoràm hoc ipsum ei obijcere? si assentiebatur, diem dabat: Sin secus, ne amplius nugari auderet, dehortabatur. Licinius Imp: aliàs vix laude dignus: ex hoc tamen eam meretur: quòd cum turbam aulicorum auribus suis deservientem; eosque publica bona arrodentem animadverterent, *tineas & sorices Palatii* appellavit. nec immeritò! Nam veluti tineæ & blattæ in vestibus, aut aliâ quapiam materiâ preciosâ nascuntur, eamq; exedunt & consumunt: Et, ut mures & sorices, ædes, in quibus vel frumenti, vel eduliorum copia est, omnes angulos perreptant, & in cavernas suas auferunt: Sic quoq; adulatores, regum Palatia suis blanditijs, & venenatis sermonibus

* Camer. in
subcis hor.
P. I. c. 90.

implent, publicaꝑ; bona, nihil agentes, aut ad Rempub: confērentes, arroduct, ac de Principe vel Repub: benè merentibus, commoda præscindunt. Emblemata igitur hoc, adulatores notat: qui non apertè, sed clām Regum & Principum aulas, non secus, atq; mures ingrediuntur: semperq; aliquid bonorum secum auferunt. Utq; rapax vel potius furax est animal. Mus: ita & adulatores blanditijs suis animos Principum delinire sciunt, ut inde commodiore occasione, aliquid bonorum ab eis auferre possint. Symbolum verò C E N S E N D O R E C E N S E, ex Senecā sumptum est. Princeps enim familiares suos meritò censendo, qui digni sint beneficijs & gratiā suā, sæpè recensere debet: verosq; amicos à falsis, quales sunt Adulatores, susurriones & Delatores, exquisitè recensendo discernere. Quam in sententiam * Seneca rectè monet.

Adulatoribus ne latus præbeas, artifices sunt ad captandos superiores, par illis (etiamsi benè caveris) non eris. Sed mihi crede (proditiōe etsi non capiēris) ipse te trades. Habent hoc in se naturale blanditiæ: etiam cū reiiciuntur, placent: etiam exclusæ, novissimè excipiuntur. * Alibi: *Adulatio, quā similis est amicitia: non imitatur tantū illam, sed vincit ac præterit: apertis ac propitijs auribus recipitur, & in præcordia ima descendit: & eo ipso gratiosa, quoad ledit. Venit ad me pro amico blandus inimicus. Vitia nobis sub virtutum nomine obrepunt.* Sic Diogenes rogatus, quæ perniciosissimè morderet bellua: *Ex feris*, inquit, *obtrektor, ex scuribus adulator.* Et hodiè videmus Laudenses ac Placentinos in aulis Principum primas partes tenere: Veronenses exulare. Nam Veritas odium parit. Sed

Qui scit ad affectum apta referre, placet.

A talibus autem sibi quisque caveat. Arrisones, arrofores: & ut Ovid: ait:

*Tuta frequensq; via est per amici fallere nomen;
Tuta frequensq; licet sit via, crimen habet.*


Vide Plin.
lib. 8. c. 87.

* 3. nat. præfat.

* Idem. 6.
ep. 45.

EMBLEMA. XXXVI.

NEC PRECE NEC PRECIO.



Vilescit sensim Majestas Principis, ultro
 Quando negat dignis premia digna viris.
 Premia nam meriti precio cum pendit avarus:
 Virtus languet, Amor friget, obitq; Fides.
 Adde, quod hanc legum ratio, nec Juris habetur!
 Quod quis emit, salvo vendere jure potest.
 NEC PRECE, NEC PRECIO tribuatur summa potestas:
 Justitiæ sanctus nam violatur honos.

T 3

Quemadmo-

Quemadmodum Clementiâ & Liberalitate nullam esse potentiorē dotem in Principe; nullum firmitus præsidium adversus malorum Odium; nullam efficacius instrumentum ad Amorem & Benevolentiam populi sibi conciliandam constat: Ita quoq; Avaritiâ & Crudelitate, nihil certius ad derivandum in se Odium, & Malevolentiam ejusdem. Nam sic in vitâ fieri plerumque videmus: ut si cui vel minimum beneficium præstemus: aut liberalitatis nostræ in aliquem exerceamus officium; ejus animum ad gratitudinem & amorem saltem tacitè nobis obligemus ac devinciamus. E contra quoque, qui itrogatæ à Principe pœnæ injustum modum experitur & sustinet: vel cui pars aliqua bonorum, quacunq; ratione adempta, aut imminuta est: is eum non potest non odisse, qui author adimendi extitit. Cara enim, & chara omnibus sua, & pro rebus non minùs ac vitâ sæpè dimicatur. Avaritia itaq; cum per se sit turpis; tùm Principes, præsertim Christianos & bonos non decet. * *Neg, satis exprimi potest, quàm longè populi animos absterreat; nihil se boni sperare posse ab eo Principe, qui ad congerendas divitias, inopumq; proinde sanguinem exsorbendum proclivis est.* Præsertim verò in Magistratus officijs ac honoribus distribuendis id summè cavendum est: ne ex gratiâ, aut favore, divitiarum ac amicorum copiâ: sed meritorum pondere ac præstantiâ, Princeps dignis offerat ac tribuat officia: hoc enim modo, non tantùm Justitiæ leges servabit: amorisq; in se certum jacet fundamentum: sed Virtute solâ, officia & honores adipiscendi pluribus addet stimulos, imò legem. Emulationi, Ambitui & Corruptionibus quoq; præcludet viam. Fieri aliàs non poterit, quin ij, qui largitionibus publica munera adepti, justitiam administrare debeant, sæpiùs in eam ipsam peccent; cùm secum reputent, quantam vim pecuniæ, pro consequendis honoribus profuderint, aut elargiti sint: ut eandem vicissim corradant. Id quod olim M. Aurel. Severus Alexand. sensit; qui Symboli loco usurpavit: **QUI EMIT, VENDAT OPOR- TET.** Item. *Fumo pereat, fumi venditor.* Optimè sensit Imperator iste prudentissimus ac justissimus: Justitiam incorruptè admi-
nistrandam;

* Ioan. à Iesu
Maria in In-
dit, Princ.

nistrandam; Judiciumq; exercendum: neq; dignitates & honores in Repub; ex gratiâ, sed virtute ac meritis distribuendos. Nam ubi Princeps sui potiùs, quàm populi commodi studiosus est, eosq; qui divitijs, aut alijs fortunæ bonis magis, quàm virtute præstant, evehere contendit; faciliè querelas, contentiones, inimicitias & id genus alia conflabit. Aequalitatis autem maximè debet servari ratio: ne scilicet, aut Census, aut Potentia, aut genus prævaleat: (nisi sint hæreditario jure familijs certis quædam prærogativæ:) sed ut peræquè pauperes ac divites, nobiles ac ignobiles justè judicentur. Ac veluti magnæ arbores, cùm secuti à radice cæsæ, in terram cadunt; aliarum arborum ramos, & minora arbusta conterunt: Sic Potentum & excellentium Virorum in Republ: discordiæ, (quæ ex inæqualitate sæpè oriuntur) totam post se trahunt Rempub.; cui certè ruinæ, Pp. ipsi causa existunt potissima: quando avaritiæ vitio mentes eorum occæcatæ, Officia precio non virtute pendunt, quæ ipsi gerere non possunt, nec debent. * Imp. Severus cujus supra memini: Præfectos suos & prætores ex Senatus auctoritate constituit: præmonens Senatum, *invitis potiùs, quàm ambientibus Rempublicam committendam esse.* Maximè autem improborum Magistratuum & judicium pecuniâ corruptorum, vindex fuit acerrimus, aded; ut si quempiam eorum obvium haberet, oculum ei digito exsculperet. Idem quendam suum familiarem, qui hominibus persvaderet, se quidvis posse apud Imperatorem: atq; ita provinciarum, munerumq; publicorum nundinationes faceret, fumo suffocari jussit. Sed nec honores juris aut gladij unquam à quoquam vendi passus est; nec rescripta & decreta sua à familiaribus, aut purpuratis suis venundari voluit &c: Quod & Imp: Justinianus innuit: cùm, *Ad regimina & dignitates non precium vel ambitio, sed probata vita unumquemq; provehere debere ait:* in l. fin. ad l. Jul. repetund. & *Virtutum premia tribui merentibus convenit.* l. fin. C. de stat. & imag: unde & Emblematis hujus ratio patet. Et non tantùm in pacato & tranquillo Reip: statu id observari; sed & in bellicis officijs ac honoribus valere debet. quod Romani olim observârunt. Sed M. Didium Julianum cùm esset opulentissimus ac pecuniosissimus, prius à militibus,

* Reus in
Symb. Imp.

imperium

Imperium Romanum mercatum fuisse scribitur: licitante contra eum Sulpitiano intra castra, sed eo rursus pollicitante, *Omnia se daturum, quae vellent*: quod cum esset assecutus, Symboli loco usurpavit: IN PRECIO PRECIUM. quod elegantissime Reusnerus reddidit. *In precio precium est. Sic non virtute potestas*

Sæpius, at precio venit, & are fides.

Sed si Rationem Ducem: si Sacrae scripturae auctoritatem sequi velimus; non ex precio & gratiâ, sed ex Justitiæ normâ jus reddere, ac dignitates in Republ: ex Virtute cujusq; & meritis distribuere & captare debemus. Inscriptionem ex eodem Symbolo sumpsi. Sed quod olim Flaccus cecinit, id & hodiè usitatum ubiq;

Virtus, fama, decus, divina, humanaq; pulcris

Divitiis parent: quas qui construxerit, ille

Clarus erit, fortis, justus, sapiens bonus & rex:

Et quicquid volet. &c: Lusi in hanc sententiam olim:

Nemo hodiè genus unde, aut quis sis quarit, abundans

Sed tantum multo si ere crumenatimet.

Sis latro, sacrilegus, sis fur, sis turpis adulter:

Cum nummos habeas, Prator amicus erit.

Huc facit Lamprid. in Alex. Severo: *Pessimè, inquit, agitur cum eo regno, in quo praesides, praefecti, judices, non ad beneficium tantum, sed precij magnitudinem leguntur. Cum necesse sit, qui emit vendere, & qui rem familiarem emendis dignitatibus exhanserit, alicunde lacunas suas implere.*



EMBLEMA. XXXVII.

DUM PROSIM.



Quid rauca vanà stridetis voce Cicade,
 Pro arbitrio regni verso quod ungue decus?
 Ipsi DUM PROSIM: noceam dum hant civibus: aurem
 Præter vestra meam, ut, vox, levis aura, volat.
 Vulgus consilij rationes sæpè requirit,
 Quæ Princeps regni pro utilitate capit.
 Quàm temerè! tangit Populi quem cura, salutisq;
 Ipsius, prudens quod facit, omne facit.

Vide Scip.
Amirat. dif-
fert. Polit. lib.
3. discurs. 7:

EO est ingenio vulgus imperitum: ut non modò ex suo genio & stultâ mente, Consilia & facta Principum metiatur, & quæ optimè consulta sunt ab eis, curiosiùs inquirat, & ad suas ineptas rationes, eadem contorqueat: sed etiam dicerijs & convicijs aggravare, quæ ipsi sanis consilijs agere & instituere decreverunt, haut erubescat. Quod cum per se iniquissimum sit alijs conviciari: tum privatos maximè dedecet, in arcana Principum suorum & Magistratus consilia, inq; factorum rationes inquirere. Sciunt enim Optimi Principes & Magistratus, quid eorum officium requirat: & quid è subditorum & populi sibi commissi, re esse possit: nec adeò temerarij: ut quicquam sine certâ ratione facere aut aggredi deberent: cogitantes, si non hominibus, at Deo aliquando factorum suorum se reddituros rationem. Attamen sic fieri videmus: ut licet benè consulta, optimum sortiantur eventum: nihilominùs vulgo displiceant: improbiq; semper, quamvis indignè, quod reprehendant, habent. Unde sæpenumerò contingit: ut Principes, quamvis ex certo & deliberato consilio quicquâ susceperint, & gesserint, vehemètes intra se concipiant motus; nec non sæpè valde contritentur, cum vulgus de rebus eorû benè gestis, malè sentire, easq; iniquiùs interpretari animadvertunt: idq; cum faciunt, tantò majorem de se, suisq; consilijs loquendi licentiam vulgo præbent: quantò vehementiorem propterea intra se conceperunt dolorem. Verum enim verò Princeps prudens suis rationibus & Consilio recto fretus, non solùm vanos populi rumores & judicia contemnet: sed fiduciâ Integritatis & Conscientiæ nixus, easdem obtrectiones in eum prudenter contorquebit: unde ipsi Gloria factorum constabit: populo autem pudor, & quod ipsi malevolè ac obstinatè crimen intentare haut erubuit, in caput recidet suum. Antigonus Rex exemplo esse potest, qui obtrectionum calumnias & patienter tulit, & nihili fecit: audierat enim duos manipulares de se malè loquentes, quibustantum, *Longius*, inquit, *discedite, ne vos Rex audiat*. Idem quadam nocte, cum quosdam ex militibus suis exaudisset, omnia mala imprecantes Regi, qui ipsos in illud iter, & inextricabile lutum deduxisset; accessit

Aquila non
curat provo-
cantem cor-
nicem.

Seneca 3. de
ira. c. 22.

accessit ad eos, qui maximè laborabant: & cùm ignorantes, à quo adjuvarentur, explicuisset: *Nunc inquit, maledicite Antigono, cujus vitio in has calamitates incidistis: et autem benè optate, qui vos ex hac voragine deduxit.* Philippus Macedo convicijs à Nicandro Brufon, lib. 1. c. 16. laceffit, plurimis illum cœpit donis honestare: quibus acceptis, cœpit laudare Nicander. Ad amicos igitur conversus Philippus inquit: Videtisne ergò nostrum esse, & benè & malè audire. Pisistratus Atheniensis Tyrannus, cùm in ejus crudelitatem ebrius conviva multa dixisset, irritantibus amicis ad pœnas de convivâ sumendas, dixisse fertur: Non magis illi se succensere, quàm si quis obligatis oculis in se occurrisset. Prudentia & facilitas Alcibiadis mihi laudanda videtur, qui Canem miræ magnitudinis abscessâ caudâ per urbem dimisit: hoc verò cùm multis stultum atq; ineptum visum esset, monentibus eum amicis, ac sermones, qui de eo circumferebantur, enarrantibus, ridens Alcibiades: *Sic, inquit, res ut intenderam, successit. Hoc enim Atheniensibus loquendi volui præbere argumentum, ut eos à pejoribus, quæ de me dicere audireq; soliti sunt, novis his rebus averterem.* Induant igitur Principes animum contra maledicentium tela fortem, confisi sui officij, ad quod à Deo vocati sunt, sublimitate: conscientiaq; scuto muniti, vulgi sibilos & susurros, inanesq; strepitus contemnant: neq; à scopo rectæ rationis; neq; à Consiliorum justè & sincerè susceptorum tramite unquam deflectant. Multi multa sentiunt, & pro suâ quisq; ratione judicat de publicis commodis. Sed Principis est, sibi constare: ac instar incudis duræ ictus sustinere; in quam cùm sagittæ maligni vulgi impingant, non tam ei citò nocent, quàm ipsæ franguntur. FRANCISCUM I. Regem Galliarum verè regie fecisse legitur: qui cùm vectigal gravius, forsan non sine Reip: necessitate, populo suo imposuisset; ac propterea plebs non solùm conquererentur: sed cùm ipse à suis Consiliarijs esset admonitus, quòd iniquè esset impositum: atq; idèò populus eum convitijs traduceret. Ille tantùm respondisse fertur: *Sinite eum loqui, ejus enim interest.* Nec minùs, cùm primos vulgi impetus sustinuit: id consecutus est, quod instituerat. Hinc ex præ-

cedentibus, Emblematis sensus facilior. Aquilam enim unguibus sceptrum tenentem, sequè alis paullum quasi humo tollentem, Principem vel Regem intelligo, Reipub: administrationem pro rectæ rationis, & consiliorum usu instituentem; quorum altæ radices in mente suâ, & fidelium Consiliorum fixæ, supra vulgi iudicia semper emineant: Cicadas autem, vulgus esse imperitum noto. Ut enim Cicadæ æstatem cantu tantum transmittunt, quæ propter assiduam ejusdem iterationem hominibus molæstæ sunt, & omnino contemnuntur: Pari quoque ratione, Principem, ad ejusmodi Cicadarum, id est, vulgi, præter inania verba, & convitia stridentis strepitum, animum advertere non decet: quin potius eundem, ad sublimia Imperij & Reipubl: negocia erigere: sic enim & facilitate suâ malorum evincet studium; & quæ, sui erunt officij, partes explebit. Addidi Symbolum, DUM PROSIM. Multa quoniam in Republ: occurrunt, vulgo quasi acerba: quæ, cur instituantur, suscipiantur & peragantur, eidem non sunt obvia: Consilio tamen prudenti & salubri suscepta, ipso tempore jocunda fiunt Reipub: . Et veluti Medici, pharmacis quædam miscent amara, etiam ipso ægroto, primo gusto acerba: sed quam ob causam id faciant, & sciunt, & ægroti valetudini consulere cupiunt: Ita & Principes prudentes, sæpè numero populo quædam dura proponere videntur: sed quæ temporis successu usum habent: nec curare debent, quid vulgus loquatur, DUM modò Reipub: PROSINT. Philemon. *Nil suavius, nil docto viro dignius,*


*Convitiatorem quàm ferre: nam bene
Convitium qui dissimulat, convitium
Convitiatori rependit maximum.*

¶ Ep. 77.

Seneca. * *Malis displicere, laudari est: Malè de me loquuntur homines, quia bene loqui nesciunt; faciunt, non quod mereor, sed quod solent.*

EMBLEMA. XXXVIII.

TRANSEUNDUM.



Existunt densa ceu furvâ nocte tenebræ,
 Cùm Lux materiâ deficiente perit.
 Non secus in regnis certissima signa ruine
 Sic duo, si quis rem pensitet, esse solent.
 Regia deficiat, si hærede superstite nullo
 Stirps: si vel gentes, funditus intereant.
 Ortus habet finem: non est durabile quicquam
 In mundo, mundus fiet & ipse NIHIL.

V 3

Cræsus

Ex Herodoto
G. Richt. in
axiom. Polit.

CRÆsus Rex ille Lydorum opulentissimus, cum esset à Cyro captus, ei adversus Thomyrin exercitum ducturo, dixisse scribitur. Quandoquidem DEUS tibi me tradidit: quicquid animadverto errati in tuâ domo, id omne me pro viribus ad-
versurum. Nam meâ ruinâ etsi ingrata: mihi tamen exitere disciplinâ. Si tibi videris esse immortalis, & ejusmodi exercitui præ-
esse: nihil est opus, ut meam tibi dicam sententiam. Sin verò te
quoq; agnoscis hominem: istis ejusmodi præesse: illud in primis dis-
scito: humanarum rerum Circum esse: qui rotatus semper eodem
fortunatos esse non sinit. Aurea sanè verba, cordibus Principum
impressa meritò esse debent: ut Imperij, ac conditionis suâ,
nec non officij memores, felicitatem suam ratione rectâ temperare,
mitiusq; interdum, ac fit, cum populis agere discant. Cræsum enim,
cum se propter divitias, & rerum omnium abundantiam felicissimum
censeret: Fortuna, & status sui mutatio docuit: *nihil in Orbe perpetuum esse*; quod ad extremum vitæ halitum
constans florensq; maneret. Ille idem suo exemplo Cyrum admonere
voluit, ut, quàm incerto pede fortuna consistat, secum reputaret, quâ,
ut semel de rebus humanis absolutâ suâ potestate sententiam tulit,
nullum unquam mortalium ab eâ appellare posse: quoniam in hoc mundo
non habet, nec recognoscit superiorem, nisi quod DEUM Ducem habeat,
ut eleganter *Bl. in l. fin. C. Communi. de legat.* ait. Et si non tantum res privatas, hominumq;
conditionem in hoc mundo rectè perpendere: sed Imperiorum quoq;
& regnorum Periodos, ad amissim revocare voluerimus: reperi-
emus sanè, eas non fortuitas; sed fatales esse aded; ut docti viri
ex historijs, à primâ antiquitate observârint: Regna & Res publi-
cas potentiores 500. annis plerumq; floruisse: plurima hunc terminum
non attigisse: nulla, aut paucissima superasse: sed in quingentesimi
anni momento, aut propè incidisse mutationes, quibus vel ever-
sa, ac deleta funditus; vel aliò translata desierint: vel in aliam novam
sint transmutata formam. Per singularum partium exempla longum
esset hîc discurrere: quâ tamen idem autor recenset: saltim quod
VENETORUM RESPUBLICA ultra 1000 annos floreat: Idedq; eam
Virginem esse *Camer. ait: quod adhuc nullû externû
Dominum passa sit: idedq; prudentiâ & Concordiâ

* Cam. oper.
fabris, cent. 1.
G. 33.

S. P. Q. Veneti dubio procul, post DEI OPT. MAX. providentiâ, & singulare beneficium, est adscribendum. De Poloniæ Regno, quod paulò ampliùs quingentos annos duravit, simile quid apparet: periodum scilicet 500 an. excessisse ac superasse: sed videant, ne motibus proprijs mutationem regno suo accersant, qui Libertatem maximè tuentes, licentiæ potiùs frenâ relaxent: privatâq; discordiâ & seditione, publicam calamitatem provocent. *Nulla enim res magna*, inquit * Seneca, *non aliquod habuit ruinæ suæ spaciū.* 5, * 14. ep. 92. *Urbs quoq;*, ut idem ait, *constituit ætas, hora dissolvit, momento fit cinis, diu silva.* *Id. 3 nat. 27.* Ac veluti magnæ ædificia, quæ vetustate collabuntur, non uno momento concidere; sed primò rimas quasdam agere, quæ compagis dissolutionem minari videntur: donec tandem tota moles corruat: Ita quoq; in Republ: quædam signa & Prognostica ruinæ & calamitatum earundem præcedere solent. Solet etenim DEUS, cùm sit longanimis, iræ suæ certa signa populis ac regibus antè monstrare, quàm pœnas & calamitates infligat; ut ad pœnitentiâ eos convertat, si suâ delicta, & DEI misericordiam agnoscere velint. Ex sacris literis, exemplarij sunt obvia. Id tamen, quod explicationi Emblematis hujus servit, addo. * *Ubi in Principum familiis nulli filij, successores regni futuri superstites manent: illic rerum mutationem, Reipub: perturbationem, ac magnum DEI judicium, ferè solet prævideri & expectari.* 1. Sam. 2. vers. 33. 34. Id quoq; observatum est ex historijs: Non solum Rerumpub: ruinas, signa quædam & indicia præcessisse: sed familias quasdam illustres & nobiles esse, quæ, quoties ex eis, aliquis mortem obire debet, certis quibusdam indicijs præmoneri solent: de quo alibi. Ita duo prænuncij in Imperijs solent esse calamitatum: *Stirps regum deficiens: & occasus familiarum, præsertim Illustrum aut antiquarum.* Hujus rei consideratione & occasione Emblemata hoc, sub duarum Candelarum extinctarum notâ effinxi: meæ enim familiæ fatum idem imminet! Et quemadmodum tenebras nocte præsertim illuni, existere: easdemq; augeri in Conclavi aliquo necesse est, quando lucernæ ardentes extinguuntur: ac nemo tùm suas operas sine luminis adjumento exequi potest: pari ratione calamitatis & cladum origo, ex familiæ regiæ, & præcipuarum familiarum

* Danæ. in Polit. Christ. lib. 3. aphor. 5. mihi fol. 266.

30. Nuper Illustris familia de Rosenberg hanc fatalem viâ iniit Anno 1611. D. Vigelius, 57 Principum & Nobiliū familias recenset, quæ intra 130 annor. speciu

absq; hærede
& prole inte-
rierunt. Abr.
Hofman. in
Genealogia
Austriaca.

Sen. op. 103.

Sen. de Con-
sol. ad Alb.
c. 6.

familiarum defectu, in Repub: existit. Nam ut in sequentis Emblemati explicatione dicam, CERTA SECURITAS Imperij, Populo à stirpe regiâ vel Principali, (præsertim ubi Principatus hæreditarij,) pullulante expectanda est. Ubi verò Imperium ad novos subinde Dominos transfertur: nec sint in eo Illustres ac Nobiles antiquæ familiæ, quibus certè dignitas Regni plurimùm decoratur: ibi mutatio & ex hac calamitas semper metuenda. Per Candelabrum, ut potè, lucernæ fulcrum, fundamentum salutis Reipub:, Inconcussam, & non interruptam certam seriem prolis masculæ Regiæ, & aliarum præcipuarum familiarum, à quibus, & in quibus basis securitatis Reip. &, ut dixi, salutis redundat & reposita est, intelligo. Per emunctorium verò, causas omnes Rempub: evertentes, noto. Symbolum TRANSEUNDUM, ex Senecâ desumptum, significat: nihil in mundo, quod ortum habeat, perpes & stabile esse; quin illud aliquando finem sit sortiturum. Emblemati huic convenit Senecæ. *Affiduum humani generis discursus est. Quotidiè aliquid in tam magno orbo mutatur. Nova urbium fundamenta jaciuntur. Nova gentium nomina, extinctis nominibus prioribus, aut in accessionem validioris, conversis oriuntur. &c.* Id verò quis fato fieri non credat? sive providentia DEI, omnia in hoc mundo gubernâtis, disponi neget? à Deo planè sit, necesse sit, qui aliud dislerat & asserat.

Est etenim vis tanta, & tanta potentia divi

Numinis; ut Ratio hanc non superare queat.


Cum semel huic placuit, sortem mutare benignam:

Consilij humani vis, ratioq; perit.



EMBLEMA XXXIX.

CERTA SECURITAS.



Non adeò Regum preciosa palatia gemmis,
 Auro atq; argento condecorata nitent:
 Non adeò hæc tutantur opes; non copia rerum:
 Nec secura, cohors præsidiumq; facit.
 Continna serie quàm certâ è stirpe redundans,
 Imperium, soboles multiplicata, beat.
 Hac illustre genus nam conservatur & heres:
 Regni & Successor sic sine lite manet.

UT præcedente Emblemate demonstravi, in regno aut Re-
pub: mutationes & calamitates ex defectu stirpis Regiæ
oriri: ita hoc declarabo, certam securitatem nasci Imperio,

Vide M. An-
tonii Peregrini
Consilium,
de Successio-
nib⁹ in Regiis
Dignitatibus,
& Besoldi di-
sputat. de Re-
giâ Successio-
ne.

* lib. 2. Polit.
c. 4.

ubi certa proles, & regni hæres existit. Duobus enim modis cùm
Principatus capiatur; vel Electione, vel Successione: illaq; extra
controversiam antiquior, imò tutior: attamen omissis, quæ in
partem utramq; ab autoribus adferuntur & excutiuntur rationi-
bus; Successionem non improbo. hancq; intelligo, non solum in
hæreditario regno & Principatu: sed ubi Electione, vel suffragijs
constituuntur Reges, ut Successor sit certus, & præ manibus, qui
idoneè defuncto succedat. Nam, licet *Imperaturum omnibus*, ut

* Lipsius ait ex Plinio, *eligi debere ex omnibus*, ratio dicitur: & ut
ex multis generosis equis, optimum seligere non est difficile, cùm
copia adit: Nihilominus tamen plurima regno obveniunt in-
commoda, cùm inter tot millia suffragiorum; vel saltem Optima-
tum voces, contrariæ voluntates audiantur: odiaq; in eligentes.
deriventur. Adde, quòd licet hodiè etiam in Successione hæredi-
tariâ, nedum in Electione Principum, id observari soleat; ut præ-
statio Homagij; vel ut alij dicunt, Homini; non fiat; nisi ultrò.
citòq; prius habito initoq; contractu, pactisq; inter subditos, &
futurum novum Principem conventis, de non violandis legibus
fundamentalibus, alijsque rebus non mutandis, innovandis, aut
ferendis: diuturnitate tamen ipsâ, mores quoq; electorum Prin-
cipum mutantur ut plurimum. Ita quinquennium Neronis opti-
mum fuit. Sic M. Flavius Constantinus primis annis Princeps
probus, secundo vir sanguinum, tertio pupillus prodigus audijt.
& plerumq; — *mitissima fors est.*

Alb. Gentil.
de l. belli lib.
c. 15. Ioh.
ap: Egnatius
in imp.

Regnorum sub Rege novo.

Tùm, quòd in
Electione plurimorum mentes, & recta judicia corrumpuntur:
dùm eligentes vel muneribus, vel spe futurorum commodorum,
& remunerationis, ab ijs alliciantur, quid dominari cupiunt; quod
in Successione cessat. Talienim modo pravas aliorum spes cohi-
beri certum est, cùm Successor non in incerto. MAXIMILIANUS
I. FRIDERICI III filius, vivo patre in Imperatorem est electus
Anno 1486. CAROLUS V. felicis. memoriæ, prudenter fecit,
quòd

quodd fratrem suum FERDINANDUM, se vivente, Regem Bohemiæ, & postea Romanorum, designari ab Electoribus & Ordinibus voluit; ut inde Imperij Romani dignitas ad eum deferretur, motusq; propter æmulse vitarentur. Ita MAXIMILIANUS II. parens V^a Cæs^a Mat^{is}, vivente patre suo, in Regem Bohemiæ, & postea Roman. declaratus fuit. Similiter RUDOLPHUS II Imp. aug. mem. patre V^a Cæs^a Mat^{is} vivo, Rex Rom. electus fuit. Quodd verò in vivis adhuc existente RUDOLPHO II Imp.; V^a Cæs^a Matⁱ Regnū Ungariæ & Bohemiæ, eodem consentiente, Ordinibusq; utriusq; Regni conferentibus cessit; id Providentiæ & voluntati DEI acceptum fert orbis Christianus: Nemo enim est, qui divinam benignitatem in eo non agnoscat, quodd V^a Cæs^a Mat^{as}, ad hoc sublime Imperij Rom. fastigium, consensu Electorum unanimi, ac omnium votis sit evecta: ac successione non interruptâ, à CAROLO V. a. m. quintum nunc in serie locum teneat. Faxit porro Rex ille regum summus: ut Imperium Roman. ex Serenissimâ domo Austriacâ, certo futuro Successore gaudeat ac lætetur! Constitutio Caroli IV. de elegendo Imperatore: & Institutio prima Electorum OTTONIS, prudenter est introducta: Nam, cū in hæreditarijs regnis, Principum soleat esse Reipub: negligentior cura; quando se Dominos suorum populorum agnoscant natos; imò, omnes qui nascuntur & non eliguntur Reges, ut plerumq; fit, abutuntur illâ, in quâ educantur, & quam sibi perpetuam fore putant, libertate. Ne itaque potestate suâ abuterentur, & per eos, publicum Bonum negligeretur; Lex eis certa posita est. Sic WENCESLAUS propter ignaviâ, Imperio fuit privatus. Præterea, cū fatales sint rerum & Regnorum periodi, ne, si deficiente stirpe regiâ vel Imperatoriâ, agnati aut cognati, dignitatis splendore tumentes, Imperium sibi usurparent, aut tribui contenderent, Electio rectè instituta est. Si tamen idonei sint Imperio, Imperatorum & Regum filios non rectè ab hac dignitate excludi, multi judicant: cū Reipub: maximè interfit: ut regiæ stirpis Honor & dignitas successione conservetur & augeatur. Id quod in Electorum secularium familijs observatur. Nam, quod in privatis familijs videmus, si eæ neglegantur; vel si Virtutibus

Bus & divitijs, (quod quidem hodiè maximè attenditur,) non conservantur, splendorem suum illas non tantùm paulatim amittere: sed defectu hujus, contemptu propter paupertatem ingravescente, eas interire necessum est. Ita, non absque ratione dixerim; in regiâ stirpe, præsertim ubi Electio Successioni prævalet: dignitatem summam quodammodominui: ubi idoneis in eâ neglectis, alij præferuntur. Quapropter DEUS OPT. MAX. qui reges & regna constituit & stabilit, eaq; solus, quò vult; transfert, rogandus est; ut Regum & Principum piorum ac bonorum, stirpem propagare ac conservare: tùm Magnas & Illustres familias divinâ suâ gratiâ & bonitate augere velit; ne, illâ deficiente, mutationes Reipub: accidant: & hispereuntibus, decus & splendor ejus intereat. Ut enim certa mutatio metuenda, quoties novi Reges: certaq; ruina: ædificij, ubi fundamenta labant, aut nutant. Ita è contrariò:

*Ioh Lenc. in
obsi Polit. ex
Tac. & Cas-
sian. in syste-
mate Viæ Po-
lit 3. ip Ami-
rat differt Po-
lit. lib. 1. di-
scurs. 2. ex
Tacit.

* *Nulla neq; opes aut divitiæ, neq; classes aut legiones perinde firma Imperij munimenta sunt, quàm numerus liberorum. cùm, quia occulta quadam Majestas in illis est; tùm verò, quòd prave aliorum spes & fraudes inhibentur, si successores non in incerto sint.* Quod olim Augustus prævidit, atq; idè sibi hæredem stabiliendum curavit. Et Tiberius extra domum Augustam, Imperium collocare, indecorum atq; intutum putabat, sin extra domum successor quæreretur; ne memoria Augusti, ne nomen Cæsarium in ludibria verterent, metuebat. Emblema igitur dissertationi huic conveniens, non est obscurum. Pavo enim hieroglyphicum est fecunditatis. Pullos autè, prolè regiam intelligo; quæ intra sepem, hoc est, limites Imperij sui secuta est, & lætior vivit. Eaque SECURITAS Imperij CERTA est, ubi hæredes ac successores regnorum & bonorum certi. In Nuptijs Serenissimi ac Potentiss. Regis POLON. SIGISMUNDI III. quas cum SERENISSIMA PRINCIPE & ARCHIDUCISSA AUSTRIÆ CONSTANTIA celebravit: nūmus in felici & splendido in urbem Crac: ingressu spargebatur, ex quarum parte unâ libra cum scepro transversim locato: ex alterâ, par turturum olivæ ramo insidens, expressum fuit, cum hac inscriptione: REGNORUM SECURITAS NUNQUAM DEFICIAT. Eam ut Regno Poloniæ, DEUS quoq; conservet in hæredibus jam natis regijs, unicè precor.

Anno 1605.
Cracov: m.
Decemb:

POLITICA.
EMBLEMA XL.
UTERE SORTE TUA.

157



O Rbe super testudo jacens secunda periculi est.
Ipsius haut fines præterisse cupit.
Si qua manu forti sunt parta, aut sorte benignâ,
Oblata, auspiciis vel quoq;, Regna, sacris.
Esse reor potius servanda, ac pace tuenda,
(Si non Vis, Causa, & Jus capere arma jubent.)
Quàm nova sub dubio conquirere Marte. capeſſit
Qui vi aliena, suis sæpè pericla struit.

X 3

Tanta

Tanta est mortalibus suarum rerum satietas, imò nulli res sua satis; ut aliena semper magis placeant, quàm propria. & ut Poëta ait:

Fertilior seges est, alienis semper in arvis:

Vicinumq; pecus grandius uber habet. Omnes enim naturâ, cupiditate habendi duci videmur: sed ij in hoc peccant maximè, qui modũ excedũt in acquirendis reb⁹: & quòd plura possideant, eòd plura appetāt: & quòd plura appetāt, eòd min⁹ possideant: nec non rarò id eis evenire videmus, quod Æsopico cani: qui cùm in undis carnis umbram, quam ore tenebat, conspexisset, eamq; appetuisset, illam simul, quam habuit, amisit. Si autem Cupiditas illa nimia in privatis vituperatur: virisq; bonis *invisi* plerumque sunt, qui non contenti, *parcâ quod eis Deus obtulit manu*, ut Horat. inquit. In Principibus maximè repræhendenda; quod eâ duplici modo peccant. In se, & in suos. Indignum enim est Principe ad sublimia nato, servire turpi lucro, ac alienis bonis æstuarè; cùm liberam mentem, ab omni contagio vitiorum habere debeat. Subditis autem pessimum exemplum suo præbet: cumq; vitia in alijs vindicare deberet, ea docere videtur. plerumque enim,

Regis ad exemplum totus componitur orbis. Et

Omne animi vitium tantò conspectius in se

Crimen habet, quantò major qui peccat, habetur.

Verumenimverò Magnorum virorum ingenia, plerumq; dominandi libidine, & cupiditate regna possidendi flagrare, experientia & historiæ testantur, paucos rebus partis contentos. Atque hæc communis omnium labes, quòd sæpenuerò magis de acquirendo, quàm acquisito retinendo, intra se æstuent: cùm tamen sit

Non minor - virtus, quàm quarere parta tueri.

Quippe majoris est laboris ac industriæ, res acquisitas conservare: regnumq; partum in suo statu tueri posse tutum. Nam sæpissimè fit; ut, cùm de parto augendo cogitent, modosque id perficiendi quærant: totum, quod ante possederunt, amittant: & dum ad culmen venire contendunt, unâ cum ipsis ramis; quos compræhenderunt, decidant. Optimè igitur, *

* Polit. lib. 2.
c. 9.

• *novæ regna sitiunt, ad eaq; properant, ut ante parta, firment.* Facilius enim

enim est vincere, quod fortunæ interdum beneficio, & vi fieri potest: sed victoriâ ob itinere, non nisi prudentiæ esse. Atq; ut Echium capere facilius est, tenere difficile; & nisi arte & prudentiâ utaris, frustra eum ceperis: Ita quoq; * *fortunam magnam citius reperias, quàm retineas.* Ut non immeritò Livius dixerit. *Excellentibus ingeniis citius defuerit ars, quàm Civem regant, quàm quàm superent hostem.* Et Demosthenes suos cives hortatur, cum sint in vitâ duo commoda, Fortunæ prosperæ, & Consilij boni: non solet utriusq; simul copia contingere hominibus. Neq; quisquam rebus secundisterminum sibi constituit, neq; finem imponit cupiditatibus acquirendi plura. Itaq; permulti sæpè numero dum majora concupiscunt, ea, quæ jam obtinebant, amiserunt. * Tartarorum Princeps quidam, licet alioquin barbarus, imprudentiam eorum notare voluit; qui proprijs non contenti, majora appetere soleant: Ex capti enim Moschovitici Principis calvariâ, poculo, majusculis literis inscribicuravit: HIC ALIENA APPETENDO PROPRIA AMISIT. * Antiochus Magnus, Regum Asiæ illis temporibus potentissimus, non contentus tanto Imperio, bellum Romanis intulit: à quibus superatus, omnibus, quæ cis Taurum monte possidebat, multatus est. Antigonus quondam Rex, & Alfonso Rex Aragonum, tales aleatoribus similes esse dixit; qui spe lucri futuri, proprias opes prodigunt, nec eo, quod lucrati sunt contenti, dum alienum appetunt, id quoq; perdere solent. Maximiliani Imp: judicium de his recitavi in discursu meo Politico de LITERIS & ARMIS. Ac quidem extra dubium est: Principes & Reges, qui regna sua vel hæreditaria, vel virtute parta bellicâ, tueri & defendere pacis artibus sciunt, nec alienis inhiant: eos feliciores & tutiores in suo Principatu esse, ijs, qui nova subinde acquirunt, eaq; conservare nesciunt. Alexander non tam citò orbem sibi subjecit, quàm ipse cum suâ familiâ & regno periit. de alijs, historiarum pleni sunt libri. Prudenter itaq; * Lips. ex Livio Principes monet, ut quietem potius & pacem colant: & sua modis omnibus tueantur ac defendere conentur; cum Dimidium sæpè plus toto: & ubi cupiditatibus frena laxantur: impetu magno eæ proterunt res proprias. Sic ex Livio verissimum.

* Publ.

* Camer. op. subcisl. cent. I. c. 2.

* Ioh. Spin. de tranquill. anim.

* lib. 4. Politic. c. 9.

Liv. lib. 34.

Tegmine clausa suo Chelys, omnes despicit ictus :

Exertum telis nudat ineptia caput.

Sub lare privato intò & benè vivitur. extra hunc

Sors malefida tibi mille pericla fruit.

Unde hoc

Emblema intellectu facile est : Ut enim testudo tradissimè incedit; inq; suo tegmine tuta latet : Ita Principem, suam Rempubl: & regnum tutari decet : & ad nova, vel aliena regna invadenda tardum esse : globum autem, cùm circularis figura perfectissima & aptissima sit, Imperium legibus, & rebus ad perfectionem regni pertinentibus ornatum, intelligo : idèd autem cathena cinctum volui : ut eam Rempubl: vel regnum non facilè solvi innuerem, quod ferreis & solidis Prudentiæ & Concordiæ vinculis constri-ctum sit : eamq; Rempub: tùm florentem censerì : cùm quisq; in eâ rebus suis contentus, mediocritatem amplectatur : idq; tam Principi, quàm privato optimè convenire puto. *Ambitio enim omnis infelix.* & ubi vicini Principes temeritate quadam vexantur, tristes & funesti exitus sequi solent. Symboli loco adjeci, **U T E R I S O R T E T U A.** Certiora enim sunt quæ bono titulo possidentur; licet parva aut exigua: quam magna injusto aliquo modo parta, quæ tantùm abest ut tutò possideas, ut tua simul cum illis amittas. Placet hîc * monita adscribere quædam. *Industria, inquit, adhibeatur, ut subjecti populi pace perfruantur, non deficias annonæ, ærarium ditescat, Civitates civibus impleantur, disciplinâ militari ci- ves instruantur, arma congregentur, Princeps muniat se subditorum amore, arcibus, copiis: Cum verò sese obtulerit occasio, ut sive tuas, sive sociorum ac fœderatorum res tueare; tunc contra audentior ito: neq; enim tantum certa erit parata adversus vicinas, remotasq; gentes victoria, sed etiam, quæ bello acquisiveris, securus ab hostili impetu possidebis, & perenni pace letaberis.* Quomodo autem & quando confœderatis inter se Principibus bella moventibus, tertius vicinus utrinq; quoq; fœderatus, opitulari & se gerere debeat, hîc certinihil definio: videatur * Lips. id tamen observandum:

*In caducum parietem non inclines. * Et, suam*

quisq; fortunam in consilio habeat, cùm de alienâ deliberat.

* ex Amirat.
Scip. lib. 1.
discurs. 6.

* lib. 4. c. 9.

* Curt. lib. 4.

EMBLEMA. XLI.

INTUTA QUÆ INDECORA.



Notis avis non est ad Solis tendere lumen:
 Non aquile muscas ungue ferire leves.
 Sors, Virtus, Natura Ducum contraria vulgo est.
 His proprios fines transilysse nocet.
 Nec fas privato; mores effingere regum:
 Hos vulgare aliquid nec sapuisse decet.
 Summa petant summa generoso in corpore mentes.
 Plebs humiles humilis quærat & ornet opes.

Y

Themistocles

T Hemistocles post partam victoriam, cum aliquando ad mare visendi cadavera causâ accessisset: & jam multos torques, aureasque armillas præterisset, amico cuidam se sequenti dixisse scribitur. *Tolle tu hæc, quia non es Themistocles.* Et Alexander, cum ei Darij filia in uxorem cum ingenti dote offerretur, Parmenioni, ut acceptaret conditionem, dicenti, *Facerem ego si essem Alexander*, prudenter respondit: *Et ego facerem si essem Parmenio.* Quo innuere voluit; aliam Principum esse conditionem, statum & officium; aliam privatorum. Neq; id Principem decere, quod privatum quempiam, quò ad vitam, mores, & actiones. Nam ut Deus ipse Reges, Magistratus tam Ecclesiasticos, quam Politicos instituit, eisq; præ cæteris peculiarem gratiam concedit, eos quoq; sapientiæ suæ donis affatim cumulat: ita vult, ut quisq; in suo statu & officio perseveret: suamq; autoritatem pro virili, pietate, Justitiâ & Prudentiâ defendat & tueatur. Sæpè autem homines ingenij & vocationis metas egrediuntur, sibi que inde plurima pericula spontè accersunt. Principum vitam vulgus rude sceleratissimam æstimat, ex rerum omnium affluentia: eorumq; mores pravâ & ineptâ imitatione exprimere haud veretur: de ipsorum Consilijs & actionibus palam judicare non dubitat, privatis eas rebus suis accommodare nitens: cumq; illi alta & magna sapere non detur, * *non dilectu aut sapientiâ ducitur ad judicandum, sed impetu, & quadam etiam temeritate*: idèò Principum Consilia & facta ad suam tantum lancem appendit: publica que bona, ex re suâ privatâ & sordidâ sæpè ratione metitur: cum illi non magis datum & concessum sit, in Principum occultas rationes, quas de Republicâ ineunt inquirere, eaq; penitus cognoscere; atq; Noctuæ splendidum solis lumen aspicere. Quid? quòd Principes & Magnates summo odio eos persequantur, qui, non dicam facta & consilia eorum perspecta habere volunt: sed qui eos in moribus, vestitu, supellectile privatim imitantur. Imò eo sunt ingenio Principes, ut, quò quisq; genere illustrior, antiquior, celebrior, adde & ditior: eò magis offenditur, quando inferiores pari cum illis fortunâ, & rerum omnium formâ uti volunt. * *Artaxerxes prudenter Teribazo regia sua vestimenta indulgit.* Hic enim,

Posuit Deus
metas inge-
niis, quò &
quatenus cur-
rant.

* Cic. pro
Planc.

* Brufon
lib. I. c. 55

enim,

enim, cùm in venatione vellem scissam illi ostendisset, rogatus, quid fieri oporteret? respondit: Aliam sibi induendam vestem, & illam Artaxerxi tradendam. Concessit Artaxerxes: Dono tibi hanc (ait) vestem, sed ferre prohibeo. Teribazum verò, quod illà indutus esset, acceptis etiam muliebribus donis, ægrè ferebant spectatores. Tum Rex cachinnari cœpit, ad eumq; conversus: *Tibi, inquit, ut mulieri aurum; & ut insano regium amictum, gestandi potestatem licentiamq; concedimus.* Quis hinc importunitatem hominis, in impetrando, regisq; benignitatem in concedendo, utriusq; simul statum non cognoscat? Africanus cum ei obijceretur, quòd ipse prælio non interesset, prudenter respondit. *Imperatorem me mater, non militem genuit: neq; Ducis est, militis mortem obire!* nec immeritò. Nam, cùm in Imperatore tanquam Capite, tota vis & ratio belli consistat: ejus non est, quibusvis periculis, aut pugnis, (quod militum proprium est,) sese obijcere. Eo enim cœso, victoriæ & totius exercitus etiam validissimi, spes & robur langvet, imò jacet. Ita Viri fortes, Gloriam ex rebus præclare gestis pluris faciunt, quàm hostium spolia & prædas: neque ex levibus aut parvis rebus, nec ignobilibus, solidam esse judicant. Idem L. Paulus Æmylius docuit. Nam cùm Perseopotentissimo Rege Macedonia devicto, Macedonicis opibus veterem ac hæreditariam urbis paupertatem satiasset: penates autem suos nullà ex parte locupletiores fecisset: præclare secum actum existimavit; quòd ex illà victoriâ, alij pecuniam; Ipse patriæ salutem & gloriam sibi parasset. Ita Nobilem à Principe beneficium accipere, vel tale quid decet: illum ab hoc non semper, ut Privatus, rem suam ex vili quoq; refaciat, non in decorum: Principem nequam decet. Diversum sanè Reges & Populi sapiunt, & sapere debent. Non omnia omnibus conveniunt, nec sunt decora: quodq; privato licet, Principi licere turpe putandum. Quanquam non negàrim, Principes & Magnates vulgo propterea gratos existere solere; quoties se civiliter gerant; & cum primoribus suæ Civitatis converfentur, dummodo sui status & dignitatis non obliviscantur: aut apud viles, viliùs quàm Majestas eorum & auctoritas requirit, se obijciant, aut gerant. Nimia enim familiaritas,

Val. Max. lib.
4. cap. 3.

cùm contemptum parere soleat; tùm magnatum dignitatem obfuscat, cùm se ultrà modum privatorum rebus immiscent. Id ut caveant, meminerint sedulò, quia in proverbio dicitur: *tractent fabrilia fabri. peragant regalia reges. Aliud enim sceptrum, aliud plectrum.* & quod apud * Plautum; *aliter catuli longe olent, aliter sues.* Alia mens & Studia Generosi Principis, alia plebei hominis. Emblemate igitur hoc, diversitatem studiorum & factorum Principis, & privati hominis exprimere volui: * Aquila enim Principum Majestatem notat, industriamq; eorum, suis rebus intentam. Ut & inter cœtera Noctycorax hypocritam, & privatum studiũ, inquirendi & adipiscendi res. Ut itaq; Aquilæ muscas captare, vel murus venari minimè convenit: quandoquidem ob generositatem, quâ cœteras aves præcellit, easq; negligit; majori solet incumbere prædæ: Sic Principem vulgaria sectari, & animum humilibus, & tantâ Majestate non dignis studijs applicare non decet: Ac veluti noctua in tenebris potissimùm volat: Solisque lumen sustinere non potest: Sic privati homines, privatistantum, & quæ ad majestatem regni nil faciunt, rebus intenti esse solent. ad splendorem summæ dignitatis in regno cæcutientes. Ut itaque neq; Aquilam muscis captandis, muribusve insectandis intentam esse decet. Neq; Noctuæ tutum est, adversus solem, aciem oculorum dirigere, cùm naturâ ejusdem radios sustinere ipsi negetur. Adeum quoq; modum, nec Principi privatorum studia: nec privatis, illorum facta sectari convenit. Utrinq; enim periculum & infamia. & quod Tac. ait. *INTUTA, QUÆ INDECORA.* Culpa quoq; est immiscere se rei ad se non pertinenti: quæ pœnam plerumque comitem habet. Quantoperè igitur Principes student abesse à cultu victuque plebejo: tantoperè verus Princeps debet abesse à sordidis opinionibus vulgi: imò solùm hoc sordidum vile, seque indignum ducat, cum plebeculâ sentire, cui nunquam optima placuerunt.

* in Epid.
Erasim in
adag Chil.
1. cent 8.


* I. Pier. lib.
19 hiero-
g. yph.

Peulpa 36.
ff. d. R. 1.

Vide Scip.
Amirat. dif-
fett. Polit. lib.
5, discurs. 10.

EMBLEMA. XLII.

SEDES QUIETIS PUBLICÆ.



Urbis non tam firma potest Rex reddere, quam vis
 Defendat murus mœnia cincta triplex:
 Concordi quàm cùm Cives animosq; fideq;
 Opponent hosti pectora lata suo.
 Quos patria communis amor, Regisq; benigni;
 Ardor & in socios non temeratus agit.
 Principibus res est nec gratior ulla; fidelis
 Quam cum se unanimi pectore turba colit.

Y 3

Concordiæ

Goslic. de opt.
Senat. lib. 2.

Concordiæ templum Camillus Romæ quondam construxisse scribitur, in quo Senatus potissimum haberi solebat; ut eo declararetur, nihil seditiosè, nihil turbulentè agendum esse in Senatu; sed omnia tranquillè & pacatè. Ubi enim Senatus mutuis inter se odijs certant, diversisq; animis & sententijs in contrarias voluntates abeunt, eam Rempublicam non solum infelicem esse; sed ad interitum accelerare certum est. In quâ civitate cives assiduis contentionibus dimicant; ibi publicum bonum, & privata commoda, non secus, atq; nix à Solis calore, diffluunt. A naturâ ipsâ docemur & ducimur ad Concordiam amandam & colendam. Si enim vel solam corporis humani fabricam aspexerimus, quomodo tot, ac varia membra inter se cohæreant, & quomodo officia sua exequantur: meritò animum à contentionibus & odijs, ad tranquillitatem & concordiam revocare debemus. Quandiù enim membrum membro cohæret, sano ac vivente corpore, tandiù qualitas ejus integra est: sed primùm ac abscissum aliquod fuerit, tabescit, & nullius momenti, existit. Qui ædificium extruit, sanè saxum cum saxo, vel lignum cum ligno non coaptabit sine aliquo vinculo. Et publicum bonum nullâ promoveri ratione poterit sine Concordiâ! Hæc enim est vinculum, hæc ligamen, hæc gluten, hæc murus inexpugnabilis, hæc ara insuperabilis; quâ se Reges & Principes, Magistratus, Respublicæ, Cives, amici, consanguinei defendunt; tota deniq; rerum natura se tutatur contra vim quamcunq;. Unde Agésilæus Lacedæmoniorum Rex interrogatus, quamobrem Sparta mœnibus non fuisset cincta: ostensis civibus concordibus & armatis; Hi sunt, respondit, Spartæ mœnia. Nec immeritò. Nam veluti muros, fossas, valla, aliaq; munimenta summâ diligentia & sumptibus magnis extruere solemus: ut privatorum bona, atque adeò publica, salva & tuta, adversus hostium incursum & deprædationes, esse possint: quæ per se licet sint valida: tamen ni civium unanimis voluntas & fortitudo, ex ijs hostem repellendi, accedat; frustra ea extruuntur & eriguntur: Ita in defendendâ magnâ Republicâ, veluti Imperio Romano, nisi Principes inter se amicitiam & Concordiam alant colantq;; vires omnes, quas licet in unum collectæ

cumulum

comulum, maximæ sunt, ac essent; ad retundendas inimicorum machinationes, non sufficerent: Omnienim hosti nihil tam formidabile esse solet, atque Concordia eorum, qui contra se sunt pugnaturi. Nihil jocundius, quàm cum inter (duces) & milites discordiæ sunt & foveantur. Id quod docet Vegetius, *Prudentis esse ducis inter hostes discordia causas ferere.* Siquidem * *discordia & seditio omnia facit opportuniore insidiantibus.* Quippe, ut in discordiâ intestinâ nihil potest esse occultum: ita tùm maximè vi patefit hostibus ad opes aliorum expugnandas, cum inter Principes aut cives in Republicâ.

— *savo discordia crine*

Extulit ad superos stygium caput.

Scipio

Africanus cum Numantinos sæpè victores fregisset, obseffosque tandem expugnasset, Tiresiam Principem quendam Celticum rogavit; quâ de causâ Numantia priùs invicta durasset, & post everfa fuisset? respondit Tiresias: Concordia victoriam, discordia exitium præbuit. Hinc OTTO III Imp: cum Concordiam animadverteret Imperio & Reipubl: cuilibet, summè esse utilem & necessariam, ad sui firmitudinem, & hostes retundendos, Symboli loco usurpavit VIRTUS UNITA FORTIOR.

* *Plus VIRTUS UNITA VALET; vis nescia vinci:*

* Reusn: :

Si mens una, fides una sit, una manus.

Et cum Respublica benè constituta sit quasi corpus sanum, & rectâ utens valetudine, in quâ Rex seu Princeps, Capituli loco est, reliqua membra veluti Duces & Procures; ei obsequi decet: cum primum ea vel à Principe, vel inter se dissidere cœperint, certissimum huic regno imminet exitium. & ubi partes labant: ibi summam turbâri necessum est; quando hæc est maxima Rerum publicarum & regnorum calamitas. Hanc olim cum prævidisset Scylurus ille Scytharum Princeps, qui jam jam animam exhalarurus, octoginta filiis suis, quos habebat, convocatis, fascem jaculorum frangendum omnibus porrexit, recusantibus illis rem factu incredibilem, ipse singulatim extractas fregit; filios admonens; ut Concordiam servarent; hac illos invictos & felices futuros dicens. * Sertorius Dux, militibus dissidentibus, caudam equinam proposuit;

Plut. in vit. Sert.

proposuit; cuius setas nemo tam robustus fuit in toto exercitus qui conglobatas evelleret; mox autem distinctas, imbecillis & iners lixa decerpfit. Et quemadmodum hastilia singula facillè franguntur; conjuncta non item. Ita dissidentes facillè superantur, secus autem concordēs. Fasciculo igitur sagittarum funiculo colligatarum, quibus duo Corda adjuncta conspiciuntur. CONCORDIAM designare volui. Quemadmodum enim tela compacta, quæ & Fortitudinis ac defensionis hieroglyphicum sunt, non facillè franguntur, singula, sine ullo labore: utq; *funiculus triplex*, ut Salomon * ait, *non rumpitur*: ita Concordes Principes & Cives, si animis & voluntatibus, (quod duorum cordium mutuo nexu coherentium, noto) omni odio & simulatione vacuis publica commoda curaverint, eos profectò insuperabiles futuros. Contrà verò nil opportunius, nil facilius & aptius ad perdendam libertatem, privata & publica bona diripienda, quàm cum Principes, vel Cives etiam, qui Reipub: aut Civitatis jura meritò conservare debent, inter se dissentiant. Concordia igitur mater felicitatis, publicæq; quietis leges est; quæ consistit in conspiratione omnium ordinum, ad retinendam libertatem, ll. justitiam, fidem, religionem, & omnem Reipub: tranquillitatem. *Estq; hæc*, ut * Goslic. ait: *una spes & species conservande Civitatis, cum in omnibus rebus, atq; adeo omni tempore invicem omnes consensunt, consiliag; & res suas concordēs tractant.* * Concordia enim res parvæ crescunt, discordiæ dilabuntur. & ut Augustin. inquit. Concordia civitates *construuntur, quæ discordiæ destruuntur.* Publ. *Auxilia humilia consensus facit.* Ad summam.

* Eccles. c. 4.

* Goslic. de
opt. Senat.

* Sallust.

Res parvas
concors servat
& auget amor.

*Nil adeo firmum, quod non discordia frangat,
Nil humile, ut concors non ope dextra levet.*



E M B L E M A T A

POLITICA.
EMBLEMA XLIII.
NEC SATIS.

169



U Ngverapax, & dente ferox Panthera, ferarum
Carne, truces spirat non saturata, minas.
Sava Tyrannorum mens, non explebilis auro,
Sanguine, caede, bonis; sic magis usq₃ sitit.
Plena metu latebras petit, abstrusosq₃ recessus:
Et quodcunq₃ facit, fraude doloq₃ facit.
Insidiis donec propriis, ac nexibus ultro
In pœnas, JOVA Vindice, vinctaruat.

Z

Hortulam

Hortulani & Vinitores eum in finem plantas serere & vineas suas diligentius colere solent, ut fructus ex ijs capiant uberrimos: qui si repastinando radices ferro vehementer vel læderent; vel omninò evellerent: nulla spes eis fructuum crescendorum & recuperandorum relinqueretur. Principum Regiones, Civitates, pagi, villæ, populi, quid aliud quæso sunt, quàm horti & Vineæ; Lex quibus benè constitutis, & divitijs abundantibus, rerumq; omnium copiâ florentibus non voluptatem solùm: sed & utilitatem percipiunt maximam. Cùm verò à modicis, frequentibus, nimisq; tributis, vectigalibus, exactio- nibus, atq; ejusmodi angarijs & oneribus, eos gravare, faculta- tesq; eorum exhaurire non desinunt: nullâ id fieri ratione pote- rit; quin ipsi Principes, ex defectu subditorum egeant, opibusq; subditorum funditus exhaustis, pauperiores evadant. Sublato enim subiecto, tolluntur accidentia. Ac sanè si quicquam subdi- torum animosâ suis Principibus alienos facit; si ulla alia Odiorum scaturigo est, hæc certè: cùm crebris & magnis exactioibus fa- cultates subditorum exugunt: novosque subinde commentantur avaritiæ suæ prætextus: ut saltem pecuniam, quæ mortalibus Anima & sanguis est, subditis extorqueant: quibus eas, ut *Lipsius loquitur, eripere, idem quod vitam. in hanc sententiam: ego in meis Epigr:

Nemo animâ duplici mortales vivere dixit.

Absq; tamen duplici vivere nemo potest.

Una fovet corpus: loculos fovet altera: vita

Sanus utraq; vigor deficiente perit.

Quamquam nec * quies gentium sine armis, nec arma sine stipendijs, nec stipendia sine tributis haberi queunt: quæ * ornamenta sunt pa- cis, & subsidia belli. * Ipsoque Salvatore nostro docente, ea que *Cæsaris sunt ei reddere teneamur.* Quippe, ubi Necessitas ipsa fla- gitat, non tantùm pro defendendâ Reipub.; atque aded omnium salute, privatas opes & bona contribuere: sed Ecclesiasticas res, in eundem usum conferre, & alienare debemus & possumus: modò sub prætextu summæ Necessitatis, Avaritiæ non aperiatur fene- stra. probat id Imp. Justin. l. sancimur 21. C. de Sacrosanct. Eccl. & c. aurum. 12. quæst. 2. ubi textus habet: *Aurum habet Ecclesia, non ut servet, sed ut eroget, & subveniat in necessitatibus. Quid est*

* Tac. 4. hist.

* Cic pro leg.

Manil.

* Matth. 22.

opus custodire, quod nihil adjuvat. &c. Pro Repub: plerumq; templa nudantur, & in usum stipendij dona conflamus. Sic Nerva, ut impendia contraheret, sacrificia non pauca sustulit. Sed non raro fit, ut Tyranni, nullâ necessitate cogente, non solum subditos facultatibus emungant: sed res quoq; Ecclesiasticas & sacras diripiant. * Nero olim vastaverat Italiam, ut saltem suis pravis cupiditatibus morem gereret, provincias everterat, sociosque Populi Rom: & civitates, quæ libera vocabantur: tandem in eam prædam etiam Di; cessere, spoliatis in urbe triumphis, egestos, auro, quod triumphis, quod votis omnis Populi Romani ætas prosperè, aut in meriti sacraverat. Scipio idem in Epheso Dianæ templo fecisset, nisi à Pompejo revocatus fuisset. Quamquam & illud non improbandum, cum* tempore belli propter defectum machinarum muralium, aut jacturam earundem; materia aliunde ad fundendas novæ non suppetat: Campanas ex templis sumi, easq; ad usum machinarum converti posse: dum modò vel novæ, pace constitutâ à Magistratu reddantur: aut precium earum refundatur. Sed ubi necessitas nulla, neq; hoc, neq; illud faciendum. Ac sanè Princeps, qui subditorum suorum nullam habet rationem; eosq; novis subinde modis tributorum fatigat & deplumat: Tyrannidem exercere, seq; & suam Rempubl: pessundare videtur: maximè si eam pecuniam non ad publicos usus, sed ad profusionem, aut scurras vel Mimos, aliq; ut * Lips. ait, amicitiarum debonestamenta convertit. Inde enim subditi, cum viderint alios, rebus suis summâ cum difficultate & sudore partis, abuti: faciliè in Iram & Odiû erga dominos assurgunt: unde & Insidiæ clandestinæ; & ex Impatienciâ ac desperatione, Bella oriri possunt. Qui verò frugalitatem amat & exercet: suosq; subditos ad tempus aliquod, ut respirare; ac parsimoniâ & industriâ, magna tributa data, concoquere possint, ab onere relevat: ille & amorem eorum sibi hoc modo conciliabit: & cum vires recollegerint, furculiq; facultatum eorum excreverint, certam spem opum, & quasi reconditum subsidium apud eosdem, quoties opus erit, habebit. Non enim minoris laudis est, Principem divites habere, Illustres ac Nobiles subditos; quàm fiscum locupletem: cum & Gloriam ac magnitudinem, nec non certum fideiussorem Necessitatis (quod aliàs de pecunia dici-

* Amirat, disc. fert. Polit. lib. 15. discours. 5.

Cæf. de bello civ. lib. 2.

* Ranzovius in tractat. bellico.

* lib. 4. c. 17. ex Tacito

Proverb. 14.

Vide Meum
Principē Pli-
nianū Apho-
ris. 25. 26, 27.
28, 29, 30.

* Reusn. in
Symb. Hadr.

tur) eos habeat. Et quò quis illustrioribus & ditioribus imperat, eò sibi maiorem laudem acquirit. Unde Salomon. In multitudine populi dignitas regis, & in paucitate plebis Ignominia Principis. Cumq; Fisci incrementa vix cum utilitate populi esse possint; quandoquidem splenis instar se habet; quo crescente, reliqui artus contabescunt: ubi Rex vel Princeps suum tantum locupletare vult fiscum, subditorum privatæ facultates decrescant oportet. Probi igitur Principis erit, onera illa nimia & magna, interdum à subditorum humeris levare; ut tantò melius & certius, imò securius suis rebus superesse possint. * Si enim populus dives erit, & Princeps ipse semper habebit. quoniam *nulla opes aut certiores sunt, aut utiliores; quam quæ sunt apud subditos: hæc solum stabiles firmæq; permanent: quibus Princeps ubi necessitas postulat, utatur ac fruatur, cum voluntate & studio subditorum.* Quod enim Princeps de tributis remittit: id quasi deposuisse apud subditos censetur. Fœnus enim id crescet: & amor in Regem augebitur: ex quo fieri non poterit; quin Benevolentia propriâ moti populi, ultrò, cum necessitas postulaverit, ad eam sublevandam, bona sua conferant. Tyrannidem autem per Pantheram noto; quod hoc animal prorsus ferum, rapax, in persequendis animalibus mirâ velocitate valeat, inq; lustris vivat. Non aliter Tyrannus, qui omnia ad suam utilitatem refert, nulli vel optimo parcit, dum alios propter odium, alios ob metum præstantiæ, potentiæ, ac virtutis, alios invidiæ causâ, de mediis tollit; dum bella non ex utilitate Reipubl: sed avaritiâ suâ suscipit atq; gerit; dum vectigalia subditis gravissima imponit; dum omnia rapit; dum voluptate suâ cuncta metitur, vi & fraude omnia agit, utque hanc tueatur, non abstinet à rapinis & cœdibus multorum; præsertim nobilium; dum privatim vivit: dum lustris primùm ut Plato inquit, *scortis omnibusq; libidinibus se inquinari patitur*: deinde in redituum profusione modum excedit: his profusis dolo & fraude, tum vi & apertè ab alijs prædatur. itaq; Tyrannus semper indiget, semper sitit aliena, semper quærit, semper omnia prodigit, rursusq; requirit, semper sibi ab alijs timet. Val. Max. * *Ea civitas, id regnum aeterno in gradu facile steterit; ubi minimum virium Veneris Pecuniæq; cupidus sibi vindicaverit. Nam quò iste generis humani certissima pestes penetraverint: ibi injuria dominatur, infamia flagrat.*

* lib. 2. c. 9.

EMBLEMA XLIV.

ALIQUID PRECIOSIUS AURO.



Non adamas adeò rutilat circumdatus auro;
 Quàm nitet in iusto Principe recta fides.
 Omnino hanc servare decet; non frangere, quo Dux
 Hanc violat juris tegmine, Crimen habet.
 Namq; adamas veluti saxo est præstantior: isq;
 Non mole, ingenitâ sed bonitate valet.
 Sic data sponte Ducum, merito, non jure supremo;
 Vinculi etiam debet pondus habere Fides.

Cic. ibid.

Nihil est, quod lumine clariore praeferat, quam recta Fides in Principe, l. interclaras. C. de sum. trin. & fid. Cathol. quae est fundamentum Justitiae juxta Cic. 1. off. qua sublatâ. justitiam quoq; ipsam tolli necesse est; sine quâ neq; regna imperia, resq; publicae, neq; domus & societates constare possunt. quam justitiâ non ad bonos tantum pertinere putandum est; sed etiam ad malos. Quo quasi fundamento posito; vocem illam ex foro Christianorum Principum exterminandam minimè dubitandum. Fidem hæreticis datam, non esse servandam. Nam quod Turcam, datam fidem violare haut erubescens videamus, causas scèpissimè frivolas, & impias prætendentes, non tam indignari; quàm cautiore in fide nostrâ obligandâ esse debemus. Sed Christianis id nequaquam faciendum plurimis, si hujus loci esset, rationibus demonstrari posset: maximè verò Principibus fidem etiam hæreticis datâ servari oportere, jure divino naturali & humano convenit: de quâ tamen materiâ autores, qui ex professo scripserunt, consulantur. Id tantum hîc adstruo. Princeps hæreticis datam fidem omninò servare debet: quandoquidè J E R O V A ipse, qui est Rex regum, Princeps principum, qui solus quodcunq; ei placet, facere potest, fidem populo suo datam servavit; quamvis turpissimâ defectione, idolatriâ, superstitione & hæresi, omnes alios, à D E I veri cognitione & cultu alienissimos, superasset. Quod si D E U s hæreticis, id est, deficientibus à se, fidem datam servari non oportere voluisset, utiq; non servasset. *Principes verò cum Dî sint terrestres* Psal. 82. vers. 6. Ioh. 10. vers. 34. Dei facta, id est, justitiam in primis, Deumq; ipsum imitari debent l. *Imperialis* 23. in pr. C. de Nupt. & l. si unus fin. C. de donat. int. vir. & uxor. Neq; id respiciat, quod hæretico sit data; sed quod Princeps dederit: ne scilicet contractus claudicet: quod autem claudicat, id ex Bl. sententiâ, justum non est. *Principes verò ex contractibus & pactis, e què ac privati tenentur*, text. in l. *Cesar ff. de publica*: & c. 1. *Extr. de probat. Wesemb. in parat. ff. de Constit. Princip.* Quippe, quod fide inter homines nihil est majus arg. l. 1. ff. de pact. eamq; fallere grave esse quibuscunq;, Principibus autem gravissimum: quia ut summa potestate valent; ita summam justitiam & honestatem, tanquam regulam tueri debent. Et quod Princeps illustrior privato, eò longè à mendacio, alijsq; peccatis recedat.

Schul. in tr.
supra quæst.
an fid. sit hæz.
servanda,

derere præsumat. *Fidem autem non servare, sine mendacio esse non potest* ut Bl. ait in *conf. 24. incip. Jus abbatialis dignitatis*. Neq; obstat, quod Princeps sit Il. solutus: cum, licet quibusdam sit solutus; ex contractibus tamen, ut dixi, omninò tenetur, æquè, ac privatus quispiam. Si enim ex obligationibus non teneretur; neq; is, qui cum eo pactus est, aut contraxit; stare contractui teneretur: relatorum enim eadem est ratio, secundum Logicos: sicq; elusoria esset voluntas utriusque; & perfidiæ ab ipso Principe aperiretur fenestra, quæ à tali dignitate & Majestate longè abesse debet. *Vita enim & facta Principum speculo quovis lucidiora esse debent*. Ac veluti verrucæ in facie plus offendunt, quàm in alia corporis parte: ita & in Principe deformius vitium, perfidia & perjurium; quod non solum Deo, sed etiam gentibus omnibus exosum est. Adde, * quod Princeps in terris sit Lex, & animata justitia, nec fraudum & circumventionum autor esse debet. Et *principali autoritate nemo decipiendus est* text. in l. i. C. de his qui veniam ætat. impetr. Quippe, quòd *injurias ac fraudes ab eo proficisci non decet, à quo jura oriuntur?* l. meminerint 6. in pr. C. unde vi. cum id summa injustitia censeatur: quæ ut evitetur, Principes summo studio adniti oportet: ut constantes sint promissorum servandorum: cum violatæ; & non servatæ fidei pœnas semper perfidi luerunt: id quòd historiæ omnium temporum satis testantur. * Tassilo Bojorum Rex, gener Desiderij Longobardorum Regis; temerè adversus Carolum Magnum, ex Italiâ redeuntem bellum movit: quòd cum Carolus intellexisset, statim ei duobus distinctis exercitibus, occurrit. Eâ celeritate Tassilo territus, pacem petijt, quam impetravit. Cum autem paulò pòst, fidei datæ immemor, bellum renovasset, eâ ipsâ in expeditione à suis non tantùm destitutus; sed fidei violatæ accusatus, Carolo traditus, ac per eum Regno multatus est. Ludovicus Bosonis Burgundiæ regis filius, per Taurinos transiens, Italiam invasit: sed à Berengario Juniore captus, eâ conditione dimittitur; ne in Italiam revertatur. paulò autem pòst, cum oblitus fidei datæ, cum exercitu redijisset, Veronamq; occupasset, captus à Berengario, oculis & testibus privatus est. Sic Ladislaus Rex Ungarorum, violatæ fidei tristissimū in se & suis exitū expertus est. Longè sanctius & melius fecit Franciscus I. Galliarum Rex; qui cum Carol. V. (qui eum in Hispaniâ captum diù detinuit,) per Galliam ite-

* Gail, obs. 2.
obs. 55. per
text. in Au-
then. de Goss.

* Jacob.
Schult, dist. 12.


iter faciens, apud eum in arcem divertisset, quam ad ejus exemplū exādicaverat, in qua captivus detinebatur: & à quibusdam aulicis suis admoneretur; ut Carolum quoq; detineret captivum; fore enim ajebant; ut hac ratione & Mediolanum, & regnum Neapolitanum recuperaret: eisdem respondit: *Minimè eum decere, ut pacta violaret.* Qui licet occasionem opportunam habuerit eum detinendi; maluit tamen fidem servare datam, quàm perfidus audire. Sanè Principis Majestati nihil lumen adfert majus, quàm fides dictorum factorumq; & constans servandi voluntas. Quapropter & Emblemata hoc nihil aliud innuit; quàm, Fidem Principum, privatorum longè esse debere præstantiorem. Ut enim gemma, licet parva, pluris æstimatur, quàm saxum, quantum vis magnum; utq; auro, tanquam preciosissimo metallo propterea includitur, ut dignitas ejus effulgeat: Ita Regum vel Principum data fides, ex Constantiâ & observatione apparere debet. Nam ut status & Majestas eorum supra vulgus est: ita supra aliorum conditionem hominum & pacta, fidem & mereri & servare debet. Anuli præterea & manus significatio hieroglyphica, amicitiae & fidei est. Symbolum autem, *ALIQUID PRECIOSIUS AURO*, docet: Principis fidē nudis verbis datam, majus quid esse debere. Hinc & illa verba posita in literis Principum, vel verborum obligationibus: * *Wey vñ fern Fürstlichen ehren vñ frewen* &c. tantum valent; quantum verum & corporale juramentum, eosdemq; producunt effectus. Ut autem juramentum frangere cuilibet turpe: Ita datam fidem, vel hæreticis non servare, Principibus turpissimum. Plato lib. 2. de Legibus: *Turpissimum est quempiam, sed in primis Magistratum, Rempubl. aut Principem, eo ipso ore mentiri, & fallere, quo DEUM invocat.* * *Nullum majus indicium excelsi & constantis animi in Principe habemus, quàm fidei & propositi constantiam.* Nec enim facile reperias Virtutem, quæ majorem vim habeat animos hominum conciliandi, comparandiq; auctoritatem. Idem ibid. *Generosum & verè regium est, ipsā re, quàm dictis magnificis populum demereri malle.* Ut enim facta admiramur, verba approbamus: sic multò clariores carioresq; evadunt, qui reapse plura præstiterunt, quàm verbis sunt polliciti.

* Gail. obs. 39.
lib. 2.

Danz: lib. 5.
Polit. Christ.
aphorism. 42.
* Casiman. in
Syft. vitæ Po-
lit.

EMBLEMA XLV.

VIGILANTIA ET FIDES.



Cura vigil Regum, populos tutatur & urbes:
Hostis ne tacitâ fraude nocere queat.

Est quoniam officij pars non postrema Senatui;
Securos cives reddere in urbe suos.

Estq; Fides Ducis, arx tutissima plebis: in ipsâ
Cum qua salutis non tecta pericla latent.

Advigilare decet, qui vult duxisse triumphum.
Securus bello nulla tropæa locat.

Goslio. de
opt. Senat.
lib. 2.

Iulius Cæsar in bello Pharsalico, C. Crastinum optimâ spe in pugnam egredientem; interrogasse fertur; ecquid de eventu belli speraret? at ille manum armatam extendens, *Vincer*, inquit, *Cæsar, & me vivum; aut certè mortuum laudabis*: quod evenit. Hic enim fortissimè pugnando occubuit; eumq; Cæsar pro concione laudavit. Fit scèpissimè; ut viri fortes, fidèntiam ex præsagijs quibusdam concipiant; vel cùm vincere consueverunt; vel viribus suis & copijs, alijsque rebus freti, certâ cum spe magnum animum intra se concipiunt; honestum aliquod efficiendi. Id quoq; verisimile est: *Viros Heroicos habere singularem à naturâ genium*; qui eos de futuris rebus admonere; aut etiam abstertere soleat: ut de Bruti malo Genio Plutarchus refert. Hinc Romani Genios coluerunt; (qui Boni & Mali fuerunt:) & eorum auspicijs fidere, ijsq; sacra facere soliti sunt. Unde Horat. 2. Epist.

Tellurem porco, Sylvanum lacte piabunt;

Floribus & Vino Genium, memorem brevis avi.

* Mythol. lib.
4. c. 3.

de quibus plura apud * Natal. Com. Et in veterum nummorum inscriptione apparet: GENIO AUGUSTI, GENIO SENATUS &c. hinc Ovid: *Et vigilant nostrâ semper in æde lares.*

Tali ex fidèntiâ, SECURITAS, frequentissimum, ut Velleius ait, calamitatis initium oritur. Illa quidè, si Prudentiâ Consilioq; regatur; vix Reipub: quicquam magis salutare accidere potest: eamq; Felicitatem meritò appellandam felicissimam censeo, cùm (cœteris paribus) in eâ omnia tranquillè, securè, bonâ in pace, sine ullo timore, sine querelis, sine tumultibus peraguntur. Ubi autem Princeps; vel Respublica rebus omnibus abundans, desidiæ, languori ocio dedita; securam, satisq; se tutam esse confidit;

ibi certa præ foribus advigilat ruina. Diuturnitas enim pacis, & rerum abundantia SECURITATEM, & Contemptum hostis plerumq; gignere solent. Qui verò nihil timet; is facile opprimitur. Sic Pompejus contra Cæsarem magno collecto exercitu, se satis securum adversus ejus vim esse ratus, quosdam; quibus Cæsaris vigilantia & diligentia non temerè suspecta fuit; admonentes, ut cautior rem suam promoveret; nec admodum securus; aut desidiosus esset: ipse se securus, & in utramq; aurem dormire jubebat. Sed securitatis, aut potius desidiæ suæ dignas luit pœnas. Nam paulò post à Cæsare victus miserè & fugatus fuit. * *Nihil itaq; tuto in*

* Curtius.
lib. 6.

hoste despiciatur: quem spreveris, valentiorē negligentia facies. Adde, quod * *contemptus hostis sæpè cruentum certamen edidit, & inclyti populi regesq; perlevi momento victi sunt.* Quapropter, ut in Republicâ SECURITAS VITANDA & Magistratui, & civibus: Ita Fiducia mater Securitatis prudentiâ regenda & coercenda. Nihil enim, ut * *Lips. ex Livio scribit; tam leve est, quod non magna interdum rei momentum faciat.* Metuens semper quædam cura sit, sic erit segura. Romæ JANI TEMPLEUM, nunquam nisi pacis tempore claudi solebat: sed pacato jam orbe, Octav. Augustus illud clausit, Romam quasi bellis defunctam, & pacatam, ac securam reddens: diù postea cùm clausum esset, ac URBS omniò belli segura; desidîa, ocio, ac negligentia sese totam tradidisset, paulatim regna, provincias & civitates subjugatas perdiderunt. Nam se populi in libertatem vindicârunt: donec & ipsa Roma, Caput mundi; Gotthorum Imperio subijceretur. Sic securitatis ex diuturnâ pace enata pœnas dedit. Qui igitur Princeps, Rempublicam suam, tutam & securam reddere cupit; ille in eam curam incumbat: ut, cùm Pax summa vigeat, plurimam cautionem, diligentiam & Vigilantiam adhibeat, sui, & sui regni causâ: ac tùm maximè pericula imminere credat, cùm nulla esse creduntur. Solemus feras securas opprimere & interimere. Et nobis cavendum est dum in aurem utramq; dormimus; ne paci, inducijs, viribus, copijs & fœderibus fidentes, intra securitatis muros obruamur. Maximè autè ea securitas fugienda; quæ Comites habet, Temeritatem, Audaciam, Superbiam, Contemptum & Desperationem. Hi enim, cùm falsâ spe animos nostros securos reddunt, facillè imprudentes in maxima pericla coniiciunt. Trojani, dum securi festivitates celebrant, opprimuntur. hôstes interea

Invadunt urbem somno vinctos sepultam.

Exempla Securitatis, præsertim in bello, quanta pepererit mala, longum foret hic recensere; suntq; aliquâ ex parte odiosa. Negari tamen non potest: nulli unquam Duci, aut Principi Securitatem; securam felicitatem peperissè. Atq; hoc loco inferere placuit Epigramma viri docti; quod ex vocabulo SECURITAS confecit, occasione datâ ex Turcarum victoriâ de Christianis, cum superioribus annis

* Liv. lib. 21.

* Polit. lib. 5. c. 16.

Chr. Pelar.

Agriam cepisset. TURCA SEVERUS ERIT, VI SECURITAS.
 tis. ubi nulla litera, quæ non in unâ istâ voce, SECURITAS.

*S*ecuras hominum mentes vigil excitat hostis,

*E*t nos sub vitis vincit, & in vitis.

*C*ur tibi promittis mitem? cur PATRIA stertis?

*U*sque? severus erit savior ipse feris.

*R*ides, tot numerans urbes, tot castra recensens?

*I*lle ais, ecquis erit, qui meus hostis erit?

*T*ot fueris quamvis inter SECURA secures:

*A*uctatamen fuerit Turcica curatibi.

*S*EROGO CURITA Semageprodit Turca severum?

» Vincere securos vi licet exigua!

Emblema igitur hoc, turris videlicet excelsa, in cujus summâ parte canes vigilantes positi; Principis officium in bello maximè notat. Nam veluti turres & arces idè extruuntur, ut terreant & arceant hostem: utq; ex ijs adventantes hostes prævideri & caveri possint. Ita Principis Prudentia & Vigilantia, turris instar est, cives suos defendens, ac tutos reddens: atq; in eo cura illius versari debet, ut Aristoteles docet in Politicis; ut impendentia pericula & hostes prudentiâ prævertat; remq; publicam tueatur. Sic & olim Canes eum in finem in turribus & speculis educatos & altos fuisse legimus; ut latratu suo, & vigilantia, hostes & prædones proderent * Canis enim custodem, ob vigilantiam, sedulitatem, quæ in canibus conspicitur, & in custodibus requiritur, de-
 * Iac. Micylli, notat. de quorum fidelitate elegans extat * Carmen, qui inter cœtera hæc scribit:

Hic custos pecorum tuarq; villa,

Fures exigit arduos luposq;

Nec non arcibus ille præidentes,

Tutos nocte suo facit latratu.

* Onof. in Strategico. c. 36. circa finē. * Tempestivus metus, prudens securitas est: nimius verò contemptus, temeritas insidiis facile excipienda.

EMBLEMA XLVI.

PAUCIS SUPPLENDUM.



Hic vellit summa, humiles relinquit aristas;
 Cum stipulis pereat ne quoq; tota seges.
 Parcendum est plebi; qua aliorum erroribus acta,
 In regem, aut procures bella nefanda movet.
 Sontibus à paucis poenae sumantur: iniquum;
 Qui movére dolo seditionis opus.
 Justitia ac juris ratio quia postulat equa:
 Criminis alterius pondera nemo ferat.

Seditiones & discordias, quæ in Repub: sæpè excitantur, semper juris, aut facti alicujus prætextu fieri verisimile est.

Vix enim ad eò effrenis civis vel Magistratus invenitur; qui motus & turbas, citra causæ alicujus speciem excitaret: usq; ad eò facta vel bona; vel mala; juris auxilio & integumento involvuntur. Neq; reperias ullam Rempub: legibus ad eò firmatam, Consilio & Prudentiâ Magistratus feliciter gubernari; in quâ cives, quod reprehendant, non offenderint; dumq; omnia ex suâ scientiâ & ingenio metiuntur; non intelligentes, quo fine Princeps vel Magistratus Consilia sua in Repub: dirigat; faciliè quoq; sui similes inveniunt ignorantes; & rerum novarum cupidos, qui eorum sensui astipulentur: unde factiones & seditiones: donec tandem ad arma veniatur. Nam homines quò ignorantiores & impotentiores; eò quoq; fidentiores sunt. Quod id eò fit; quia quid sibi desit ignorantes, nihil sibi deesse putant, hocq; Opinioni fastu fascinati, majora viribus & necessitate tentare non dubitant; quò tandem etiam res sit perventura securi. hincut Tacitus ait: *quantò quis audaciâ promptus, tantò magis fidus, rebusq; motis potior habetur.* Tales quoq; faciliè plebem suis factis faventem inveniunt, quæ alias, ut * Lipsius inquit, *sicut mare per se immobilis est, nisi æolis excitaretur, qui causa atq; origo omnis furoris sunt: reliqui contagione insaniunt.* quod cum fit; Principi vel Magistratui summa cura est adhibenda, ut diligenti & exquisitâ præviâ cognitione, remedia tantis malis quærat; aut noxias illas radices, ex quibus rami isti seditionum pullulant, aliosq; venenoso attactu inficiunt, evellat. Veteribus triplex fuisse institutum in vindicando multitudinis delicto ex * Franc. Hottomanno animadverto. Interdum enim de universis sumtum supplicium: interdum de solis Principibus atq; auctoribus sceleris: nonnunquam ad minuendam severitatem, sortem adhibitam fuisse. Prioris exemplum ponit ex * Livio. Rhesium quondam in præsidium missa legio interfectis per scelus Pp. civitatis, urbem opulentam per decem annos tenuit; propter quod facinus tota legio, 4000 hominum, in foro Romano, securi percussi sunt: atq; hujus facti, ex Jure ratio evidens & justa afferri potest. Nam quod à pluribus pro indiviso commissum

Tacit. in An-
nal. I.

* Polit. lib. 6.
c. 4. ex Livio.

* Quæst. illust.
quæst. 42. Vi-
de Scip. Ami-
rat. dissert.
Polit. lib. 2. 3.
disc. 9.
* lib. 38.

commisſum eſt, ſingulos in ſolidum obligat. l. ſemper 15. §. 2. ff. quod
 vi aut clam. Alterius exemplum ſumi poteſt ex eodem * Livio. * lib. 36.
 Capuam, inquit, à Calibus redditum eſt. ibi in eos, qui capita re-
 rum erant, animadverſum. Ita ſeptuaginta Pp. Senatus interfecti,
 trecenti ferme Nobiles Campani in carcerem conditi. huiusque
 facti æquitas hæc videtur: *Peccata ſuos teneat autores* l. ſancimus
 22. C. de pœnis. *Alieni admiſſi pœnam non liant, quos nulla contin-
 git culpa,* l. ult. ff. de bon. damnat. Et *unius factum alteri, qui nihil
 fecit, non nocet.* l. de pûpillo. 5. §. ſi plurium. ff. de nov. oper. nunc.
 Tertij generis fortitionis videlicet, exemplum eſt in Craſſo apud
 Plutarch: Solebant enim ex multitudine decimum vel etiam Cen-
 teſimum, per ſortem ad ſupplicium rapere. Eius ratio hæc adfer-
 tur à Cic: * *Statuerunt ita maiores noſtri, ut, ſi à multis eſſet flagi-* * in Cluent:
tium rei militaris admiſſum, fortitione in quædam animadvertete-
tur, ut metus videlicet ad omnes, pœna ad paucos perveniret. Atq;
 hoc loco Dd. diſtingvunt inter Univerſitatem & Multitudinem,
 ut Univerſitas ſit multitudo, veluti populus, Curia, Collegium,
 Corpus, Societas &c: quæ magis in jure conſiſtunt. at non omnis
 multitudo, non omnis cœtus, Univerſitas: Sed is demum, qui jure
 aliquo continetur, veluti qui uni imperio, unisq; legibus paret.
 Diſtinctione itaq; in pœnâ irrogandâ utendum. Aut enim multi-
 tudo temeritate ſpontaneâ, ſine Magiſtratus auctoritate peccavit:
 aut; Magiſtratus ſolus: aut conjunctim uterq;. Priore caſu ſub-
 diſtingvendum quoq; eſt; Aut non multi delinquentes fuerunt:
 & tûm ſingulos in ſolidum obligari. l. item Mela. 11. §. 2. ff. ad L.
 Aquil. Aut ingens fuit multitudo peccantium; & tûm mollienda
 pœna, & ſorte utendum. Quod ſi ſolus Magiſtratus deliquit:
 pœnæ ſuos tantum autores & perſonas tenere debere, ne innocen-
 tes innocentium culpam ſuſtineant. Si verò & Magiſtratus & Populi
 conſenſu delictum admiſſum: tûm Univerſitas puniendâ: id eſt,
 adimendò eis leges, Privilegia, jura, immunitates, diruendâ mœ-
 nia; ut clauſa portæ antea; ſemper apertæ ſtint, & ſimilia &c: ſin-
 gulorum exempla aliquot poſſent quidem huc adferri: ſed quia
 ſunt odioſa, ſatius puto ea omittere, quàm Pp. & populi odium in-
 currere. De pœnis eorum, qui Crimen læſæ Majeſtatis incurrunt,
 vide

*cap. 62. &
de seditionib.
cap. 63.
Henr. Bocer.
de Crim. l. 2.
Maieftat.
tract.

vide *Jod. Damhouder in prax. crim. Verumenimverò Principi prudenti maturè Consilio suo convenit occurrere, ne seditiones fiant, aut excitentur: excitatæ, ut sano remedio extingvantur. Inprimis verò errores & eorum causæ multitudini, ante oculos ponendæ, ut agnoscant ipsimet delicta sua, hisq; agnitis pœnitentiam agant, & ne iterum impingant, cohortandi seriò. *Principis enim Clementia, bonos meliores efficit. at qui perversi & obstinati, è medio sunt tollendi: ne, cum ijs boni contagione pravâ imbuti, simul pereant. maturè malum*

Ense recidendum est, ne pars sincera trahatur.

Atq; ex his sensus Emblematis hujus patet. Vir enim spicas emittentes evellens; autores malorum, & præcipuè seditionis in Republ: puniendos esse notat: quod olim quoq; hisce signis veteres demonstrare voluerunt. Livius scribit, quòd Tarquinius filium suum docere voluit, Principes vel authores capite esse plectendos; dum in horto summa papaveris capita, præsentè nuncio, baculo depopularetur. Atque inde Symb: adjeci PAUCIS SUPPLENDUM: ut docerem, Rigorem juris non modò in causis civilibus: sed etiam in Criminalibus remittendum: nisi aliud factum, & Reipubl: causâ vel utilitas requirat: cum satius sit, pro misericordiâ, quàm pro severitiâ rationem reddere. * Eduardi ANGLIÆ REGIS vox celebratur, quâ in quodam intestini belli prælio usus fuerat: *Parcite, inquit, Civibus, secus autem Ducibus, qui vos infatuarunt.* Vide *Lipsum; remedia quædam seditionis curandæ ponentem: sed prudenter ijs utendum censeo. Non enim ubique eadem Reipubl: forma, tum perpendendæ causæ deligenter, ex quibus peccatum sit. Aliæ enim graviore & temerariæ: aliæ ex imbecillitate humanæ naturæ proveniunt. Huc pertinet, quod Imp. Just. in Novell. Constit. 30. sancit. *Non est inhumanitas, sed potius summa quadam est humanitas,*

cum multi paucorum animadversione salvantur.

EMBLEMA. XLVII.

Sero Cur Sic.



Hic mulcet morfu ledentem crura Molossum.
 Signa nec irati dat manifesta animi.
 Ut monstret, casus fortune tristis acerbos,
 Quod Sapiens miti pectore sæpè ferat.
 Vix accepta licet placida quis vulnera mente,
 Cordeq; non tristi tristia ferre potest:
 Utile sæpè tamen duros tolerare dolores.
 Namq; malos probitas vincere blanda solet.

Bb

Nulla

NULLA est fraus nocentior, quàm quæ sub speciei amicitie fit : & eò gravius ac molestius fertur; quodd, cum fronte pulchra & minimè fallax creditur, nosque tutos, ac ab omni fallaciâ securos reddat; tùm maximè nocet. Hinc *quantò major fiducia exhibetur, tantò major est perfidia frangentis* l. 1. §. cum verò, ubi Bl. ff. depositi, & *gravior est injuria, quando fit ab his, qui nos tueri debent* l. 3. §. de his ff. ad Syll. §. alia Instit. de donat. addè, quod *plus tormenta sentiunt, quæ ab his patimur, de quorum mentibus bona præsumebamus*. Nam tunc facillimum est aliquem decipere, cùm blandis verbis delinitus, ac securus redditus, suas cogitationes ad cavendum non dirigit. Sed quantò major fraus ea est, & æstimatur & fidei prætextu intentatur : tantò majoris & laudis, injurias illatas vel acceptas negligere, & cùm ulcisci possis, ignoscere. Solon interrogatus, quæ optimè civitas habitaretur : *illa inquit, in quâ nullâ affecti injuriâ, non minùs, quàm injuriâ provocati, præ se ferunt injuriam, & eos, qui intulerunt, non ulciscuntur*. Socrates aliquando ab Aristophane publicè in theatro verborum laceratus contumelijs, non modò ægeè molestèq; hoc non tulit : sed & obviam sibi factum adversarium, humaniter amicèq; compellavit; an se rursus opus haberet, ad similem aliam contumeliâ. Et Pittacus injuriâ à quodam affectus, cùm animadvertendijus in ipsum haberet, spontè eodimisso, *Venia, inquit, ultione melior*. Marcellus accusatus à Siculis, cùm absolutus esset, rogatus ab illis, ut in clientelam eos admitteret, clementer exceptit. Magni profectò est animi, injurias illatas ferre : neque omnibus hoc datum, ut perferre possint : sed qui eo animo sunt præditi, ut prudenter eas negligere, & offensas parvi facere norint; ij, ultionis, quoties occasio fert, opportunæ, sibi sternunt viam. Justinianus Constantini filius, pulsus imperio à Leone, naribusq; etiam truncatus est : sedis recuperato Imperio, quoties defluentem rheumatis guttam naribus detergebat, toties penè ex ijs, qui contra eum fuerant, aliquem jugulari præcipiebat. Fit quoq; nescio quomodo; ut quamvis injuriarum obliviscamur; in animo tamen nostro scintillæ quædam odij maneant, quas facilè nova injuria, flatu suo in ignem ardentem suscitare potest : ut vetus injuriæ quasi sopita,

sopita, novâ gliscente, majorem vim & robur sumat ad ulciscendum; ijq; morsus videntur graviores, præsertim Principum, vel magnorum virorum, qui intra Patientiæ septum diù latuerunt. Sunt enim torrentis instar, diù conclusi, qui cùm erumpit, majora secum damna trahit. Dissimulant enim dolorem ad tempus; at eò gravius nocent, quò novis injurijs provocantur crebrius. Nolim hîc malus esse ulciscendi magister; dùm modum, sed tamen adversus apertum hostem, pono: mandata non sunt, sed præcepta generalia, quibus prudenter uti, prudentis erit.

Dissimula, quantumq; potes, preme corde dolorem:

Quaq; voles fieri vi, peragenda rege,

Donec certa rei faciendæ occasio, tempus,

Atq; locum, atq; hostem detegat ipsa tuum.

Hinc animos sumas, viresq; intende, quid obstat,

An virtus hostem proterat? anne dolus?

Non nego, grave esse, injurias, quæ Reipub: inferuntur, negligere: quoniam neglectæ novas parere solent: neq; semper utile esse easdem inferenti remittere: videndum tamen Principi, num opportunè easdem ulcisci, & citra suam, suorumq; perniciem justè refundere possit. Senecæ præceptum hîc imitandum: *Si imbecillior est, qui te læsit, parce illi, si potentior tibi parce.* Nam, ut Cic: * inquit, *qui injurias suas persequi volunt, dolori suo, non Reipub: ** in Verr. act. commodo serviunt. Sed privatas injurias Reipub: causâ condonare, primâ, aut dissimulare, sapientis semper est habitum. Imò magni animi est, ut Seneca ait: *in summâ potentiâ injurias pati, nec quicquam est gloriøsus Principe impune læso.* Hinc & * Camillus meritò lau- ^{Reus in} datur, qui tantus vir maluit afflictæ patriæ, quàm suæ propriæ in- ^{Symb. Theo-} juræ memor esse; unde & alter Romulus appellatus fuit. Ac sanè ^{dosi, 111.} ad injurias perferendas, etsi ægrè animus adduci potest: cùm, recordatione malorum illatorum, ad ultionem subinde excitetur: attamen si luctæ huic se fortem præbuerit; maximum victoriæ specimen edet, præsertim Patientiæ scuto tectus. Hæc enim optimum remedium malorum. Cujus gradus novem, Chrysostomus ^{Reus in} ponit. I est, injuriæ auctorem non fieri. II ubi injuria facta est, ^{Symb. Theo-}

par pari referre nolle. III Injuriam non reponere, sed quiescere. IV Præbere seipsum ad ferendam injuriam. V Præbere se etiam ad majora, quam vult is, qui facit injuriam. VI Non odisse eum, qui facit injuriam. VII Inimicum diligere. VIII Eidem benefacere. IX DEUM pro ipso deprecari. Atque hinc consideratis hisce Patientiæ gradibus, Emblematis evolutio patet. Canem enim crus viri lædentem, hostem intelligo; cui aliquando benefeceris: quod verò eundem mulcet, id summæ Patientiæ argumentum statuendum est. Symbolum, S C I O C U R S I c. ex facto mihi in mentem venit. Nam, ut dixi, quotusquisque est, qui injurias æquo animo perferre possit? ut eisdem ulcisci & rependere non malit: sed sapientis est oblivisci, aut saltem dissimulare *injuriam*, ut pillule deglutiende potius, quàm masticanda. Quippè juxta Vali. Max. Speciosius aliquantò injurias vinci beneficiis, quàm mutuo odij pertinaciâ pensari. quoniam juxta * Satyricum.

* Juven. Sat. 3.

———— quippe minuti

Semper & infirmi est animi, exiguiq; voluptas.

Ultio; continuo sic collige, quod vindicta

Nemo magis gaudet, quàm femina. & alius:

Non ego magnanimum fatear, quem sola juvabit

Ultio.

* de claus.
animæ.

*Magna è contra, ut * Hugo ait, Virtus est.*

*si non ladas, à quo es: magna est fortitudo, si etiam læsus remittas.
magna est gloria, si cui potuisti nocere, parcas.*



EMBLEMA

EMBLEMA. XLVIII.

MERGES DIGNA LABORE.



Luditur ne meritò, statum qui pressius aura
 Spirantis raro claudere rete velit:
 Sic quorum tumidas fallaci flamine mentes
 Fascinat & ludet, ambitiosus honor.
 Haud prius immodicos desistunt pectore fastus
 Concipere, & vanas querere laudis opes:
 Quàm rerum & vite MERGES, Jactura, LABORE
 DIGNA levi tandem triste sequatur opus.

Bb ;

Tanta

Tanta est humanis mentibus innata gloriæ & Honoris cupiditas, ut pro eo consequendo, non solum opes, & quicquid summo in precio mortales habent, elargiri haud dubitent: sed ipsam vitam, quâ nihil est, nec esse potest, aut debet amabilius, charius & preciosius, profunderi nullo modo renuant. quod præter innumerabiles alios M. Salvius Otho Imperator Rom: demonstravit: Is enim, referente Svetonio, tanta Imperij cupiditate flagrasse scribitur; ut non dissimularit, *Se, nisi Principem, stare aut vivere non posse; nihilq; referre, ab hoste in acie, an in foro sub Creditoribus caderet*: qui licet largitionibus, atq; alijs artibus Imperio fuit potius: diù tamen illud non retinuit. Nam cum Galbam competitorē haberet; illudq; sibi aut deponendum: aut non sine insigni civium strage, defendendum videret: ne ipsius causâ tot perirent, spontè mori decrevit. Cumque ab amicis & militibus admoneretur, ne de victoriæ eventu tam citò desperaret: *Se neq; Imperium, neq; vitam suam tanti facere respondit: ut sui causâ multi caderent, aut belli civilis & discordiæ ille causam præberet*: sicq; sibi intulit manus. de cujus morte Martialis:

Martial.
Epigr. lib. 6.

*Cum dubitaret adhuc belli civilis Enyò
Forsitan, & posset vincere mollis Otho:
Damnavit multo Saturnum jam sanguine Martem,
Et fodit certâ pectora nuda manu.
Sit Cato, dum vivit, sanè vel Casare major:
Dum moritur, nunquid major Othone fuit?*

Agrippina Neronis mater, cum ei Vates quidam prædixisset; Neronem Imperatorem futurum, sed eam occisurum. Occidat sanè, modò imperet, respondit. Tanto ambitionis fastu scœmina æstuebat; ut Imperio filij vitam postponeret. Et si æquâ lance causas calamitatum in Repub: & imperijs trutinare voluerimus, tres reperiemus certissimas; Ambitionem, luxuriam & Avaritiam: quæ licet turpes per se & enormes sint: primam tamen, cladum potissimam matrem esse, exemplis omnium ætatum demonstrari, ipsâq; experientiâ probari potest. Cujus quidem tanta vis est, ut, cum animos & mentes hominum semel occuparit: eos nunquam quiescere, nunquam partis honoribus contentos esse sinat, donec tandem, quasi extra se positi, sui obliviscantur: plurima tentent, & magnis conatibus, sæpè cum bonorum priorum, & aliorum

jaçturâ, imò vitæ dispendio, ad extrema deveniant. Præsertim: verò, si quid semel ex voto successit, semper se majora assecuturos sperantes, medijs quibuscunq̃ue ad majora aspirandi utuntur. Quòd si videant, ex gradu spei honorum adipiscendorum se dejectumiri, aut casuros: ut dedecus specie aliquâ honesti effugiant, quodlibet etiam facinus, cum Reipub: periculo aggrediuntur. Julius Cæsar, omnium quot fuerunt, ambitiosissimus, dominante adhuc Syllâ, cùm primum pubesceret, Rom. Populum adiit, Sacerdotium maximum Romæ fidenter ambivit: adeò, ut etiam cùm ad Comitia abiret, matri prædixerit: se, nisi Pontificem, domum non reversurum. Quid dicam de Cinnâ, Mario, Pompejo multisq̃; alijs? quorum ambitionem, seditiones, factiones; bella civilia tandem cum Reip: interitu sunt consecuta: dumq̃ue alter alteri sese præferre, & dominandi cupiditate neuter cedere contendit, Respublica interea damnum est perpessa. Non enim publicam utilitatem & tranquillitatem: sed privata commoda & honores spectabant. Unde de Cæsare & Pompejo Lucanus.

— *impatiensq̃ loci fortuna secundi,*

Nec quenquam jam ferre potest, Cæsarve priorem

Pompejusq̃ parem. Naturæ enim ambitiosæ non pos-

sunt inter se colere amicitiam: quancunq̃; præ se ferant benevolentiam: tamen reverâ oderunt se, & hoc agunt, ut evertat alter alterum..

Nulla fides regni sociis, omnisq̃ potestas.

Impatiens Consortis erit.

Sic Themis-

tocles cum Aristide in eadem urbe vivere non potuit. Arrogantiæ porrò, & ambitionis rarò felix eventus: quoniam illa vincula sanguinis, necessitudinis jura solvit. Hæc Romulum compulit, ut fratrem occideret. Hæc Justinianum Cæsarem, ut patruum. Hæc Andronicum, ut Alexium pupillum. Hæc Constantinum Pogonottum, ut duos fratres germanos interimeret. Taceo barbaros Cæsares Turcicos. Hæc hominum mentes dementat; ut se non agnoscant: & fastu turgentes alios quoq̃; despiciant, solique præcæteris Magni audire volunt. Sic * Nero Romam Neropolim appellandam destinasse: & mensem Aprilem Neroneum, à suo nomine nuncupasse scribitur. Quanta Commodi Imp: ambitio? qui Romam de suo nomine Commodianam: & exercitus suos Commodianos appellavit. Sed si introspicere in rei veritatem velimus;

* Sueton. in Nerone.

videbimus, quòd, qui ipsi honores largitionibus, & quibuscumque modis alijs ambiunt propriæ Virtuti diffidere videntur. Hanc quoniâ sponte sequitur honos, ut umbra Corpus. Quippe, dum vastas cogitationes concipiunt, quæ nec limitibus circumscribi, neque carceribus includi possunt; non secus faciunt, atq; illi, qui ventum amplo & laxo rete colligere laborant. Multa sibi promittunt ambitiosi, multaq; consilia & varia agitant: quorum eventum ut plurimum Deus, uti ipse vult regit, & quòd vult, impellit. Emblemata igitur Ambitionis Symbolum est. Ut enim aurâ vel ventò nil levius, nil mutabilius: sic mundi hujus Honore & gloriâ, nihil inconstantius! Flatus sunt prætervolans. Si enim solida Virtus abfuerit, non minùs captata concluditur, ac ventus ut dixi rete. Adjeci Symbolum MERCES DIGNA LABORE. Nam ut Catul. ait. sicut *Stultus labor est ineptiarum*: Ita quoq; ambitionis vanæ, vana merces. Vera autem virtutis merces Gloria est, nec quidquam est aliud, quo magis ad rectè, honestèq; agendum, præstantis animi homines accendantur. hanc qui appetunt vero virtutis amore, Honorem laborum reportant præmium. Nihil enim præstantius, aut beatius accidere homini potest, quàm eo loco donari, in quem ut ascenderent urbis nostræ conditores, nullum periculum, nullum laborem, nullum deniq; certamen prætermiserunt, ac, si privatae utilitatis & commodi habenda ratio est, nullam aliam expetere, aut optare vir sapiens præter hanc unam debet &c: Proinde certo certius est, quòd ambitiosi & arrogantes, dum alios despiciunt, ipsi ab omnibus despiciantur: qui dum se contemni animadvertunt, intra se anguntur, atq; ex impatientiâ, ad extrema non rarò veniunt. Huc pertinet Colloquium Pyrrhi Epirotarum Regis & Cyneæ, qui argutè Pyrrhi ambitionis virus perstrinxit: quod, ut ille * ait, *initio non cognitum, progressu temporis auctum, successibus exaggeratum, cogit pectora mortalium, ut speciosa consilia amplecti, salutaria contemnere, primâ fronte lata, in recessu horrida quæq; & funesta soleant experiri*. Quapropter, qui in Repub: honores adipisci & adire cupiunt, virtute & rebus præclare gestis sibi viam sternant: tales enim veram gloriam, & nominis æternam memoriam consequentur. Qui alijs modis & rationibus eam consequi nituntur: lubricum & inconstans subsidium apprehendunt.

Cic. de Consol.

* Christoph.
Varsevic. in
Paradoxis.

EMBLEMA. XLIX.

PRECIO PRECIOSIOR OMNI.



UT bene pingvescit, tutò sua pabula carpens,
 Quem herboſo dominus gramine paſcit, equus?
 Ne tamen omninò liber per lata vagetur
 Arva: pedes ejus dura cataſta tenet.
 Libertas equidem PRECIO PRECIOSIOR OMNI,
 Urbibus ac populis commoda multa parit:
 Sub Duce nempe probo illam defendente: ſed a quis
 Nè quog₃ ſtringatur legibus: uſq₃ nocet.

EA eſt omnium rerum conditio: ut, quò qua^q, ſuà bonitate, Vide, i Diſ-
 & juſtā qualitate ac modo conſtans; pulchrior, excellentior, corſi del Con-
 ac præſtantior eſſe ſoleat: eò turpior, abjectior & nocentior Romei, della
 cenſeatur, Bellezza,

cenſeatur, cùm modum & qualitatem ſuam excedit aut mutat: nec ſuis in terminis conſiſtit. Quid homine ſano & vivo pulchrius? quid mortuo horribilius? quid iudice juſto amabilius? quid injuſto & corrupto iniquius? quid Libertate præſtabilius? quid licentiâ & ſervitute execrabilius? Nempe, quò uſq; res limitibus à naturâ, ratione & legibus circumſcriptis continentur, pulchræ & excellentes cenſentur habenturq;: ſubinde ac metas ſuas egrediuntur, multa incommoda pariunt, & ſecura trahunt. **LIBERTATE** plurima regna, populos & Urbes quondam floruiſſe legimus; quò uſq; ejus jura ſalva & deſenſa fuerunt, ac homines in eâ liberi, eâdem rectè & juſtè uti frui ſciverunt: mox atque exorbitaverunt; & Licentiæ frena, ſub libertatis prætextu, laxârunt; non ſolùm Libertatem ipſam amiſerunt; & jugo ſervitutis turpiſſimæ, colla ſua dare coacti fuerunt: ſed Imperium quoque conciſum, alieniſq; arbitrijs expoſitum fuit. Nonne Judaicus Populus libertatem jactavit ſuam? * *Semen Abrahæ ſumus, & liberi ſumus, nec ulli ſervivimus unquam?* ſed quò Libertas eorum progreſſa? Græcorum Imperium libertate concidiſſe ſcribitur; quæ talis & tanta fuerat, ut motibus perpetuis, & licentiâ concionum, tanquam flabello ſeditionum, omnia in eâ agitantur. Ubi nunc ea cum Imperio? Quid de Rom. Populo dicam? qui non tantùm Ipſe liber fuit: ſed liberis quoq; gentibus & populis imperitârît: leges & normam liberè videndi præſcripſit, quod Cic. teſtatur.

*Ioh. 3.

Cic. Philip. 6. *Alias quidem rationes ſervitutem pati poſſe: Populi Rom. proprium eſt LIBERTAS.* quò tandem evaſit? ut ſcilicet alijs gentibus pareretur: & qui Domini dominorum fuère: diſtracto in partes Imperio, barbaris etiam ſervirent. Quid de viciniâ noſtrâ Hungariâ? Nonne libera fuit? ſed cùm libertate ſuâ abuteretur: & frequentibus conventibus, (qui à quodam rure ad Peſtum, **RAKOS** & dicebantur,) præſertim ſub Matthiæ, Uladiſlai, & Ludovici regum gubernaculis; nova quædâm molirentur; invidiâq; ac odio inter ſe certarent: potentioresq; imbecilliores opprimere conarentur: eò ventum eſt; ut Turca poſteâ maximam partem regni occupârît: eosq; Libertate illâ exuerit, ac ſpoliârît. Libertate ſanè in Republicâ vix aliud ſummum Bonum eſſe poteſt: quam non ſolùm homines; ſed & bruta animantia appetunt: in cujus ſalûte, regni ſalûs, ac populi felicitas conſiſtit: unde in eâ retinendâ, conſervan-

adq; neq; opibus, neq; vitæ parcendum est. Philippus Macedo, cum ex Lacedæmone quodam victo quæreret, quid tandem victi acturi essent? animosè respondit. *Pro libertate moriemur.* Tantus amor & cura fuit eorum, ut pro communi libertate defendendâ, occumbere haut vererentur! Nec immerito! Quid enim miserabilius esse potest? quid turpius homini ingenuo, vel populo libero? quàm serviles operas & abjectas exequi? quas animus, & Natura detestatur, manus pedesq; fugiunt? & cum sui juris fuerit, alieno subijci? * Seneca.

* in Troade.


Si pœna petitur, quæ peti gravior potest?

Famulare collo nobili subeat jugum. Unde & Cic: *Cum*

tempus & Necessitas postulat, decertandum est manu, & mors servitutis & turpitudini anteponenda. Atq; hodiè gentes quasdam nihil frequentius audias, quam LIBERTATIS nomen, libertatis jura, nec non quodcuq; agant, licet vis accedat, sub libertatis præsidio facere. Cum tamen nihil absurdius, nihil iniquius, & licentiosius fiat ab ijs, dum, quid vera Libertas sit, & in quo consistat, ignorent: ex quâ ignorantia sæpè sequitur, ut libertati nimium fidentes, (quæ potius LICENTIA appellanda est) cottidiè nova appetant: actum nemo subsequi, sed præire vult. Nam quod sibi quisq; licere putat, idem decere sentit: inde Reipub: mala originè ducunt. *Libertas* autem ab Imp: Justiniano definitur; quod sit *naturalis facultas ejus, quod cuiq; facere libet, nisi si quid vi, aut Jure prohibeatur.* §. & libertas. 1. Instit. de Jur, personar. *quæ inæstimabilis res est.* l. libertas 106. ff. de R. I. l. libertas 122. eod. Cujus gradus aliquot hîc ponere erit operæ precium, ut his cognitis, veræ libertatis opes & effecta appareant. Primus gradus est, *Secundum rationem vivere.* Ille enim demum liber est, qui rationem rectam tanquam Ducem sequitur. Ratio autem id docet & monstrat, ne falsa pro veris, ambigua pro certis arripiamus. Qui verò affectibus servit, ille liber esse non potest, cum eum quasi captivum, aliò affectus, quàm ratio, ducant. II. *Secundum leges vivere.* Qui enim secundum leges, (quæ maximo judicio feruntur, & naturalem rationem sequuntur) vivit: ille quoq; liber est. Unde * Cic: *Ideo legibus servimus, ut liberi vivamus.* Servire igitur legib⁹, & secundū jus vivere, vera est Libertas. Jura autē Libertatē tuentur. III. *Magistratui obtempera-*

* de LL.

re. Jurâ enim cum per se sint muta, nec juvant, nec nocent, nisi sit, qui ea, secundû qualitates rerû & personarû, ac facti administret: idè Magistrat° est viva lex; qui debet esse administrator, defensor, interpret, & executor legû: cui° est vis hæc, ut præsit; præscribatq; recta & utilia, & conjuncta cû ll. Ut enim magistratibus leges: ita populo præsunt Magistrat°: verèq; dici potest, Magistratû esse legē loquentē, legē autē mutû Magistratû. Summa igitur Libertatis felicitas est, habere aliquē in Repub: summû, qui ejus jura defendat. Nam secundû Aristot: *nihil profunt aurea ll. si nō itē ferro et præsidis communiuntur.* IV. *Ut sit perpetua.* Nihil enim juvat, Libertatem acquirere, nisi Respubl: & posteri eā retineant, & eā fruantur semper. Ut igitur sit perpetua, eā tandē vitæ profusione conservare decet. ne velicentiâ nimîâ infringatur. Sic enim Græcia periit. sic alia regna. V. *Ut perennet, defensione opus est:* non quò ad privatos, sed maximè adversus publicos hostes. Quod enim nō defenditur, obvium est prædæ cujusq;. Neq; hîc exemptâ libertatem â tributis & alijs, ad necessariâ defensionem intelligo: cû sine tributis nulla Respub: constare potest. VI. *Ut aqualiter omnes eâ utantur fruantur.* Ut inferiorib° nō denegetur, quod superiorib° licet, intellige secundû jura & leges. VII. *Tandē ut bonis omnia liceat, præter malè, malis autē nihil, præter bonè agere.* Virtus enim, juxta Tullium, jus suû, & impunitâ omniû rerû libertatē tenere debet. Sensus igitur Emblematis hic est. Ut per equû servitutē quidē intelligā liberâ: populûq; liberû legib° vinctû. Virû autē muscas ab equo pabulante abigentē, Principē & Magistratû; qui populû contrâ hostes tue-
tur. Muscas verò, infestû gen° ætate equis, Licentiâ noto: vix enim ulli infecto, id licet, quod muscæ. Per vincula quibus est alligatus equus, jura signo. hæc enim vera sunt vincula, & retinacula, quib° malorû audacia & vis, nec non licentia stringitur, atq; cohibetur: per gramen tandem, opes & commoda, quæ ex servitute liberâ, & libertate verâ proveniunt, innuo. quæ cû per se PRECIOUS sit PRECIOSIOR OMNI: tûm Rebuspubl: præsertim liberis; legibus, & ubi opus, armis conservanda, defendenda, augenda. Porro



EMBLEMA. L.

CAUTE' AUT NUNQUAM.



Res facilis bellum movisse: imponere finem
 Exultans victor non nisi quando velit.
 Nempe suas vires qui vis benè ponderet ante;
 Certamen belli quàm subisse cupit.
 Felicibus haut tutum est caveam scalpisse Leonis:
 Scommate nec populo stringere velle Ducem.
 Scit uterq; potens, quamvis ignoscere possit.
 Impare vi alterius nemo laceffat opes.

CC 3

Qemad-

Quemadmodum pars non postrema Sapientiae censetur: si quis seipsum cognoscat. ingenij & corporis vires, divitias, amicos, clientelas, & id genus alia, æquâ rationis lance apud se probè examinet: ut quantum valeat, exactè scire possit: Ita temeritatis est summæ; ultra vires & facultates quicquam aggredi, aut tentare. Fieri enim nullo modo potest, ut illud diù consistat, quod impari cum viribus conatu suscipitur. Idq; non solum privatis in rebus unicuiq; maximè observandum, cujus facultates facile exhauriri possunt: Sed etiam Principibus, quorum Potentia & Majestas amplior & diffusior est, in eam curam incumbendum; ut Viribus Imperij sui, benè exploratis, & Reipub: facultatibus probè perspectis, seiant animi cupiditates in obtinendis alienis regnis, vel suis conservandis frenare & metiri: ne ultra modum, vires, facultates, potentiam quicquam aggrediantur: dumq; potentiores ad bella provocant. propriâ potentiâ spoliuntur. Rectè enim * Val. Max. *Ea demum potentia tuta est, quæ viribus suis modum ponit.* Nihil autem diuturnum esse potest, cui non subsit modus & Ratio. Quamquam humanæ cupiditatis nulli sint fines, præsertim ubi mentem Lerna illa malorum Avaritia semel occupavit: nunquam enim quiescere animum sinit, quin per fas & nefas partis plura adijciat: illudq; Viris magnis vulgare. * *Sua retinere privata domus, de alienis certare, regiam laudem esse.* At tamen nisi prudenter id faciant & cautè, certaminis victoriâ facile frustrabuntur. Nam dum causæ suæ jure freti, ad bella animum adjiunt, aliosq; provocant, quando aliter jus suum se defendere non posse existimant, imparesq; ijs se non agnoscunt: facillimè in ipso conflictu atteruntur; subsidia necessaria, præsertim si bellum continuari aut protelari debeat, non habentes, Instrumentisq; ad Potentiam necessarijs destituti: qualia sunt * *Opes, Arma, Consilia, Fœdera, Fortuna:* & licet ea habeant, si tamen mutatâ fortunâ, ijs rectè uti nesciant, quorsum & ista? Quapropter omnium Sapientum calculo firmatum, id svaserim omnibus, cujuscunq; sint ordinis & status; præsertim verò qui populis præfunt; ut cum Potentioribus pacem colant: neq; cum ijs colluctentur, qui viribus sunt superiores: opibus supra alios aucti, populis, amicis, fœderibus majores & tutiores: Fieri enim vix poterit, quin se, & suam perdant.

* lib. 4. c. 1.

* Tac. 15.
Annal.* Lipf. 4.
Polit. c. 9.

perdant. Non ex levi causâ bella moveant; aut ad certamen pro-
filiant. Apud Virgilium notatur à Modestino ICto belli causa in-
ter Trojanos & Latinos. Cervi scilicet cœdes.

Virg. lib. 7.
Æneid.

Belli causa fuit violatus vulnere cervus. at quò res

evaserat? Non solum autem potentiorum bello non laceffendum
dico: sed ne quidem in auxilium invitandum. Si Impp. Heraclius,
Basilius, Constantinus, nec non Johannes Cantacuzenus, Impe-
ratoris Andronici pupillorum Tutores, Amurathem & Saracenos

10v. in Amu-
rath.

in auxilium non vocassent: proculdubio Constantinopolitanum
Imperium hodiè Christianis pareret. Si Solimannus à Vidua Jo-

Bontin,

annis Comitis Sepulij imprudenter satis, ad suppetias sibi ferendas
in Hungariam non fuisset evocatus: maxima pars Ungariæ ab eo
proculdubio non occuparetur. Sed hoc prætextu auxilij Tauri-

num, postea Budam occupaverat: donec tandem cupiditate regni
adipiscendi inflammatus, majora, cum totius Christiani orbis dis-

* lib. 4. hist.

pendio, tentaret, & in suam potestatem redigeret. Simile de Lu-
dovico Sfortia * Guicciard. narrat. Atque hîc operæ precium erit

monita quædam inferere, ut ea ob oculos habeant, qui Potentio-
ribus bellum inferre, eosve laceffere satagunt. Primò. Ut quan-

tum in ærario habeant, quantosq; redditus ex bonis suis colligant, »
considerent: Tum, quantum inter suos & illius populos interfit: »

pacisne, an belli artibus magis assveti. An ex amore, vel metu »
obediant. An sponte vel inviti discrimen pro domino subeant. »

An regio Naturâ, vel arte munita & valida. Quæ commeatum co- »
pia & unde; & quomodo comparari possit, in quo plurimum mo- »

menti positum. An armorum copiâ instructi. Quos socios belli, »
quos amicos, & quot confœderatos. Quos Duces belli; quàm re- »

rum & regionum, in quibus bellum gerandum, peritos habeant. Hæc »
& similia plura, quisq; Impotentior prius perpendere debet, quàm
Potentior ad bellum irritabit aut provocabit. Ex re quoq; erit,

ea primùm parare, sine quibus bellum nullo modo inchoâri, ne-
dum perfici potest. Deinde, licet omnia habeat ad bellum confi-
dendum necessaria instrumenta, cogitet; Ancipitem Fortunæ
aleam esse: eosq; non tutò infestari, qui regnorum & populorum
numero, qui opibus, & ut supra dixi, amicis, clientelis majores
sunt. quanquam parva sæpè manu magnus exercitus fusus fuit:

Aquila omni
graculo fos-
tior,

Sed.

cùm illud fortunæ sit: verendū, ne victi resurgentes, iterū animos sumāt, & ignominiâ seu pudore suffusi, desperatæ victoriæ causâ te penitus proterant: *cum his aequè fortuna parens, quandoq, noverca.* quin potius, cùm se impotentes, aut impares alterius viribus esse sentiant: medijs utantur quibuscunq; honestis ad advertendam alterius potentiam sibi infensam: ut tuti in suo, & sua salva simul maneant. *Potentiores quippè nihil aequè perturbat, aut afficit, quàm cùm ab inferioribus & infirmioribus offenduntur.* Emblemate igitur hoc demonstratur; infirmiores non debere provocare eos, qui se viribus omninò sunt superiores. Leo enim roboris & generositatis Symbolum est; ut felis, Libertatis; quæ nimirum carceris impatientissimum animal est: sed quid ad vires? libertas ista multos concitat, ad majora facultatibus suscipienda: atteritur autem à potentiore, cum se defendere non possit. Ut igitur Leonem non impunè felis irritaverit, cujus robur & virtus cum illo non æquiparanda: ita quoq; citra jacturam sui, & rerum suarum inferior, libertate suâ abutens, potentiozem injurijs non laceffiverit. Potentes enim etsi ad tempus dissimulent injurias acceptas: crebrò tamen irritati, actius & vehementius eas ulciscuntur. Symbolum quoq; CAUTE AUT NUMQUAM, monet: *Cum Principibus, ut *Scip. Amirat. ait. Ludere, acerbisq, eos facetijs ridere, valde intutum esse: cùm enim ipsarum in longum memoriam teneant, oportunitatem tibi nocendi si compererint, eam non pratermittent. Imò Principes minùs potentes, si Potentiores ad bella irritant, vel provocant, rarò succedit, ut citra rerum suarum jacturam id tentent. quare & illerecète monet*

Vide quæ dixi
de Libertate
Emblem. prz.
cedente.

* dissert. Polit.
lib. 5. discurs.
1.

Scito minori

* de Ira c. 3. 4.

Parcere, majori cedere, ferre parem.

* Seneca. Cum

pari contendere anceps est: cum superiore furiosum: cum inferiore sordidum. In hunc ferè sensum * Tacit. ait. Acerbarum

* 3. Annal.

facietiarum apud præpotentes longa memoria est.

E M B L E M A

EMBLEMA LI.

SORTE NON PONDERE.



Hæc trutina est procerum: si præstes munia mille;
Sed semel offendas: præstita nulla valent.

Qui meritorum igitur vult præmia digna referre:

Usq; more patiens sit; sua gnævus agat.

Namq; probus Princeps scit justa rependere facta:

Mutabit mentem nec levis aura bonam.

Ipse modo optatis fac ne successibus obstes.

Sorte hodiè, haud meriti pondere quaq; valent.

Dd

Beatissimus

Beatissimus ille meritò censendus, quem neq; vanæ gloriæ cupido; neq; necessitas ulla alijs servire cogit: quiq; suis rebus licet exiguis, & sorte contentus, Libertatem animi & corporis, à servitutis jugo vindicat, inviolatamq; retinet. Qui enim beneficium, quantumvis exiguum accipit: libertatem vendit. Ubi verò nulla libertas est: ibi vix generositas apparet: & quamvis sit, vires tamen suas, metu quodam ejus, cui servit; ne scilicet eum offendant, exerere neutiquam potest. Constringitur enim quodammodo nexu beneficij: ut eâ promittuntur voluntatem suam promere, & exequi non possit, quâ, cum sui juris foret, esset executurus. Verumenimverò, quemadmodum privatis hominibus & plebeijs summæ laudi datur, qui ætatem suam juvenilem & virilem; in honestis opificijs consumpserunt; undè & vitæ sustentationem parare sciunt, & in suo genere præ reliquis præstantiores habentur: Ita Viro Nobili, & generosâ indolè prædito, nihil accidere potest laudabilius; quàm si Principibus, sua studia & officia manciparit; unde quondam & honores & opes certò

NB. 1. sperare potest. Reges enim & Principes, cùm amplissimas regiones, & infinitas opes ac magnas habeant, facilè tenuiores brevi momento evehere, pauperioresq; divitijs cumulare possunt: præsertim verò, quos semel favore suo propter eximias Virtutes, & servitiorum diligentiam, complexi fuerint. his enim duobus potissimum, Gratiam Principis sibi quis promereri potest. Quamquam autem * Plato verè dixerit:

* Plat. de
Repub:

Regem esse & imperare;

Servire, & in gratiâ domini esse.

Bellum gerere, & victoriam obtinere.

tria esse, quæ

non industriâ, sed fortunâ obveniant. Nemo tamen, (præsertim qui in aulis Principum & Magnatum vivunt;) gratiæ Domini desperare debet: quin magis atq; magis eandem officijs suis aucupandam sibi præsumat: animumq; alacrem ad egregiè exequenda sua munia intendant. Nam, quòd plurimi in aulis Regum & Principum, ad dignitates, honores, & honesta officia non promoveantur: id non fortunæ adversæ: sed suæ vecordiæ & timiditati meritò adscribere debent. Quòd contrà alij divites, potentes, & honoribus amplissimi evadant: id non fortunæ conniventi, aut eorum,

eorum, qui promoventur, desidia, largitionibus & similibus adsignandum: sed diligentia, assiduitati, laboribus, & in exequendis munijis promptitudini acceptum ferendum. *Non enim Fortuna adeo est liberalis, ut quoslibet citra meritum, aut aliquam precedentem causam, ex humili & sordido loco, ad fastigium honoris, elevare: magnasq; opes statim, citra respectum tribuere debeat.* Quod enim alij subito evehantur, sit propterea; quod digni fuerint: quod alij deprimantur; quia sic promeriti sint. Ad aucupandam igitur Principis, vel Domini sui gratiam, mille opus est meritis; cum ejusdem perdendae unica interdum causa sufficiat, & quidem levissima. Ea; est Magnatum conditio & natura, ut probos, fideles, & in muneribus exequendis assiduos ministros & servos libenter alant, habeantq;: sed, cum vel remissiores in officio: vel insolentiores animadvertant, gratiam & favorem suum ipsis facillime denegent: raroq; id fiat, ut, quanquam crimen, vel culpam eis condonent, eo favore, atq; antea, ipsos prosequantur. Ut igitur gratiam Principi tibi concilies, plurima officia praestare fideliter necesse est: Ut retineas eandem; Integritatem colas. Hæc primus modus est, adipiscendae simulque retinendae gratiae. *Authoritas enim & Laus, quæ tribuitur Aulico, Principem sæpè movet, ad eum favore & amore prosequendum.* Deinde, cum Scurris, obretatoribus, & qui Principi obloquuntur, ne conversator. *Qui enim picem contrectat, coinquinat digitos: qui cum malis conversatur, talis esse praesumitur:* hos autem maxime odere Principes, odere boni. Postea; Principis mores, & quibus plurimum sit studiis deditus, imitare, tuaq; suis applica. Principes enim eos amant, quos suis moribus, naturæ qualitatibus, seu inclinationibus accommodos cognoscunt. Sic Aristoteles ab Alexandro diligebatur, quod ejus ingenium cognitum habuerit. Prudentis igitur erit aulici, se totum ad Principis ingenium fingere; dummodò adlatio & adfectatio absit. Illa enim generosum animum non decet: hæc vituperatur. Hoc quoq; ad gratiam adipiscendam & retinendam facit: Ut raro cum Principe loquatur Aulicus: aut certè saltem de gravibus & necessarijs rebus. Familiaritas enim plebeij cum Principe, nisi prudentiâ temperetur, ignominiam parit: non raro non vitæ discrimen. Sunt enim animi Principum tenerrimi,

& voluntates mutabiles, licet dissimulare sciant, facillimèq; aures & oculi eorum offenduntur. Unum verbum importunè, aut imprudenter prolatum, & factum insolentius præstitum, mille merita evertit. Emblemata igitur hoc, Libra scilicet, cujus in lance unâ faccus plenus; in alterâ, penna præponderans, sortem Aulicorum notat. Quemadmodum enim ad stateram sive examen justum, merces, & alia revocare solemus; sic Principum animi ad suum judicium, servorum & officiariorum suorum merita, appendere solent. Cautione igitur summâ opus est; qui gratiam Dominorum vel Principum integram sibi retinere velit. Nam certè, ut quidam scripsit, *Ea est magnatum trutina, ut ad mille merita, levis offensa præponderet.* Symbolum **ORTE NON PONDERE**, docet: Licet fortunæ vis magna sit in aulis, ut sæpè plurimi non meritorum pondere: sed sorte favente, honoribus ac opibus locupletentur: sortis tamen propriæ quemlibet meminisse oportere; cumque sit variabilis, ut pote, quæ sæpissimè deprimat dignos indignos. contrâ elevet; fore, ut qui negliguntur, aliquando patientiæ suæ, & meritorum fructum ferant. Fide autem, assiduitate, constantiâ in officiis præstandis, opus est: his enim certior quisq; quàm sortis, fiduciâ, reddi poterit: dum modò etiam Principum benevolentiam patienter expectare sciat; ac velit: quæ largè præstita.

officia recompensat, si non morosè ab illis ex-
torqueatur: de quibus in sequentis
Emblematis explicatione.



POLITICA.
EMBLEMA LII.
SIBI IMPUTET.

205



Hic ubi jam celsa conscendit culmina quercus.
Debit & letâ carpere summa manu.
Apprêndit fragilem sine succo & cortice ramum.
Avulsoq; miser de arbore speq; cadit.
Non semper Regum caussa est, mutata repente:
Gratia quod propero te fugit ipsa pede:
In te sæpè latet: fidens quod abuteris illâ:
Prændere nec jussio tempore summa sciet.

Dd. 3

D. Augusti.

Aug: lib. 21.
de Civit. Dei.
cap. 4. & c. 5.
Cam. hor.
subsec. cent.
1, c. 73.

D Augustinum in admirationem raptum fuisse, cum primum Magnetis virtutem ferrum trahentis agnovit & vidit, scribitur. nec immeritò! Quis enim cum stupore non videat? quomodo, & quare Magnes ab uno latere interdum ferrum attrahat; ab altero repellat? & si alio illinatur, aut fimo tegatur, vires suas attrahendi vel repellendi tam diu amittat, donec vino abluatur: seseq; in lingulis aut versus meridionalem, aut versus Septentrionalem plagam obvertat? Naturæ profectò abstrusum & vix perscrutabile mysterium est, cujus, ut in plerisq; alijs, certa & solida reddi non potest ratio. Si Principum voluntates & animum rectè perpendere voluerimus, cur Aulicis & Officiarijs suis, huic gratiam largè demonstrent: alteri eandem subtrahant, fateri cogemur, non minùs abstrusas in ipsis latere Principibus causas, quas privato nulli perquirere, aut examinare conceditur. Ipsi quidem optimè sciunt, cur sic faciant: sed si is, quem odere, causam perscrutari velit, majorem incurreret indignationem, juxta illud: *Sententiam colas regum, non examines.* Fit enim scœpenumerò, ut aulici ipsi, vel exprobratione officiorum præstitorum; vel negligentia; vel intempestivis petitionibus honorum; vel insolentia suâ, aut simili aliâ quapiam re; (non minùs, atque allium vel fimus magnetis vim attrahendi,) in Principe studium benefaciendi obtundant: cum contrà alij, amissam gratiam, Vino, id est, suavi quadam & jocundâ hilaritate; & promptitudine officiorum, in Principe revocent, & excitent. *Principes enim, cum Deorum instar mortalium habeantur; coli volunt humili submissione: utq; ab iis expectentur beneficia, non extorqueantur, ratio suadet.* Quod enim gratis dari debet, nullo jure extorqueri potest. quod verò ex debito; illud obligationem reddendi habet. A Principibus maximè modestè petendum: ne intempestivâ petitione animus eorum offendatur, vel commoveatur. Prudentis igitur aulici erit considerare sedulò, quibus rebus favorem Principis elicere, quibus virtutibus eundem conservare debeat. Virtus enim, Magnes ille est, qui animum Principis ad se amandum trahit: de quo * olim scripsi.

Vide præcedens Embl.

* in meis Epigram;

*Quàm benè conveniunt Virtus Magnesq; ! trahendi
Vim natura parem, & robur utriq; dedit.*

Hoc

Hoc inter sese tantùm distare videntur:

Hic ferrum, atq; homines fortius illa trahit.

Ut igitur Principes causam habeant, aliquem promovendi; honoribus & opibus augendi; cavendum est, ne sibi obstet. Si enim mundus Imp: quodam tempore insolentiùs conquerenti, quod alijs opes multas daret, sibi verò, de se benè merito paucas, hoc modo demonstravit: se non esse in causâ: sed eum ipsum & fortunam. Jussit duas pixides ejusdem ponderis & magnitudinis parari: quarum alteram plumbo implevit: alteram auro: aded, ut ambæ æqualiter valerent: huic postea optionem dedit, sibi alterutram eligendi: sed cùm ille ex pondere & æqualitate meliorem dignoscere non posset; sorte illam apprehendit; in quâ plumbum esset repositum: quam cùm aperuisset, Imperator ei respondit, per se non steterisse, quòd eam, quæ auro esset repleta, non apprehendisset. Adeum quoq; modum Principes pluribus sæpè favent, suamque liberalitatem & beneficentiam minimè denegant: sed multi sunt, qui favorem hunc & gratiam, rectè apprehendere & conservare nesciunt. de hoc elegans Emblema extat Joh. Sambuci.

Sunt bina hic ciste: quarum tenet altera plumbum,

Auro sed gravis est altera; neutra patet..

Optio si fallat, plumbum ut pro divite cæcus

Arripias auro: quis tibi causa mali est?

Hinc quibus ingenium est, multos fortuna retardat,

Indignisq; refert præmia iniqua viris..

In Domino non est semper ditare fideles:

Culpa: nec immeritos tot cumulasse bonis.

Nam quos fata premunt; metas contingere fixas,

Et miserâ nequeunt se relevare morâ..

Et non secus, atq; ille sibi damnum meritò imputare debet, qui, cùm arborem excelsam ascendit magno labore & periculo; fructumq; decerpere jam volens, aridum ramum aliquem apprehendit; cum quo, ab arbore avulso, simul in terram cadat: Sic quoq; & ij, qui, cùm gratiam Principis, vel Domini sui multis laboribus, & diligenti officiorum functione acquisiverunt, & fructum jam reportare cupiant, quòd non justo, aut legitimo modo, honores aut dignitates appetunt, suâq; fortunâ uti, aut eam prèndere nescientes,

nescientes, postea à summo gradu magnâ scēpè cum ignominia decidant, sibi suæq; imprudentiæ imputare debent. Casus quidem talis eò accidit acerbior; quòd, ubi jam commodis, ex laboribus & officijs suis præstitis, gaudere quis debeat, se subitò de felicitatis culmine turbatum videt: sed Principi id non semper imputandum: in nobis scēpè causa latet: quòd fortunâ uti nesciamus. Nam, ut benè & sapienter Heraclitus dixit. *Mores hominis Deus, seu Fortuna regit*, & Ovid.

— sibi quisq; profectò

Est Deus: ignavis præcibus fortuna repugnat. Et alius. *Omnis fortuna in sensu sapientis habitat.* quâ mente & Poëta dixit: *Suis cuiq; fortuna fingitur moribus.* Emblema igitur hoc Aulicæ felicitatis typum refert. Honores certè instar arboris sunt. Ut enim hanc non nisi magno labore conscendas: ubi conscenderis, majori periculo in eâ consistas: maximo discrimine fructum ejus decerpas: faciliè enim ex imprudentiâ ramum aridum pro viridi & sano arripias: exinde casus & vitæ jactura: Sic Honorem, Virtutis præmium, qui capessere vult; multis & assiduis actionibus honestis eum compareret sibi necesse est: ardua virtutis via: quam nisi prudentia regat, in devia faciliè pervenias. In capessendis aulæ honoribus maximè ennitendum; ut suâ fortunâ quisque rectè utatur: qui enim rectè uti sciverit, meritò lætabitur: qui secus, dolebit. *SIBI QUE IMPUTE T*, quòd vel insolentiâ, vel negligentia, vel aliâ quapiam re, animum Principis à se alienum reddiderit, & intempestivâ, vel imprudente ratione commodis suis ipse obstitit. *Eum enim, qui suâ ipsius culpâ damnum sentit, damnum non sentire: quo ad juris considerationem, qua huic damno non patrociniatur* scribit Pomponius lib. 8. ad Quint. Mucium. quod confirmatur in l. qui proprio. ff. de procurat. l. inter coheredes. §. quod ex facto. ff. fam. ercisc. l. si communis ff. de nox. actio. Equum enim est, ut qui propriâ culpâ damnum patitur, de se ipso queratur, ac pro eo habeatur, quasi passus non sit: occasionem enim præbuit, & sic voluisse videtur. *volenti autem non fit injuria* l. 1. §. usq; ad eò ff. de injur. Hippol. à Coll. hinc post Decium & Ferrarium. de R. I. Notent & aulici Scalam hanc.

EMBLEMA. LIII.

JUNCTIS VIRIBUS.



Maximus in Regem populi tunc cernitur ardor:
 Cum belli & pacis tempore poscit opem.

Hunc si Consiliis, opibus, si pectore forti,
 Servandam ob patriam sponte juvare cupit.

Et merito! quoties nam publica causa laborat;

Vix sine privata clade perire potest.

Viribus hanc igitur junctis, opibusq; levare;

Civis opus grati est, est pietatis opus.

Ec

Cum

Val. Max. lib.
5. cap. 6.

Cum Secundo bello Punico Romanorum ærarium exhaustum esset, propter belli diuturnitatem: tota Civitas tanto patriæ amore flagravat; ut Viri sœminæque, quicquid auri argenteive habuerint: item pueri, Insignia ingenuitatis, (ea fuere Bulla ex auro vel argento, figuram cordis representans, quam ante pectus annectere solebant; ut hanc inspicientes, ita demum se homines cogitant, si corde præstarent: hinc & de eâ Persius scribit.

Cum primum pavido custos mihi purpura cessit,

Bullaq, succinctis laribus donata pendit.)

Macrobi:

contulerint: ac ne beneficio Senatus, (qui muneribus functos tributum onere liberaverat,) quisquam uti voluit: sed insuper id omnes promptissimis animis præstiterunt. Quid ad amplitudinem nominis Romani & gloriam adijci potuit majus? quid ad splendorem ejusdem illustrius? quid tandem ad immortale decus Pop. Rom. solidius accedere potuit? nisi hoc, quod tam naturæ legibus, quàm honestati & utilitati communis Patriæ congruum, Keip: Rom. apud posteritatem famam æternam & laudem perennem pareret. Insidebat enim pueris & sexui sœminino generosa vis quædam in animis, quæ eorum mentes tacitè extimulabat ad communem patriam juvandam & servandam: nomenq; sibi illustre apud posteritatem quærendum Ratio recta monebat, publicâ salute eversâ, privatorum neutiquam incolumem potuisse subsistere: illamque propriæ anteferendam esse. Nam, ut Pericles apud Thucydidem prudenter monet: *Cum evertitur patria, is, cui privatim bene est, nihil tamen minus & ipse evertitur: cui autem malè, is in illâ prosperè agente, multo magis incolumis est.* Et Cæsar ad suos legatos & Centuriones inquit, apud * Dionem: *Privatim quidem nemo omnium ita potest letis rebus uti, ut non idem cum Repub: corrumpente pereat.* At Respublica si prospero successu utatur, etiam privatorum omnes potest calamitates sublevare. quod semper Romani illi respexerunt antiquiores, præsertim, qui in Magistratu, aut publico aliquo officio constituti erant, omne studium suum eò conferre soliti fuerunt: ut publica commoda, à privatâ utilitate separarent, & illis magis, quam huic studerent. Et ut Val. Max. ait: **AMPLISSIMUM EST PATRIMONIUM ROMANA CONCORDIA,** & paulò

Thucyd. de bello Peloponnesiaco. & Cam. hor. subcis. cent. 2 c. 45.
* Roman. hist. lib. 33.

Val Max. lib.
4. c. 4.

paulò post: *Animi virorum & foeminarum vigeant in Civitate: eorumq; bonis, dignitatis aestimatio, cunctis in rebus ponderabatur: Hæc Imperia conciliabant, hæc jungebant affinitates: hæc in foro, hæc in Curia, hæc intra privatos parietes plurimum poterant. Patrie enim rem unusquisq;, non suam augere properabat: pauperq; in divite, quàm dives in paupere Imperio versari malebat. Atq; huic tam præclaro proposito illa merces reddebatur, quod nihil eorum, quæ virtuti debentur, emere pecuniâ licebat: inopiâq; illustriorum virorum publicè succurrebatur. hæc ille. Unde & Cn. Scipionis filia, cum ex Hispaniâ Senatui scripsisset, petens, ut sibi successor mitteretur, quia virginem adultæ ætatis haberet, neq; ei sine se dos expediri posset: Senatus, ne Respublica bono duce careret, dotem ex ærario publico erogavit. Hæc sanè Benevolentia subditorum erga Principem suum, ubi spontanea est; præsertim rebus necessitate aliquâ belli astrictis; vel alio quopiam urgente casu publico, ut omnes cives porcionem aliquam facultatum suarum, ad bonum publicum promovendum, augendum, vel etiam conservandum, conferant: suaq; promptitudine & studio, necessitatem publicam sublevent: non video, quid firmitus ad dignitatem Imperij servandam, quid ad propulsandam vim hostium fortius, ad ornandam Rempub: ad pietatem erga patriam laudabilius unquam accedere possit? Felicem autem, & multis nominibus populum illum beatum dico, qui apud se sedulò perpendens, res suas in publico bono sitas esse, privatis non parcat opibus; ut publicæ conserventur. Nam qui res suas ex Reipub: statu considerat, illas sine hac nequaquam stare posse intelligit. Et Tacit. rectè ait de Britannis in Agric. *Olim regibus parebant, nunc per Principes factionibus & studiis trahuntur. Nec aliud adversus validissimas gentes pro novis utilius, quàm quod in commune non consulunt. Rarus duabus tribusq; civitatibus ad propulsandum commune periculum conventus. Ita dum singuli pugnant, universi vincuntur. &c: Quantum igitur boni & utilitatis Reipub: accedit ex amore, pietate & benevolentia Civium in patriam: tantò plus incommodi & periculi quoq; emergit, dum quisq; rebus suis privatistantum studens, publica bona negligit: & necessitatem publicam, belli præsertim tempore, cum ærarium exhauritur, sublevare detrectat.**

Camer. hor.
suc. cent. 1.
c. 32. ex Gagin.
vino in hist.
Francor. lib.
9. c. 3.

Concordia tutissimum præsidium Reipubl: est cujusq; : quæ ubi animis civium idem sentientibus, Re & Facto fuerit demonstrata Principi; hostiles acies, & quicquid adversi Respublica habebit, omninò cedere cogentur. Hinc Emblemate hoc, manibus multis Coronam sustinentibus, vel levantibus: Commune bonum noto. Principes enim tutiùs res bellicas & pacatas peragere, extra omne dubium est; cùm subditi, amore, obsequio, benevolentia & opibus, alacres ad juvandam publicam utilitatem sese offerunt. Ut enim oculi plus vident, quam oculus. Et multæ manus plùs efficiunt, quàm una. Ita in conservandâ salute publicâ, cùm cives unanimi consensu & auxilio studia sua præstant; fieri nullo modo potest, quin illæsa & tuta maneat contra vim externam. Addidi SYMBOLUM, JUNCTIS VIRIBUS. Ubi enim commune periculum, commune adesse debet ad propulsandam vim auxilium. Hinc & Ovid:

Et quæ non prosunt singula, multa juvant.

Ut itaq; subditi Principes suos re & opibus tempore necessitatis juvent, ratio suadet. Hoc enim pietatis officio neglecto, idem eis evenire necesse est, quod membris corporis, cùm alimenta ventriculo subtrahuntur. * Seneca. *Homo in adjutorium mutuum generatus est.* * Idem. *Hoc ab homine exigitur, ut prosit hominibus, si fieri potest, multis: si minùs, paucis: si minùs, proximis: si minùs, sibi.* * Idem. *Omne hoc, quod vides unum est, membra sumus corporis magni, natura nos cognatos edidit, cùm ex iisdem, & in eadem gigneret. Hac nobis amorem indidit mutuum, & sociabiles fecit: illa æquum justumq; composuit, ex illius constitutione miserius est nocere, quàm ledi, ex illius imperio parate sunt juvantis manus. Iste*

versus est in pectore & in ore sit: Homo sum, humani nihil à me.

alienum puto. habemus id commune, quod nati sumus.

Societas nostra lapidum fornicationi similissima est, quæ casura, nisi invicem obstarent.

hoc ipso sustinetur.

* Seneca de
Ira. l. s. 23.

* Id. de vit.
beat. 30.

* Id. lib. 15.
epist. 96.

EMBLEMA. LIV.

SIC CONTERIT ÆTAS.



Ortus regnorum, progressus & ultima finis,
 A solo pendent hac moderante DEO.
 Quæ quantumq; diu benè firmâ lege regantur;
 Attamen hac tandem certaruina manet.
 Cernis ut annosa jam summa cacumina quercus
 Arent, & medio corpore rupta ruit!
 Hac immota quidem quàm-plures floruit annos.
 Se terræ inclinans, nunc peritura cadit.

Ec 3.

Cum

Cùm Justinianus Cæsar Gelimærem Vandalorum Regem, vinctum catenis unâ cum uxore & regiâ familiâ in triumpho duceret: in conspectum Imperatoris ductus pleno ore risit. Cùm itaq; cum ingenti dolore perculsum, mente captum esse putarent: ferunt illum dixisse: se ridere fortunæ humanæ vicissitudines: ut qui modò Rex fuisset, jam serviret. Sesostris Rex Ægypti, cùm aliquando curru veheretur, qui à quatuor regibus captivis trahebatur, atq; unus ex illis Regibus, sæpè respiciens rotam intueretur, interrogatus à Sesostri, cur toties respiciat? Intuens, inquit, rotæ volubilitatem, in quâ citò ea, quæ summa fuerunt, fiunt ima, cogito de fortunâ nostra. Hac admonitione motus Sesostris, factus est moderatior, & Reges liberavit. Magnus in illo animus, fortunæ varietatem solidè ferens & contemnens; in hoc humanarum rerum fragilitatis agnitæ laudatur consideratio: Fatig; & Necessitatis in humanis rebus, suo modo sese exerentis, diligens cogitatio. * *Æterna enim lex à principio dicta omni huic Mundo, nasci, oriri, aboriri: nec quidquam stabile aut firmum arbitrer ille rerum esse voluit, præter ipsum. cuius est proprium: erecta deicere, dejecta erigere. Omnia ista, quæ suspicis, quæ miraris, vicibus suis aut pereunt, aut ceriè mutantur.* * *Omnibus creatis hoc est ingenium, ut inscitâ quadam vi ad mutationem ferantur & casum. Ut ferro consumens quadam rubigo per naturam agnata est: ligno exedens caries, aut teredo: sic animalibus, opidis, regnis, internæ & suæ causæ pereundi. Supera, infera, respice; grandia, parva; manufacta, aut mente: ab omni ævo corruunt, & corruent in omne ævum. Imperiorum & regnorum principia, progressus, mutationes, everisiones si diligentius consideraverimus: fatebimur pleraquæ à parvis initijs crevisse, à mediocribus causis conservata, à levibus sæpè everfa, aut translata fuisse. Resq; publicas potentiores (quod supra quoque notavi) quingentis annis plerunq; floruisse, plurimas hunc terminum non attigisse paucissimas superasse. Annos 520 Assirij tenuerunt Asiam: postea Mediam occuparunt illis excussis. Medorum potentia annor. fuit 220. Monarchia Persica, quæ è Cyrousq; ad Darium ultimum, opibus & potentiâ floruit annos 230. armis Alex. Magni dissoluta curruit. Græcorum Monarchia 250 annos duravit, vel circiter, inchoata ab Alexan-*

* Lips lib. 1.
c. 16. in pr. de
Constantiâ.

* Idem, cap. 15.

ab Alexandro: tandem post dimicationes longas, ad distinctos Macedonia, Syria, Ponti & Ægypti Reges devoluta. Annis 500. ab expulsiis Regibus, usque ad Monarchiam Augusti, rexerunt Rempub: Romanam Coss. formâ gubernationis mixtâ ex Aristocraticâ & Democraticâ. Annis ferè 500 elapsis ab eo tempore, quo Constantinus Imperij sedem Constantinopolin transtulit ex Italiâ, Carolus Magnus, victis & domitis Longobardis, qui Gotos ante debellatos depulerant, Imperium occidentis in libertatem asseruit & instauravit. * Regnum Poloniæ Ducibus antea parvit, donec tandem sub Boleslao Chabri dicto, in formam Regni redactum: ipse quoq; Boleslaus * ab OTHONE IMPERATORE ROM: Coronam regiam accepit, eaq; insignitus, Primus POLONIÆ REX fuit. Marchionatus Moraviæ Regnum antea fuit. sub Vratislaô II in Bojemiam translatum est: & ex Bojemico Ducatu regnum, ex Moravico verò regno Marchionatus factus est. Quin ista summo rerum omnium moderatore & arbitro fiant, nemo sanæ mentis negare potest: qui pro inperscrutabili, & liberimâ voluntate suâ Reges & regna constituit, constituta destruit, & destructa erigit, nemine nostrum sciente, cur ita faciat: nisi ut sciamus & credamus, eum esse Dominum rerum, & regum, & liberrimum agens. Vos igitur, ut * Lipsius ait; *qui in Regno aut Republicâ, scite: ferri & volvi omnia sursum, deorsum, & nullius rei eodem semper loco stare fortunam.* &c: Nil vobis hoc in fragili rerum statu solidi promittitote, præter factorum piè, honestè, laudabiliter, quod est verè regiè, gestorum gloriam; & nominis vestri apud posteritatem, immortalè & solidam famam. Si sceptro, si opibus, si populis superbitis, fallax ex ijs, & non diuturna voluntas. Temporis ista omnia sunt dona & rapina, imò minæ. Flectite oculos in vestri generis Imperatores, Reges, Principes, Duces: sortis vestræ vicissitudinem cognoscetis. Africæ Sultanus veteri & felicissimo regno exiit & vitâ. Bajazethes Turcorum Imperator cavæ inclusus, ludibrium circumvectatur. Cræsus opulentissimus ducitur captivus. Crassus antea ditissimus, pauper obit. Belisarius stipem petit oculis privatus! Exempla sunt infinita mutatae fortunæ, rebus in humanis lascivientis; quæ hîc omnia conferre unum in acervum, longum nimis foret. Præteriti tantum

* vide Cro-
merum, Mi-
echovium,
Gagninum, &
alios de rebus
gestis Polono-
rum.

* Anno Chri-
sti 999.

* Lips. in not.
Polit. ad lib.
I. pol. c. 4.
mihi fol. 13.

seculi ab anno 1500 tragica exempla virorum Illustrum, si quis recognoscere velit, videat * Speculum Tragicum; vix sine lacrymis leget: & vix sine gemitu fortunam magnorum virorum considerabit. Non solum autem hominibus, (quibus Natura breve vivendi tempus circumscripsit, & vix * ultra 100 an.) Fortuna non verca est: sed & Imperijs & Rebus publ: quarum felicitas, vix tuta ab illa: quin peractâ periodo aut mutantur, aut convertantur, aut transferantur, aut omnino ruant. Quid nunc Græcia? ubi Romana gloria? *Olim* * (Lipſius inquit) *Oriens floruit, & Assyria, Ægyptus, Judæa valere armis ingenisq;: fors ea in Europam tranſiit: quæ tamen ipsa, ut corpora, instante morbo, vibrari mihi nunc videtur, & præſentiſcere magnum suum casum.* hæc ille. Hac ex consideratione Emblemata præſens factum. Quercus nimirum annosa, vetustate corrupta & ruens, quæ hieroglyphicè Imperium & diuturnitatem significat. Per coronam autem, quercum ambientem simulq; disruptam, regnorum lapsum innuere volui & mutationem. Symbolum rei conveniens adjeci. SIC CONTERIT ÆTAS. Nihil est enim, principium habens, cui suus non imminet & impendeat finis. Nam,

Omnibus hunc finem statuit Natura creatis:

Ut cum sint aliquid; sint aliquando nihil.

* 1. de tran-
quil. 11.

* Lib. 14. ep. 92.

* Seneca. *Quod regnum est, cui non parata sit ruina & proculcatio, & dominus & carnis fex? non magnis ista intervallis divisa, sed horæ momentum interest inter solium & aliena genua.* * Et alibi: *Quicquid longa series multis laboribus, multa DEI indulgentia struxit, id unus dies spargit ac dissipat. Longam moram dedit malis prope- rantibus, qui diem dixit horam, momentumq; temporis evertendis imperiis sufficere.* Curtius. *Magnæ arbores diu crescunt, unâ horâ extirpantur.*

F I N I S





SPECIAL

93-B

8135

